


VEGA. OPVSCVLVM DE IVSTIFICATIONE Venet, 1546

26
398
BIBLIOTECA NAZIONALE
FIRENZE






Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.398




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.398



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.0.398

2
6
398
BIBLIOTECA NAZIONALE
CENTRALE - FIRENZE

2. 6. 398



OPVSCVLVM DE IVSTIFI-

CATIONE, GRATIA, ET MERITIS AVTORE

*F. Andrea Vega ordinis Minorum regu-
laris obseruantiae ex alma prouincia
sancti Iacobi, sacrae theologiae
magistro Salmaticensi.*

*Summam quaestionum, quae in hoc opere tractantur,
proxima pagella lector tibi indicabit.*

FVIT EXAMINATVS ET APPROBA-
tus hic libellus per Reuerendiss. D. Ioannem casam archi-
episcopum Beneuentanum, Venetijs apostolicae sedis lega-
tum, & per reuerendum admodum patrem magistrum Ma-
rinum Venetum hereticae prauitatis inquisitorem, & ex licen-
tia Excellentiss. D. Capitum Illustriss. Cons. Decem.



VENETIIS. M D X L V I.

OPUSCULUM DE IUSTITIA

CATIONE GRATIA ET MERITO AVTORIS

F. Andrea V. ordinis Minorum regni

latis obsequiis ex alia provincia

Jacobi Jacobi, sacre theologie

magistro Salmaticensi.

Summam questionum que in hoc opere tractantur

proxima pagella lector tibi indicat.

FUIT EXAMINATUS ET APPROBATUS


hic libellus per Reverendiss. D. Joannem casim. archie-

episcopum Bencianensem, Venerabilis apostolicæ sedis legat-

um, & per reverendum admodum patrum magistrum Lys-

ium Venerabili hęcicę presulatis indulgentiam, & ex licen-

tijs Excellentiss. D. Capitulum Illustre. Cons. Decem.



VENETIIS MDCXLV

Quæ in hoc opusculo continentur.

- Prima quæstio.
Quæ fides est illa & qualis cui sacræ literæ & præcipue Paulus tribuit iustificationem hominis. folio. 1.
- Secunda quæstio.
An fides sola sufficiat hominibus ad salutem. folio. 31
- Tertia quæstio.
An fides primum teneat, & præcipuum locum in iustificatione hominis. folio. 98
- Quarta quæstio.
An fides meritoria sit apud Deum uel gratiæ uel beatitudinis. folio. 115
- Quinta quæstio.
An fides in iustis meritoria sit ex cōdigno beatitudinis. f. 133
- Sexta quæstio.
An fides & alia opera concurrentia ad iustificationem peccatoris meritoria sint ipsius iustificationis. folio. 145
- Septima quæstio.
An fides & alia opera quibus disponuntur peccatores ad gratiam, sint meritoria saltem ex congruo, suæ iustificationis. folio. 185
- Octaua quæstio.
An possit homo per proprias uires naturales absq; Dei adiutorio speciali facere quæ necessaria sunt ex parte sua, ut iustificetur, & ad gratiam Dei perueniat. folio. 215
- Nona quæstio.
An possimus per uires solas naturales cum communi Dei influentia credere fidei nostræ. folio. 221
- Decima quæstio.
An necessarium sit auxilium Dei speciale ad diligendum Deum super omnia. folio. 231
- Vndecima quæstio.
An ad ueram pœnitentiam nostrorum peccatorum sufficiant uires nostræ naturales cum communi Dei influentia. folio. 239

Duodecima quæstio.

An necessaria sit gratia auxiliij specialis ad quodcunq; opus bonum, & ad uincendum quauis tentationem, & implendum quodcunq; mandatum, & uitandum quodcunq; peccatum. folio. 259

Tertiadecima quæstio.

An necessaria sit gratia gratumfaciens, ad implendum præcepta diuina. folio. 274

Quartadecima quæstio.

An iustificatis necessaria sit gratia auxiliij specialis ad implendum præcepta diuina, uincendum tentationes, perseuerandum in iustitia, & generaliter ad uitandum peccatum & bonum operandum. folio. 287

Quæstio quintadecima.

An iusti mereri possint suam in bono perseuerantiã. fol. 293.



ILLVSTRISS. AC REVERENDISS. D.D.

Petro Paccoco, S. R. E. presbytero Cardinali, &
Giennensi præfuli, patrono, ac domino suo co-
lendissimo F. Andreas Vega salutem
in domino, & felicitatem.



Nter cætera hæreseon monstra, quæ iam olim ope-
ra doctorū Ecclesiæ sepulta, ab ipsis uelut inferis,
cū magna religionis nostræ perniciæ periculosissi-
mis his temporibus suscitata sunt, non minimū il-
lud est illustrissime, & amplissime præsul, sed forte maximum,
ac cæterarū penè omnium hæresum nostræ tempestatis fons,
& origo, fidem solam ad salutem cuius sufficere. Hoc ex er-
rore pleriq; huius temporis hæretici, falsa quadam specie liber-
tatis seducti, & seducentes multos Ecclesiasticos ordines &
consuetudines, iura & priuilegia pontificia, religiosorum uo-
ta & instituta, quin & ipsa sanctissima Christi sacramenta con-
temnere, subsannare, prophanare, seq; ipsos iam olim Deo di-
catos, proh dolor, proh pudor, libidini, & uoluptatibus car-
nis consecrare, & mancipare sunt ausi. Neq; mirandum sanè.
Quid enim uereatur, quid formidet, immo quid non despi-
ciat, & pro nihilo habeat, cui semel persuasum fuerit, fidem si-
bi solam ad iustitiam sufficere, neq; interclusum esse ulli, quan-
tūuis magno sceleri, aut temeritati, regni coelorum ingres-
sum? Neq; ab his adeo longe absunt, qui dicunt, ad primam
quidem iustitiam, seu iustificationem sufficere solam fidem,
non autem ad secundam. Si enim ad comparandum iustitiam
primam sufficit fides sola, non erit necessaria pœnitentiā, neq;
erunt necessaria alia bona opera, immo sufficet fides sola ad
eam iustitiam conseruandum, & tuendum, & ex consequenti
ad iustitiam secundam. Nemo enim potest perdere iustitiam,
eo in se manente, quod satis est ad consequendum iustitiam.
Neq; ista tam aperte absurda uitant, qui dicunt ista esse intel-
ligenda de fide uiua, quæ per dilectionem operatur, & non de
fide mortua, aut, ut ipsi uocant, historica. Qui, ut ingenue di-
cam, quod sentio, his uerbis miseris plebes decipiunt, quæ exi

stimant eos asserere, non esse necessaria bona opera ad iustitiam, sed fidem omnino solam sufficere, & aperte sibi ipsis aduersantur. Si enim necessaria est ad iustitiam fides uiua, necessaria sunt profecto bona opera, neq; sufficit fides sola. Fides enim uiua non est sola, sed coniunctam habet caritatem, & reliquas uirtutes. Et si ad iustitiam necessaria sunt bona opera, & ipsis ergo tribuenda est ex parte iustificatio nostra, & non fidei soli. Dicant, quodcumq; uoluerint, aduersarij. Excusent, quocumq; libuerit, colore perniciosa hæc sua dogmata. Fides sola iustificat. Fides sola satis est ad iustitiam. In aperto est, ac planè conspicuum multos fuisse propter illa optimis meritis frustratos, & à recta fide decessisse, neq; intellexisse, quæ esset uera uia ad gratiam, & iustitiam Dei consequendum. Atq; hæc una uel maxima fuit nobis causa, ut intermissis omnibus alijs studijs, huic opusculo de iustificatione, gratia, & meritis, totus omni uis, & ope nostra aliquot menses intenderim. Quòd in his plerofq; passim labi, & ab hæreticis seductos esse certo intellexerim. Et à capite iucunda mihi fuit ratio aduersus hæreticos. Ibiq; neruus omnes nostros, & conatus intendere in primis decuit, ubi acrius, & frequentius hostes fidei insistent, & se de nobis triumphare facile credunt, undeq; certius & grauius, & maius periculum fidelibus animabus impendere manifesta luce conspicimus. Quàm autem hæc argumenta commode tractauerim, aliorum esto iudicium. Tam multis enim eruditione, & pietate præcellentibus uiris undecumq; confluentibus in hanc præclaram, & felicem, uel hoc nomine Tridentinam urbem, alios quidem sperare licet fore, qui œcumenicæ synodo in ipsa felicissime modo coeptæ aurum, & argentum, & lapides pretiosos offerant, alios qui byssum, & purpuram, alios qui coccum, & hyacinthum. Nobiscum bene agitur, si dum maiora, & meliora adornamus, pro paupertate interim, & tenuitate nostra, ut fidem nostram, & affectū, & pietatem in sanctissimam hanc synodum manifestam faciamus, uel pelles, uel caprarum pilos offeramus. In tabernaculum Dei offert unusquisq; quod potest, ait Hieronymus: Et nos quidem in paucis his quæstionibus, quas hic tractauit

mus, quod potuimus, certe præstitimus. Quanquam enim non omnia persecuti sumus, quæ ad hæc argumenta spectarent, sed ea duntaxat, quæ satis esse uisa sunt, ad eas quæstiones, quæ inter nos, & hæreticos huius temporis præcipue controuersæ sunt, quæ quæ secundam aliquam manum, & accuratiorum quampiam diligentiam desiderare uidebantur, tamen in his ne actum agere uideremur, inseruimus per multa, quæ ad expositionem, & germanam intelligentiam multorum locorum scripturæ, & præsertim Pauli, conducent, & nonnulla, (absit inuidia uerbo) scholastico stylo primi omnium, quos legerim disputauimus, & ad certissimam sanctarum scripturarum fidem expendimus, & examinauimus. Et quoniam beato Augustino acerrimo catholicæ fidei defensori, hanc notam plerique huius temporis hæretici inurere conati sunt, ut ille suis ipsorum dogmatibus, immo factionibus, & pestilentissimis doctrinis fauisse uideatur, in gloriam huius clarissimi doctoris, & ut eum ab hac iniuria aperte uindicarem, adnixus sum ubique, quantum ille toto cælo ab eorum sectis dissideat, ostendere. Quo quæ id luce clarius cunctis constare possit, omnia ferme, quæ ille docuit de iustificatione nostra, gratia, & meritis, in libris, quos multos de his rebus edidit, sub quodam compendio lectori ob oculos posui. Ea uero ratione tibi præsul clarissime hanc qualicumque opellam dicaui, quæ singulari tuo in me amore, & eximijis tuis in me, & in totum nostrum ordinem beneficijs, ita me tibi addictum, obstrictum, & obgratum esse intelligo, ut quidquid à me boni proficiscatur, id totum ex a se, & summo quidem iure sit tuum. Et alioqui cum clarissimos tuos Paccorum, & Gueuarensium natales, felicissimum tuum ingenium, ac mire dextrum, & in omnia uersatile, iudicium in omni genere rerum singulare, tenacissimam memoriam, inauditam consilij uim, peritiam utriusque iuris, & præsertim canonici, non uulgarem, absolutissimam rerum humanarum prudentiam, & quod ego multo quidem maximi facio, cum generosum istum tuum, & erectum animum, feruensque fidei studium, et religionis ardentem zelum, honestissimorumque morum integritatem, humanitatem, suauitatem, & sanctita-

tem mecum contemplor tacitus, intelligo profecto aptissime tibi, si cuiquam alij, opusculum de iustificatione, gratia, & meritis consecrari. Optime enim respondent titulo huius libelli, & iustitia, & gratia, & præcellentia merita tua. Tam singulari nanq; es, & tam rara gratia apud Deum, & homines, ut sanctissimus papa noster Paulus huius nominis tertius ad præcellentis Giennēsis diœcesis honorificam episcopi, qua fungeris dignitatem, & hoc quoq; uelut auctarium his diebus adiecerit, ut te in augustissimum, & amplissimū Cardinalium collegium de omnium eorū consensu, & mirifico omnium Hispanorū applausu cooptauerit. Et præter hoc, tam multa merita, & nomina laudis cumulatissime in te splendent, tam multaq; & tam præclara iustitiæ, & integritatis certissima documenta hæcenus dedisti, ut te inuictissimus, idemq; incorruptissimus imperator noster Carolus huius nominis quintus iam quater uisitatorem, ac uelut censorem instituerit, qui nobilissimum illud omnium bonarum literarum emporium, Salmaticensem dico academiam, nutricem, ac matrem nostrā, illustrissimaq; aliquot ipsius tribunalia ea autoritate uisitares, corrigeres, cōponeres, & conformares, ut iustificare penè posses, quos uoles, & à tuo æquissimo, & incorruptissimo calculo, multorum magnificentissimorum, & ornatissimorum uirorum integritas, merita, gratia, & iustitia penderent. Accipe igitur obseruandissime antistes obsequiolum hoc nostrum multis tibi nominibus debitum, & ut iure gratiam mereatur apud ceteros, benigno fauore tuo, si dignum uidebitur, prosequere. Quod siquid in eo, quæ humana infirmitas est, merito castigandum fuerit, id omne, & humane, ut assoles, & amanter corrige. Et tui enim castigatissimi iudicij, & cuiuscunq; rectius sentientis, & in primis sedis apostolicæ, totiusq; huius sacri concilij certissimæ censuræ, & hæc, & omnia nostra subijcimus. Vale integerrime præsul, decus, & ornamentum nostri sæculi non uulgare. Tridenti calendis Ianuarij anno salutis, 1546.

TABVLA INSIGNIVM

locorum huius opusculi secundum
ordinem alphabeti.

A

- A** Cceptio personarum non habet locum in gratuitis. pa. 174
Augustinus aperte fatetur, opera bona iustorum esse
meritoria. pag. 143
Augustinus, Pelagianicum censuit, gratiam primam dari se-
cundum merita. pag. 146. et. 147. et. 164
Augustinus, non retractavit hanc propositionem, fides me-
retur iustificationem, immo expresse illam asserit. pa. 191. et. 192
Augustinus, omnia merita ex gratia esse, & gratiam priorem
esse omnibus meritis aperte asserit, sed loquitur de gratia
gratis data, non de gratum faciente, uel de meritis simplici-
ter, & non de meritis ex congruo. pa. 198
Augustinus non credidit, ad omne opus bonum moraliter re-
quisitam esse gratiam auxilij specialis. pag. 260

B

- B**aptismus nulli adulto est dandus sine preuio catechismo fi-
dei, & morum, et sacrilegium est eum conferre existentibus
in mortali peccato. pa. 95. et. 96
Beatitudo merces dicitur saepe in scriptura. pa. 122
Beatitudo promissa nostris operibus. pa. 141
Non datur omnibus beatis aliquis gradus gloriae supra eos,
qui debentur meritis, & gratiae, in qua quis decedit. pa. 139
Deum praemiare supra condignum, & punire citra condi-
gnum, quomodo sit intelligendum. pa. 139. et. 140
Beatitudinem deus debet iustis, sed potest nihilominus eam
non dare. pag. 142. et. 143
Beatitudo sanctorum multis nominibus potest appellari
gratia. pag. 144
Nullus est beatus, qui non habeat aliquam partem gloriae, si-
ne meritis ex condigno. pag. 183

C

- C**ertitudo de iustificatione nostra, neque necessaria est, neque uti-

*

T A B V L A

- lis ad iustificationem.
- Confessio necessaria ad salutem iure diuino ostenditur.
- Contradicunt sibi hæretici, dum dicunt fidem sine operibus
sufficere ad salutem, & tamen non iustificare nisi solam fi-
dem uiuam. pag.
- Ad credendum necessaria est gratia diuina. pag. 223
- Euidens est credendum esse fidei nostræ. pag. 222. et. 230
- Credere fidei nostræ est honorificum, iucundum, & facile, scien-
ti argumenta pro fide nostra. pag. 107. et. 108.
- Credere Deo, & credere Deum, & credere in Deum, quomo-
do distinguantur. pag. 60.
- D
- Dilectio Dei super omnia haberi à nobis non potest ex solis
uiribus naturalibus. pag. 232
- Dilectio Dei super omnia sufficit reponere hominem in gra-
tia. pag. 110
- Dilectio Dei super omnia conformis est inclinationi na-
turali. pag. 237
- Diligere Deum super omnia difficilius est, quã diligere crea-
turam super omnia, & unde hoc sit. Ibidem.
- Dilectio Dei super omnia est perfectissimus actus, qui potest
haberi in uia. pag. 233.
- F
- Fidei nouem notandæ acceptiones. pag. 1
- Fides pro credulitate quadrupliciter diuiditur. pag. 8
- Fides habitualis non conuincitur ex scripturis. pag. 12
- Fides per dilectionem operatur, prius natura, quàm sit for-
mata. pag. 16
- Fides humana distinguitur ab opinione. pag. 9
- Fidẽ manere in peccatoribus, conuincitur ex scripturis. pa. 10
- Fidei diuisio in informem, & formatam nihil malı attulit Ec-
clesiæ, & fundata est in autoritate Ambro. multoq; me-
lior est, quàm fidei diuisio recens inuenta in historicam,
& Euangelicam. pag. xi.
- Fidem habitualemente infundi paruulis in baptismo diffinitum
est ab Ecclesia esse probabilius. pag. 12.

T A B V L A

- De fide habituali possunt commode exponi aliquot loca scripturarum, sed eadem commodius exponuntur de actuali. pag.12
- Fides, cui tribuitur iustificatio, non est promissio, neq; fiducia, neq; complectitur caritatem. pa.19.et.20.et.21
- Fides, cui tribuitur iustificatio, non est credulitas, qua quis credit remissa sibi esse, uel remittenda sua peccata. pag.22
- Fides, cui tribuitur iustificatio, est præcipue fides unius mediatoris. pag.26
- Sine fide Christi explicita, uel implicita nemo saluat. pa.29
- Non soli fidei mediatoris tribuit scriptura iustificationem, sed & aliquos fide aliorum reuelatorum ostendit iustificatos. pag.29.et.30
- Fidem sine operibus sufficere ad salutem antiquissimus fuit error. pag.31
- Fidem sine operibus non sufficere ad salutem ex Euangelicis literis sex uis ostenditur. pag.33
- Fidem sine operibus non sufficere ad salutem apostoli manifestissime docuerunt. pag.38
- Fidem sine operibus non sufficere ad salutem lumine naturali constat. pag.46
- Fides opus est Dei, & distinguitur tamen ab operibus, sicut Iudas ab Israel. pag.77
- Fidei conuenienter tribuitur iustificatio. pa.77.et.89.et.113
- Fides primum locum tenet in iustificatione hominis, sed non potissimum. pag.102
- Fidei tribui scriptura iustificationem sæpius, quam alijs uirtutibus propter quinque causas. pag.110
- Fidem solam iustificare nunquam legitur in scripturis, sed si quando legatur apud sanctos doctores, quomodo id sit intelligendum. pag.66
- Fides meritoria est ex congruo nostræ iustificationis. pa.210
- Ante fidem nullum est meritum. pag.199
- Fides propria plus apud Deum ualet, quam aliena. pag.178
- Fides non habetur ex meritis, neq; ex solis uiribus naturalibus. pag.223

* ij

T A B V L A

- Fides maximum est testimonium gratiæ diuinæ. pag. 113
- Fiducia in nobis ipsis stulta est, & illicita, in nostris autem meritis, quatenus innituntur meritis Christi, & absolute, & conditionaliter collocari potest. a pag. 128. usq; ad. 132
- Fiducia in operibus, quatenus sit à gratia Dei bona est. pa. 85
- G
- Gratia noui testamenti appellatur à Paulo nouum testamentum, & lex scripta in cordibus. pag. 82.
- Gratia gratum faciens, quo differat à gratis data. pa. 149
- Gratiæ iustificationis tres acceptiones notandæ. pa. 149
- Gratiam iustificationis non dari secundum merita, quadruplici uia ex scripturis ostenditur, autoritateq; Ambro. Hieronymi, Augustini, & multis alijs argumentis firmatur. a pag. 154. usq; ad pag. 173
- Gratia prima gratis data antecedit omne meritum. pa. 186
- Gratiæ gratis datæ, quibus iustificamur, duplices sunt. pa. 199
- Nulla gratia gratis data cadit sub merito ex cōdigno. pa. 199
- Aliquæ gratiæ gratis datæ dantur à Deo propter merita ex congruo. pag. 200
- Gratia gratum faciens, an detur propter merita ex congruo, nec ne, quæstio est de nomine. pag. 185
- Gratiam gratum facientem, qua formaliter iustificamur, mereri possunt peccatores ex congruo. pag. 190
- Gratiam iustificationis mereri potest iustus peccatori, ex congruo tamen, et tantum mediate. pag. 178
- Gratia gratū faciens non coëfficit suas dispositiones. p. 182
- Dispositio ultimata ad gratiā non est meritoria gloriæ de cōdigno, pro primo instanti ipsius gratiæ. Ibidem.
- Gratiam nemini dari nisi per meritum, aut sacramētum, quomodo sit intelligendum. pag. 180
- Gratia gratum faciens, an requisita sit ad alicuius mandati impletionem uide in uerbo mandatum.
- Gratia auxiliij specialis requisita est ad dilectionem Dei super omnia. pag. 232
- Gratia auxiliij specialis necessaria est ad credendum. pa. 223
- Gratia auxiliij specialis opus est ad uerā poenitentia. pa. 240
- Gratia

T A B V L A

Gratia diuina non egemus ad quodcunq; opus bonum moraliter. pag. 259
 Gratia gratis data egemus ad perseuerandū in gratia. p. 291.
 Gratia gratum faciens potestatem dat ad aliqua bona opera, ad quæ requisitum esset auxilium Dei speciale in peccatoribus. pag. 289
 Gratia sunt agenda Deo pro omni opere bono. pag. 268
 Gratia agenda sunt Deo, etiam pro his, quæ solo concursu generali facit. Ibidem.

H

Humana miseria, & imbecillitas graphice describitur.

I

In pure infidelibus possunt inueniri aliqua opera bona moraliter. pag. 213
 Iustificationis gratia tripliciter accipitur. pag. 149
 Iustificare Deus neminem tenetur, neq; hoc unquam negauit Pelagius. pag. 151. et. 152
 Iustificari peccatores, conuertentes se ad Deum congruentissimum est. pag. 150. et. 151
 Iustificatur nemo nisi ex meritis Christi. pag. 152
 Iustificationem suam nemo meretur. pag. 154
 Necessaria ad iustificationem nemo potest facere per solas uires naturales. pag. 215
 Iustificari potest homo sex uis. pag. 110
 Iustificationi multa cooperantur, cum quis iustificatur poenitentia. Ibidem.

L

Lex pro lege Mosaica saepe accipitur, sed nunquam pro solis præceptis iudicialibus, aut cerimonia libus. pa. 73. et. 74
 Liberum arbitrium attenuatum est, & infirmatum per peccatum. pag. 216. DD

M

Mādata omnia nemo pōt implere sine Dei gratia. p. 209. DD.
 Mandatorum obseruatio sufficit ad iustificationem. pa. 216
 Mandata diuina merito appellantur iustificationes. Ibidem.
 Mandata aliqua prærequirunt ad sui obseruantiam, gratiam

* iij

T A B V L A

- gratum facientem. pag.277
- Mandata aliqua impleri nequeunt, quin assequatur gratiam, qui ea impleverit. Ibidem.
- Certum est non esse requisitam gratiam gratum facientem ad omnium mandatorum impletionem. pag.276
- Mandata aliqua possunt impleri per peccatum mortale. pa.280
- Pot peccator paruo aliquo tempore manere sine noua mandati alicuius transgressioe, sed non diu. pa.271.et.284
- Nihil Deum nobis mandasse impossibile, ex sacris literis, & ex doctoribus sanctis apertum est. pag.217
- Meritum quid sit. pa.115
- Meritoria non sunt opera, quae non sunt libera. pag.116
- Meritum de digno nihil necesse est ponere, sed satis est diuidere meritum in meritum de congruo, & meritum de condigno. p.119
- Meritoria esse opera iustorum ex sacris literis conuincitur. pag.122.et.123
- Merita Christi non minuit, sed magnificat, qui asserit iustos uere mereri apud Deum. pag.126
- Meritoria sunt beatitudinis ex condigno opera bona facta in gratia. pag.133
- Reparationem post lapsum mereri sibi posse iustum problema est. pag.178.et.179
- Ad meritum de condigno non satis est praesentia gratiae gratum facientis, & bonitas actus.
- Non omne meritum requirit auxilium Dei speciale.
- Merita ex congruo duplicia sunt. pag.210.et.211
- O
- Sola opera, quae quis facit sine auxilio gratiae diuinae exclusit Paulus a iustificatione. pag.
- Pro eodem accepit Pau. non iustificari ex operibus, & non iustificari ex operibus legis. pag.75
- Opera iustorum tripliciter possunt considerari.
- Opera bona iustorum solum sunt meritoria ex condigno, quatenus innituntur promissioni diuinae.
- Opera necessaria esse ad salutem ex sacris literis, & lumine naturalia apertum est. pag.33.et.46
- Oratio

T A B V L A

- Oratio pro nobis, & pro alijs testimonium est necessitatis gratiæ diuinæ.
- Orationum Ecclesiæ utilitas.
- Orationis magna ubiq; & semper necessitas. pagina. 213. et. 214. D D. et. 229.
- Orandum est diuinum auxilium ad omne opus bonum, sed potissimum ad præcellentia. pag. 259
- Non ad omne opus bonum est necessaria gratia. Ibidem:
- P
- Papa errare non potest in diffinitionibus fidei. pag. 155
- Parabola hominis, qui descendit ab Hierusalem in Hiericho, & incidit in latrones exponitur. pa. 172. et. 216. D D.
- Peccata merito appellantur tenebræ. pa. 44. et. 91
- Peccatorum mortalium & uenialium distinctio ex Paulo cõuincitur. pag. 90
- Perseuerantia in gratia potest cadere sub merito ex congruo, sed non sub merito ex condigno.
- Pelagij errores circa iustificationẽ, gratiam, & merita. p. 146
- Pelagius non errauit in hoc, quod crederet sine gratia gratum faciente nos posse iustificari, & mereri uitam æternã. p. 152
- Pelagius non uidetur concessisse sine gratia, & meritis Christi nos posse consequi remissionem peccatorum & beatitudinem. pag. 154
- Pelagius non negauit remissionẽ peccatorum esse ex gratia.
- Pelagius fallaciter anathematizauit, gratiam Dei dari secundum merita. pag. 147,
- Pelagium pronunciarunt catholicum episcopi quatuordecim, sed ab eo seducti. pa. eadem
- Pelagius reuocauit postea, & docuit, quod anathematizauerat in Palæstino concilio. pag. eadem.
- Petrum post negationem respexit statim dominus, non corporaliter, sed spiritualiter. pag. 249
- Pœnitentia uera requirit auxilium Dei speciale. pa. 240
- Pœnitentia uirtualis quid sit. pag. 209. D D.
- Pœnitentia non est ex nobis, sed ex Deo. pag. 244
- Sine pœnitentia formali, uel uirtuali, nemini patet remissio pec.

T A B V L A

- cati mortalís. pa. 209. D D.
- Pœnitentia annexum habet propositum seruandí omnia mandata. pag. 256
- Quomodo sublit potestati cuiuscunq; peccatoris pœnitere, & tamen hoc non possimus sine auxilio Dei speciali, aptissimis similitudinibus ostenditur. pag. 258
- Prædicator euangelicus unde debeat prædicationem suã auspiciari, & quid potissimum spectare debeat. pa. 112. et. 113
- Prædicator qua potissimum uia peccatores iusflectere debeat ad pœnitentiam. pag. 111.
- Prælatís sufficere ad salutem, si subditos suos agenda, & cauenda doceant, antiquus fuit error. pag. 41
- Purgatoriij ignis temporalis ex Paulo conuincitur. pa. 90
- S
- Scottis non negauit necessitatem auxilij specialis ad dilectionem Dei super omnia pro statu isto. pag. 233
- Scotus non negauit necessitatem auxilij specialis ad pœnitentiam ueram. pag. 242
- Nulla est discordia in scriptura inter Paulum dicentem neminem iustificari ex operibus, & Iacobum asserentem Abraham iustificatum esse ex operibus. pa. 57. et. 58
- Regula notanda ad intelligendum propositiones uniuersales scripturæ. pag. 62
- Sancti omnes ueteris testamenti ad nouum testamentũ pertinent, & re ipsa fuerunt Christiani. pa. 82
- T
- Tentationum uictoria ex Deo est, sed aliquas tamen leues tentationes possumus uincere cum sola Dei communi influentia. pa. 270
- V
- Vniuersalia signa non semper distribuunt pro singulis generum, sed aliquando pro generibus singulorum. pag. 60.

Tabula aliquorum locorum sacrae scripturae;
quae in hoc opusculo magis ex pro-
fesso exponuntur.

Deuteronomij. 30.

Mandatum, quod ego praecipio tibi hodie, non supra te
est, neque procul positum. pag. 239

Ecclesiastici. 15.

Deus ab initio constituit hominem, & reliquit eum in ma-
nu consilij &c. pag. 219

Ioelis. 2.

Omnis, quicumque inuocauerit nomen domini, saluus
erit. pag. 60. 61. et. 62.

Marci. xi.

Omnia, quaecumque orantes petitis, credite, quia accipietis. pa. 2

Lucae. 17.

Cum feceritis, quae praecipita sunt uobis, dicite, serui inuti-
les sumus. pag. 126

Ioannis. 1.

1 Dedit eis potestatem filios Dei fieri, his, qui credunt in no-
mine eius. pag. 10

3 Nemo ascendit in coelum, nisi qui descendit de caelo. pa. 141

6 Nemo potest uenire ad me, nisi pater, qui misit me, tra-
xerit eum. pag. 225

12 Propterea non poterant credere, quia iterum dixit Esa.
Excacauit oculos eorum. pag. 227

15 Sine me nihil potestis facere. pag. 270

Roma. 1.

1 Per quem accepimus gratiam, & apostolatum ad obe-
diendum fidei. pag. 8

Iustitia Dei in eo reuelatur ex fide in fidem. pag. 5

2 Gentes, quae legem non habent, naturaliter ea, quae legis
sunt, faciunt. pag. 219. et. 220

3 Nunquid incredulitas eorum fidem Dei euacuauit? pa. 3. et. 4

Ex operibus legis non iustificabitur omnis caro. pa.

gina. 57. et. 72. et. 75. et. 78. et. 159

T A B V L A

- Lex iram operatur. pag. 79. et. 80. et. 88
 Nunc autem sine lege iustitia Dei manifestata est, testificata
 à lege, & prophetis. pag. 59
 Iustitia autem Dei in omnes, & super omnes, qui cre-
 dunt. pag. 60
 Iustificati gratis per gratiam ipsius. pag. 88. et. 156
 Vbi est ergo gloriatio tua? Exclusa est. Per quam legem?
 Factorum? Non. Sed per legem fidei. pag. 67
 Arbitramur iustificari hominem per fidem sine operibus le-
 gis. a pag. 68. usq. ad. 88
- 4.
- Si Abraham ex operibus legis iustificatus est, habet gloriam,
 sed non apud Deum. pag. 84. et. 158
 Ei autem, qui operatur, merces non imputatur secundum gra-
 tiam, sed secundum debitum. pag. 83. et. 158
 Ideo ex fide, ut secundum gratiam firma sit promissio omni
 semini. pag. 107
- 5.
- Caritas Dei diffusa est in cordibus nostris per spiritum san-
 ctum. pag. 234
- 6.
- Stipendium peccati mors, gratia autem Dei uita æter-
 na. pag. 144. et. 183
- 8.
- Quod impossibile erat legi, in quo infirmabatur per car-
 nem &c. D D. 2. pag. 2.
 Ipse spiritus testimonium reddit spiritui nostro, quod sumus
 filij Dei. pag. 28
 Non sunt condignæ passionis huius temporis ad futuram
 gloriam. pag. 139
- 9.
- Israel sectando legem iustitiæ, ad legem iustitiæ non per-
 uenit. Quare? quia non ex fide, sed quasi ex operi-
 bus. pa. 84. et. 160
- 10.
- Omnis qui credit in illum, non confundetur. pag. 61. et. 62

T A B V L A

II.

Si gratia, iam non ex operibus. pa. 57. et. 83. et. 157. et. 163

Quis prior dedit illi, & retribuetur ei. pag. 140

14.

Omne, quod non est ex fide, peccatum est. pag. 8

1. Cor. 3.

Si quis superædificat supra fundamentum hoc aurum, & argentum, & lapides pretiosos &c. pa. 89. usq; ad. 95

1. Co. 12.

Nemo pōt dicere dominus Iesus, nisi in spiritu sancto. pa. 228

13.

Si habuero omnem fidem, ita ut montes transferā etc. pa. 2

Abundantiū omnibus laborauī, non ego autem, sed gratia Dei mecum. pag. 251

2. Cor. 3.

Non sumus sufficientes cogitare aliquid ex nobis, quasi ex nobis. pag. 228

Litera occidit. pag. 80

4.

Habentes eundem spiritum fidei, &c. pag. 1

3.

Quicūq; ex opibus legis sunt, sub maledicto sunt. pa. 212. DD.

Quoniam autem in lege nemo iustificatur apud Deum, manifestum est. pag. 81

Si ex lege hæreditas, iam non ex promissione. pa. 81. et. 109

At ubi uenit fides, iam non sumus sub pædagogo. pag. 74

Ephe. 2.

Deus autem, qui diues est in misericordia, propter nimiam caritatem suam, qua dilexit nos &c. pag. 157

Gratia estis saluati per fidem. Et hoc non ex uobis. Dei enim donum est, &c. pag. 160

Titum. 3.

Non ex operibus iustitiæ, quæ fecimus nos, &c. pa. 162.

Fidelis est sermo, & de his uolo te confirmare, ut curent bonis operibus præesse, qui credunt Deo. pag. 40

TABVLA

Heb. xi.

Sine fide impossibile est placere Deo.

Iacobi. i.

Si quis indiget sapientia, postulet à Deo &c.

pag. 2

2.

Abrahā pater noster, nōne ex operibus iustificatus est. pa. 57

2. Petr. 2.

Si refugientes coinquinationes mundi, his rursus implicati
superantur &c.

pag. 43

i. Ioan. 4.

Caritas ex Deo est.

pag. 234

Typographus ad lectorem.

Præcor te candide lector, ut ultimam paginam huius opu-
sculi legas, & iuxta illam eum totum corrigas. Adnotauimus
enim ibi diligentissime, quæcunq; fragilitate humana obre-
perant in ipsius excusione menda.

OPVSCVLVM QVINDECIM

QVAESTIONVM DE IUSTIFICATIONE, GRATIA,

ET MERITIS, AVTORE FRATRE ANDREA

VEGA, MAGISTRO SALMANTICENSI

DE FIDE IUSTIFICANTE:

QVESTIO. .I.

*Quæ fides est illa et qualis, cui sacræ literæ, & præcipue
Paulus, iustificationem hominis tribuit?*



Ractaturus de iustificatione hominis, quæ abditissima res est, neque aliunde melius potest constare, quam ex uera & genuina sacrarum litterarum intelligentia, operæ precium me facturum existimaui, si ab expositione fidei, cui eam imputant scripturæ, exordium sumerem, & stylo scholastico, qui ad elucidanda et illustranda obscura cuncta commodissimus est, dicenda omnia complecterer. Pro solutione igitur huius quæstionis, ne in equiuoco laboremus, & multiplicitas huius uocabuli nobis in alijs quæstionibus confusio- nem pariat: & sicut plerisque facit, Andabatarum more errare nos cogat, duo præmittam notanda, inde ad quæstionem ipsam quinque respondebo propositionibus.

Primo igitur notandum est, & ad intelligentiam multorum locorum scripturæ, diligenter memoriæ est mandandum hoc uocabulum fides uarie accipi, & in sacris literis, & apud bonos & latinos autores. Multiplex enim est, & longe inter se distantia significat. Et nouem quidem illius notauimus significationes in sacris scripturis, et in latinis autoribus, sed ex illis priores quatuor celebriores sunt, et frequentiores. Nam reliquæ quinque

A

ab his uidentur fluxisse, neq; admodum longe ab eis distare. Et primo quidem fidei uocabulum solenne est usurpari pro fiducia, seu confidentia, ita ut non multum differat ab spe. Et sic accepit Cicero in oratione pro Quinto Ligario, cum ait, Cuius ego causam animaduertite quaeso, qua fide defendam, cum prodo meam. Et frequens est apud Latinos credere pro fidere, & ut prophanos autores consulto praetereamus, sic fidem accepit Iacobus, cum ait. Si quis autem uestrum indiget sapientia, postulet a deo, qui dat omnibus affluenter, & non improperat. Postulet autem in fide nihil haesitans. Hoc est enim postulare in fide, certa minimeq; dubia fiducia benignitatis diuinae postulare. Sic & saepe uidetur accipi in Euangelio, cum Christus fidei tribuit petentium multa, atq; adeo eximia miracula, quae in confirmationem suae doctrinae, & in eorum auxilium, qui ad eum confugiebant, passim patrabat. Neq; secus uidetur accepisse, cum pollicebatur habentibus fidem sicut granum sinapis, potentiam ad transferendum montes, & cum reprehendit in Petro, & in alijs apostolis modicam fidem. Et Paulus de hac potest exponi, cum ait. Si habuero omnem fidem, ita ut montes transferam, &c. Donum enim quoddam eximiae fiduciae gratis datae, hic uidetur appellare fidem, qua qui pollet, potens est ad transferendum montes. Sic & credere accipitur, cum dicit Christus. Omnia quaecumq; orantes petitis, credite quia accipietis, & euenient uobis. Neque enim hic certum assensum obtinendi, quae petimus, exegit a nobis Christus, ut assequeremur, quae petimus. Esset enim & talis saepe falsa, & leuis persuasio, minimeq; utilis ad impetrandum quae uolumus, sed fiduciam obtinendi ex benignitate diuina, quae postulamus, requisit. Ea enim maxime conducit ad consequendum, quae oramus. Ut enim nos illis opem ferre, naturae nostrae quadam propensione uolumus, qui cum fiducia nos ad eunt, nostrumq; fauorem fiducialiter implorant, ita & deus ipse multo magis eis fauet, & subuenit, benignissimeq; suum auxilium impartitur, qui ad ipsius clamentiam liberalitatq; cum fiducia confugiunt. Et ista est fides, quam Galat. 5. inter fructus spiritus Paulus connumerat, quam & quidam

Iacobi. i.

Math. 17
et Luc. 17.Math. 14
I. Cor. 13.

Marci. 11.

Galat. 5.

animi quamdam tractabilitatem exponunt, quæ pertinaciæ opponitur. Forte quod qui suauibus sunt moribus, leniue ingenio præditi, facile alijs fidant, & hoc ipso se eis faciles, & tractabiles præbeant.

Secundo fides accipitur frequentissime pro fidelitate, & integritate, religioneq; ut sic dixerim, & innocentia, qua fideliter aliqua agimus negocia, & religiose implemus, quæ promissimus. Sic Cicero primo libro de officijs, & in quarto libro de republica. Fides inquit, est dictorum, conuentorumq; constantia & ueritas, & alias frequentissime in orationibus utitur hoc uerbo in ista significatione, dictamq; sic ait, quia per eam fit quod dicitur. Sic & frequenter apud latinos dicitur quispiam bona fide aliquid agere, qui in ea re gerenda, & integre, & fideliter, minimeq; fraudulenter se habet, Seruareque fidem dicitur, qui reddit quod promisit: & uiolare fidem, qui non ea integritate & religione negocia libi credita gerit, quæ requirit fidelitas, quam nobis ipsis in communi consuetudine debemus. Sic & Cicero latinissime & prudentissime dixit. Non est æquum ut alieno potius dolori, quam nostræ fidei, hoc est nostræ integritati & innocentia, consulamus. Et uocatur ista uirtus etiam a latinis ueritas, ueracitasq;. Et manifestissime sic accepit Paulus cum dicit. Nunquid incredulitas eorum fidem dei euacuauit? Sentit enim Paulus, haudquam potuisse irritari fidem, quam deus seruat, in exhibendis, quæ promisit, & implendis, quæ prædixit, propter incredulitatem quorundam Iudeorum. Vnde & statim subdit. Est autem deus uerax, omnis autem homo mendax. Sicut scriptum est, Ut iustificeris in sermonibus tuis. Et in hunc sensum regius psaltes dicit. Omnia opera dei in fide. Sic & Iudas dicit, in suam fidem recepisse Beniamin. Sic ecclesiasticus admonet fidem possidere cum amico, hoc est fideles esse ei: nosq; ei ueraces & integros præstare. Sic & in Hester commendatur fides Mardochei in Assuerum. Et deus queritur per Hieremiam perisse fidem, & ablatam esse de ore hominum. Nempe quod perijt in plateis ueritas, & æquitas non potuit ingredi.

RO. 3.

Psal. 50.

Psal. 32.

Gen. 44.

Eccl. 12.

Hester. 6.

et. 16.

Hier. 7.

A ij

DE FIDE IVSTICANTE

Tertio fides accipitur pro iureiurādo, siue sponſione, qua nos alicui rei faciendæ adstringimus. Sic apud latinos dicitur. Liberare fidem suam, qui implet, & re exhibet, quod promisit: uiolare uero fidem, qui non soluit promissa, neq; præstat conuenta. Quem & perfidum, & infidelem, & foedifragum latini appellāt. Sic & Paulus apertissime fidem accepit, cum de adolescentioribus uiduis, quæ cum luxuriatæ fuerint in Christo, nubere uolunt: aperte pronunciat habere eas damnationem, hoc est damnationi merito subiācere, & illius esse reas, quia primam fidem irritam fecerunt. Vbi manifestū est fidem uocari a Paulo sponſionem, seu uotum castitatis, quo se Christo adstrinxerant. Ideo enim & eas ait, priorem fidem irritam facere, & ea de causa, ut sacrilegas, & reas fracti uoti, damnationi subijcit, quia non præstant, sed soluunt, & uiolant quam ante promiserant castitatem. Accipit, & in hac significatione latinissimus ille autor, qui dixit. Accipe, daq; fidem. Et in hunc sensum dare fidem, seu adstringere fidem dicimur, cum aliquid pollicemur. Et fide publica iter agere, aut causam dicere, Liuium & Salustianum est pro saluo conducto, quod dicunt, hoc est publica securitatis promissione. Possit & sic accipi fides in citata autoritate ex Paulo. Nunquid incredulitas eorum fidem dei euacuauit?

Quarto fides accipitur pro credulitate, siue persuasione, aut assensu firmo, & certo, sed ineuidenti tamen. Et in hac significatione usi sunt isto uocabulo, non solum ecclesiastici autores nobiles, ut Lactantius, Tertullianus, Cyprianus, Ambrosius, Hieronymus, Augustinus, sed & prophani autores latinissimi. Neq; est cur aliqui morosi, ne dicam, superstitiosi nostræ tempestatis Aristarchi hoc uocabulo fides in hac significatione uti caueant. Certe Liuius lacteo eloquentiæ fonte ubiq; manans sic accepit fidem in primo libro suæ historiæ, dicens. Hac inquit, Romulo regnante militiæ, domiq; gesta, quorum nihil absouum fidei diuinę originis, diuinitatisq; post mortem creditæ fuit. Celsus etiā libro septimo, sic fidem accepit, cum ait. Vbi eius rei fides est, hoc est, ubi ea res certa, persuasa, explorataq; fuerit, pridie is puer in ieiunio

continendus, & tum loco calido curatio adhibenda. Sic & Virgilius in quarto Aeneidos. Credo equidem, neq; uana fides genus esse deorum. Et apud Ciceronem, fidem facere, frequentissime legimus pro eo quod est persuadere. Et fidem adhibere alicubi latinissimi quicq; autores pro credere accipiunt, & dignum, eū fide dicunt, cui par sit credere, & optima fidei hominem, cui omnes credunt, fiduntq;. Contra indignum fide, qui non meretur, ut sibi credatur. Et, Fronti nulla fides, dixit quidam.

Conciliare etiam fidem alicui, latinissime quidem dicitur: pro eo quod est facere, ut fides ei adhibeatur, et contra, detrudere, uel derogare fidem alicui, auctoritatem illius minuere: Sexcenta autem sunt loca in euangelicis, & apostolicis scripturis, ubi fides accipitur pro certa, indubitataq; oraculorum diuinorum credulitate. Sed ex multis locis unus poterit ad hoc firmandum esse satis. Is autem est Pauli dicentis. Iustitia enim dei in eo reuelatur ex fide in fidem. Scio uarias assignari huic loco expositiones, tamen si bene expendantur, & precedentia, & consequentia, & totum propositum Pauli in eo loco, probabimus hunc esse uerissimum, & germanissimum sensum illius, quod iustitia dei reuelatur in euangelica praedicatione ex fide praedicatorum in fidem audientium, ex fide annunciantium in fidem obaediensium, ex fide maiorum in fidem minorum, ex fide doctorum in fidem populorum, ex fide prophetarum ueteris testamenti in fidem apostolorum, & pastorum noui testamenti, ex fide praecedentium in fidem sequentium. Cum enim euangelici praedicatores, quae certo, & indubitato credunt de iustitia dei, fidelibus populis edisserunt, & quae illi tradunt, populi credunt, alijsq; contestari fatagunt, panditur nimirum, & manifestatur iustitia dei. Neq; hic quispiam fidem pro fiducia, aut fidelitate, aut promissione potest accipere, quin in sensu absonos, minimeq; convenientes Paulo incidat. Et ipse Paulus quem a sensum siue credulitatem communi uocabulo fidem appellauit, postea capite tertio, & quarto eiusdem epistolae per uerbum credendi, a deo diserte, & clare explicuit, ut nemo, nisi qui plane uelit resiste-

RO. I.

Expositio scilicet Pauli.

re aperto lumini, dubitare possit, quin in hac significatione ipse ibi accipiat fidem. Et in euangelio frequentissime sic Christus & fidem accepit, et credere. Neque enim sic fiducia tribuisse miracula, quæ faciebat, credendus est, quin etiam uel primas partes huic fidei tribueret, sine qua, fiducia de ipsius benignitate haberi nullo modo poterat. Et saepe uni huic fidei, hoc est, credulitati ad se uenientium, tribuebat miracula, ut apertissime facit, cum duobus cæcis petentibus ab eo misericordiam dixit. Creditis quia hoc possum facere uobis; & respondens illis, utique domine, tetigit oculos eorum dicens, Secundum fidem uestram fiat uobis. Et diuus Augustinus, cum differeret, an fides in nostra esset potestate in de spiritu & littera capite. 31. ita ait. De hac fide nunc loquimur, quam adhibemus, cum aliquid credimus, non quam damus, cum aliquid pollicemur. Nam & ipsa dicitur fides. Sed aliter dicimus. Non mihi habuit fidem, aliter autem. Non mihi seruauit fidem. Nam illud est, Non credidit quod dixi, illud. Non fecit quod dixit. Secundum hanc fidem, qua credimus, fideles sumus deo, secundum illam uero qua fit quod promittitur, etiam deus ipse fidelis est nobis. Hoc enim dicit Apostolus. Fidelis deus, qui non uos permittet tentari super id quod potestis. Hæc Augustinus. Ex quibus patet fidem ab eo intelligi, & uocari credulitatem, qua certo, & indubitato, consentimus uerum esse, quod legimus, uel audimus. Et hoc ille ibidem aperte ex alijs scripturæ testimonijs confirmat, quæ nos, quoniam aperta sunt, & passim talia occurrunt in scripturis, libentes præterimus. Istæ sunt frequentiores, & celebriores fidei acceptiones, Sed sunt & præter has aliæ quinque non infrequentes, neque nimium raræ, sed & in claris autoribus, & in sacris literis usitatae. Quas tamen uel ex hac quarta acceptione fidei, uel ex hac quarta, & secunda ortas esse crediderim, neque ab eis adeo multum distare.

Quinto ergo fides accipitur à theologis pro habitu inclinate ad huiusmodi assensus, certos illos quidem & firmos, sed ineidentes, quippe qui propter solam autoritatem eorum, quibus credimus, à nobis habeantur. Et ideo habitus

Matth. 9.

1. Cor.

1. Cor. 9.

ad tales assensus inclinans, fides uocatur: assumunt enim habitus nomina actuum, ad quos inclinant, q̄ natura sua multum cum eis conueniāt. Et sic Paulus de fide uidetur loqui, cum eam donum dei appellat, & cum substantiam rerum sperandarum, & argumentum non apparentium, dicit esse fidem, & cum inter gratias spiritus sancti eam connumerat. Est enim gratia spiritus sancti, præsertim, cum illa a deo eximia est, & excellens, ut præcipuum quoddam, & eximium, & selectissimum dei donum uideri queat. Estq; ista acceptio fidei in usu maxime apud doctores scholasticos.

Eph. 2.

Heb. 11.

I. Cor. 12.

Sexto etiam fides uocatur ipsa nostra religio Christiana, ut pietas recte de diuinis sentiens, & status hic totus legis gratia, fides appellatur, & status fidei. Et sic à Paulo manifestissime fides accipitur, cum dicit. Prius autem quam ueniret fides, sub lege custodiebamur, conclusi in eam fidem, quæ reuelanda erat. Itaq; lex pædagogus noster fuit in Christo, ut ex fide iustificemur. At ubi uenit fides, iam non sumus sub pædago. Quid enim est aliud uenisse fidem, quam reuelatū iam esse statum hunc nostrum, qui est status fidei? & talis multis nominibus appellatur, & ab eodem Paulo ibidem opponitur statui legis.

Gal. 3.

Septimo fides uocatur autoritas, cui par sit credere. Unde est in Pandectis titulus de fide instrumentorum, hoc est, de autoritate quam habere debent instrumenta. Et examinare fidem instrumentorum, idem est, ac expendere, & librare, cuius sint autoritatis. Et optimæ & exploratæ fidei instrumenta dicuntur, quibus iustissimum est fidem adhibere.

Octauo etiam fides uocatur, quicquid certa, & indubitata fide ecclesiæ communiter tenemus, forte quod exploratæ, & compertæ sit ueritatis, quicquid credimus secundum fidem nostram catholicam. Et sic accepit Athanasius fidem, cum in symbolo suo dixit. Fides autem catholica hæc est &c. Ita & Paulus unam esse fidem dixit, quod unum uidelicet est & idem, quod omnes catholici credunt, immo & quod crediderunt, & credent.

Nec enim fides nostra in varias sectas distinguitur, si

ubi uenit fides

DE FIDE IUSTIFICANTE

cut hæresis, sed una est omnium catholicorum fides. Et ean-
 dem fidem ubiq; prædicarunt apostoli toto orbe dispersi, &
 nunc prædicat tota ecclesia, quam prophetæ sub nube, & eni-
 gmatibus, & umbris figurarum prædicabant. Quare & Paulus
 eundem nos dixit habere spiritum fidei cum illis. Sic etiã
 accepit idem Paulus, cum se dicit accepisse gratiam, & apo-
 stolatum ad obediendum fidei, hoc est ad faciendum, ut homi-
 nes obædiant fidei, & eorum quæ credimus, iugo sua colla
 subiçiant. Et in eundem sensum dicit, patefactum esse hoc
 tempore mysterium, euangelicæ nimirum prædicationis, per
 scripturas prophetarum secundum præceptum æterni dei ad
 fidei obediendum, in cunctis gentibus, hoc est, ut obediatur
 fidei doctrinæ, eamq; amplectantur omnes gentes. Sic & fre-
 quenter accepimus fidem in communi consuetudine, dicen-
 tes, hæreticorum dogmata contraria esse, & aduersari fidei
 nostræ, & aliena esse a fide ecclesiæ, & apostolos propagasse,
 & inuulgasse fidem per totum orbem tum cognitum, & do-
 ctorum expositiones fidem illustrasse, et plures esse articulos,
 plura & symbola fidei, neq; totam fidem nostram compræ-
 hensam scripturis sanctis esse, sed multa etiam spectantia ad
 fidem constare sola traditione ecclesiastica.

Nono accipitur fides pro conscientia. Inde fortassis quod
 & ipsa consciëntia credulitas quædam sit. Et sic sæpe accipitur
 a Paulo. Maxime uero cum dicit. Omne quod non est ex fi-
 de, peccatum est. Hoc est enim quod non est ex fide, ut clari
 auctores exponunt, quod non est ex conscientia, & iuxta quod
 ea nobis agendum præscribit, sed contra eam potius.

SECUNDO notandum est, fidem in quarta significatione,
 quæ notior est, & usitatior in schola theologica, quadruplici-
 ter diuidi à theologis. Primo quidem fides diuiditur in huma-
 nam & diuinam. Humana est, qua aliquid credimus propter
 auctoritatem hominum, aliqua contestantium, & affirman-
 tium nobis. Diuina est, qua aliquid credimus propter auto-
 ritatem dei nobis illud reuelatis. Et intermissa fide humana,
 quæ neq; semper certa, neq; infallibilis est, sed nonnunquam
 error, nonnunquam & opinio formidinem habēs annexam
 de opposito,

Subditio fidei.

de opposito: Fides diuina, qua aliquid credimus propter auctoritatem Dei, secundo diuiditur in actualē, & habitualem. Fides actualis est assensus firmus, certusq; sed ineuidens eorū, quæ a Deo reuelata sunt. Quod certus assensus est, & firmus, distinguitur ab opinione, & eam excedit. Siquidem opinio, neq; certus est assensus, neq; firmus. Potest enim ei subesse falsum, & sæpe subest, & infirmus est assensus, & imbecillis. Habet enim opinio annexam formidinem, & hæitationem de ueritate eius, cui opinatiue assentimur. Sed quod ineuidēs assensus est fides, exuperant eam intellectus, scientia, & sapientia, quæ uirtutes sunt intellectuales, claritatem habentes, et euidenciam. Fides uero habitualis est quidam intellectualis habitus, quo procliuis redditur intellectus ad ipsam actuaalem. Relicta uero fide actuali, quæ tam multiplex est, quam multiplicia sunt illa, quæ per eam credimus, fides pro habitu fidei tertio diuiditur à theologis in fidem acquisitam, & infusam. Fides acquisita est habitus faciles nos reddens ad credendum, acquisitus ex frequentia actuum fidei. Habet enim hoc natura nostra, ut ex quocunq; frequenti actus alicuius exercitio, facilitatem quandam ac procliuatatem nobis comparemus ad eum actum. Illa autem qualitas, quæ hanc facit in nobis procliuatatem, habitus acquisitus uocatur à theologis, & philosophis. Fides uero infusa est habitus quidam supernaturalis, & diuini prorsus ordinis, à Deo intellectibus nostris infusus, ut per eum facile, & certo, indubitanterq; assentiamus reuelationibus diuinis. Cum enim infirma sit, ualdeq; imbecillis natura nostri intellectus ad certo, & firmiter credendum supernaturalibus ueritatibus, quas Deus dignatur nobis reuelare, cōsciū ipse Deus infirmitatis, & instabilitatis nostræ, quotiescunq; siue per baptismum, siue per propositum seruandū sua mandata, aliquos admittit ad suam gratiam, mox illis infundit qualitatem quandam supernaturalem, & diuini ordinis, quam uocamus fidem infusam, qua inclinemur, & procliuemur in modum reddamur ad assentiendum omnibus à se reuelatis certo, & absq; ulla formidine. Firmat enim hic habitus nos, & certos, minimeq; dubios facit de omnibus dictis,

B

diuina fidei habitus

quod certus assensus est, & firmus, distinguitur ab opinione, & eam excedit.

quod certus assensus est, & firmus, distinguitur ab opinione, & eam excedit.

quod certus assensus est, & firmus, distinguitur ab opinione, & eam excedit.

& testimonijs diuinis, eaq; nobis ualde credibilia, & persuasibilia reddit.

Verum hic habitus potest esse, & in iustis, & in peccatoribus, ut doctores omnes catholici pro certo habent, & experientia ipsa commōstrat. Habent enim, & experiuntur utriq; in se istam facilitatem, procliuatē, & constantiam in assensu eorum, quā à Deo reuelata sunt. Et Hiero. & Aug. aperte testantur, ut ex dicendis in. 2. q. magis patebit, fuisse ab initio nascentis ecclesiae qui crederent sola fide in Christum nos posse saluari, qualiscunq; uita nostra foret. Et aperta sunt loca scripturarum, quibus docemur fidē esse in peccatoribus. Nā & Ioannes aperte dicit multos ex principibus Iudaeorum credidisse in Saluatorem, sed dilexisse eos magis gloriam hominum quā gloriā Dei, & propter pharisaeos non fuisse confesos, quod credebant. Et alibi non dicit eos, qui credunt in nomine eius filios Dei esse, sed hanc eis datam potestatem, ut filij Dei fiant. Et Paulus aperte dicit posse esse sine caritate fidem adeo perfectam, ut per eam, montes quis de locis suis transferat. Et prophetae alij, & apostoli saepe in populi Dei hominibus non incredulitatē reprehendunt, sed hoc potius, q̄ cum rectam haberent fidem, non tamen rectis uiuebant moribus, sed factis uidebantur negare, quod ore, & corde confitebantur. Atq; ideo quarto diuiditur fides in informem & formatam. Fides informis uocatur habitus fidei seiunctus a caritate. Fides autem formata, est habitus fidei coniunctus caritati, & eam praesentem habens. Cum enim ex doctrina Ambrosii, quam qui eum secuti sunt theologi, penē omnes receperūt, caritas forma sit uirtutum omnium, & eis quendam uelut decorem, & nitorem sua praesentia irradiet, merito fides, cū eam habet praesentem, formata dicitur, & uiua. Cum uero ab ea seiuncta est, informis, infirmaq; ac planē languens, & emortua dicitur, tamen si idem sit habitus, qui antea fides formata dicebatur. Potest q; ista quarta diuisio cōuenire actibus fidei, quanquam ut plurimum in schola ad solos habitus referatur. Et immerito sane Ioannes Caluinus libro de institutione religionis cap. 4 nugatoriam appellat, istam distinctionem si-

*Et peccatores
habe fidem.*

10ā. 1.
1. cor. 13.

*Alia diuisio
fidei.*

dei in informem, & formatā, & reclamante scriptura uniuersa a sophistis magno Ecclesiae malo profectam dicat, cum in Ambrosio, immo et in prophetis, & apostolis, & in aliquibus Christi ipsius uerbis fundamentum habeat, neq; ex ea quicq; incommodi Ecclesiae accesserit, sed potius ad disputationes theologicas nonnihil attulerit claritatis. Et si illi, & sui similibus, licuit fidem in historicam, & Euangelicā partiri, cur non & scholasticis licuerit theologis fidem diuidere in informem, & formatam, cum certum sit, & toti sacrae scripturae consonū reperiri posse fidem, & sine caritate, quae forma uirtutum est, & cum ea. Nos igitur nihil ueriti maledicta, & conuicia eorum, qui scholasticam doctrinā, & recepta in scholis uocabula passim subsannant, & ista, & aliis diuisionibus fidei, ubi cunq; fuerit commodum, libere utemur. His igitur utcunq; praenotatis, ut intelligamus, qua de fide Paulus agit in locis omnibus, quae spectant ad hanc materiam de iustificatione, quae habes fidelissime in unum congesta in argumentis positae in secunda questione contra primam conclusionem, ponam sequentes propositiones.

PRIMA PROPOSITIO.

Non agit Paulus his locis de fide habituali, sed solum de actuali. Quod non agat hic Paulus de fide acquisita, apud omnes uideo esse in confesso, ideoq; id probare minime est necessarium. Sed quod, neq; de infuso fidei habitu ista loca debeant exponi, quod forte negabitur a plerisque scholasticis probatur. Ac primo quidem ad hoc probandum, illud sufficit. Quae enim de fide Paulus asserit, statim ne dubii essemus de sensu illius, uerbo credendi confirmat, quod certe, non nisi actui fidei conuenit. Dicit iustitia Dei per fidem Iesu Christi, sed ne dubites, qua de fide hoc intelligat, in omnes adicit, & super omnes, qui credunt. Dicit iustificari homines per fidem, sed ut scias de fidei actu id intelligi, adducit exemplum Abrahæ, de quo scriptura dicit. Credidit Abrahā Deo, & reputatū est illi ad iustitiam. Et in eam formam subnectit, Credenti in eum, qui iustificat impium, deputandam esse fidem eius ad iustitiam.

B ij

Secundo idē ipsum firmare possumus hoc argumento. Paulus & in hoc loco, & in plariscq; alijs, cum tribuit iustificationem nostram, & salutem fidei, ostendit uiam, qua nos ipsi possumus cooperari Deo ad iustificationem nostram, & per quā nos possumus iustificationem consequi. Sed hanc non consequimur per habitus, sed per actus. Non ergo de habitu fidei agit, sed de actu. Et confirmatur hoc. Docuit Paulus uiam, et medium, quo iustitiam sibi omnes possint comparare. Hoc autem non fit per fidei infusum habitum, sed per actum, ut patet. Ergo de fidei actu agit, & non de habitu. Et confirmo amplius. Cum datur fides infusa alicui adulto, datur ei simul iustitia, ut probabilior habet sententia doctorum scholasticorū. Neq; fides infusa præcedit iustitiam infusam, neq; conuersim, nisi forte natura, bene autem fides actualis præcedit utrunq; Dei donum. Ergo cum dicit Paulus iustificari homines per fidem, loquitur aperte de actu fidei, & non de habitu.

Tertio principaliter argumentor. Non perinde referebat omnium Christianorū intelligere, quæ ad habitum fidei spectant. Intererat autem, & interest multum ea intelligere, quæ ad fidei actum spectant. Non ergo hic Paulus de fidei habitu agebat, sed de actuali. Estq; hoc argumētum tanti apud memētī, ut quanuis sciam maiorem partem scholasticorum de fidei habitu exponere per multa loca Pauli, atq; ex ipso existimare satis constare ponendum esse habitum infusum fidei, tamen uel hoc uno argumento non dubitarim asserere, ne unum quidem locum esse in Paulo, quem necesse sit de habitu fidei exponere. Quanuis enim habitus uirtutum infusi ponendi sint, ut probabilius esse asseritur in Clementina de summa trinitate, & fide catholica, & aliquot Pauli loca commode de fidei habitu exponantur, exponiq; possint, eadem tamen commodius multo de actu fidei interpretabimur. Neq; dubitari posse uidetur, quin in illis ipsis de actu fidei principaliter, & magis ex professo agat Paulus. Et quidem antiquos doctores, & præsertim Augustinum ad actum fidei uideo ubiq; ea omnia referre. Poterit tamen quispiam obijcere nobis illum locum Pauli. Sine fide impossibile est placere

Deo. Cum enim paruuli baptizati, & iusti dormiētes placeāt Deo, neq; tamen habeant actum fidei, sed tantum habitum, necessario uidetur consequi, ut hic locus de infuso fidei habitu debeat exponi, & non de actu. Sed neq; ista obiectio quāquam debet mouere in contrarium eius, quod asseruimus. Non enim ibi de paruulis agit beatus Paulus, sed de adultis. Et, ut explicaret se agere de fide actuali, mox adiunxit. Cre- dere enim oportet accedentem ad Deum, quia est, & inqui- rentibus se remunerator sit.

SECUNDA PROPOSITIO.

Non est necessarium hęc loca intelligere de sola fide for- mata, & uiua, quæq; secum habet coniunctam, & præexisten- tem caritatem, sed melius est, ut de fide generaliter accipian- tur, ut sub se informem claudit, & formatam. Hęc propositio est contra multos doctores catholicos, eosq; non postremae classis, qui cum uiderent non posse conuenire peccatoribus fi- delibus eximios, atq; adeo præcellentes effectus, quos Paulus & cæteri apostoli, immo & ipse Christus attribuit fidei, nouā quādā, atq; ut existimo, doctoribus antiquis ignotam inuenē- rerationem explicandi hanc difficultatem. Et loca omnia illa, quibus salus, iustitia, sanctificatioq; seu reconciliatio, & redē- ptio nostra tribuuntur fidei, de fide formata, uiuaq; et efficaci, & quæ per dilectionem operatur, ut Paulus tradit, dixerunt es- se exponenda, neq; conuenire ei fidei, quæ est in peccatoribus fidelibus, quæ informis est, neque uirtutis nomine digna, sed ociosa, & mortua dicitur in sua canonica à Iacobo apostolo.

Gal. 5.

Sed cōtra eos omnes, quantalibet sint autoritate, probatur nostra propositio. Primo. Et Paulus, & cæteri apostoli, immo & ipse Christus, cum fidei tribuebant nostram salutem, & iu- stificationem, cum et eā exigebant ab eis, quibus predicabant, agebant de fide, per quam acquirere possumus, & uere acquirimus iustitiam, docebātq; nos dispositionem, qua nos ex par- te nostra disponimus ad gratiam. Sed ista fides non est fides formata, aut saltem non in quantum formata habet ista effice- re. Præcedit enim saltem natura ipsam caritatem, qua for- matur, sicut dispositio antecedit formam, ad quam disponit,

& causa effectum, quem producit. Ergo neq; Christus, neq; Paulus, neq; cæteri apostoli agebant de sola fide formata. Et confirmo. Fides formata non est uia, neq; dispositio ad iustitiam nostram. Siquidem illa iam habet secum præsentem iustitiam. Ergo cum Christus, & apostoli docebant uiam ad iustitiam, non agebant de sola fide formata.

Secundo istam fidem, quam Christus, & sui apostoli ad salutem exigebant, explicabant uerbo credendi satis aperto, quodq; in se neq; claudit, neq; dat intelligere dilectionem, quanquam est causa illius. Non ergo ea, quæ tradiderunt de fide, restringi debent ad fidem formatam, sicut neq; quæ explicantur, uel asseruntur uerbo credendi, limitantur uel restringuntur ad credendi actum posteriorem caritate.

Tertio. Sicut fides, spes, et caritas distinctæ sunt uirtutes inter se, ita actus habent distinctos inter se, & a se inuicem separabiles. Alioqui distinctæ uirtutes non essent. Ergo quæ dicuntur de fide, non debent intelligi de spe, neq; de caritate, neq; e contrario, & consequenter, neq; de fide formata. Perinde enim est apud doctores, quos modo impugnamus, interpretari aliqua de fide formata, ac interpretari de fide, & caritate. Ad hæreticos enim obijcientes loca scripturarum, quibus iustificatio nostra tribuitur fidei, ad probandum non esse requisita opera distincta a fide sufficienter putant se respondere dicentes ea loca esse intelligenda de fide formata, hoc est, de fide, & caritate.

Quarto. Vbi lex non distinguit, neq; nos distinguere debemus, sicut dicunt iurisperiti. Cum ergo scriptura tribuens iustificationem nostram fidei, non distinguat, neq; hoc restringat ad fidem formatam, neq; nos restringere debemus.

Sed ut apertius sit, & confirmatius, quod uolumus in hac propositione asserere, faciam contra eam quædam argumenta, quibus maxime inniti potuerunt, qui ista omnia loca, quæ modo exponimus, de fide sola formata dixerunt esse intelligenda. Ex eorum enim enodatione, & inuadatione, ueritas nostræ propositionis magis elucescet.

Ac primo quidem obijci potest nobis hunc in modum. Si

ista loca, quibus iustitia nostra tribuitur fidei, essent intelligenda de fide qualicunq; hoc est, siue formata, siue informi, sequitur non esse requisita bona opera ad salutem, sed sufficere solam fidem ad iustificationem nostram, quandoquidem ei soli ea tribuitur. Sed hoc, ut statim ostendemus, concedi non potest. Ergo necesse est loca omnia ista restringere ad fidem formatam.

Ad hoc argumentum primo dico. Licet omnia ista loca restringantur ad fidem formatam, habet suum locum ista obiectio haeticorum. Neq; enim est concedendum praeter fidem formatam, hoc est fidem habentem praexistentem, & coexistentem sibi caritatem, nulla requiri opera, cum certum sit ad alia opera a fide formata obligari iustos, & ea si non apponant, decidere eos a sua iustificatione. Quare propter hanc haeticorum obiectioem, haud quaquam necesse erat ad hoc commune, ut sic dicam, asylum confugere, & dicere, ista omnia loca exponi debere de sola fide formata. Et trepidasse mihi quidem uidentur, ubi nullus erat timor, qui cum aperte dicant, neq; fidem formatam solam sufficere, tamen haec loca ad fidem formatam restringunt. Secundo igitur dico. Aliud est dicere Paulum loqui de fide sola, & seiuncta a quocunq; dono Dei alio, & a quocunq; alio opere nostro. Et aliud est dicere Paulum loqui de fide generaliter, siue ea informis sit, siue formata. Haetici dicunt primum, nos tantum dicimus secundum. Dicimus enim per fidem nos iustificari, nihil solliciti, an illa informis sit, siue formata, neq; aliquid tale requirerent, sed non dicimus iustificari nos per fidem solam, ut latius paulo post differemus.

Secundo potest aliquis contra nos argumentari. Nunquam aliquis iustificatur, quin illius fides sit formata. Hoc enim ipso, quod iustificatur, acquirit gratiam, qua fides formatur. Ergo nunquam aliquis iustificatur per fidem informem, sed tantum per fidem formatam. Atq; ideo neq; loca tribuentia iustificationem nostram fidei, exponi debent de alia fide, quam formata.

Ad hoc argumentum respondeo. Quamuis eo ipso, quod aliquis per fidem iustificetur, fiat fides illius formata, tamen non sequitur, quod per eam, ut formatam acquiratur iustitia.

Et ideo, neque debent loca, quae tribuunt iustitiam fidei, restringi ad fidem formatam. Prius enim natura datur homini gratia, quam illius fides sit formata. Formatur namque per gratiam.

Tertio instabit quispiam. Fides informis ociosa est, frigida, languens, & mortua. Ergo non debent ei tribui tantae, & tam eximiae laudes, quantae scriptura tribuit fidei. Respondeo. Quandoque fidei conuenerint laudes ei tributae ab scriptura, fides informis non erit ociosa, sed sollicita, & operosa, & suum possessorem pertrahet ad salutem, efficieturque ipsa uiua, & efficax, & probata, & splendore, & nitore gratiae illustrabitur. Neque enim omnis fides informis ociosa est, sed illa tantum, quae non satagit, operando per dilectionem, perducere credentes ad salutem. Neque sola fides formata, & praexistens sibi coniunctam habens caritatem, operosa est, & efficax. Ut enim prius tempore uel saltem natura est informis, quam formata, operari potest, & sollicitare ad bonum. Neque nos diximus ea quae tribuuntur fidei, & de quibus fides commendatur, tribuenda esse fidei informi. Multo enim minus ei conueniunt quam fidei formatae, & melius referri possent ad fidem formatam, quam ad fidem informem, sed tantum diximus, tribuenda esse fidei absolute, & generaliter, ut abstrahit, & praescindit a fide informi, & formata. Quaedam enim fidei informi conuenient, alia fidei formatae. Comparamus enim nobis spiritum sanctum, & iustitiam, facimusque, ut Christus inhabitet in nobis, per fidem informem, aut saltem per fidem, ut prius est natura, quam formetur. Habitat uero ipsi in cordibus nostris, & regnum caelorum intra nos habemus per fidem formatam.

Quarto potest quispiam, & quidem apparentissime impugnare hanc nostram propositionem, & ostendere non esse nouam, sed antiquam, & ueterem expositionem illam, de fide formata, quia diuus Augustinus libro de fide, & operibus, huic soli tribuit, quod salubris sit, & fundamentum spiritualis structurae, & quod neminem perire permittat, & hanc solam fidem euangelicam, fidem gratiae, fidem Christianorum appellat, aliam uero mortuam dicit, & fidem daemonum. Neque solum diuus Augustinus, sed & Paulus ipse, ut ibidem colligit Augustinus

gustinus, ita uidetur cuncta, quae dixerat de fide, exposuisse, cum ad Galatas quinto dicit. In Christo Iesu neque circumcisio aliquid ualet, neque praeputium, sed fides quae per caritatem operatur. Sed praestat ipsa diui Augustini uerba audire. Is itaque in libro statim citato capite. 14. Paulus, inquit, non qualibet fidem, qua in Deum creditur, sed eam salubrem, planeque euangelicam definiuit, cuius opera ex dilectione procedunt, Et fides, inquit, quae per dilectionem operatur. Vnde illam fidem, quae sufficere ad salutem quibusdam uidetur, ita nihil prodesse asseuerat, ut dicat. Si habeam omnem fidem, ita ut montes transferam, caritatem autem non habeam, nihil sum. Vbi autem haec fidelis caritas operatur, sine dubio bene uiuit. Plenitudo. n. legis caritas. Et capite. 16. Ex hoc, quod Christus recte Paulo prioris ad Corinthios tertio, est fundamentum spiritalis structurae, infert, Si Christus, proculdubio fides Christi. Per fidem quippe habitat Christus in cordibus nostris, sicut idem apostolus dicit. Ne autem quispiam ex hoc putet fidem quaecumque satis esse, ut inhabitet Christus in nobis, subdit. Porro fides Christi, illa utique, quam definiuit apostolus, quae per dilectionem operatur. Non enim fides illa daemorum, cum & ipsi credant, & contremiscant, & filium Dei confiteantur Iesum, potest accipi in fundamentum. Quare? Nisi quia non est fides quae operatur per dilectionem, sed quae exprimitur per timorem. Fides itaque Christi, fides gratiae christianae, idest ea fides, quae per dilectionem operatur posita in fundamento neminem perire permittit. Et infra in eodem capitulo tractans illa uerba Christi ad Cananaeam: O mulier magna est fides tua. Miror, ait, si laudaret in ea fidem sine operibus, idest fidem non talem, quae per dilectionem iam possit operari, fidem mortuam, et quod Iacobus dicere minime dubitauit, fidem non Christianorum, sed daemorum. Et capite. 21. prope finem. Utroque uero caret, nempe incredulitatis, & credulitatis, qui fidem Christi habet, non sine operibus mortuam, quae etiam in daemibus inuenitur, sed per fidem gratiae, quae per dilectionem operatur. Haec est fides, de qua dicitur. Regnum caelorum intra uos est. Et in de spiritu & litera capite. 32. ex illis uerbis

IACO. 2.

LUC. 17.

C

apostoli. Non enim accepistis spiritum seruitutis &c. colligit non esse eam fidem commendatam ab apostolo, quæ operatur per timorem, & in eis est, qui sub lege sunt, et timore pœnæ faciunt iustitiam, quam mallēt non facere, si fieri posset, ut liceret quod non licet, sed fidem eam commendatam ab apostolo quæ per dilectionem operatur, non formidando pœnam, sed amando iustitiam. Et in. c. 7. de gratia & libero arbitrio ideo dicit apostolum dixisse, in Christo Iesu, neq; circumcisionem aliquid ualere, neq; præputium, sed fidem quæ per dilectionē operatur, ut ostenderet, non intellexisse quid ipse diceret, cum dixit. Arbitramur iustificari hominem per fidem sine operibus legis, qui putauerunt eum dicere, sufficere homini fidem, etiam si male uiuat, & opera non habeat. Ex quibus omnibus uidetur diuus Augustinus de sola fide formata intellexisse, & intelligenda docuisse, quæ Paulus asserit de fide, quod est contrarium nostræ propositionis.

Ad hoc argumentum, quod quidem apparentissimum est, respondeo. Aliud est dicere loca sacrarū literarum, quibus nostra iustificatio tribuitur fidei, intelligenda esse de fide formata, aliud uero esse intelligēda de fide, quæ per dilectionem operatur. Diuus Augustinus solum dicit hoc secundum. neq; nos contrarium asserimus, aut sentimus, quāquam ut docebimus in secunda quæstione, non est necessarium ad hoc confugere, ut argumenta hæreticorum diluamus. Doctores uero, quos impugnamus, dixerunt primum. Et quanquam illi non hæc fortassis habuerunt pro distinctis, sed alterum pro altero acceperunt, quia, si fides per caritatem operatur, uel formata est, uel statim formatur, atq; ideo excusari possent, & nobiscū utcūq; concordare ramen nos distinctissima hæc putamus, neq; unum cum altero debere cōfundi. Prius enim est fidem per dilectionem operari, quàm caritate formari, quoniam ad hoc per dilectionem operatur, ut obtineat spiritū sanctum, & per eum caritatem, qua formetur. Et si non eodem momento, quo fides incipit per dilectionem operari, obtineretur spiritus sanctus, reperire liceret fidem per dilectionem operantem informem & formatam, & utcūq; de his sit, prius fides saltem na-

tura, ut patet ex dictis, per dilectionem operatur, quam sit formata. Neque cum dicit diuus Augu. haec loca, quae nunc interpretamur, esse intelligenda de fide per dilectionem operante, credendum est uoluisse abrogare fidei laudes & prerogatiuas, quas ei tribuit scriptura, & imputasse fidei & caritati, immo ne limitasse quidem eas crediderim ad fidem per dilectionem operantem, sed hoc tantum docuisse, tum demum ei uere illa encomia conuenire, cum ipsa suas uires exerit, & quid possit explicat, & effectui nostro flammam subministrat, ut ardeat igne caritatis, & per dilectionem operetur, totaque legem Dei compleat. Itaque dicere de fide per dilectionem operante esse laudes fidei interpretandas, non est limitare eas laudes ad fidem formatam, sed docere quo tempore eas laudes mereatur, & quid ipsi in se fidei conueniat, si modo ipsius uirtutem nostris sceleribus non infringamus, debilemus, ac obruamus. Et quod ita sit diuus Augustinus interpretandus, patet, quia post ultima uerba eius statim citata, Haec est fides, de qua dicitur, Regnum caelorum intra uos est, subdit. Hoc enim decipiunt, qui uim faciunt credendo impetrantes spiritum caritatis, ubi est plenitudo legis, sine qua lex in litera reos faciebat etiam preuaricationis. Non itaque putandum est ideo dictum, Regnum caelorum uim patitur, & qui faciunt, diripiunt illud, quia etiam mali tantummodo credendo, & pessime uiuendo perueniunt in Regnum caelorum, sed quia reatus ille preuaricationis, quem sola lex, id est litera sine spiritu iubendo faciebat, credendo soluitur, & uolentia fidei spiritus sanctus impetratur, per quem diffusa caritate in cordibus nostris lex non timore poenae, sed amore iustitiae completur. Haec ibi. Quae si bene & pro dignitate ponderetur, aperte poterit constare diuum Augustinum nequaquam limitasse uerba Pauli ad fidem formatam, uel ad fidem quam praecedat caritas. fidem enim gratiae & euangelicam atque adeo fidem christianorum existimat fidem, quae sua uolentia spiritum sanctum & caritatem impetrat, & hoc ipso uim facit ipsi regno caelorum.

TERTIA PROPOSITIO.

Non debent ista loca Pauli exponi de fide in prima, secun-

C ij

daue, aut tertia significatione, hoc est de fiducia, fidelitate, aut promissione, neq; de fide, ut complectitur primam & quartam significationem, id est de fiducia & credulitate, sed tantum exponenda sunt de fide in quarta acceptione, hoc est de credulitate certa minimeq; dubia. Et quidem quod non debeant ista exponi de fide pro fidelitate, uel promissione, manifestum est.

Gal. 3. Quauis enim, ut mirifice differit Paulus, ex promissione diuina participemus benedictionem Abrahamæ, hoc est iustificemur, & adoptemur in filios, ac per hoc cohæredes simus Christi, & in hæreditatem illius admittamur, tamen, cum hoc loco agat Paulus de fide, quæ requiritur ex parte nostra ad nostram iustificationem, satis liquet Paulum non agere hic de fide, ut fidelitas, uel promissio est. Quod uero non agat de fide in prima significatione, hoc est de fiducia, qua nobis diffusi, totam spem fiduciæq; nostræ iustitiæ in Deo per Christum reponimus, probatur. Eodem modo, & in eadem prorsus significatione loquitur Paulus de fide, qua nos iustificamur, & de fide, quæ imputata est Abrahamæ ad iustitiam. Confirmat enim nos iustificari per fidem, quia Abraham per fidem iustificatus est. Sed cum agit de fide Abrahamæ, non agit de fiducia, quia suæ spem iustitiæ collocabat Abraham in Deo, sed de credulitate, qua dictis, & promissioni diuinæ absq; ulla hæsitacione crediderat, plenissime sciens, quod quæcunq; promissit Deus, potens est facere. Et patet hoc per totum propemodum quartum capitulum. Et, ut alia omittamus, certe ex illis uerbis. Qui contra spem in spem credidit, facile hoc potest persuaderi. Ergo etiam cum agit de fide, qua nos iustificamur, fidem non appellat fiduciam, uel spem, sed certam persuasionem intellectus, unde spes ipsa, & fiducia emanat. Et confirmari hoc potest. In eundem enim sensum hic agit de fide, in quem & ad Hebræos undecimo, cum in latissime de fide, differit, sed ibi agit de fide pro credulitate, ut & Augustinus libro. 50. homiliarum homilia. 32. & Basilius in psalmum. 115. & Bernardus in epistola. 190. in commentarijs, aperte tradunt. Et potest eorum sententia probari ex illis uerbis. Fide intelligimus aptata esse sæcula uerbo Dei, quia fiducia præterita non respicit, & ex illis, Credere enim

vbi sup.

Hebr. xi.
ibidem

oportet accedentem ad Deum, quia est. Credere enim Deum esse, non ad fiduciam spectat. Ergo in alijs etiam de fide agit pro credulitate, & non de fiducia. Et amplius confirmari potest hoc ipsum sic. In eundem sensum hic agit Paulus de fide, quo infra cap. 10. eiusdem epistolae ad Romanos, Sed ibi manifestissime agit de fide pro credulitate, cum ait. Si confitearis in ore tuo Dominum Iesum, & in corde tuo credideris, quod Deus illi suscitavit a mortuis, saluus eris. Non enim fiducia haec praeterita respicit. Ergo etiam alibi de fide agit pro credulitate, et non pro fiducia.

Secundo idem probare possumus hoc argumento. Per eam fidem nos tradit Paulus hoc loco iustificari, quam Christus exigebat a Iudaeis quaque & ipse Paulus, & ceteri apostoli populis omnibus praedicabant, & ab eis exigebant, quaque, qui recipiebant, fideles, ac filij spirituales Abrahamae dicebantur. Sed fides, quam Christus exigebat a Iudaeis, quam & apostoli praedicabant, quaque a baptizandis exigebant, & a qua fideles dicimur, non est fiducia, sed persuasio, uel credulitas, qua eis fidem adhibemus, quae ab illis proposita sunt credenda, ut patet ex historia actorum apostolicorum, & ex multis locis euangelicis, praesertim apud Ioannem. Certe enim, cum Christus dicebat Iudaeis, Si Moysi crederetis, crederetis forsitan & mihi, Si ueritatem dico, quare non creditis mihi? Opera quae ego facio in nomine patris mei, haec testimonium perhibent de me, sed uos non creditis, quia non estis ex ouibus meis. Non creditis quia ego in patre, & pater in me est: Dicit nullo modo potest, quod hic de fiducia sit sermo. Cum igitur uerisimile non sit in alio significatu fidem accipi a Paulo in his locis, sequitur aperte non hic accipi ab eo fidem pro fiducia, sed pro credulitate. Atque hoc eodem argumento satis reuincere possumus eos, qui dicunt fidem, & in his, & in alijs multis sacrae scripturae locis, utrunque completi, & intellectus certam persuasionem, & uoluntatis plenam, minimeque instabilem spe, seu fiducia. Quae quae enim haec simul, ut plurimum, sunt, & difficile ab inuicem separantur, si enim aliqua nos assecuturos credamus, & confidimus, & speramus ea a nobis obtinenda. Oritur enim, ac uelut consequitur ex ea intellectus persuasionem fiducia uolunta-

et. 300. 1

RO. 10.

Ioan. 5.
Ioan. 8.
Ioan. 10.

Ioan. 14.

I. COR. 13. tis. Et contra cum confidimus, certaq; spe aliquid nobis euenturum speramus, & id quoq; nobis affuturum, uel credideramus prius, uel certe de nouo persuademus. Tamen cum ista inter se distincta sint, neq; confundantur à Paulo, qui optime nouerat ea inter se distingui, & fidem, spem, & caritatem, tria appellat, alioqui duo tantum diciturus, colligere ex his sane debemus, Paulum non eadem de utraq; tradere, neq; in his qua modo tractamus, locis de utraq; loqui. Atq; ideo, cū ista loca de fiducia non satis conuenienter exponi iam ostenderimus, superest, ut ea de certa, minimeq; dubia animi credulitate exponamus. Sed quia non satis inter doctores omnes constat, qualis sit ista credulitas, cui tanta ista uirtus tribuitur, pro huius explicatione adijciam sequentes propositiones.

QVARTA PROPOSITIO.

Non sunt intelligēda loca Pauli citata de fide actuali, qua quis certo, et indubitato credit sibi remissa esse peccata, aut certe remittenda per fidei sacramenta propter meritum Christi. Probat. Agit in his locis Paulus de fide necessaria ad salutem. Sed fides, qua quispiam sic remissa crederet sua peccata, aut remittenda, nō est necessaria ad salutem, immo erit per sepe, si habeatur, leuis quaedam, & stulta persuasio, quae obesse magis saluti possit, quam prodesse. Et multi quidem, quod nemini credo esse ambiguum, saluari possunt, & saluantur sine illa. Ergo hęc loca Pauli, haud quaquam de huiusmodi actibus fidei sunt intelligenda.

Et confirmo. Paulus est intelligendus in his, de fide, cui non potest subesse falsum. Non enim aliam fidem Deus statuisse, ut meditum & uiam communem nostrę iustificationis. Sed huiusmodi fides sepe est falsa, et fallax. Potest enim sibi quis persuadere remissa, aut remittenda sibi peccata certo, cum tamē propter aliquam sinistram opinionem, aut peccatum aliud quoduis sibi occultum, longissime sit à consecutione tantę gratiæ. Ergo ista loca Pauli intelligi certe, neq; possunt, neq; debent de hac fide.

Ad hęc. Ista loca Pauli de ea fide debēt intelligi, quam apostoli prædicabant, quāq; Deus suo tempore reuelauit. Hanc

enim unam fidem iustificatricem nostri asserit Paulus. Sed galat. 3.
 istas persuasiones de nostra iustitia etiam propter Christum
 apostoli nō admonuerunt unquam, neq; nobis eas Deus sua
 revelatione tradidit. Non igitur de illis exponere debemus
 hæc loca Pauli. Neq; scio pfecto unde et Luthero in libello
 de fide & operibus, & multis alijs ipsius sequacibus, & nouis-
 sime protestantibus omnibus in confessione Augustana, hæc
 adeo noua opinio fuerit persuasa, ut fidem iustificatricem,
 cuiq; scripturę nostram tribuunt iustificationē, & quam ipsi
 uel solā putāt sufficere ad salutē, eā esse crediderint, qua certo
 & indubitato nos credimus placere Deo. & pp Christū in il-
 lius gratiā recipi, & peccata nostra nobis dimitti. Vtilius qui
 dem est audire illum qui dixit. De propitiato peccato nolī ef Ecclī. 5.
 se sine metu, & cum timore & tremore nostram salutem ope-
 rari, certāq; satagere facere per bona opera uocationem no-
 stram, quam dum nobis inaniter persuademus remissa iam
 esse peccata, ocij & inertię occasionem, naturę nostrę satis
 ad hæc proclui, præstare. Et cum Sapiens dicat, Quis potest prou. 20.
 dicere mundum est cor meum? salubrius erit, & tutius, ut iu-
 stificemur, clamare cum publicano. Domine propitius esto LUC. 18.
 nobis peccatoribus. Et cum Dauide. Ab occultis nostris mū-
 da nos domine, & ab alienis parce seruis tuis, quā Pharisaū psal. 18.
 de sua sibi iustitia blandientem imitātes, Deo agere gratias, LUC. 18.
 quod non simus sicut cæteri. Descēdit enim, ait scriptura, hic
 iustificatus ab illo, hoc est publicanus, non Pharisaus. Et pro-
 fecto, ubi nihil aliud esset, unus Paulus deberet nobis esse sa-
 tis, ne unquam absq; ulla hæsitacione, hæc nobis de nobis per
 suaderemus. Ait enim ille. Nihil mihi conscius sum, sed non I. cor. 4.
 in hoc iustificatus sum. Et alibi. Sed castigo corpus meum, &
 in seruitutem redigo, ne cum alijs prædicauerim, ipse repro-
 bus efficiar. Si timet Paulus, qui raptus fuerat usq; ad tertium
 cœlum, & ubiq; mortificationem Iesu Christi in corpore suo
 circumferebat, si timet is, per quem Deus tanta & tam admi-
 randa fecerat prodigia, ut & ipse merito, uelut quoddam mū-
 di prodigium, uideri queat, quis non sibi timeat? Ille non ar-
 rogabat sibi iustitiā, neq; se iustum audebat absq; ulla hæsi-

tatione profiteri, & nos tam multorum nobis conscij delictorum, audebimus securitatem nobis promittere? Quod si sui tanti apostoli autoritas, & exemplum satis non sint, cogitet uelim is secum, nihil esse unde possit illam iustitiam certo, & indubitato de se credere, nedum supra omnem certitudinem, ut exigit ubi supra Lutherus. Neq; enim ex terminis, neq; ex experientia, neq; ex aliqua demonstratione, uel reuelatione illa potest dicere se habere. Dices, benignitas Dei eximia est. Ne minem despicit, qui ad se syncero corde confugit. Sacramenta fidei certissimae sunt, & efficacissimae causae gratiae. Quidquid remiserint sacerdotes in terris, remissa erunt & in caelis. Haec quidem omnia uerissima sunt, & talia, ut merito debeamus sperare, laetari, & exultare totis uiribus, totisque pectoribus, si nullius nobis culpae conscij simus, quam non simus parati emendare, & confiteri, cum tenemur. Et qui hoc se uident esse animo, ut in omnibus, pro uirili sua, uelint Deo placere, & in nullo displicere, habent quidem maximam letitiae causam, & spei ac planè tripudiorum, hisq; exercitijs adoptioni diuinæ congruentibus, potius quam seruili timori, sapius deberent assue fieri, & intendere. Vere enim possumus & debemus probabilissime saepe credere in gratia Dei nos esse. Et ipse spiritus, ut nos interiori cōsoletur, & ad exercitia spiritualia alliciat, & cōstantes reddat, testimonium saepe reddit spiritibus nostris, ut ait Paulus, quod simus filij Dei, & scire facit quae à Deo donata sunt nobis. Sed hoc testimonium neq; plenam tribuit securitatem, neq; omnem excludit hæsitationē uel scrupulū, neq; ut aliqua talis fides, aut certitudo concedatur esse in aliquibus, illa est in principio suae iustificationis, ut eam possit quispiam ponere causam nostrae iustificationis, sed erit post multos annos in iustitia, & sanctis moribus exactos. Et talis persuasio fortassis iam erat in Paulo, cum & certū se esse dicebat, q̄ nulla creatura eum posset separare à caritate Dei, & repositam sibi esse coronam iustitiae, cum in principio conversionis suae, & cum scripsit priorem ad Corin. non parum de sua salute uideatur trepidasse. Et quāquam uerissime possumus, & promittere nobis remissionem peccatorum nostrorum, si nos fecerimus,

*De fiducia quae
habe debemus*

RO. 8.

I. COR. 2.

RO. 8.

2. TIM. 4

fecerimus, quod in nobis ē, neq; nobis, immo uere, gratiæ Dei deficiamus. Sed cum certum sit ex Paulo, et ex Ioanne multos posse credere se obsequium præstare Deo, cū cum offendat, & huius rei abūde sufficiens exemplum fuerit nobis ipse Paulus, dum zelo non secundum scientiam persequeretur ecclesiā Dei, multis profecto nominibus timere possumus, ne nos benignitati diuinæ apponamus impedimētum, neq; est uere, unde nobis certo, & indubitato iustitiam polliceamur. Delicta enim quis intelligit, ait regius psaltes. Et seruire nos uoluit sibi Deus in timore, & exultare illi cū tremore, ut lætitiā quidem sepius exhilaremus animos nostros, & corda nostra propter diuitias bonitatis, & misericordiæ ipsius, sed & istā lætitiā, & exultationem de misericordiā diuinā temperemus timore de fragilitate, & infirmitate, & humilitate conditionis humanæ. Occultissima enim est gratiæ spiritalis communicatio & inspiratio, sicut Augustinus dicit libro primo ad Marcellinum de peccatorum meritis & remissione, capite. 9. & 10. Et cum timore, & tremore nostram ipsorum salutem operari admonet Paulus. Et ubi aliud profecto non esset, uel hoc nomine deberemus nobis timere, & omnia etiam, quæ recte facimus, humilitate quadam condire, quod in multis passim offendimus omnes, & iustitia nostra, uelut pannus est menstruata, & si districte iudicemur, neq; uitam nostram misericordiā diuinā excuset, omnis nostra iustitia iniustitia uideretur, neq; astra inuenirentur munda in conspectu eius, ut latissime docent Augustinus sermone. 49. de tempore, & super illud psalmi. 142. Non intres in iudicium cum seruo tuo domine, quia non iustificabitur in conspectu tuo omnis uiuens. Et Chrysostomus in homilia de fide, & lege. Et Gregorius super illa uerba Iob. Si habuero quippiam iustum, meū iudicem deprecabor. & super illa. Si lotus fuero quasi aquis niuiū, & homilia. 22. super Ezechielem, et Bernardus in primo sermone de festo omnium sanctorum, & in sermone de lotionem pedum. Et uulgatissima est illa sententia Augustini. Væ hominū uitæ, quantuncq; laudabili, si remota misericordiā iudicetur.

D

Ioan. 16.

psal. 18.

psal. 2.

phili. 2.

Iob. 9.

*Que ut fides
cui tribuit in Th
Ficatio mra.*

Fides cui sacrae literae nostrae tribuunt iustificationem, est ut plurimum & praecipue fides unius mediatoris inter nos, & Deum, uel, ut expressius loquamur, est fides Iesu Christi, hoc est credulitas siue persuasio, qua certo, & indubitanter credimus per eum unum nos posse saluari, & alia quae de ipsius uita, morte, resurrectione, gloria quae, & praecellentia, & gratia credenda nobis, uel ab ipso, uel ab ecclesia, uel ab apostolis ipsius sunt tradita.

Hec propositio ex praecedentibus propositionibus satis patere potest. Excluis enim acceptionibus fidei, quas a proposito isto reiecimus, una ista, quam hic exprimimus, uidetur relinqui fides, cui praecleara omnia, quae fidei tribuit Paulus, conueniant.

Sed potest & his argumentis de integro confirmari. Illi fidei tribuenda sunt, quae Paulus fidei adscribit, quae maxime erat omnibus necessaria, quaeque & ipse Paulus, & Christus, & caeteri apostoli maxime, & praecipue praedicabant, quaeque hominum mentibus maxime uolebant suadere, & inferere. Sed, ut patet ex euangelicis literis, & ex Actis apostolicis, & ex epistolis, & Pauli, & caeterorum apostolorum, haec erat fides, quam ipsi post Christum maxime praedicabant, & in cuius testimonium, & confirmationem faciebant, quae faciebant miracula. Verus igitur, & germanissimus sensus istorum locorum, quae nunc tractamus, exposcit, ut de ista una fide ea omnia exponamus.

Et confirmari hoc potest. Sic enim exponendo ista omnia loca, & Paulum eundem ubique sibi, & perpetuo constare, & ipsius, & aliorum apostolorum unam et eandem fuisse praedicationem, atque uno, & eodem spiritu eos et praedicasse, & scripsisse doctrinam, quam fidelibus tradiderunt, ostendemus. Fiet etiam & ex his perspicuum, per omnia eos concordem fuisse suo praecceptori, & omnium unico magistro Christo. Et hanc enim etiam ipse mentibus Israelitarum fidem inferere est adnixus, hocque unum potissimum, & praedicatione sua, & exemplis, & uirtutibus admirabilibus, et prorsus stupendis agebat,

ut uerus Dei & hominum mediator, quē prēdixerāt propheta, quēq; & pater cœlestis eis pollicitus fuerat, crederetur. Respondebant etiam & in hoc suæ uocationi electioniq; apostoli. Ad hoc enim electi erant, ut essent Christi gloriæ & gratiæ testes, ut patet ex illis uerbis. Et uos testimonium perhibebitis de me. Neq; minus ex illis. Et uos eritis mihi testes in Hierusalem, & in omni Iudæa & Samaria, & usq; ad ultimum terræ. Et Paulum certe ad hoc ipsum electum fuisse, apertissime potest constare ex illis uerbis eiusdem Dei, & seruatoris nostri, Vas electionis mihi est, ut portet nomen meum coram gentibus, & regibus, & filijs Israel. Hæc est etiam fides per quam iustificati sunt, quicunq; iustificati sunt ex patribus ueteris testamenti, & per quā nos habemus iustificari. Vnde & Petrus apostolorum omnium uertex, ad principes populi Israelitici, constanter dicebat non esse in aliquo alio salutem, neque aliud nomen sub cœlo datum hominibus, in quo oporteat nos saluos fieri. Et idem, ut habetur Actū. 10. Huic, inquit, omnes prophetae testimonium perhibent, remissionem peccatorum accipere per nomen eius, omnes, qui credunt in eum. Et Ioannes dicit in sua canonica. Quisquis confessus fuerit, quod Iesus est filius Dei, Deus in ipso manet, & ipse in Deo. Et idē. Omnis qui credit, quoniam Iesus est Christus, ex Deo natus est. Et Philippus hanc unam requisit ab eunucho Candacis reginæ, ut eum baptizaret. Cum enim dixisset eunuchus. Ecce aqua, quis me prohibet baptizari? respondit Philippus. Si credis ex toto corde, licet. Et ut intelligamus, quam fidem hic exigebat Philippus, subnectit scriptura respōdisse eunuchum. Credo filiū Dei esse Iesum Christū, & statim ab eo baptizatū. Et admirandus est ordo, quem Paulus tenuit in his locis, quæ nunc præcipue tractamus, ut explicaret qualis esset fides, cui ipse tantas laudes tribuebat. Primo enim dixit, Iustitia autem Dei per fidem Iesu Christi in omnes, & super omnes, qui credunt. Quibus uerbis explicabat fidem istam, de qua agebat, esse fidem de Iesu Christo. Secundo ne ambiguum esset quid de eo erat credendum, redemptorem eum dixit nostrum, & propitiatorem per fidem in sanguine ipsius, propter remis-

10a. 15.
Actū. 1.

Actū. 9.

4

.1. 10a. 4.
.1. 10a. 5.

Actū. 8.

D ij

sionem præcedentium delictorum. Tertio Deum adiecit ostē
 di iustum hoc tempore, & iustificare eum qui ex fide est Iesu
 Christi. Quarto eam fidem dixit deputari nobis ad iustitiam,
 qua credimus in eum qui iustificat impium, ut uel ex hoc colli
 geremus de ea se fide agere, qua credimus ab uno illo nos posse
 habere iustificationem nostræ impietatis. Quinto, ut expli
 catoria omnia essent, adiecit tandē, & nobis quoq;, sicut Abra
 hæ, imputandam esse fidem nostram ad iustitiam, si modo cre
 damus in eum, qui suscitauit Iesum Christū à mortuis, qui tra
 ditus est propter delicta nostra, & resurrexit propter iustifica
 tionem nostram. Et idem aperuit capite. 10. eiusdem episto
 læ. Finis enim, ait, legis Christus ad iustitiam omni credenti.
 Et subdit. Hoc est uerbum fidei, quod prædicamus. Quia si cō
 fitearis in ore tuo dominum Iesum, & in corde tuo credideris,
 quòd Deus illum suscitauit à mortuis, saluus eris. Dicit enim
 scriptura. Omnis qui credit in illum, non confundetur. Non
 enim est distinctio Iudæi, & Græci. Nam idem dominus om
 niū diues in omnes, qui inuocant illum. Omnis enim quicūq;
 inuocauerit nomen domini, saluus erit. Hæc ibi, Idemq; Pau
 lus orationem, quam ad principes synagogæ habuit, his pe
 ne uerbis concludit. Notum igitur sit uobis uiri fratres, q; per
 hunc uobis remissio peccatorum annūtiatur, ab omnibus, qui
 bus non potuistis in lege Moyse iustificari. In hoc omnis, qui
 credit, iustificatur. Quibus uerbis aperte iudicauit, loqui se de
 fide, qua nos credimus, per unum dominum Iesum Christum
 iustificari. Vnde & idem, & Syllas custodi carceris roganti,
 quid me oportet facere, ut saluus fiam; dixerunt. Crede in Do
 minum Iesum, & saluus eris tu, et domus tua. Et iterum, ad hoc
 dicit Christum dixisse sibi quòd illum cōstitueret ministrum,
 & testem eorum, quæ uidit, ut aperiret populorum, & gentiū
 oculos, & conuerterentur à tenebris ad lucem, & de potestate
 satanæ ad Deum, ut accipiāt remissionem peccatorum, & for
 tem inter sanctos per fidem quæ in ipsum est. Liqueet ergo ex
 omnibus istis, & manifesta luce colligitur, fidem de qua agit
 Paulus in istis locis, quæ modo tractamus, esse fidem, qua cer
 to, et indubitato Christū credimus saluatorem esse nostrum,

Actu. 13.

16.

26:

& eius unius meritis, & gratia nos posse saluari. Sicut enim per unum Christum saluamur, ita & consentaneum fuit & fidei quoque ipsius potissimum tribui nostram iustificationem. Atque hanc sententiam aperte uidetur nobis significasse diuus Augustinus capite. 29. lib. 2. de peccatorum meritis & remissione. Ita enim ibi ait. Vna fides est, quae omnes saluos facit, qui ex carnali generatione in spiritalem renascendo saluantur, terminata in eo qui uenit pro nobis iudicari, et mori iudex uiuorum, & mortuorum. Haec ibi. Concinit & eidem sententiae apertissime capite. 44. libro de natura & gratia contra Pelagianos, in haec uerba. Ea quippe fides iustos sanauit antiquos quae sanat & nos, idest mediatoris Dei, & hominum hominis Iesu Christi, fides sanguinis eius, fides crucis eius, fides mortis & resurrectionis eius. Habentes ergo eundem spiritum fidei, & nos credimus, propter quod, & loquimur. Et in de spiritu & litera capite. 29. Per fidem Iesu Christi impetramus salutem, & quantum nobis inchoatur in re, et quantum perficienda expectatur in spe. Omnis enim qui inuocauerit nomen domini, saluus erit. Et libro primo contra duas epistolas Pelagianorum capite. 21. ita ait. Quanta libet fuisse uirtutis antiquos praedices iustos, non eos saluos fecit, nisi fides mediatoris, qui in remissionem peccatorum sanguinem fudit. Et libro primo contra Iulianum Pelagianum ex autoritate Irenaei episcopi Lugdunensis asserit neminem liberari ab antiqua serpentis plaga, nisi per fidem Christi. Et. c. 3. de gratia, & libe. arbit. Sine fide Christi nemo, inquit, liberari potest. Sed addendum est his, ne quis pia ex istis occasione ullam habeat errandi. Quauis haec fuerit fides quam & Christus & sui apostoli a nobis requisierint, quaeque una necessaria praedicata est ad salutem, tamen haud quaquam excludimus a salute omnes, qui eam non habuerunt, sic explicitam, & claram, ut eam hic tradidimus. Satis enim fuit per multis illa eadem implicita, ut in tertio sententiarum latissime Deo concedente disputabimus. Dixi tamen in hac quinta propositione hanc fidem mediatoris esse eam, cui ut plurimum, & praecipue scripturae tribuunt nostram iustificationem. Credimus enim fidem etiam generaliter sumptam, ut ueritati diuinae adae-

quate innititur, iustificare nos posse, ut secunda quaestione luculenter differemus. Neque in eo sumus errore, in quo quidam sunt, existimantes solam fidem promissae iustificationis, aut salutis in Christo, nos iustificare, aut nobis ad iustitiam imputari. Hoc etenim in fide nostra gratum est Deo, quod intellectum nostrum, & rationem, omnemque sensum nostrorum apparentiam, captiuamus in obsequium fidei, & omnibus quae ab ipso ecclesiae suae, gratia salutis nostrae, reuelata sunt, sponte nostra certissimo & indubitato nos subiicimus, honoremque illi in omnibus primae, & infallibilis ueritatis tribuimus, neque minus comminationibus, quam promissionibus, neque plus in attestationibus praesentium, uel praeteritorum, quam praedictionibus futurorum, & ex aequo speculatiuis mysteriis, & doctrinis moralibus, quas nobis tradidit, fide adhibemus. Noe, teste Paulo, fides futuri diluuii imputata est ad iustitiam. Et iustitiae, quae per fidem est, haeres est institutus, quod Deo praenunciante diluuium credidit, & centum annis priusquam fieret, arcam in salutem domus suae construere coepit. Abraham, ut perspicue docet Geneseos historia, imputatum est ad iustitiam, quod credidit multiplicandam esse posteritatem suam, sicut stellas caeli. Et tam est gratum Deo, ut credamus mundum ab ipso factum, & redemptum, quam gratum est, ut credamus, futuram resurrectionem, & iudicium. Et cum Paulus ad Heb. ad eandem iustitiam fidei docuerit permultos spectare, tametsi uaria, & diuersissima crediderint, subdit per fidem eos uicisse regna, & operatos esse iustitiam, adeptosque repromissionem, ut intelligamus, non soli fidei promissionum diuinarum, imputandam esse iustitiam, sed fidei generaliter, quae ueritati diuinae innititur, quauis ut plurimum, & praecipue fides mediatoris hanc praerogatiuam mereatur, et ei illam tribuerint sacrae literae, de quibus ea sint exponenda omnia propemodum earum loca, quae fidei salutem nostram adscribunt.

Heb. II.

Gen. 13.
& 15.

Heb. II.

QVAESTIO SECVNDA



N fides sola sufficiat hominibus ad salutem. Quoniam iam ex prima quaestione satis patet nos de ea duntaxat hic fide agere, qua certo, et indubitato credimus, quaecūq; tenemur credere, siue implicite illa credamus, siue explicite, nihil erit opus in hac quaestione aliqua praenotare, ut fecimus in prima quaestione, sed in abruptū ipsum disputationis absq; ullis praenotamentis statim descēdemus. Seruabimus tamen hunc ordinem. Primo haereticorum sententiam fideliter statuemus. Secundo ueritatem fidei duabus propositionibus explicabimus. Tertio fortissima quaedam, & apparentissima argumenta pro haereticis faciemus, ut eis ex corde compatiamur, qui nō sine causa insaniunt, eaq; pro nostra tenuitate dissoluemus.

Fertur igitur, ut ad primum ueniamus, haec olim opinio fuisse Eunomij, ut Augustinus in libro de haeresibus haeresi 54. dicit, q̄ nihil cuiq; obesset quorūlibet perpetratio, aut per seuerantia peccatorum, si eius, quae ab eo docebatur, fidei particeps esset. Et idem Augustinus libro de fide & moribus capit. 14. tempore apostolorum hanc fuisse dicit exortam opinionem ex quibusdam subobscuris sententijs apostoli Pauli nō intellectis, ut sola fides crederetur ad salutem sine bonis operibus sufficere, & quāuis contra hanc opinionem apostolicę epistolę Petri, Ioannis, Iacobi, Iudę, suam maxime dirigant intētionem, uehementerq; astruant fidem sine operibus nihil prodesse, tamen non defuisse asserit eo tempore, qui eam opinionem rursus tuerentur, & hanc perniciosam securitatem pollicerentur hominibus, q̄ fide sola possent saluari, etiam in pessimis moribus perseuerantes. Eam haeresim tam olim sepultam exsuscitauit, & reuocauit in orbem nostris temporibus Martinus Lutherus. Qui in libello deuotis, aperte docet, nulla opera credenti, in Christum esse tam mala, quae eum possint ac-

cusare, aut damnare. Et in sermone, quo explicat illud Euan-
gelij aduersus Carolstadium, affirmat nullum esse peccatum
nisi incredulitatem, nullam iustitiam nisi fidem. Et in epistola
ad Galatas solam fidem dicit esse necessariam, cætera omnia
liberrima neq; præcepta, neq; prohibita. Et in captiuitate Ba-
bylonica docet non dubitandum esse de salute postq; baptiza-
ti sumus. Quia promissio ibi facta, non est, inquit, mutabilis ul-
lis peccatis. Et tam diuitem dicit omnem christianum esse, siue
baptizatum, ut etiam uolens non posset perdere salutem suã,
quantiscunq; peccatis, nisi nolit credere. Et in libello de liber-
tate Christiana docet, eum qui habet fidem, per eandem liber-
rum esse ab omni lege. Et hunc errorem pleriq; secuti sunt, &
quod dolendum est magis, etiã nunc sequuntur, & mordicus
tuentur. Sed eorum quidem in totum ipsius sententiæ subscri-
pserunt. alij uero, quorum mens aliquanto minus fuit depra-
uata, sic ei adhæserunt, ut quauis fidem cum baptismo ad sa-
lutem acquirendam satis esse tradiderint, tamen eam salutem
malis operibus amitti nõ negauerint. Sed ita tñ obscure loquũ-
tur de fide, quam uel solam putant sufficere ad salutem, ut cen-
tum œdipis opus sit ad eorum mentem explicãdam. utcunq;
tamẽ ista se habeant, cõtra hunc errorem, immo uerius insanã
am, nos ponimus duas cõclusiones respõsiuas ad quæstionẽ.

PRIMA CONCLUSIO.

Certissima fide est tenendum, fidem solam absq; operibus
alijs, neq; satis esse ad iustificationem acquirendum, neq; ad
tuendum acquisitam. Itaq; ut hi qui sunt peccatores, iusti fiãt,
& ne hi qui iam sunt iusti, peccatores fiant, & à iustitia semel
acquisita excidant, requirũtur aliqua opera alia præter fidẽ.

Hæc conclusio tam aperta est ex tota scriptura sacra, ut nisi
nos ad hæc cogeret hæreticæ præuiritatis pertinacia, superuaca-
neum esse censeremus, illam probare. Passim enim, & in Euã-
gelijs, & in prophetarum, & apostolorum literis occurrunt te-
stimonia apertissima pro ista ueritate. Sed quoniam hæretici
ad hæc nos adigunt, ne quispiam in re adeo aperta possit labi,
quin certo sciat se, ut taceamus interim de lege et prophetis: sal-
tem contra euangelium & apostolorum prædicationem, sta-
re, si

re, si contendat, fidem solam sine operibus ad salutem sufficere, reducam ad aliquod compedium, quæ in testimonium ueritatis huius ex euangelio possunt induci. Et quidem pensatis omnibus mature, ex sex capitibus uidetur in summa quadam posse fidei ueritas probari, hoc pacto. Ex euangelio constat, baptismum, eucharistiam, poenitentiam, confessionem, & generaliter omnia Dei mandata, necessaria esse ad salutem, et eos qui ea transgrediuntur, damnationi subiacere, & in die iudicij esse ad perpetuum ignem danandos quantacumque fide polluerint.

Ergo ex euangelio constat, fidem solam absque operibus, nequaquam ad salutem sufficere. Sed, ut hæc apertiora sint, libet & ista sex loca seorsum tractare, & ipsissima euangelistarum uerba his adtexere. Primus itaque locus, ex quo probare possumus, non sufficere fidem solam ad salutem, est Ioannis. 3. Vbi, inter alia Ioannes dicit Christum dixisse Nicodemo. Amen amen dico tibi. Nisi quis renatus fuerit ex aqua & spiritu sancto, non potest introire in regnum Dei. Apertissime ergo requisit præter fidem baptismum. Secundus locus est Ioannis. 6. ubi Iudæis, inter alia hoc quoque dixit, & repetitione duorum amen, ut rem certissimam, & compertissimam confirmauit. Amen amen dico uobis. Nisi manducaueritis carnem filij hominis, & biberitis eius sanguinem, non habebitis uitam in uobis. Requiritur ergo præter fidem Eucharistia. Tertius locus, isque apertissimus est Luca. 13. ubi contra omnes peccatores rigidam quidem, sed uerissimam sententiam his uerbis Saluator profert. Nisi poenitentiam egeritis, omnes simul peribitis. Patet ex hoc loco non sufficere fidem solam, sed requisitam etiam esse poenitentiam. Et nisi illa esset præter fidem necessaria, neque Christus, neque Ioannes baptista suas prædicationes incepissent ab illis uerbis, quæ habentur. 3. & 4. capi. Matthei. Poenitentiam agite. Appropinquauit enim regnum cælorum. Ut quid enim à re non necessaria ordirentur suas prædicationes? Ut quid, & appropinquasse subiungerent regnum cælorum, ut homines ad poenitentiam inflecterent, si patet regnum cælorum etiam non poenitentibus? Certe Christus satis explicabat fidem, & poenitentiam esse necessarias, cum, ut habetur Mar

E

Math. 3.

Luc. 3.

ci primo, utraq; uirtutem exiobat dicens. poenitemini, & credite euangelio. Et Ioannes baptista satis idem explicuit, cum uidens multos Phariseorum, & Saducaeorum uenientes ad baptismum suum, dixit eis. Progenies uiperarum, quis demostrauit uobis fugere a uentura ira? Facite ergo fructum dignum poenitentiae. Et paulo post. Iam enim securis ad radicem arboris posita est. Omnis ergo arbor, quae non facit fructum bonum, excidetur, & in ignem mittetur. Quid apertius poterit dici, ut credatur fides non sufficere ad salutem sine poenitentia? Frustra etiam adiunxisset praeccepta, quae Lucae. 3. subduntur ab eo data turbis, publicanis, & militibus, nisi praeter fidem, essent mores boni necessarii.

Quarto idem potest probari ex illis uerbis Ioannis. 20. Quorum remiseritis peccata, remittentur eis, & quorum retinueritis, retenta erunt. Cum enim quilibet teneatur facere ne sint retenta sua peccata, & non possint esse non retenta, si retineantur a sacerdotibus, neque possint ab eis non retineri, nisi eis manifestentur, quia ipsos retinere, non est aliud, quam non soluere. nullo enim alio modo possunt ipsi retinere, quam non soluendo, sequitur quolibet baptizatum iure diuino teneri omnia mortalia, quae admiserit post baptismum, confiteri sacerdotibus, quia aliter ab eis solui non possunt, nisi illis manifestentur. Et nisi hoc fiat, uel animus sit certus faciendi, cum tene mur confiteri, fides certe non sufficet ad salutem. Et confirmari possunt ista quatuor loca. Nisi enim opera essent ad salutem necessaria, nulla essent sacramenta necessaria, sed absque omnibus sacramentis pateret salus.

Math. 20

Quintus locus est Matthaei. 19. Roganti enim adolescenti, Quid faciendo uitam aeternam possidebo? Apertissime respondit. Si uis ad uitam ingredi, serua mandata. Ex quo loco clare colligitur, ad salutem satis non esse fidem, nisi seruentur mandata. Si enim ad salutem & iustitiam esset satis fides, esset utique & ad uitam aeternam, ad quam omnes iusti admittuntur. Et nisi mandata essent requisita, ut quid tam aperte, praeccepta dilectionis Dei, & proximi, apud Matthaeum Christus explicuisset, & ab eis dixisset pedere legem & prophetas, ut Paulus po-

stea diceret, Plenitudo legis dilectio: Et ut hoc patentissimum
 esset, saepe in euangelio comminatur poenam aeternam trans-
 gressoribus mandatorum, ut patet Matthæi. 5. Qui dixerit, fa-
 tue, reus erit gehennæ ignis. Et ibidem. Nisi abundauerit iu-
 stitia uestra, plusquam Phariseorum, & Scribarum, non in-
 trabitis in regnum cœlorum. Et cap. 10. Qui negauerit me co-
 ram hominibus, negabo & ego eum corā patre meo. Et pau-
 lo inferius. Qui amat patrem, aut matrem, plusquam me, non
 est me dignus. Et qui amat filium, aut filiam super me, non est
 me dignus. Et qui non accipit crucē suā, & sequitur me, nō est
 me dignus. Qui inuenit animam suam, perdet eam. Et cap. 11.
 Amarulentis exprobatōibus subsannat, & uæ aeternum cō-
 minatur ciuitatibus Corozaim, Bethsaidæ, & Capharnaum,
 quia non egerāt poenitentiam ad ipsius prædicationem. Et
 capit. 15. aperte dicit. Cogitationes malas, homicidia, adulte-
 ria, fornicationes, furta, falsa testimonia, blasphemias coinqui-
 nare hominem. Quibus & Marcus. 7. capit. addit auaritiā,
 nequitiam, dolum, impudicitiam oculum malum, super-
 biam, stultitiam. Quare cum nihil coinquinatum intret in re-
 gnum cœlorum, ut aperte dicitur in Apocalypsi, sequitur, ni- Apoc.
 si ab istis mundentur per poenitentiam, qui fuerint illis iniqui-
 nati, haud quaquam per fidem, quam habent, intraturos es-
 se in regnum cœlorum. Et apertissima est illa sententia domi-
 ni Ioannis. 5. Veniet hora, in qua omnes, qui in monumentis
 sunt, audiēt uocem filij Dei, & procedent qui bona egerunt
 in resurrectionem uitæ, qui uero mala egerunt, in resurrectio-
 nem iudicij, hoc est damnationis aeternæ. Sic enim accipitur
 iudicium in scripturis. Et capit. 18. Matthæi, necessariam esse
 humilitatem aperte indicauit Christus dicens. Nisi conuersi
 fueritis, & efficiamini, sicut paruuli, non intrabitis in regnum
 cœlorum. Et statim scandalizantibus suos fratres, uæ aeternū
 comminatur, & tradentes eos tortoribus perpetuis a seue-
 rat, qui non remiserint de corde, suis fratribus. Et capit. 19.
 Diuites difficile intrare in regnum cœlorum, facilius est esse ca-
 melum per foramen acus transire. Quod quidem non esset, si
 fides sola sufficeret. Atq; idem ipsum nempe præter fidem ne-

E ij

cessariam esse obseruantiam mandatorum, ut alia nihil necessaria intermittamus loca, clarissime ostēdit Christus Matthæi 23. & Lucæ. ii. in duris illis & omnino acerbissimis, sed iustissimis tamen, increpationibus, & comminationibus, quibus & obiurgat scribas legis, & Phariseos, & æternū gehennæ ignē saepe comminatur, quod cum fidem integram tenerent, neq; enim aliàs de eis diceret, quæcunq; dixerint uobis, seruate, & facite, tamen hypocritæ essent, superbi, auari, inuidi, crudeles, maligni, & reliquissent, quæ grauiora essent legis, iudiciū, et misericordiam, & fidem, hoc est, fidelitatem, & integritatem. Vnde & ostendens non satis esse fidem, nisi seruentur mandata, durissimas eorum increpationes his uerbis clausit. Serpentes, genimina uiperarum, quomodo fugietis à iudicio gehennæ? Confirmāt & hoc ipsum uæ etiam illa terribilia, quæ, ut habetur Lucæ. 6. diuitibus saturatis, ridētibus, & benedictis ab hominibus comminatur. Et ad idem est quod peccantibus in spiritum sanctum comminatur, non remittēdum eis illud peccatum, neq; in hoc saculo, neq; in futuro. Et quod solos prædicat beatos, Lucæ. ii. qui audiunt uerbum Dei, & custodiunt illud. Et Ioannis. 13. ad suos dicit. Si hæc scitis, beati eritis, si feceritis ea. Et cap. 15. Omnem palmitem non ferentem fructum tollendum, & in ignem mittendū aperte pronunciat. Et apud Matthæum, ut ethnicos, et publicanos haberi præcipit eos, qui ecclesiam non audiunt. Et quidem nescio quorsum data sunt, & dantur præcepta, immo uere nescio quomodo aliqua proprie dicantur, & uere, præcepta Dei, si perinde datur beatitudo trāsgredientibus, ac illa seruantibus.

Sextus, isq; manifestissimus locus est Matthæi. 25. Cum enim ibi describitur sententia ferenda in die iudicij, haud quam fidei soli imputatur, quod electis qui erunt à dextris dicitur. Venite benedicti patris mei, possidete paratum uobis regnum à constitutione mundi, sed imputatur operibus misericordiae, quæ illi pauperibus, & infirmis, & uinctis, & peregrinis præstiterunt. Esuriui enim, sequitur, & dedistis mihi manducare. Sitiui, & dedistis mihi bibere, &c. Neq; soli defectui fidei imputatur sententia illa terribilis, qua reprobi ibidē

feriuntur. Discedite à me maledicti in ignem æternum, qui paratus est diabolo, & angelis eius. Immo cum omnes, qui ibi describuntur iudicari, fideles aperte monstrentur, quia dominum Christum uocant, & quia, qui non credit iam iudicatus est, & impij non resurgunt in iudicio, una operum misericordiae intermissio, causa tam seueræ ponitur sententiæ. Sequitur enim. Esuriui enim, & non dedistis mihi manducare. Sitiui & non dedistis mihi potum. &c. Manifestissimum ergo, uel ex uno isto loco potest esse, non satis esse fidem ad salutem, si intermittuntur opera misericordiae, & falsissimum esse quod Lutherani dicunt, Deum solius fidei ratione iustificare homines nullo uitæ eorum, nullo & ipsorum operum respectu. Ut enim ideo, ut genesis habet historia, quia obediuit Abraham Deo, & non pepercit unigenito suo, promisit ei Deus multiplicationem & exaltationem suæ posteritatis, habito certe respectu ad opera, ut nota causalis satis indicat, ita & hic, uitam æternam largiri se propter opera aperte indicauit dicēs. Esuriui enim &c. Et potest hic locus confirmari, & declarari ex uerbis eiusdem Domini & saluatoris nostri, quæ habentur Matthæi. 7. ubi sic ille ait. Non omnis qui dicit mihi domine domine intrabit in regnum cœlorum, sed qui facit uoluntatem patris mei, qui in cœlis est, ipse intrabit in regnum cœlorum. Liquet enim ex hoc loco non satis esse ad salutem credere in Christum, & eum dominum & uocare, & inuocare, nisi impleatur uoluntas patris, quæ est, ut sæpe aliàs explicatur, obseruantia mandatorum. Vnde & ut hoc fieret magis perspicuum, subiunxit statim. Multi dicent mihi in illa die. Domine domine nonne in nomine tuo prophetauimus, & in nomine tuo dæmonia eiecimus, & in nomine tuo uirtutes multas fecimus? & tunc confitebor illis, quia nunquam noui uos. Discedite a me omnes, qui opera mini iniquitatem. Vides, ut fides sola non sufficiat ad salutem, etiam si tanta fuerit, ut ad miracula multa sufficiat? Atque ita Hieronymus Theophylactus, & christianus Druthmarus hunc locum interpretantur. Et in testimonium huius ueritatis & confirmationem statim ibidem subditur. Omnis qui audit uerba mea hæc, & non facit ea, similis erit uiro stulto, qui ædi-

ficauit domum suam super arenam, & descendit pluuia, & uenerunt flumina, & flauerunt uenti, & irruerunt in domum illam, & cecidit, & fuit ruina eius magna. Idēq; ipsum, in parabola uirginum stultarum aperte ostendit. Non enim ob defectum fidei eis claudit ianuam regni coeloru, quae clamabant. Domine domine aperi nobis. Sed clausit ob negligentiam accipiendi oleum in uasis suis. Idem & ibidem patefecit in seruo illo pigro, & inutili, quem mittit in tenebras exteriores, quod talentum fidei acceptum non curauit bonis operibus duplicare. Idem & in illo declarauit, qui, cum iam per fidem ad conuiuium uenisset, & in ecclesiam uocatus intrasset, tamen, quod non haberet uestem nuptialem caritatis, ligatis manibus & pedibus, mittitur in tenebras. Omnino enim necesse est illud impleri, quod saluator noster pronuntiauit. Et procedent qui bona fecerunt in resurrectionem uitae, qui uero mala egerunt, in resurrectionem iudicij.

Poterant haec sex saluatoris nostri testimonia abunde satisq; esse ad confirmandam fidei nostrae certissimam hanc ueritatem, quod fides absq; operibus non sufficiat ad salutem, praesertim, cum ea tam multis alijs eiusdem saluatoris nostri testimonijs adeo clara, & aperta fecerimus, ut nullus, neq; minimus dubitandi, aut tergiuersandi locus relictus sit ei, qui non uelit apertissimo huic resistere Euangelicae ueritatis lumini.

Sed quoniam haeretici inniti se putant doctrinis Petri, & Pauli, maximeq; Paulum nobis obijciunt, & ex quibusdam eius sententijs subobscuris non intellectis, haeretici occasionem errandi acceperunt, sicut ex Augustino supra retulimus, ut utrunq; & praecipue Paulum ab hac iniuria, quae eius doctrinae inuritur, uindicemus, libet his adijcere aliquot Pauli loca, quibus perspicuum sit, Paulum haec eadem toti mundo praedicasse, neq; unquam ab ista eum doctrina, uel latum unguem, discessiss. Et primo quidem apertissimus est ille locus, qui habetur ad Galatas. 5. ubi sic ait. Manifesta sunt autem opera carnis, quae sunt adulterium, fornicatio, immunditia, impudicitia, idolorum seruitus, ueneficia, inimicitia, contentiones, aemulationes, irae, rixae, dissensiones, sectae, inuidia, homicidia, ebrietas.

tes, comestationes, & his similia, quæ prædico uobis, sicut & prædixi, quoniã qui talia agunt, regnum Dei non consequentur. Patet ex hoc loco, quantacũq; quis fide præditus sit, si alii cui istorum uitiorum, quæ hic commemorantur, obnoxius sit, regnum Dei eum minime consecuturum. Et, ut notaret hæreticos nostri temporis, in eodem capitulo dicit. Vos in libertatem uocati estis fratres, tantum ne libertatem in occasione detis carnis.

Secundus locus, ubi hæc eadem tradit Paulus, est ad Ephesios. 5. ubi ita ait. Hoc autem scitote intelligentes, quod omnis fornicator, aut immundus, aut auarus, quod est idolorum seruitus, non habet hæreditatem in regno Christi, & Dei.

Tertius locus est in prioris ad Corinthios cap. 6. ubi hæc habentur. An nescitis, quia iniqui regnum Dei non possidebunt? Nolite errare, neq; fornicarij, neq; idolis seruientes, neq; adulteri, neq; molles, neq; masculorum concubitores, neq; fures, neq; auari, neq; ebriosi, neq; maledici, neq; rapaces, regnum Dei possidebunt.

Quartus locus etiã apertissimus est in cap. 13. eiusdem epistolæ. Ibi enim manifestissime dicit Paulus nihil se esse, nihilq; sibi prodesse fidem, quãtũuis magnã, si non habeat caritatem. Sunt autem hæc uerba Pauli. Si linguis hominum loquar et angelorum, caritatem autem non habeam, factus sum uelut æs sonans, aut cymbalum tinniens. Et si habuero prophetiam, & nouerim mysteria omnia, & omnem scientiã, & si habuero omnem fidem, ita ut montes trãsferam, caritatem autem non habuero, nihil sum. & si distribuero in cibos pauperum omnes facultates meas, & tradidero corpus meum, ita ut ardeam, caritatem autem nõ habuero, nihil mihi prodest. Equidem nescio quibus uerbis apertius diuus Paulus potuit exprimere necessitatem caritatis, & fidẽ sine ea non sufficere.

Sed adijciam & his alia loca. Quintus locus, qui potest ex Paulo induci pro hac ueritate fidei, est secundæ ad Corinthios. 5. Oēs, ait, nos manifestari oportet ante tribunal Christi, ut referat unusquisq; propria corporis, pro ut gessit, siue bonũ, siue malũ. Vides testimonio Pauli constare ante tribunal

Christi habendam esse rationem non solius fidei, uel infidelitatis, sed & aliorum bonorum, uel malorum. Reddet enim Christus unicuique secundum opera sua, sicut & ipse idem dicit apocalypsis. 22.

Sextus locus est ad Hebræos. 10. Voluntarie peccantibus nobis post acceptam notitiam ueritatis, iam non relinquitur pro peccatis hostia, terribilis autem quædam expectatio iudicij, & ignis æmulatio, quæ consumptura est aduersarios. Irritam quis faciens legem Moysi, sine ulla miseratione duobus uel tribus testibus moritur, quâto magis putatis, deteriora mereri supplicia, qui filium Dei conculcauerit, & sanguinem testamenti pollutum duxerit, in quo sanctificatus est, & spiritui gratiæ contumeliam fecerit: Hæc ibi. Quibus quid possit apparenter responderi, equidem non intelligo, cum nihil neque apertius pro fidei ueritate, dici potuerit, neque formidabilius hereticis, immo omnibus fidelibus peccatoribus.

facit ad rem.

Septimus locus, qui pro his induci potest, est ad Romanos 2. Non enim auditores legis iusti sunt apud Deum, sed factores legis iustificabuntur. Et confirmari potest hic locus ex eo, quod & eodem capite inexcusabiles eos dicit, seque ipsos condemnare, qui temerarie de alijs iudicant. Et Iudæis hoc obijcit, quod cum rectam fidem tenerent, & in lege & in Deo gloriarentur, neque tamen se ipsos docebant, sed per præuersionem legis Deum inhonorabant. Et in capitulo primo eiusdem epistolæ, Gentiles damnatos esse perspicue docet, non quod non crediderint, quæ de Deo tunc erant credenda, sed quod, cum cognouissent Deum, non sicut Deum glorificauerunt, neque gratias egerunt. Et cap. 3. & Iudæos, & Græcos omnes sub peccato fuisse confirmat non ob defectum fidei, sed ob defectum operum bonorum, ad quæ erant adstricti. Et capite. 8. Si secundum carnem uixeritis, moriemini. Et ibidem. Qui autem in carne sunt, Deo placere non possunt. Et tandem possunt omnia ista corroborari ex illis, quæ Titum admonet cap. 3. epistolæ, quam ad eum scripsit. Inter alia enim ita ibi ait. Fidei sermo. Et de his uolo te confirmare, ut curent bonis operibus præesse, qui credunt Deo. Quibus uerbis penè uidetur apostolus

apostolus indicare spiritu se prophetico nouisse futuros esse, qui fidem sufficere crederent Christiano sine operibus, & ne sibi hic error imponeretur, diligenter his uerbis adeo manifestis cauisse. Fidelis, inquit, sermo, hoc est dignissimus, quem omnes, & animaduertant, & recipiant. Et de his uolo te confirmare, ne scilicet argumenta haëreticorum tibi imponant, et de ueritate fidei ambigas, nè ue ex aliquibus à me dictis erres, et putes me sensisse sufficere ad salutem Deo credere. Quid est ergo quod tanta religione, & autoritate tradis? Ut curent, ait, bonis operibus præesse, qui credunt Deo. Ne quispiam sibi blandiatur de fide sua. Ne quispiam suam sibi esse satis fidem existimet. Ne quispiam hoc suis subditis putet ad salutem sufficere, quod credunt Deo, sed intendat bonis operibus, & eorum potissimam rationem habeat, quæ pietati conducant, ea sectetur, ea doceat, ea commendet, ea inculcet, ad eaq; omnes exhortetur, urgeat, impellat, & extimulet, qui suæ curæ incumbunt. Voluit quippe his uerbis eorum elidere errorem Paulus, quos refert Augustinus capit. 4. de fide & operibus peruersissimam securitatem tribuisse præpositis, dicentes ad eos non pertinere, quid quisq; faciat, sed tantum docere quid cauendum, quid ue faciendum sit.

Sed cum Paulus in omnibus suis epistolis tam sollicitus sit obiurgandi omnia uitiã, docendi omnes uirtutes, tradendiq; regulas certissimas, quæ uitam, & mores doceant christianos, admonendi omnes fideles cuiusq; ordinis, ne in uacuum gratiam Dei recipiant, & ut sui quisq; officij sit memor, & instanti diei iudicij se præparet, filiumq; se lucis ostendat, cum passim luxerit peccatores, qui pœnitentiã non agebant, cum incestuosum tradiderit Satanæ, ut spiritus saluus esset, & adolescentioribus uiduis, soluentibus suum uotum, damnationẽ prænunciet, quis tam sit patiens, ut patienter ferre queat, hæc illi irrogari iniuriã, ut crediderit fidem solam absq; bonis operibus sufficere christiano ad salutem? Quare ab alijs testimonijs citandis supersedere commodius erit, cum omnes ipsius epistolę mirificum sint huius rei testimonium. Nunquam enim tam solícite uirtutes docuisset, uitiã reprehendisset, mo-

res incorruptos, & integros studiosissime laudasset, si ista nō existimasset necessaria omnibus esse ad salutem.

Quoniam uero et Petri quoq; autoritas induci potest pro hæreticis, ut statim uidebimus, ut illum constet alienum fuisse ab hoc errore, libet & aliqua Petri testimonia his adiungere. Is igitur in .i. cap. prioris suæ epistolæ aperte stat pro hac fidei ueritate, cum ita fideles omnes admonet. Si patrem inuocatis eum, qui sine acceptione personarum iudicat secundum uniuscuiusq; opus, in timore incolatus uestri tempore conuersimini. Ne enim putaremus fidem solam requiri, dicit Deum iudicare secundum uniuscuiusq; opus. Et ne contenti simus fide & inuocatione Dei, monet, ut cum timore conuerseremur, in operibus uidelicet mandatorum, ne excidamus à gratia recepta. Et in cap. 2. ne ista falsa libertate, quam iactant heretici, in suam perniciem abuterentur, Quasi liberi, ait, non quasi uelamen habentes malitiæ libertatem, sed sicut serui Dei. Et ca. 3. eiusdē epistolæ hoc apertius indicat in hæc uerba. Qui uult uitam diligere, & dies uidere bonos, coerceat linguam suam à malo, & labia eius ne loquantur dolum. Declinet autem à malo, & faciat bonum, inquirat pacem, et sequatur eam, quia oculi domini super iustos, & aures eius in preces eorum, uultus autem domini super facientes mala. Hæc ibi. Si uultus, & indignatio domini super facientes mala, non ergo ad salutem sufficit fides sola. Fidelibus enim ibi loquebatur, & tamen indignationis domini eos cōmonefacit, si faciant mala. Vnde et subdit. Et uos nunc simili forma saluos facit baptisma, non carnis depositio sordium, sed conscientia bonæ interrogatio in Deum. Non ergo satis fides, etiam si baptismum adiungamus, nisi adlit conscientia bona nullius sibi delicti conscia. Et cum cap. 4. adñcit. Iustus uix saluabitur, utiq; ostendebat necessarium esse fidelibus bonis operibus intendere, & inuigilare. Et in secunda epistola cap. i. ut ab isto errore Lutherano oues sibi creditas cauere admoneret. Vos, inquit, curam omnem subinferentes ministrare in fide uestra uirtutem, & paulo inferius. Satagite, ut per bona opera certam faciatis uocationem uestram. Et cap. 2. Nouit Deus pios de tentatione eri-

perè, iniquos uero in diem iudicij referuare cruciandos. Et, ut notaret hæreticos nostri temporis, addit. Magis autem eos, qui post carnem in concupiscentia immunditiæ ambulant, dominationemq; contemnunt, audaces sibi placentes, sectas non metuunt introducere blasphemantes. Et post multa, quæ mirifice eis cõueniunt, subdit de eis. Hi sunt fontes sine aqua, & nebulae turbidibus agitatae, quibus caligo tenebrarum referuatur. Superba enim uanitatis loquentes pelliciunt in desiderijs carnis luxuriæ eos, qui paululum effugiunt, in errore conuersati, libertatem illis promittentes, cū ipsi serui sint corruptionis. A quo enim quis superatus est, huius & seruus est. Et statim ostendit fidem non modo non auferre malitiam ab operibus alioqui malis, uerum ea efficere & peiora, & grauiora. Si enim, ait, refugientes coinquinationes mundi in cognitione domini nostri, & saluatoris Iesu Christi, his rursus implicati superantur, facta sunt eis posteriora deteriora prioribus. Melius enim erat eis non agnoscere uiam iustitiæ, quam post agnitam retrorsum conuerti, ab eo, quod traditum est illis, sancto mandato. Contigit enim illis illud ueri prouerbij. Canis reuersus ad suum uomitū, & sus lota in uolutabro luti. Quid adhuc promittitur contra istam manifestissimam ueritatem conditio melior ijs qui receperunt fidem, & perditæ uiuent, quam si omnino fidem non agnouissent, cum apertissime medicatur. Melius erat eis non agnoscere uiam iustitiæ, quæ utiq; fides est. Neq; enim hoc loco sanctum mandatum intelligendum est, quo præceptum est, ut in Deum credamus, sed quo iubemur ab huius mundi coinquinationibus recedere. Quod & prouerbiū adiunctum ostendit, & uerba illa, refugientes coinquinationes mundi commostrant. Cum enim non dicat refugientes ignorantiam Dei, ea rursus obscurati implicantur, sed si refugientes coinquinationes mundi &c. manifeste indicauit illud se sanctum mandatum in præsentia appellasse, quo præcipimur castam, & mundam uitam agere, Et cap. 3. prænuncians mundum istum periturum, & nouos coelos, & nouam terram ad incolatum iustorum expectari, occasione ex his sumpta, ad uitæ, & morum sanctitatē tali ha-

F ij

fulena sexebra

1.2.3.4.5.6.7.8.9.10.11.12.13.14.15.16.17.18.19.20.21.22.23.24.25.26.27.28.29.30.31.32.33.34.35.36.37.38.39.40.41.42.43.44.45.46.47.48.49.50.51.52.53.54.55.56.57.58.59.60.61.62.63.64.65.66.67.68.69.70.71.72.73.74.75.76.77.78.79.80.81.82.83.84.85.86.87.88.89.90.91.92.93.94.95.96.97.98.99.100.101.102.103.104.105.106.107.108.109.110.111.112.113.114.115.116.117.118.119.120.121.122.123.124.125.126.127.128.129.130.131.132.133.134.135.136.137.138.139.140.141.142.143.144.145.146.147.148.149.150.151.152.153.154.155.156.157.158.159.160.161.162.163.164.165.166.167.168.169.170.171.172.173.174.175.176.177.178.179.180.181.182.183.184.185.186.187.188.189.190.191.192.193.194.195.196.197.198.199.200.201.202.203.204.205.206.207.208.209.210.211.212.213.214.215.216.217.218.219.220.221.222.223.224.225.226.227.228.229.230.231.232.233.234.235.236.237.238.239.240.241.242.243.244.245.246.247.248.249.250.251.252.253.254.255.256.257.258.259.260.261.262.263.264.265.266.267.268.269.270.271.272.273.274.275.276.277.278.279.280.281.282.283.284.285.286.287.288.289.290.291.292.293.294.295.296.297.298.299.300.301.302.303.304.305.306.307.308.309.310.311.312.313.314.315.316.317.318.319.320.321.322.323.324.325.326.327.328.329.330.331.332.333.334.335.336.337.338.339.340.341.342.343.344.345.346.347.348.349.350.351.352.353.354.355.356.357.358.359.360.361.362.363.364.365.366.367.368.369.370.371.372.373.374.375.376.377.378.379.380.381.382.383.384.385.386.387.388.389.390.391.392.393.394.395.396.397.398.399.400.401.402.403.404.405.406.407.408.409.410.411.412.413.414.415.416.417.418.419.420.421.422.423.424.425.426.427.428.429.430.431.432.433.434.435.436.437.438.439.440.441.442.443.444.445.446.447.448.449.450.451.452.453.454.455.456.457.458.459.460.461.462.463.464.465.466.467.468.469.470.471.472.473.474.475.476.477.478.479.480.481.482.483.484.485.486.487.488.489.490.491.492.493.494.495.496.497.498.499.500.501.502.503.504.505.506.507.508.509.510.511.512.513.514.515.516.517.518.519.520.521.522.523.524.525.526.527.528.529.530.531.532.533.534.535.536.537.538.539.540.541.542.543.544.545.546.547.548.549.550.551.552.553.554.555.556.557.558.559.560.561.562.563.564.565.566.567.568.569.570.571.572.573.574.575.576.577.578.579.580.581.582.583.584.585.586.587.588.589.590.591.592.593.594.595.596.597.598.599.600.601.602.603.604.605.606.607.608.609.610.611.612.613.614.615.616.617.618.619.620.621.622.623.624.625.626.627.628.629.630.631.632.633.634.635.636.637.638.639.640.641.642.643.644.645.646.647.648.649.650.651.652.653.654.655.656.657.658.659.660.661.662.663.664.665.666.667.668.669.670.671.672.673.674.675.676.677.678.679.680.681.682.683.684.685.686.687.688.689.690.691.692.693.694.695.696.697.698.699.700.701.702.703.704.705.706.707.708.709.710.711.712.713.714.715.716.717.718.719.720.721.722.723.724.725.726.727.728.729.730.731.732.733.734.735.736.737.738.739.740.741.742.743.744.745.746.747.748.749.750.751.752.753.754.755.756.757.758.759.760.761.762.763.764.765.766.767.768.769.770.771.772.773.774.775.776.777.778.779.780.781.782.783.784.785.786.787.788.789.790.791.792.793.794.795.796.797.798.799.800.801.802.803.804.805.806.807.808.809.810.811.812.813.814.815.816.817.818.819.820.821.822.823.824.825.826.827.828.829.830.831.832.833.834.835.836.837.838.839.840.841.842.843.844.845.846.847.848.849.850.851.852.853.854.855.856.857.858.859.860.861.862.863.864.865.866.867.868.869.870.871.872.873.874.875.876.877.878.879.880.881.882.883.884.885.886.887.888.889.890.891.892.893.894.895.896.897.898.899.900.901.902.903.904.905.906.907.908.909.910.911.912.913.914.915.916.917.918.919.920.921.922.923.924.925.926.927.928.929.930.931.932.933.934.935.936.937.938.939.940.941.942.943.944.945.946.947.948.949.950.951.952.953.954.955.956.957.958.959.960.961.962.963.964.965.966.967.968.969.970.971.972.973.974.975.976.977.978.979.980.981.982.983.984.985.986.987.988.989.990.991.992.993.994.995.996.997.998.999.1000.

mobidi

bitationi congruentem sanctissime, & grauissime hortatur dicens. Cum igitur hæc omnia dissoluenda sint, quales oportet nos esse in sanctis conuersationibus, & pietatibus, & quæ sequuntur. Et quoniam sciebat eadem prorsus sensisse Paulū, sed tamen à quibusdam perperam exponi illius uerba, & ex nonnullis subobscuris eius sententijs occasionem accepisse errandi, & credendi fidem solam satis esse ad salutem, mox & omnia ex sententiā ipsius Pauli cōfirmauit, & ut notat diuus Augustinus cap. 14. de fide & operibus, commemorauit in Paulo quædam esse difficillima intellectu, quæ indocti, & instabiles ad suum ipsorum interitum deprauarent.

Sed ut Ioannem euangelistam procul fuisse ab hoc errore ostendamus, libet & ex illius epistolis aliquot proferre testimonia, quibus & cōcorditer ille cum cæteris apostolis docuit hanc fidei ueritatem. Et. 1. quidem cap. primæ suæ epistolæ appellans peccata tenebras, quod obscurant, & obtenebrant intellectum, ne quis putet propter hoc, quod credit, gratiam se iam habere, & societatem inisse cum Deo. Si dixerimus, ait, quoniam societatem habemus cum eo, et in tenebris ambulamus, mentimur, & ueritatem non facimus. Et paulo inferius. Qui dicit se nosse Deum, & mandata eius non custodit, mendax est, et in hoc ueritas non est. Et statim. Qui dicit se in Christo manere, debet sicut ille ambulauit, & ipse ambulare. Et ibidem. Qui dicit se in luce esse, & fratrem suum odit, in tenebris est usque adhuc. Et paulo inferius. Siquis diligit mundum, nō est caritas patris in eo. Et cap. 3. Nos scimus quoniam translati sumus de morte ad uitam, quoniam diligimus fratres. Qui non diligit, manet in morte. Omnis qui odit fratrem suum, homicida est. Et scitis quoniam omnis homicida non habet uitam æternam manentē in se. Et statim. Qui habuerit substantiam huius mundi, & uiderit fratrem suum necesse habere, & clauerit uiscera sua ab eo, quomodo caritas Dei manet in eo? Et cap. 4. Qui non diligit, nō nouit Deum, quoniam Deus caritas est. Ex quibus manifestissime colligitur longe esse iuxta huius apostoli doctrinam, à gratia Dei quantacumque fidem habeat, qui uel diligit mundū, uel in tenebris aliorum peccatorum.

1. IOã, c. 2.

ibidem.

uerfatur, & quicumq; non diligit fratres suos corde & opere.

Sed inter omnes apostolos clarissime hanc docuit ueritatē Iacobus apostolus, cuius uerba sunt hæc. Quid proderit fratres mei, si fidem quis dicat se habere, opera autē non habeat? Nunquid fides poterit saluare eum? Et statim. Fides si non habeat opera, mortua est in se metipsa. Sed dicit quis. Tu fidē habes, & ego opera habeo. Ostende mihi fidem tuam sine operibus, & ego ostendam tibi ex operibus fidem meam. Tu credis, quoniam unus est Deus? Bene facis, & dæmones credunt, & contremiscunt. Vis autem scire o homo inanis, quoniam fides sine operibus ociosa est? Abraham pater noster nonne ex operibus iustificatus est offerens Isaac filium suum super altare? Vides quoniam fides cooperabatur operibus illius, & ex operibus fides consummata est. Et suppleta est scriptura. Credidit Abraham Deo, & reputatum est illi ad iustitiam, & amicus Dei appellatus est. Videtis quoniam ex operibus iustificatur homo, & non ex fide tantum. Similiter & Raab meretrix, nonne ex operibus iustificata est suscipiens nuntios, et alia uia eiciens? Sicut enim corpus sine spiritu mortuum est, ita & fides sine operibus mortua est. Hæc ille. Quibus uerbis tam aperte, tam perspicue, tam lucide ueritatem fidei, & docuit, & confirmauit hic sanctissimus Christi apostolus, ut merito Lutherus coactus fuerit dicere, hanc epistolam Iacobi apostoli non esse, neq; adnumerandam esse canonicis scripturis, sed à canone librorum sacrorum eam esse submo- uendam. Cum enim nihil haberet, neq; habere posset, quod ad tam apertam autoritatem responderi posset, consequens erat, ut uel suum desereret errorem, aut si hoc sibi nolebat per suadere, certe negaret hanc epistolam esse canonicā. Sed neq; hoc commune hæreticorum a sylum eum poterit hac in parte tueri. Iam enim uiri per celebres ostenderunt late ex diffinitionibus ecclesiæ, & sanctorum doctorum, hanc epistolā esse de sacro canone, & à beato Iacobo apostolo conscriptā. Certissima itaq; fide tenendum est, fidem solam non sufficere ad salutem. Sed pudet me, & tædet iandudum in re adeo aperta solis scripturarum testimonijs uti. Ideoq; quo istam magis re-

IACO. I.

Gene. 15.

IACO. 2.

*An Epistola Iacobi
recipiatur i cano-
ne sacre scriptu-
re.*

uincamus heresim, & procul ab ecclesia, immo et ab orbe eam relegemus, adiſciam secundam conſuſionem de hoc.

SECUNDA CONCLVSIO.

Certum est, & ſecluſa fide etiam ex lumine naturali notū, fidem ſolam non ſufficere ad ſalutem. Itaq; hæretici nō ſolum errant contra fidem, dum dicunt, ſufficere ſolam fidem, ſed et errant, uolo dicere, contra lumen naturale, & propter peccata ſua traditi ſunt in reprobum ſenſum, adeo, ut iam non ſolum non uideant, quæ ſunt fidei, ſed neq; uideant ea, quæ philoſophi cognouerunt, et lumen naturale facile omnibus oſtendit, qui non reſiſtunt tantæ claritati. Et quod hoc ita ſit, probatur. Lumine naturali conſtat, idolatriam, blaſphemiam, periuria, parricidia, homicidia, adulteria, falſa teſtimonia, furta, eſſe mala, & in ciuitatibus bene inſtitutis omnia iſta crimina debere puniri, eosq; qui ea admittunt, malos eſſe, & nequam homines, & inter ſcleratos, & nefarios eſſe computandos, neq; cum eis habendam eſſe à probis uiris ſocietatem, cognoueruntq; iſta omnia philoſophi, & ſuis in libris poſteris reliquerunt, ut ex Platone, Ariſtotele, Cicerone, ut alios miſſos faciamus, ſæpe conſtat. Ergo lumine naturali etiam cōſtat, Deum non eos eſſe admiſſurum in ſupernam cœlorum ciuitatem, ubi nihil erit coinquatum, neq; initurum cum eis ſocietatem ullam, aut gratos eos habituros quantūcūq; fidem habeant, ſi non eis iſta tanta crimina diſpliceant. Non admiſiſſet philoſophus ad amicitiam homines hiſ ſcleribus obnoxios, quādoquidem aperte dicit in Ethicis, amicitiam ueram non poſſe eſſe inter malos, expellunt & à ſe, & pro uirili ſua fugant, & elimināt tales peſtes bene inſtitutę ciuitates, & Deus, qui ſumme bonus eſt, ut lumine naturali conſtat, eos habebit amicos, eosq; ad ſuum regnum admittet, qui talium ſclerū ſunt rei; Profecto contra lumen naturale errat, qui hoc credit, & traditum ſeſe in reprobum ſenſum, uel hoc nomine, deberet credere, quod id ſibi perſuaſerit de Deo, quod uix de probō homine debuiffet credere. Sed dices. Deus benigniſſimus eſt, omnia condonare poteſt fidei, una & fide poteſt eſſe contentus. Vnde ergo lumine naturali conſtare poteſt eum hoc

non fecisse? Respondeo. Constat hoc, quia non sunt reuocata praecepta legis naturae in credentibus, immo multo minus in ipsis. Essent autem reuocata, si eorum transgressiones neque dirimerent, neque impedirent amicitiam diuinam. Et Deus sic est benignissimus, ut sit & iustissimus, immo ipsissima bonitas, & iustitia, neque habere fortassis potest, aut saltem non habet amicos eos, qui huiusmodi scelera admiserint, quousque illa uel actu, uel uirtute eis displiceant. Vnde & Christus. Si uis ad uitam ingredi, serua mandata. Et Paulus. Legem ergo destruimus per fidem? Absit. Sed legem statuimus. Et cum eandem in nobis sentiamus naturalem inclinationem ad assentiendum haec esse mala, quam in se olim sensere philosophi, neque Deus autor sit erroris, aut instiget ad assentiendum falso, sequitur & haec modo similiter esse mala, ac olim fuerunt. Vnde & diuus Augustinus. 3. lib. contra duas epistolas Pelagianorum cap. 4. Quis est tam impius, qui dicat ideo se decalogi non custodire praecepta, quia christianus est, neque sub lege, sed sub gratia constitutus? Haec ille. Et nisi ita esset, multo sanctior, & honestior profecto fuisset lex uetus, & similiter lex naturae, quam lex euangelica, quae talia scelera impune fieri permetteret, quae nemo, nisi omnino caecus, detestanda, & abominanda esse dubitare potest. Vnum etiam uellem cum haereticis istis amice, & familiariter disceptare, quod si benigne audierint, crediderim, uel solum, satis esse posse ad reuocandum eos ab hac tanta caecitate, si modo gratiae Dei, qui ad ostium stat, & pulsat, non pertinaciter restiterint. Dicant ergo mihi obsecro, an admittendos censeant ad sacramenta ecclesiae, ut baptismum, eucharistiam, & alia, fideles omnes quantumuis magnis obrutos sceleribus, an non? Si dicant admittendos esse, mitto eis allegare consuetudinem totius ecclesiae, quae nunquam recepit ad haec sacramenta meretrices, histrio-nes, adulteros, usurarios, homicidas, aut alias huiusmodi pestes asserentes, se in his peccatis perseverare uelle. Mitto et illis obijcere horrendam, & in ipso lumine naturali execrabilem sacrilegij impietatem, quae committitur, dum ad preclara adeo, ac uere sanctissima gratiae, & salutis nostrae uasa scelerati, &

Math. 19

Ro. 3.

I. CO. II.

immundi uiri admittuntur. Respondeant mihi solum uelim, quando solas scripturas sacras sibi uolunt allegari, quomodo non sunt rei, & prauaricatores, qui hoc faciunt, illius Christi mandati. Nolite sanctum dare canibus, neq; mittatis margaritas uestras ante porcos. An non sunt canes crudeles homines, homicidæ, plagiarij, seditiosi? An non canes obtrectatores, qui canino dente aliorum dilacerant famam? An non porci, qui obscœnis libidinum uoluptatibus uacant, & nefarijs, et execrandis immunditijs, & impudicitijs, corpus suum contaminant? Quid etiam respondere possunt ad Paulum dicentem. Probet autem seipsum homo, & sic de pane illo edat, & de calice bibat. Qui enim manducat, et bibit indigne, iudiciũ sibi manducat, & bibit non diiudicans corpus domini? An non hic apertissime tradit Paulus, eucharistiam non esse accipiendam à peccatore, & eum qui in peccato acceperit, iudicium sibi manducare, & bibere, hoc est, reum æternæ damnationis fieri? Solent enim scripturæ iudicium pro æterna damnatione ponere, ut & Augustinus cap. 23. de fide & operibus adnotauit. Et nisi hoc grauissimum esset peccatum, nõquam tam seueram eius ultionem subdidisset Paulus statim dicens, Ideo inter uos multi infirmi, & imbecilles, et dormiunt multi. Quod si propter hæc argumenta dixerint, non esse admittendos ad Ecclesiæ sacramenta manifestos peccatores, qui perseuerare uoluerint in suis peccatis, dicam & ego. Quo pacto igitur admittendos creditis à Deo ad regnum suum coeleste, & consortium innumerabilium sanctorum angelorum, & hominum quos indignos uidetis, & bene censeis, qui admittantur ad communicandam in sacramentis cū sanctis huius uitæ uiris? Certe sanctior est Deus omnibus suis sacramentis, sanctior & ecclesia triumphans ecclesia militante. Si indigni sunt peccatores qui admittantur ad sacramenta, indigni etiam haberi debent, neq; ullo pacto credi possunt admittendi ad beatitudinem, si non eos suorum poeniteat peccatorum. Ex fide igitur, & ex lumine naturali constat fidem solam, neq; ad salutem, neq; ad beatitudinem, sceleratis alioqui sufficere.

Sed ne omnino sine causa credantur hæretici hanc prerogatiuam

gatiuam fidei tribuisse, ut illa uel sola sufficiat hominibus ad salutem, subiiciam his argumenta, quæ pro eis sunt fortissima. Nihil enim necesse est alia infirma satis, & imbecillia, quibus utuntur, in medium proferre.

Et primus quidem locus, qui nobis pro eis obijci potest, est in epistola Pauli ad Romanos, ubi sic dicitur. Ex operibus legis non iustificabitur omnis caro coram illo, scilicet Deo. Per legem enim cognitio peccati, nunc autem sine lege iustitia Dei manifestata est, testificata à lege, & prophetis. Iustitia autem Dei per fidem Iesu Christi in omnes, & super omnes, qui credunt. Hæc tibi. Quæ omnia, si bene ponderentur, uidentur probare, fidem solam sufficere ad salutem. Si enim ex operibus legis non iustificatur homo, non ergo sunt necessaria opera legis ad salutem. Si etiam nunc manifestata est iustitia Dei sine lege, nunc ergo obseruantia legis ad iustitiam necessaria non est. Si & nunc communicatur iustitia Dei, & à cælo uelut, superinfunditur omnibus, qui credunt, cum ergo multi sint legis transgressores, omnes enim declinauerunt, & non est ne unus quidem, qui faciat bonum, relinquitur, benignissimum Deum una fide contentum esse, ut iustificet nos, et consequenter, eam solam sufficere. Et confirmari ista possunt ex eiusdem apostoli uerbis ad Galatas. 2. ubi hæc penè eadem iterum dicuntur. Scientes, ait Paulus, quod non iustificatur homo ex operibus legis nisi per fidem Iesu Christi, & nos in Christo Iesu credimus, ut iustificemur ex fide Christi, & non ex operibus legis. Propter quod, ex operibus legis non iustificabitur omnis caro. Vides quoties hic repetat Paulus, non iustificari hominem ex operibus legis, sed ex fide. Si autem opera essent necessaria ad iustificationem, sicut & fides, cur non ex utrisque diceretur homo iustificari? Sed & aliquanto plus uidentur urgere, quæ inferius subiicit. Cum enim citasset testimonium Genesis, Credidit Abraham Deo, & reputatum est illi ad iustitiam, cognoscite ergo, infert, quia qui ex fide sunt, hi sunt filij Abrahæ. Et subdit. Prouidens autem scriptura, quia ex fide iustificat gentes Deus, prænucciavit Abrahæ, quia benedicentur in te omnes gentes. Igitur qui ex fide sunt, benedicen-

RO. 3.

Gala. 3.

G

tur cum fidei Abraham. Quibus uerbis aperte uidetur Paulus omnes fideles filios Abraham pronuntiare, & omnes illos cum eo benedicendos asserere, testimonioque scripturae probare, Deum non exigere opera ad saluandum, sed ex fide iustificare. Vnde & paulo inferius ex fide rursus ait, nos iustificari, & filios Dei esse per fidem, & per eam, pollicitationem nos accipere spiritus, & promissionem factam Abraham ex fide Iesu Christi dari credentibus.

RO. 3.

Secundus locus, qui pro eadem parte induci potest, sunt uerba, quae statim adiunguntur à beato Paulo in epistola ad Romanos. Iustificati, inquit, gratis per gratiam ipsius, per redemptionem quae est in Christo Iesu, quem proposuit Deus propitiatorem per fidem in sanguine ipsius ad ostensionem iustitiae suae propter remissionem praecedentium delictorum in sustentationem Dei, ad ostensionem iustitiae eius in hoc tempore, ut sit ipse iustus, & iustificans eum, qui ex fide est Iesu Christi. Vbi est ergo gloriatio tua? exclusa est. Per quam legem? Factorum? Non, sed per legem fidei. Arbitramur enim iustificari hominem per fidem sine operibus legis. An Iudeorum Deus tantum? Nonne & gentium? Immo & gentium. Quoniam quidem unus est Deus, qui iustificat circumcisionem ex fide, praepitium autem per fidem. Haec ibi dem. In his uerbis multa uidentur esse, quae confirmant, fidem solam sufficere ad salutem. Primum quod iustificatos nos dicit Paulus gratis per gratiam Dei. Si autem opera essent necessaria, non possemus dici gratis iustificari, cum opera legis magno per saepe constent labore, magnisque per saepe à multis redimerentur pecunijs, si redimi possent. Secundum quod Christum propitiatorem nostrum dicit fuisse per fidem in sanguine ipsius. si enim ille reconciliauit nos Deo, & propitium, & placatum, eum nobis fecit, suo sanguine, & fide nostra, non igitur opera necessaria sunt, ut propitiationem, et reconciliationem ipsius, participemus. Alioqui, & propitiator ille debuit dici per fidem & opera nostra, in sanguine suo. Fauet & tertio huic parti, quod Deum iustificare dicit, cum qui ex fide est Iesu Christi, & adeo neminem excipit, ut statim adijciat iustificare Deum,

& circumcissionem ex fide, & præputium per fidem, ut nemo alienus ab hac iustificatione intelligatur, qui modo ex fide sit Iesu Christi, & per hoc fidelis, & christianus dici queat. Quarto pro eadē parte facit, quod gloriationem, et iactantiam iudæorum, qua se iustos esse gloriabantur, exclusam esse dicit, non per legem factorum, sed per legem fidei. Si enim eorum iactantia exclusa est, & procul relegata, non per legem factorum, sed per legem fidei, nunc ergo non ad opera, sed ad fidem tenemur, neque ad salutem opera sunt requisita, sed sufficit una fides.

Quinto demum apertissimum argumentum pro hac parte, & profecto ualidissimum sumi potest ex illis uerbis. Arbitramur enim iustificari hominem per fidem sine operibus legis. Non enim expressius, ut uidetur, hæretici dicunt, fidem solam sufficere ad iustificationem hominis, quam hic Paulus id ipsum dicat. Quid est enim aliud, fides sine operibus, quam fides sola? Quid etiam fides sola, quam fides sine operibus? Si sufficit fides sine operibus ad iustificationem, sufficet profecto, apparenter colligunt hæretici, fides sola. Et potest totus iste secundus locus confirmari ex illis uerbis eiusdem apostoli ad Galatas. Quoniam autem in lege nemo iustificatur apud Deum, manifestum est, quia iustus ex fide uiuit. His enim uerbis non solum dicit apostolus, neminem in lege iustificari apud Deum, quod non uidetur dicendum, si est necessaria ad iustitiam obseruantia legis, sed & docet hoc colligi ex autoritate Abacuc dicentis, iustum ex fide uiuere. Quæ collectio satis idonea non est, si autoritas Abacuc non sic intelligitur, ut iustus credatur ex fide sola uiuere. Nam si ex fide uiuit, & operibus, inferri quidem potest, neminem in sola lege iustificari, sed nequaquam bene inferitur, neminem in lege iustificari. Iustificari namque potest in lege, & in fide, sicut uiuit ex lege, & ex fide.

Tertius locus ex quo uidetur apparentissime posse colligi, fidem solam sufficere ad salutem, habetur in eodem Paulo ca. 4. eiusdem epistolæ. Si Abraham, inquit, ex operibus legis iustificatus est, habet gloriam, sed non apud Deum. Quid enim dicit scriptura? Credidit Abraham Deo, & imputatum est ei ad iustitiam. Eius autem, qui operatur, merces non imputatur

G ij

Gala. 3.

Aba. 2.

secundum gratiam, sed secundum debitum, ei uero, qui non operatur, credenti autem in eum, qui iustificat impium, imputatur fides eius ad iustitiam, sicut & Dauid dicit, beatitudinem hominis, cui Deus acceptam fert iustitiã sine operibus. Hæc ibi. Sunt autem hoc in loco quatuor, quæ uidentur suadere, fidem solam sufficere ad salutem. Primo enim cum dicit. Si Abraham ex operibus legis iustificatus est, habet gloriam, sed non a pud Deum, uidetur indicare opera legis nihil conducere ad iustitiam apud Deum, & consequenter ad eam non esse necessaria. Si enim conducerent ad iustitiã, cur Abraham ex illis iustificatus, non haberet gloriam apud Deum? Et hoc ipsum satis uidetur, & monstrare, & confirmare, quod statim inducit testimoniũ scripturæ, in qua non opera, sed fides duntaxat, Abraham imputata dicitur ad iustitiam. Secundo & illa uerba fauere huic parti uidentur. Ei qui operatur, merces non imputatur secundum gratiam, sed secundum debitum. Tercio quod statim adiungitur. Ei uero qui non operatur &c. apertissime uidetur probare eandem partem. Si enim fides illius qui non operatur, imputatur ei ad iustitiã, non ergo opera sunt requisita ad iustitiam. Alioqui illa nemini nõ operanti contingeret. Quarto & illud apertissimum est, quod statim adnectitur. Sicut & Dauid dicit &c. Si enim & Dauidis testimonio Deus etiã peccatoribus fert acceptam iustitiam, & iustificat eos sine operibus, quis debeat esse tam durus, & tam inhumanus, ut uelut coarctans libertatem diuinam, audeat dicere Deum non iustificare sine operibus, & opera esse requisita ad iustitiam, neq; solam fidem sufficere?

Quartus locus est in eadem epistola cap. 10. ubi sic legimus: Si confitearis in ore tuo dominum Iesum, & corde tuo credideris, quod Deus illum suscitauit à mortuis, saluus eris. Corde enim creditur ad iustitiam, ore autem confessio fit ad salutem. Dicit enim scriptura. Omnis qui credit in illum, non confundetur. Non enim est distinctio Iudæi & Græci, sed idem dominus omnium diues in omnes, qui inuocant illum. Omnis enim quicumq; inuocauerit nomẽ domini, saluus erit. Hæc ibi. Estq; hic locus bene perpendendus. Non solum enim ui-

Esaiæ 28

10. cl. 2.

detur tradere satis esse cuiuscumque ad iustitiam fidem in Christum, uerum & hoc ipsum Esaiæ, & Ioelis testimonijs apertis confirmare, certe si opera sunt necessaria ad iustificationem nostram, cum fides possit, et fidei confessio, inueniri absque talibus operibus, multi, qui credunt, confitentur, & inuocant Christum, confundentur neque saluabuntur, sed male peribunt. Cum ergo hoc aperte contradicat huic loco Pauli, oportet dicere opera non esse necessaria ad salutem, sed fidem solam sufficere.

Quintus locus est eiusdem Pauli. Ut enim Lucas in Actibus refert, quandam bene longam orationem, quam habuit ad principes synagogæ, Antiochiæ, Pisidiæ, his penè uerbis conclusit. Notum sit igitur uobis uiri fratres, quod per hunc, scilicet Christum, uobis remissio peccatorum annunciat, & ab omnibus, à quibus non potuistis in lege Moyli iustificari. In hoc omnis, qui credit, iustificatur. Vides ut neminem excepit credentem? Vides ut non aliqua requisit opera, sed solam fidem, ut participaremus remissionem peccatorum, quæ annuntiat nobis per Christum? Actuū.13

Sextus locus est in eisdem Actibus. Inter cætera enim, quæ Lucas ibi commemorat, Petrum dixisse in oratione, quam habuit ad Cornelium, & ad eos, qui conuenerant ad domum illius, ut audirent uerbum Dei, hoc quoque refert, eum dixisse de Christo. Huic omnes prophetae testimonium perhibent, remissionem peccatorum accipere per nomen eius, omnes, qui credunt in eum. Si omnes, qui credunt in Christum, remissionem peccatorum accipiunt, non ergo opera ad salutem necessaria sunt. Sed autoritate, Petri, Pauli, Lucaeque ipsius, et omnium prophetarum, constare uidetur, fidem solam sufficere ad salutem. Et potest hic locus confirmari ex illis uerbis Christi. Qui crediderit, & baptizatus fuerit, saluus erit. Saltē enim ex his uidetur posse colligi, quod sufficiat ad salutē fides cum baptismo, quidquid ante, uel postea, baptizatus fecerit. Actuū.10

Septimus locus, qui pro hæreticorum sententia induci potest est ille, qui non mediocriter torlit diuum Augustinum in tractatu de fide, & operibus. Is autē est primæ ad Corinthios 3. Secundum gratiam Dei, quæ data est mihi, ut sapiens archi-

tectus fundamentum posui, alius autem superædificat. Vnusquisque autem uideat quomodo superædificet. Fundamentum enim aliud nemo potest ponere præter id, quod positum est, quod est Christus Iesus. Siquis autem superædificet supra fundamentum hoc, aurum, argentum, lapides pretiosos, ligna, fœnum, & stipulam, uniuscuiusque opus manifestum erit. Dies enim domini declarabit, quia in igne reuelabit, & uniuscuiusque opus quale sit, ignis probabit. Si cuius opus manserit, quod superædificauit, mercedem accipiet. si cuius opus arserit, detrimentum patietur, ipse autem saluus erit, sic tamen quasi per ignem. Ex hoc loco sic possumus argumentari, fidem solam sufficere ad salutem. Paulus asserit hoc loco, saluos fore omnes, qui tenuerint fundamentum Christum, quidquid ei postea superædificent. solos enim duos ordines ponit superædificantium Christo, & utrosque pronunciat fore saluos, hos quidem, qui ligna, fœnum, & stipulam, superædificant, per ignem, alios uero, qui aurum, argentum, & lapides pretiosos, superstruunt, sine igne. Cum ergo omnes, qui fidem habent Christi, teneant Christum, per fidem enim ille habitat in cordibus nostris, & per fidem tenetur, neque alia de causa, hoc se Paulus gloriatur, fundamentum posuisse, quam quia tradidit Christi fidem, sequitur omnes, qui credunt Christo, tandem saluandos esse, siue per ignem tribulationis expurgantem à malis operibus, quæ admiserint, siue etiam sine huiusmodi igne, si operibus solidis uirtutum quis incubuerit.

ACT. 2.

Octauo confirmare possumus fidem solam sufficere ad iustificationem ex multorum exemplis, qui propter eam solam uidentur iustificati. Et primo quidem possunt induci pro hoc tria illa millia hominum, qui die pentecostes audientes primum sermonem Petri post aduentum spiritus sancti, & credentes uerbis illius, eodem die baptizati sunt. Cum enim minime dubium sit, inter illos, plurimos fuisse in peccato, neque uerisimile appareat, ad baptismum fuisse admittendos, nisi qui iam crederentur iustificati, uel sua certe opinione, quod in se orat, ut iustificarentur, fecisse, uidentur quidem isti ad solam suam ipsorum fidem iustificati, Et si mores etiam boni ad iu-

stificationem necessarij essent, quomodo uno, & eodem die, tam multi potuerunt baptizari? Quomodo non etiam meminisset Lucas examinationis uitae illorum? Si enim mores etiam boni ad iustificationem necessarij sunt, doctrina morum tradenda est ante baptismum, & examinatio facienda est uitae, ne sanctum baptisma canibus tradatur, & margarita tantae, & tam incomparabilis uirtutis, porcis. Ista autem haud quam uno die uidentur potuisse praestari respectu trium milium, neque tacita fuissent a Luca, siquidem ea, uel aliquid eorum apud praestitissent. Et secundo potest afferri in huius roborationem exemplum illius Eunuchi, quem idem Lucas in actibus apostolorum refert baptizatum a Philippo nulla facta interrogatione de moribus, immo nullo alio prorsus requisito, quam fide ex toto corde. Cum enim, dum Philippus euangelizat illi Iesum, uenisset ad quandam aquam, dixissetque eunuchus ille. Ecce aqua. Quis prohibet me baptizari? Dixit ei Philippus. Si credis ex toto corde, licet. Vides, ut nihil aliud ad baptismum requirit, quam fidem? Sed et hoc aliquanto fit dilucidius ex eo, quod sequitur. Cum enim respondisset eunuchus: Credo filium Dei esse Iesum Christum, descenderunt uterque in aquam, & Philippus baptizauit eum. Tertio & hoc ipsum docere possumus ex exemplo illo celebri de custode carceris, quem Lucas commemorat ibidem baptizatum a Paulo cum tota domo sua, eadem nocte, immo eadem hora, qua ostia carceris uidit aperta. Cum enim ille rogasset Paulum, & Sylam, quid eum oporteret facere, ut saluus fieret, & illi respondissent, crede in dominum Iesum Christum, & saluus eris tu, et domus tua, tollens eos in illa hora noctis, addit Lucas, lauit plagas eorum, & baptizatus est ipse, et omnis domus eius continuo. Si igitur ut baptizetur quis, satis est fides, ergo & ut iustificetur, satis erit. Non enim sunt admittendi ad baptismum quos certo constat esse in peccato.

Haec sunt potissima argumenta, quae fieri possunt, ut opinor pro hereticis. Sed illis, aut siqua sunt alia fortiora, non obstantibus, ueritatem fidei tuebimur. Quoniam uero omnia ista pendent ab scripturis, de quarum se germana intelligentia

Actuū. 8.

Actuū. 16

falsò iactitant hæretici, obijcientes nobis, quòd illis relictis in Aristotele, & alijs prophanæ philosophiæ autoribus noctes, diesq; consumamus, & pro rebus penè nullius frugis passim digladiemur, uelim in expositione horum locorum, quæ pro ipsis induximus, aliquanto latius expatiari, quàm stylus scholasticus, & modus huius quæstionis iam exposceret. Existimet itaq; precor pius lector, ne prolixitate quæstionis tædio ullo afficiat, singulas solutiones quæstiones esse distinctas, uel expositiones potius distinctorū locorū scripturæ. Iam. n. difficilia nobis uisa sunt hæc loca omnia, tam obscura, tam abdita, tam digna, quæ exacte tractarentur, ut neq; potuerim quidē, neq; fas mihi putauerim esse, leuiori ea manu attingere. Neq; tam uereor modum me excessisse huiusmodi argumentis debitū, quàm, ut hisce, qui ista curiose expenderint, uel hac tanta prolixitate fecerim satis. Neq; mirandum sanè, quando hæc sunt loca, quæ, ut Augustinus dicit, apostolorū princeps subobscura esse dixit, & difficilia intellectu in Paulo. Sed accedamus tamen ad expositionem eorum.

Aug. de
fide, &
opi. c. 14.

Ad primum ergo dicendum nō recte colligi, fidem solam sufficere, neq; ex eo, quòd ex operibus nullus iustificatur, neq; ex eo quòd nunc iustitia Dei manifestata est sine lege, neq; ex eo quòd iustitia Dei communicari dicatur omnibus, qui credunt. Sed ut hæc apertiora sint, singillatim hæc tria exponemus. Et primum quidem istorum trium. Ex operibus legis non iustificabitur omnis caro coràm illo, hunc habet sensum, uirtute, & merito suorum operum nullus iustificatur coràm Deo. Vnde & præcedit. Vt omne os obstruatur, & subditus fiat, hoc est reus ostendatur, omnis mundus coràm Deo. Et sequitur. Omnes enim peccauerunt, & egent gloria Dei. Ex quibus uerbis manifestum est sensum istorum uerborum, Ex operibus legis non iustificabitur omnis caro coràm illo, esse hunc, nullus propter opera sua, aut quod idē est, ex ui, & merito operum suorum iustificabitur coràm Deo. Cum enim seclusa gratia diuina in peccatis sint omnes, & inimici Deo, grauissimisq; pœnis ob illius offensam obnoxij, quid habere poterunt ex se, unde iustificentur, & redeant in gratiam diuinam?

nam? Aliud est dicere, opera esse necessaria ad salutem, quod nos concedimus, aliud ex operibus nostris nos iustificari, uel saluari, quod hic negat Paulus. Et licet apud diuum Iacobum in autoritate iam citata, cum dicit Abraham pater noster nonne ex operibus iustificatus est? illa praepositio, ex, tantum dicat efficientiam, & cooperationem, sensus enim horum uerborum est. Ad Abraham iustificationem cooperata esse opera ipsius fidei, unde & statim subditur, uides quoniam fides cooperabatur operibus illius, tamē apud Paulum haec particula, ex, amplius aliquid dicit. Denotat enim illud ex uis, & natura operum fieri, ac ex debito contingere, quod ex operibus dicitur fieri. Quod ne quispiam me meo ex capite dicere existimet, audiat ipsum Paulum. Is enim, ne hic nos eius sensus lateret, ad Romanos sic ait. Si autem gratia, iam non ex operibus. Alioqui gratia iam non est gratia. Quibus uerbis aperte indicauit, ut opposita à se haberi, fieri aliquid ex gratia, & fieri ex operibus, & consequenter, fieri aliquid ex operibus tunc dici, cum sit ex debito, & propter ipsa opera. Quare cum omnes quotquot sunt iustificati, iustificati sint ex gratia, sequitur uerissime ipsum dixisse. Ex operibus legis non iustificabitur omnis caro coram illo. Et idem ipsum indicauit, cum dixit. Non ex operibus iustitiae, quae fecimus nos, sed secundum suam misericordiam, saluos nos fecit per lauacrum regenerationis. Verbo enim iustitiae indicauit, se non excludere opera, quibus congruum esset Deum benignitate sua respondere, sed excludere tantum iustitiam, & quidquid est iustificationi ex gratia contrarium. Quare ne opera uideretur excludere, non contentus uerbo iustitiae, adiecit etiam per lauacrum regenerationis. Ex quo uerbo satis etiam indicauit, hoc ipsum quod uolentes baptizamus, cooperari nostrae iustificationi. Explicuit & se hoc uocare ex operibus iustificari, cum adiecit statim in principio cap. 4. eiusdem epistolae ad Romanos. Ei autem, qui operatur, merces non imputatur secundum gratiam, sed secundum debitum. Hoc enim perinde est, ac si apertius dixisset. Illud quod ex operibus datur alicui, & propter sua opera, non datur secundum gratiam, sed secundum debitum. Et per

H

RO. II.

Titu. 3.

P. OR.

hæc patet, nullam esse contrarietatem inter Iacobum, & Paulum, dum Iacobus dicit Abraham iustificatum esse ex operibus, Paulus uero neminē iustificari ex operibus. Vterq; enim statim explicuit, quo in sensu hæc dixisset. quare cum in sensu nulla sit contrarietas, neq; ipsi ergo inter se sunt censendi contrarij fuisse. Scio aliquos aliter dissoluere istam, quæ in cortice literæ apparet, diaphoniam. Aiunt enim, Paulum de operibus legis Mosaycæ intellexisse, Iacobum uero, de officijs pietatis, & caritatis. Possunt & alij dicere Paulum non excludere opera, quæ sequuntur acceptam gratiam, & eis solis cooperationem ad iustitiam concedi à Iacobo. Sed nobis prior uia dissoluendi contrarietatem magis probatur. Consona est enim magis expositio, quam dedimus, & antecedentibus, & consequentibus, & alijs locis eiusdem Pauli, ut ostendimus, & melius est uerba tanti apostoli in quanto maximo possumus rigore, & generalitate, ut sic dicam, uera ostendere, quando ipse generaliter, et absq; ulla limitatione locutus est. Et in hunc sensum sæpe exponit diuus Augustinus ista loca in illis libris, quos contra Pelagianos scripsit. Et peculiariter primo contra Pelagiū & Coelestium cap. 8. & 23. & libro de natura, & gratia contra Pelagianos cap. 40. & de prædestinatione sanctorum cap. 6. Et per hæc patet quid dicendum sit ad ea, quæ in confirmatione huius argumenti inducuntur ex epistola ad Galatas. Immo uere ex ijs, quæ in ea epistola adduntur ab ipso Paulo, & ista, quam dedimus, expositio, potest confirmari.

RO. 3.

Cum enim addit. Si ex lege iustitia, iam non ex promissione. Et iterum. Si data esset lex, quæ posset uiuificare, uere ex lege esset iustitia, & si per legem iustitia, ergo gratis Christus mortuus est, uidetur profecto his omnibus indicare, ideo se dicere, neminem iustificari ex operibus legis, quia neq; obseruantia est aliqua legis tam exacta, neq; opus ullum uirium naturalium tam præclarum, quod ad iustificationem sufficiat.

Secundum etiam quod in hoc primo loco ponderatur, non cogit asserere, fidem sine operibus sufficere ad salutem. Possumus enim dicere uerbum, sine lege, cū Paulus dicit. Nunc autem sine lege iustitia Dei manifestata est, referendum esse ad

uerbum manifestata, non ad uerbum iustitia. Manifestata est enim iustitia Dei per aduentum, & prædicationem Christi, & suorum, neque lege, neque ipsius ministris, uel cerimonijs, eam manifestantibus.

Sed contra istam expositionem est argumentum apparēs. Quomodo enim sine lege potest dici manifestata, quæ testificata est ab ipsa lege, ut statim addit Paulus. An non ipsum testimonium iustitiæ Dei, quod perhibebat lex, manifestatio quædam erat ipsius? Quomodo etiam sine lege potest dici manifestata iustitia Dei, cum etiam Christus, & sui apostoli testimonio uterentur legis ad iustitiam Dei manifestandā? Neque uideo sanè, quid ad hæc argumenta dici possit, nisi forte quis dicat cū Origene in expositione huius loci, legem accipi pro lege naturali, cum dicitur, Nunc autem sine lege, pro Mosayca uero cum dicitur, testificata à lege. Erat enim adeo debilitata, & obscurata legis naturalis scintilla, ut eius testimonio haud quaquam uoluerit Deus uti ad manifestationem suæ iustitiæ. Sed ut cunq; de his sit, placet profecto magis, ut lex in toto suo ambitu accipiatur in illis uerbis, Nunc autem sine lege, hoc est, ut & naturalem, & Mosaycam comprehendit.

Omni enim occasionem gloriandi in lege, & Gentilibus, & Iudæis, uult Paulus præscindere. Et tunc uel dicemus uerba ista, Nunc autē sine lege iustitia Dei manifestata est, hūc habere sensum, Nunc autē sine lege. i. lege non causante, neque præstante iustitiam, sed tantum cognitionem peccati, iustitia Dei manifestata est, uel dicemus illa uerba sine lege non adiungi uerbo manifestata est, sed uerbo iustitia, ut sensus sit. Nunc autem iustitia Dei, quæ est sine lege. Hoc est, quæ non causatur à lege, neque eius iustificationem requirit, manifestata est per testimonium legis, & prophetarum. Et hanc expositionem, & subdistinctionem sequitur diuus Augustinus de spiritu & littera cap. 9. Et libro. i. contra Pelagium & Cœlestium de gratia Christi his uerbis. Quomodo sine lege manifestata, si per legem testificata? Non ita sine lege manifestata, sed sine lege iustitia, quia iustitia Dei est. i. quæ nobis non ex lege, sed Deo, & hanc distinctionem, uel certe expositionē illam, sine lege,

H ij

ibidem.

id est lege non efficiente iustitiam, postulare uidentur illa uerba, quæ statim præcesserant. Ex operibus legis non iustificabitur omnis caro coràm illo. Per legem enim cognitio peccati. Videtur enim istis alijs, quæ mox subnectit, tantum excludere legem ab efficientia iustitiæ Dei.

Sed ueniamus ad tertium, quod in hoc primo loco magis urget. Videtur enim Paulus nullum credentem à salute excludere, cum dicit iustitia autem Dei per fidem Iesu Christi in omnes, & super omnes qui credunt. Et quidem ad hunc locum dicunt multi communiter nõ dixisse Paulum in omnes, & super omnes, qui credunt ei, sed in eum, quod tantum conuenit habentibus caritatem, & amore in eum tendentibus. Aliud enim, inquit, est, credere Deo, quod est ei fidem adhibere, aliud, credere Deum, quod est, credere Deum esse, aliud credere in Deum, quod est, credendo amare, credendo diligere, credendo in eum ire, & eius membris incorporari, ut Augustinus eleganter exponit super Ioannem tractatu. 29. Et idem potest colligi ex eodem cap. 16. de fide & operibus, ubi ita ait. Credere in Christum non est habere dæmonum fidẽ, quæ recte mortua perhibetur, sed fidem, quæ per dilectionem operatur. Sed nihil ualet hoc refugium commune. Non enim habetur Græce ei neq; in eum, sed absolute dicitur in omnes, & super omnes qui credunt. Et sic legit diuus Augustinus in de spiritu & litera cap. 9. & 13. Et præterea. Si sic ista exponamus, auferemus magnas prærogatiuas fidei. Consequenter enim habebimus dicere ista, quæ promittuntur credentibus in Deum, prærogatiuas esse fidei, & caritatis. Dicendum ergo aliter ad hoc. Signum istud uniuersale, omnes, non distribuit hic pro singulis generum, sed pro generibus singulorũ. Hoc est, nõ distribuit pro omnibus singularibus hominibus, sed pro omnibus nationibus, & populis, sicut frequenter dicunt summuliste de hoc signo, omne, in ista propositione. Omne animal fuit in arca Noe, non distribuere pro singulis generum, sed pro generibus singulorum. Et in his, ut omnes etiam non dialectici hæc intelligat, uolumus dicere non esse sensum Pauli iustitiam Dei omnibus communicari, qui credunt, sed

sensum esse, quod communicatur ijs, qui credunt, siue Iudaei sint, siue Gentiles. Ita ut nullus excludatur ab hac gratia, quae omnibus exposita est, & ad omnes pertinet, & ab omnibus potest participari, si modo uelint fidem Christi recipere, et quae illa exigit praestare. Atque ita necessarium est accipere quod Paulus alibi dicit. Per unius iustificationem, in omnes homines in iustificationem uitae. Non enim omnes homines iustificantur, sed ex omnibus nationibus aliqui. Ita etiam Aug. lib. 4. contra Iulianum Pelagianum. c. 8. exponit illa uerba eiusdem Pauli. Deus uult omnes homines saluos fieri, & ad agnitionem ueritatis uenire. Et cap. 13. de correc. & gratia eodem modo exponit illa. Omnibus per omnia placeo. Et haec uerba, quae modo exponimus, in hunc sensum, Paulum accepisse, potest probari. Statim enim adiunxit. Non enim est distinctio. Omnes enim peccauerunt, & egent gloria Dei. Quibus uerbis uidetur aperuisse, nequaquam se uoluisse in praecedentibus asserere, omnes fideles esse iustos. Quid enim magis alienum a Paulo: sed hoc tantum uoluisse indicare, gratiam fidei Christi ad omnes spectare, neque esse sicut lex uetus, in qua gloriabantur Iudaei, quae ad solos eos spectabat. Detrahare enim uolebat Paulus ibi superalium, & arrogantiam Iudaeis, & ostendere iam nihil eos habere, quo se anteferrent Gentilibus, cum gratia fidei ad omnes ex aequo pertineret, neque intra Iudaeae cancellos inclusa esset. Atque in hunc sensum statim dixerat idem Paulus. Causati enim sumus Iudaeos, & Graecos, omnes sub peccato esse. Et supra cap. 1. de Euangelio. Virtus enim Dei est in salutem omni credenti, Iudaeo primum, & Graeco. Et in hunc modum possumus respondere ad testimonia quarto, quinto, & sexto loco inducta.

Altera etiam uia respondere possemus ad huiusmodi omnia testimonia dicentes, ea omnia esse intelligenda de credentibus fide uiua & efficaci, quae per dilectionem operatur. Et haec uia potest colligi ex Augustino in libro de fide & operibus cap. 14. 16. & 21. & in de spiritu & littera cap. 32. cuius uerba citauimus quarto argumento contra secundam propositionem quaestionis primae. Unde & in cap. 22. De fide et operibus ita

Handwritten notes in the right margin, including "ad hunc sensum" and other illegible scribbles.

RO. 5.

2. Tim. 2.

1. CO. 10.

RO. 3.

ibidem.

Additional handwritten notes in the right margin, including "ad hunc sensum" and other illegible scribbles.

*Iustificatio iure et
efficacia fidei & dilectio-
nem opib; haberi
tur*

*Nota intelligenda
dictor; Pauli
de Iustificatio ne,
& fidei.*

*Intellectus dictor;
Pauli. de fide iustifican-
te.*

ait. Recte dici posset ad solam fidem pertinere Dei mandata, si non mortua, sed uiua illa intelligatur fides, quę per dilectionem operatur. Et cap. 23. Inseparabilis, ait, est bona uita à fide, quę per dilectionē operatur, immo uero ea ipsa est bona uita. Et cap. 13. mores bonos & fidem sibi inuicem dicit connexa esse, sicut dilectio Dei, & dilectio proximi, quarum altera sine altera esse non potest, ut ibidem cap. 10. ostendit. Et subdit in fine eiusdem cap. 13. regulam notādam sub his uerbis. Ideo aliquando alterum sine altero, pro plena doctrina inuenitur scriptura commemorare, ut etiam hoc modo intelligatur alterum sine altero esse non posse, quia & qui credit Deo, debet facere quod præcepit Deus, & qui propterea facit, quia præcepit Deus, necesse est, ut credat Deo.

Quod si ne istę quidem duę expositiones satis quietent curiosi scrutatoris ingenium, & absolutiorem aliquam, & liberiores, minusq; limitatam, Pauli expositionem desideret, occurrit & tertiā uia, qua ad omnia hæc testimonia sufficienter respondere possimus. Ea autem est, ut dicamus satis esse, ut censeantur huiusmodi uniuersales ueræ, semper ita esse, sicut per illas significatur, siquidem non apponatur aliunde aliquid impedimentum. Neq; enim est necessarium ad ueritatem earum, ut semper quidquid fiat, & quocūq; nos habeamus modo, ita sit, sicut illę significant. Itaq; ad ueritatem huius propositionis, quam modo exponimus, satis est quod si nō aliunde peccatis nostris impediamus gratiam Dei, per hoc solum quod credimus, iustificemur. Neq; parum dicitur ab apostolo, sic exponendo hunc locum. Primo enim indicatur ab eo per hæc uerba, nemini patere salutem absq; fide. Secundo, per fidem patere salutem cuiq; siquidem obstaculum aliquid non apponeret, sed se ductui, & uirtuti fidei permetteret, & quæ iuris sunt sui, & operis, & functionis non impediat exercere. Illa enim ostendit, et demonstrat omnia necessaria ad salutem, & perducit ad ea, siquidem ei non aduersetur, et renitatur, sed obtemperemus potius, & eam sequamur, & faciamus, quæ illa nos docet facienda, caueamus autem, quæ cauenda præscribit. Itaq; in his uerbis non solum indicatur ne-

cessitas præcepti, cui obnoxij sumus, cuiq; credendo satisfacimus, & nos à morte æterna, quam aliàs incurreremus, liberamus, sed indicatur etiã potestas, uirtus, & efficacia fidei ad iustificationem hominis. Et ita etiã intelligendi sunt sancti doctores, cum apud illos sæpe legimus fidem liberare, et iustificare impios, & ex peccatoribus sanctos facere. Loquuntur enim, sicut edocti sunt ab scriptura in multis locis. Et peculiariter licet uidere ita locutos fuisse Ambrosium epistola. 71. Hilariũ canone. 9. super Matthæum, Leonem in quodam sermone de Epiphania domini. Quod uero satis sit hoc ad ueritatem huiusmodi propositionum, potest probari, quia & alibi non semel utitur huiusmodi propositionibus scriptura in hoc solo sensu. Sic apud Ioannem saluator ait. Ego sum panis uitæ. Patres uestri manducauerunt manna in deserto, & mortui sunt. Hic est panis de cœlo descendens, ut si quis ex ipso manducauerit non moriatur. Ego sum panis uiuus, qui de cœlo descendi. Si quis māducauerit ex hoc pane, uiuet in æternum. Et paulo inferius. Qui manducat meam carnem, & bibit meum sanguinem, habet uitam æternam. Et iterum statim. Qui manducat meam carnem, & bibit meum sanguinem, in me manet, & ego in eo. Sicut misit me uiuens pater, & ego uiuo propter patrem, & qui manducat me, uiuet propter me. Hic est panis qui de cœlo descendit. Non sicut manducauerunt patres uestri manna, & mortui sunt. Qui māducat hunc panem, uiuet in æternum. Hæc ibi. Vides quoties, & quàm generaliter Christus asserit iustificandos, & in se mansuros, et uitam æternam habituros eos, qui ipsum in sacramento Eucharistiæ manducauerint? Cum ergo non dubitas multos ad iudicium manducare hunc supercœlestem panem. Hoc enim & Paulus testatur, & experientia ipsa in multis malis sacerdotibus commonstrat, cum etiã certum sit, & apud omnes constantissimum damnari posse multos, qui hunc panem, uel digne, uel indigne sumpserint, siquidem postea admiserint peccata aliqua, & recesserint à fide, relinquitur profecto ideo solum dixisse Christum, manducantes Eucharistiã habituros uitam æternam, quia quantum est ex parte ipsius sacra-

Handwritten notes in a cursive script, likely a marginal gloss or commentary, partially obscured by the binding.

Ioan. 6.

I. COR. II.

Faint handwritten word, possibly "Amica".

*Nota quomodo q
māducat panē xpi.
hī habiturus uitā
eternam. cōtra
Iuda cōmēderit, et
nō habuerit uitā et
nam.*

menti eam omnes habebunt, qui illud digne sumpserint, non uero q̄ absolute, & simpliciter eā sint omnes, qui digne illud sumpserint, habituri, quidquid uel tunc, uel antea ipsi admiserint. Et per hæc, quæ nulli sanè intelligenti, & interpretanti uerba ipsius, poterant esse ambigua, explicabat ipse seruator, & doctor omnium, sic esse intelligendas similes propositiones uniuersales, quas & ipse ibidem de fide asserit, & in scripturis suorum apostolorum sciebat nos postea lecturos. Neq̄ enim ipsi absq̄ exēplo, hoc tropo, & figura usi sunt, sed quod uiderant factitatum à suo magistro, & à se quoq̄ usurpari posse prudenter intellexerunt. Patet autem Christum in eundem modum locutum esse de fide, quo ipsi. Ita enim ibidem ait. Qui uenit ad me, non esuriet, & qui credit in me, non sitiet in æternum. Et statim. Hæc est autem uoluntas patris mei, qui misit me, ut omnis qui uidet filium, & credit in eum, habeat uitam æternam. Et supra cap. 3. ad Nicodemum ita ait. Sicut Moyses exaltauit serpentē in deserto, ita exaltari oportet filiū hominis, ut omnis, qui credit in ipso, nō pereat, sed habeat uitā æternam. Sic. n. Deus dilexit mundum, ut filiū suum unigenitum daret, ut omnis qui credit in eum, non pereat, sed habeat uitam æternam Et infra cap. 10. in hunc sensum dicit. Per me si quis introierit, saluabitur. Et iterum, Oues meæ uocem meam audiunt, & ego cognosco eas, & sequuntur me. Et ego uitam æternam do eis, & non peribunt in æternum, & nō rapiet eas quisquam de manu mea. Neq̄ enim dubitare possunt hæretici quin aliqui perierint, qui per fidem introiuerant ad Christum, et de ipsius essent ouibus. Patet enim hoc, etiam secundum eos, in his qui recesserunt à uera fide. Et infra cap. 11. in hunc sensum dicit Marthæ. Qui credit in me etiam si mortuus fuerit, uiuet, & omnis qui uiuit, & credit in me, nō morietur in æternū. Et cap. 7. Qui credit in me, sicut dicit scriptura, flumina de uentre eius fluent aque uiuæ. Sic & alibi remissionem promittit peccatorum eis, qui remittunt alijs offensas in se commissas, et omnia mundanda eis, qui dant eleemosynas. Et Paulus dicit. Pietas ad omnia utilis est promissionem habens uitæ, quæ nunc est, & futuræ. Et ad Romanos. 6. Qui-
cunq̄

I. Tim. 4.

cunq; in Christo baptizati estis, Christum induistis. Et cap. 8. Spe salui facti sumus. Et Tobia. 4. Eleemosyna ab omni peccato, & morte liberat, & nō patietur animam ire in tenebras. Et Esaia. 58. Cum effuderis esurienti animam tuam, & animam afflictam repleueris, orietur in tenebris lux tua &c. Et frequentissime scriptura hoc tropo utitur, quotiescunq; de illis agit, quē nisi nos impediremus alijs peccatis, nos perducerent ad uitam aeternam. Debetq; huius doctrinae semper meminisse, quicunq; studiosus est scripturarum, neq; uult in illis offendere, ut faciunt passim, propter ignorantiam eius, haeretici. Neq; existimet quispiam in solis scripturis hunc tropum inueniri. Frequentissimus enim est apud philosophos, & prophanos autores, immo & apud uulgos. Sic enim uulgo dicimus, ignem omnem calefacere, aquam semper frigefacere, mala colloquia corrumpere bonos mores, malorum consuetudinem semper nocere, uinum, & mulieres apostatate facere sapientes, & similia sexcenta. Neq; tamen si roget nos quispiā diceremus per haec nos uelle significare semper ista fieri non obstantibus qualibuscūq; impedimentis, sed naturas nos, & uirtutes istorum his uerbis explicare, & quod, ut plurimum ex his sequatur, aperire. Atq; ideo scriptura, quae loquitur more filiorum hominum utitur his tropis, quoniam frequentes apud eos sunt, & sic melius intelligimus, quae in ea legimus, & per haec abunde super q̄ responsum est, ad quartum, quintum, & sextum, argumentum cum sua confirmatione.

Locum ergo excutiamus tertium, & secundum. Quoniam uero quinque in secundo ponderata sunt inter argumentandum, totidem dictis ad ea respondebo.

Pro solutione igitur secundi argumenti in secundo loco inducti dico primo. Quemadmodum uerbum illud, iustificati gratis per gratiam ipsius non excludit fidem, ita neq; excludit opera, quae ex diuina lege necessaria sunt ad iustificationē. Vt enim à Deo habemus per gratiam ipsius, ut credamus, ita & ab eo habemus, ut operemur opera necessaria ad salutem, & iustificationem nostram, & tam illa, quam fides, dona quaedam gratuita sunt Dei, & illis positus gratuito, & non ex de-

*Iustificatio p̄ gratiam
operum, nō absq̄
fide obstat.*

*In fides q̄
nō est op̄
et meritis xpi.*

Et nota ueritate

*Iudas uinit ex
ho no in effuso
la.
Ita iustificat^h fide
no in effuso*

*In p^ode salua
mur, i. n. no potet
alicui salua nisi ex
fide.*

*Verba C^oncilij con
uentis.*

bito iustificamur. Secundo dico. Ex hoc quod iustus dicatur ex fide uiuere, & Deus eum iustificare per fidem, male colligitur, opera non esse necessaria. Non enim idem est uiuere ex fide, & uiuere ex fide sola, iustificari ex fide, & iustificari ex fide sola. Priora dicit scriptura, posteriora de suo erroneo sensu addunt haeretici. Si autem queratur cur tacitis operibus unius fidei in hoc loco fiat mentio à Paulo, uide huius causas nonnullas satis congruentes, in tertia, quam statim addemus, questione. Neq; tamē interim damus de operibus alijs à fide Paulum tacuisse. Oppositū enim statim docebimus. Et si aliquando inueniatur in libris catholicorum doctorum, solam fidem nostram, uel solam fidem Christi saluare, intelligendum est uerbo illo solam non excludi opera, sed excludi omnes alias sectas, & uias ad salutem, quæ sunt præter fidem nostram, uel Christi, & hoc tantum illis uerbis significatur, quod non pateat alicui salua, nisi per fidem nostram, quæ fides Christi est. Et ut uno exemplo doceamus, quid in omnibus similibus intelligendum sit, subiiciam uerba Martini quinti in bulla condemnationis Ioānis Vuideff, & Ioānis Hus, quæ habetur in fine concilij Constantiensis. Is itaq; ad mediū illius bullæ inter cætera ita ait. Cum reliquis huiusmodi secta damnabili infectis, qui post competentem monitionem, ac frequentem exhortationem, qua pie erga eos spe, correctionis, et emendationis, ac ad melioris uitæ frugem conuersionis, usus est, à prædictis erroribus, & secta noluerint resipiscere, & ad gremium, unitatēq; sanctæ matris ecclesiæ redire, ac fidem catholicam, quæ sola saluare potest, sine qua uere salutis nulli subsidium contingit, plene recognoscere, & confiteri, iustitiæ seueritas, prout facti poposcerit qualitas, dulcore misericordiæ temperetur. Hæc ibi. In quibus manifeste patet, cum dicitur fidem solam saluare, nihil aliud significari, quàm quod statim adiungitur, extra illam neminem saluari. Atq; ita præclarissimus ille Pelagianorum infectator Augustinus cum eliminare uult de ecclesia errorem illum Pelagij, quod ante legem saluati fuerint iusti per naturam, deinde per legem, postremo per Christum, aperte dicit. Iustos antiquos non saluos,

fecit nisi fides mediatoris. Quo uerbo certe non excluderat necessitatem operum praeceptorum, sed necessitatem indicabat fidei Christi pro omni statu.

Tertio dico. Cum Paulus gloriationem Iudaeorum exclusam esse dicit. Non per legem factorum, sed per legem fidei, non ideo legem ueterem appellauit legem factorum, quod in ea non credenda praescriberentur, sed tantum facienda, neque nostram legem fidei legem appellauit, quoniam in ea nihil praeciperetur faciendum, sed tantum credenda. Sunt etenim in utraque lege praecepta de credendis, & de faciendis. Sed ideo lex uetus, lex factorum dicta est, & nostra, lex fidei, ut dicit diuus Augustinus, quia in lege ueteri plurima de faciendis mandata data sunt, adeo ut Petrus dixerit, eam importabilem fuisse, pauca autem, immo uere paucissima de credendis praecepta erant in tota lege ueteri, contra uero in noua lege pauca sunt praecepta de faciendis, & multa de credendis. Supra illa enim ad quae tenemur ex lege naturali, nullum habemus iuris diuini hoc tempore praeceptum, nisi praeceptum de credendo, & de tribus sacramentis baptismo, confessione, & Eucharistia. Credere uero multo plura tenemur quam tenebantur homines ante aduentum Christi. Quoniam multo plura nunc sunt patefacta mysteria, quae necessarium est fidelem omnem credere certa ac firma fide. Atque ideo status hic noster uocatur status fidei, immo & fides, ut supra ex Paulo docuimus. Et quod Paulus cum appellaret legem nostram legem fidei, non uoluerit excludere a lege nostra praecepta de faciendis, satis explicabat ipso uerbo lex fidei, legi enim factorum opposuit legem, quae plura solet praescribere, & non opposuit fidem, ne illa sola requisita putaretur. Atque hoc ipsum multo magis statim aperuit, cum obiectum argumentum, legem ergo destruimus per fidem: hoc pacto soluit. Absit. Sed legem statuimus, hoc est firmamus, & stabilimus, sicut apertissime sonat Graeca littera. Cum enim hoc de lege ueteri intelligi commode nequeat quo ad praecepta caerimonialia, & iudicialia, quae antiquata sunt, & abrogata per fidem, relinquatur hoc esse intelligendum de lege naturali, uel de lege ueteri, quo ad moralia praecepta,

I ij

*non est praeceptum
legis*

*Lex noua, lex
fidei.*

*non est praeceptum
legis*

legis

Gala. 3^a

*non destruitur lex
fidei, igitur
non de eadem
ut, lex sola
bit.*

quod idem est. Quare ex his liquido monstratur hoc ipso loco Paulus stare pro nobis, quo maxime gloriantur hæretici aduersus nos. Quarto dico. Quintum uerbum quod in hoc secundo loco maxime merito ponderatur, uarie exponi à doctoribus catholicis. Quidam enim dicunt Paulum, cum dicit, arbitramur iustificari hominem per fidē sine operibus legis, non exclusisse opera consequentia ipsam iustificationem, sed tantum exclusisse opera antecedentia ipsam iustificationem. Quoniam fides, inquit, sine operibus, nempe ipsam subsequētibz, mortua est. Et in fauorem huius expositionis potest induci Augustinus, 14. cap. de fide & operibus ubi tractans hæc uerba ita ait. Non hoc agit apostolus, ut percepta ac professa fide opera iustitiæ contemnantur, sed ut sciat se quisq; per fidem posse iustificari, etiam si legis non præcesserint opera. Sequuntur enim iustificatum, non præcedunt iustificandum. Hæc ibi. Et in de spiritu & litera cap. 26. Sic intelligendum est, ait, Factores legis iustificabuntur, ut sciamus eos aliter non esse factores legis, nisi iustificentur, ut non iustificatio factoribus accedat, sed factores legis iustificatio præcedat. Hæc Augustinus.

Sed contra istam expositionem primo est argumentum, quia Paulus generaliter asserit, per fidem iustificari hominē sine operibus legis, ubi omnia quidem opera legis excludere uidetur. Neq; est cur potius excludere existimetur sequentia, quàm antecedentia opera, & sicut dicunt iurisperiti, ubi lex non distinguit, neq; nos distinguere debemus. Et quidem, cum Paulus non solum non distinguat, sed absolute omnia excludat, neq; nos quædam includere debemus, quædam uero excludere. Et præterea contra istam expositionem argumentor. Iam enim hæc sententia concedit hæreticis opera nō esse requisita ad acquirendum nobis iustitiam, sed tantum ad eam tuendum, & conseruandum, & ne ab ea semel acquisita excidamus. Quod quidem dandum nō est hæreticis. Si enim detur, consequenter habebimus dare, neq; baptismum, neque pœnitentiam necessaria esse, neq; in re, neq; in uoto, ad consequendum iustitiam, & una fide iustificari posse, adulteros, ho-

*Veritas dicitur
Pauli.*

*Augustinus uerum
et per ueritas Pauli*

Nota.

micidas, blasphemos, fures, usurarios, quod supra satis ostendimus non esse dandum. Et profecto sine causa uidentur mihi limitare uerbum Pauli ad opera antecedentia, qui hoc semel largiuntur haeticis. Cum enim Paulus tantum dicat homines iustificari per fidem sine operibus, & non dicat sine operibus posse homines saluari, & perseverare in iustitia, saltem in his locis si hoc interim datur eis, ut ad comparandum nobis iustitiam, fides sine operibus sufficiat, quid opus est limitare uerbum Pauli, cum consequenter dici debeat uerissimum esse solam fidem sufficere ad iustificationem omnibus exclusis operibus? Secundo & alij possent haec uerba exponere de operibus fidem antecedentibus, ita ut sensus sit, hominem iustificari per fidem sine operibus, quae ipsam fidem antecedent. Et pro hac sententia possent induci uerba Augustini in priori enarratione in psalmum. 31. ubi ita ait. Ergo fratres ex fide iustificatus est Abraham, sed si fidem opera non praecesserunt, tamen secuta sunt. Et paulo inferius. Noli praesumere de operibus ante fidem. Noueris quia peccatorem te fides inuenit. Et si te fides data fecit iustum, impium inuenit, quem faceret iustum. Et posset consummari ista expositio, quia opera, quae sequuntur fidem, ut nos iustificent, opera sunt fidei, neque contra ea debuit fides distingui. Et cum ubique asserat Paulus, nos iustificari ex operibus, uideat de illis solis operibus loqui, quae fidem antecedunt. Si enim ex alijs, quae consequuntur fidem, homo iustificetur, & ea quoque iustificatio diceretur esse a fide, a qua sunt illa opera. Et ad amputandum supercilium, & Iudaeis, & gentibus de sua iustificatione, & ostendendum eam esse mere gratuitam, quod est Pauli propositum in hac epistola, satis profecto erat dicere, nulla opera antecedentia gratiam fidei fuisse talia, ut propterea Deus aliquem iustificaret, neque requisita fuisse, ut Deus quempiam iustificaret. Potest etiam, et pro ista expositione Pauli illud induci, quod Paulus non de fide sterili, & mortua, sed de uiua, & efficaci loqui uideatur, quae per dilectionem operatur. Non ergo excludit dilectionem, aut alia opera bona, quae sunt opera fidei ipsius, sed tantum illa, quae eam antecedunt. Sed ista argumenta quan-

uis sint apparentia, non uidentur mihi satis idonea, ut credam hanc esse genuinam Pauli intelligentiam. Et contra eam eadem possunt fieri argumenta, quæ contra primam expositionem. Neq; contudisset his uerbis Paulus superbiam Iudæorum, qui non adscribebant Euangelij gratiam operibus, quæ fidem antecesserint, sed quæ secuta fuerint potius.

Tertio igitur alij exponunt hæc uerba de operibus legis legalibus. Hoc est, uel cerimonialibus, uel iudicialibus. Itaq; dicunt Paulum non negasse hoc in loco, necessaria esse ad salutem opera moralia, quæ lex præscribebat, sed hoc tantum uoluisse statuere contra Iudæos, & pseudo apostolos, qui, et Romanos, & Galatas seduxerant, legem ueterem non esse necessariam ad salutem. Et præter nonnullos doctissimos uiros ex recentioribus, habet hæc expositio illustres doctores pro se. Nempe, Ambrosium, Hieronymum, Theophilatū, qui hunc locum de operibus cerimonialibus, et iudicialibus exponunt. Et nominatim Ambrosius quod apostolus dicit sine operibus legis exponit sic. Id est, sine circuncisione, neomenijs, & ueneratione sabbati. Et pro hac expositione uidentur illa uerba, quæ statim adduntur, aperte facere. Subdit enim Paulus. An Iudæorum Deus tantum? Nonne & gentium? Immo & gentium. Quoniam quidem unus est Deus, qui iustificat circūcisionem ex fide, & præputium per fidem. Perinde enim hæc uidetur subieciisse, ac si solam legem exclusisset in precedentibus, & ea quibus dignoscebantur Iudæi à Gentilibus. Et hoc unum uidetur stabilire uoluisse, unum quidem esse Deum cōmunem, qui utrosq; fide sine cerimonijs, & ritibus legalibus iustificaret. Illud etiam quod statim præcesserat, uidetur fauere huic expositioni. Vbi est ergo gloriatio tua? Exclusa est. Per quam legem? Factorum? Non, sed per legem fidei. Cum enim legem hic factorum extra controuersiam appellarit Paulus legem ueterem, quatenus respicit cerimonialia, & iudicialia, uidetur de ea sola esse interpretanda, quæ sequuntur. Arbitramur iustificari hominē per fidem sine operibus legis. Cum etiam nomine factorum neq; fides includatur, neq; dilectio, lex ergo, arguit quidam, nō in toto suo am-

*Lex factorum, nō
iustificat et nō
facit ad iustifica
tionē.*

*Lex uero fidei, est
necessaria.*

*Sine operibus ego
iustificamur, s. fa
ctorum legis. et nō fidei.*

bitur accipitur hic à Paulo, licet sic accipiatur à Christo, cum dicit. In his duobus mandatis uniuersa lex pendet, & propheta. Sed accepit, ait, hic Paulus legem pro lege diuina, ut facienda respicit, neq; se ad præcepta fidei, aut dilectionis extendit. Atq; ita uidetur Origenes hunc locum intellexisse in commentarijs epistolæ ad Romanos. Cum enim tractans hunc locum colligat ex eo Paulum dicere, solius fidei esse nostram iustificationem, ita, ut credens quis tãtummodo iustificetur, etiam si nihil ab eo operis fuerit expletum explicans per hæc nō excludi dilectionem Dei interiorē, aut orationem, qua petitur misericordia, dicit latronem in cruce per fidem iustificatum esse sine operibus legis, quia dominus non requisit quid prius operatus esset, neq; quid operis cum credidisset, expleret, sed sola, ait, confessione iustificatum, comitem sibi, paradysum ingressurus assumpsit. Et statim de muliere peccatrice cuius meminit Lucas, ita subdit. Ex nullo legis opere, sed pro sola fide ait ad eam. Remittuntur tibi peccata tua. Cum ergo & latronem constet ex Luca orasse, ut inueniret misericordiam, & de Magdalena dixerit Christus. Remissa sunt ei peccata multa, quoniam dilexit multum, constat eum fidem non distinxisse hoc loco, nisi contra opera legalia, uel exteriora. Atq; ita interpretari debent, quæ statim adducit. Iustificatur, inquit, homo per fidem, cui ad iustificandum nihil conferunt opera legis. Hæc Origenes. Fauet etiam his scopus totius epistolæ. Non enim hoc agit Paulus, ut operibus uirtutum sublatis fidem unam stabiliat, sed operibus legalibus ualorem abrogat, ut eis amputatis, & supercilium Iudeorum deprimat, & in una communi fide ex æquo gloriandum, & Iudæis, & Gentilibus commonstret. Sed neq; his argumentis, neq; quæ multo maioris est apud me ponderis, autoritate tantorum, tãq; celebrium uirorum adduci possum, ut credam Paulū sola hic exclusisse legalia, quæ dicimus legis opera. Et primo quidem contra hanc expositionem hoc militat, quod Paulus absolute, & sine ulla limitatione doctrinam suam tradit, uni fidei iustificationem nostram tribuens, et omnia opera legis excludens. Non est autem æquum, ut nos li-

*Nota latronem iust
ficatum. Fidem
sine opibus inceden
bus, no aut sine
subsequantibus, agit
misericordia, et car
itatem eius. Pyrrhus
Luc. 7.*

Luc. 23.
Luc. 7.

*obratione coha
soluuntur. Pyrrhus*

Prima

mitemus tanti apostoli doctrinam, ubi ipse eam non limitauit. Quid enim hoc est aliud quam dicere sensum quidem Pauli uerum esse, sed uerba non esse absolute uera? Et cum opera legis praecipua, & ab ipsa lege praecipue intenta sint fides, & dilectio Dei, quare sub nomine operum legis credamus omnia alia intelligi, & includi, ista uero sola minime comprehendendi? Secundo etiam contra hanc expositionem argumentor. Eodem modo accipit hic Paulus legem, & opera legis, quo acceperat paulo ante in hoc eodem cap. cum dixit. Ex operibus legis non iustificabitur omnis caro coram illo. Sed in his uerbis omnia excludit opera legis, etiam moralia, ut patet. Ad praecipua enim moralia spectat, quod statim adiunxit. Per legem enim cognitio peccati. Et alias nisi etiam excluderet fidem & dilectionem, non satis concluderet efficaciter ex hoc omne os debere obstrui, & omnem mundum reum esse Deo. Possent enim homines haec obijcere opera moralia, & per ea dicere se iustificari. Neque spectarent, si hoc esset, ista uerba ad Gentiles, sed ad solos Iudaeos, cum tamen Paulus utrisque uelit supercilium, fastum, & arrogantiam amputare. Cum igitur in his uerbis aperte excludat omnia opera legis, etiam moralia, & lex capiatur in toto suo ambitu, uideat idem etiam omnino dicendum in istis uerbis, Arbitramur iustificari hominem per fidem sine operibus legis. Quod si argumenta, quae fecimus, non satis uidentur idonea ad probandum in his uerbis, Ex operibus legis non iustificabitur omnis caro, legem sic accipi, ut diximus, audiamus quid diuus Augustinus dicat tractans haec uerba in de spiritu & littera cap. 8. A tne quispiam, ait, putaret hic apostolum ea lege dixisse neminem iustificari, quae in sacramentis ueteribus multa continet figurata praecipua, continuo subiunxit quam legem dixerit, et ait. Per legem enim cognitio peccati. Illa igitur lex est de qua postea dicit. Peccatum non cognoui, nisi per legem. Nam concupiscentiam nesciebam, nisi lex diceret, Non concupisces. Haec Augustinus. Cum igitur ista lex naturalis sit, & moralis, patet secundum Augustinum haec uerba, Ex operibus legis non iustificabitur omnis caro coram illo, non esse interpretanda de
solis

Secunda obiect.

*Ad inueniendum
Augustinus uerba
Iherosolimitani.*

solis operibus ceremonialibus, & iudicialibus. Idēq̄ latissime probat, & disputat ibidem cap. 13. & 29. & 14. Et in principio cap. 14. ita ait, Legem, ex qua, neminem dicit iustificari, non tantum in illis sacramentis, quæ habuerunt promissiuas figuras, uerum etiam in illis operibus uult intelligi, quæ quisquis fecerit, iuste uiuit.

Tertio etiam hoc ipsum possumus confirmare hoc pacto. Eodem modo hic loquitur de lege quo supra cap. 2. huius epistolæ dixit. Non enim auditores legis iusti sunt apud Deum, sed factores legis iustificabuntur. Sed hoc loco legem accepit Paulus in toto suo ambitu, & saltem, ut comprehendit moralia præcepta fidei & dilectionis, nam alia ad iustificationem non sufficiunt, & ista etiam comprehenderat paulo ante in illis uerbis. Gentes, quæ legem non habent, naturaliter, quæ legis sunt faciunt, & cum subdit, eiusmodi legem non habentes ipsi sibi sunt lex, quia ostendunt opus legis scriptum in cordibus suis. Ergo etiam in istis uerbis, quæ modo tractamus, generaliter debet accipi lex, & opera legis.

Quarto. Præcipua pars ueteris legis erant præcepta moralia. Ergo cum Paulus loquitur de lege, non excludit præcepta moralia. Et confirmo. Ita non scribebat Paulus Iudæis, sed Romanis. Non ergo in his uerbis tantum excluderat opera, quibus gloriabantur Iudæi, & ad quæ soli Iudæi tenebantur, quæq̄ apud illos duntaxat consueta erant, sed excluderat etiā opa legis, quæ inueniri poterāt, et inueniebant apud Gētiles.

Quinto eandem expositionem possumus impugnare. Quanuis enim aliqua, quæ scriptura de lege asserit, de ea uere dicatur propter iudicialia, & ceremonialia, quale est legem habere umbram futurorum bonorum, & legem esse legem factorum, & mandatorum, & fuisse importabilem. Quanuis etiam lex sæpe pro lege Mosayca accipiatur, ut distinguitur antea legem naturalem, tanquam quæ multa ei superaddit, & Græcæ, ut hæc notetur distinctio articulo aliquando sub notetur, ut Origenes monet super illa uerba ad Romanos. Nunc autem sine lege &c. tamen nusquam quod meminerim, in scripturis dabitur locus, ubi legis uerbum absolute po-

3^a obiectio

quarta

quinta

litum intelligatur pro lege, ut solum comprehendit sub se precepta iudicialia, et ceremonialia. Et hic minus uidetur hoc esse tolerandum. Primo quidem, quia cum statim dixit, legem statuimus, legem precipue accepit pro ea parte, qua comprehendit moralia. Secundo quia proposito Pauli haud quaquam conuenit sic limitare hanc doctrinam, uult enim Paulus non solis Iudaeis amputare supercilium de operibus legis, sed & omnibus alijs hominibus, & Iudaeis quidem, non de solis legalibus operibus, sed de omnibus bonis operibus. Hic enim est scopus precipuus totius huius epistolae, ut ostendat nemini salutem patere, nisi per Christi gratiam, neque meritis cuiusquam Euangelium uenisse, aut gratiam christianam. Atque ideo neque Gentili supra Iudaeum, neque Iudaeo supra Gentilem esse gloriandum, sed gloriandum omnibus ex aequo in una unius gratia Christi. Et quidem ubi in epistola ad Galatas admitteremus opera legis uocari opera legalia, hoc est iudicialia, uel ceremonialia, non esset hoc dandum in epistola ad Romanos. Scopus enim epistolae ad Galatas est uera libertas christiana a uitijs, & a lege Mosayca. Et hoc ex professo agit ibi Paulus, ut ostendat reuelata iam fide, nihil esse necessaria opera legis. Prorsus enim antiquata est, & abrogata morte Christi tota lex uetus, adeo, ut neque precepta moralia necesse sit iam seruire, quia lege Moyli sunt tradita, sed tantum quia ea sunt nobis praescripta lege naturali. Translato enim sacerdotio, necesse est, ut legis translatio fiat, & per eum, qui factus est sub lege, ut eos, qui sub lege erant, redimeret, a maledictione legis redempti sumus, Vereque possumus dicere cum Paulo. Vbi uenit fides, iam non sumus sub paedagogo. Et iterum. Ego enim per legem legi mortuus sum, ut Deo uiuam. Neque de operibus sacramentorum, aut iudicialium, uel aliarum ceremonialium quaestio erat hic inter Iudaeos, & Gentiles, neque se Iudaei anteferre uolebant Gentilibus propter sola legalia, sed propter iustam suam uitam, & opera absolute bona, & propter haec Euangelium, & gratiam christianam eis datam dicebant, ut Augustinus in prima parte sermonum sermone 25. late edisserit. Vnde & Paulus omnia opera excludens di-

xit. Ex operibus legis non iustificabitur omnis caro corā illo.

Et tandem sexto hac expositio non mihi satis placet. Non enim in totum euacuat uim argumenti hæreticorum, sed diuerticulum quoddā uidetur, in quod interim, dum non plus premimur, subterfugiamus. Idem nāq; Paulus, qui dixit in his uerbis iustificari nos per fidem sine operibus legis cap. 4. absolute dicit, nos iustificari sine operibus, ut in tertio loco obiecto pro hæreticis aperte monstrauius. Et cum cap. 11. dicit, Reliquias Iudæorum secundum electionem gratiæ saluas esse factas, omnia opera excludēs subdit. Si autem gratiā iam non ex operibus. Et cum fidem Dei donum dicit, omnia similiter opera excludens addit. Non ex operibus nequīs gloriatur, Et uidē, ut perpetuo hac idem seruet. Nam ad Timotheum collabora, scribit, Euangelio secundum uirtutem Dei, qui nos liberauit, & uocauit uocatione sua sancta, non secundum opera nostra, sed secundum propositum suū & gratiam. Et ad Titum. Non ex operibus iustitiæ, quæ fecimus nos, sed secundum suam misericordiam saluos nos fecit. Et hac ipsa epistola ad Romanos. Non ex operibus, sed ex uocante Iacob esse dilectum ostendit. & Israelitas sectando legem iustitiæ in legem iustitiæ, ait, non uenisse, quia nō ex fide, sed quasi ex operibus. Idem igitur apud Paulum est non ex operibus, & non ex operibus legis.

Quinto ego dico Paulum in illis uerbis, sine operibus legis, omnia opera exclusisse, quæ lex præcipiebat, sed exclusisse quidem ab efficientia, & merito, uel debito iustificationis nostræ, nō autem à necessitate, uel uinculo, quo ad ea sumus adstricti, ut iustificemur. Itaq; sensus Pauli non est, quod iustificemur per fidem, etiam non positis operibus legis. Quomodo enim iustificari quis potest coram Deo non adhibitis, quæ ipse per suam legem à nobis exigit? Sed sensus germanus Pauli esse uidetur iustificari per fidem absq; operibus legis. Hoc est operibus legis non præstantibus, neq; efficientibus, neque merentibus, neq; facientibus, debitam nostram iustificationē. Repetiuit enim Paulus hoc loco, & confirmauit quod statim dixerat, neminē iustificari ex operibus legis, Et in hunc sen-

K ij

sexto obiectio

Ephe. 2.

2. Tim. 1.

Tit. 3.

Ro. 9.

septimo obio.

unde RO. 4.
 sum dixisse se nos iustificari sine operibus legis aperuit Paulus statim capi. 4. huius epistolæ, cum adiecit. Ei autem qui operatur, merces non imputatur secundum gratiam, sed secundum debitum. Si enim ei, qui operatur, merces deputatur, secundum debitum, cum nemo ex debito iustificetur, sed potius gratis, colligitur omnes, qui iustificantur, dici à Paulo iustificari absq; operibus, & uere nō operantes. Quod & ipse statim aperuit subdens. Ei uero, qui non operatur, credenti autem in eum, qui iustificat impium, reputatur fides eius ad iustitiam. Quare cum hoc non possit sic intelligi, quod nullus cum iustificatur, opera aliqua alia bona operetur, necesse erit sic hoc intelligere, quod nullus cum iustificatur, operatur opera, quibus debeat ex iustitia sua ipsius iustificatio. Et consequenter merito possumus inferre, idem esse apud Paulum iustificari absq; operibus, quod iustificari absq; operibus quibus debeat ipsa iustitia. Et hoc etiam ibidem magis aperuit, cum subiunxit. Sicut & Dauid dicit, beatitudinem hominis, cui Deus acceptam fert iustitiā sine operibus. Quid est enim aliud, acceptam ferre iustitiā sine operibus, quam benigne elargiri iustitiā, quam opera non promerentur, & perinde sese habere ad iustificandum nos, ac si opera præstitissemus, quibus deberet iustitia, cū tñ nulla talia fecissemus. Sine operibus ergo iustificari, est iustificari operibus nō id promerentibus, neq; excludentibus Deo, quæ debemus pro peccatis nostris, ut apud eum iustificemur. Atq; ideo & ibidem dicit Paulus. Si Abraham ex operibus legis iustificatus est, habet gloriam, sed nō apud Deum, quia si quam iustitiā ex operibus legis, uelut debitam sibi, consequi potuit, aut uere consecutus est, illa non est iustitia, quæ eum iustum coram Deo faceret. Neq; adeo Deus requirit à nobis aliqua opera, ut nos iustificet, quod ea opera sint natura sua talia, ut eis debeat iustitia. Gratis enim, & omnino liberalissime nos iustificat, etiam positis requisitis omnibus operibus, sed requirit à nobis aliqua opera, ut commendet suam nobis æqualem in omnes benignitatem, neq; sit nobis uile, quod præstat, & ut nos faciamus quod possumus, neq; inertes simus, & segnes in conquirenda

modis omnibus nostra iustificatione, cum diuinissimum sit, ut Dionysius dicit. 3. cap. ecclesiasticae Hierarchiae cooperatorem Dei fieri, ut cuncta id fiat. Dicit tamen fortassis aliquis. Ab operibus fidem distinguit apostolus, & iustificari nos dicit sine operibus, & gratiam asserit non esse ex operibus, non autem dicit, nos iustificari sine fide, neque dicit gratiam non esse ex fide, immo ait, iustificari nos per fidem, & ex fide, & gratia saluos nos fieri per fidem. Si autem cum dicit nos iustificari sine operibus, & accipere gratiam non ex operibus, hoc tantum sentit, quod iustificamur, & constituimur in gratia nullis nostris operibus hoc promerentibus, uere ergo, & iustificari sine fide, & gratiam accipere non ex fide potuit dicere, & falso dixisset nos per fidem iustificari, quia neque fides hoc promeretur, ut in sexta quaestione patebit. Cum igitur Paulus non sic loquatur de fide, ac de operibus, uidetur alio in sensu dixisse, hominem iustificari per fidem sine operibus legis. Sed hunc scrupulum, & confirmationem huius argumenti in quaestione proxima accuratius dissoluemus. Interim tamen qui haec obijcit audiat quid diuus Augustinus eidem penè argumento libro de predestinatione sanctorum cap. 7. respondeat. Sed forsitan dicunt, inquit, ab operibus fidem distinguit apostolus, gratiam uero non ex operibus esse dicit, non autem dicit quod non sit ex fide. Et respondet. Ita uero est, sed ipsam quoque fidem opus Dei dicit esse Iesus, & hanc ut operemur iubet. Dixerunt enim ad eum Iudaei. Quid faciemus, ut operemur opera Dei? Respondit Iesus, & dixit eis. Hoc est opus Dei, ut credatis in eum quem misit ille. Sic ergo distinguit apostolus ab operibus fidem, quemadmodum in duobus regnis Hebraeorum distinguitur Iudas ab Israel, cum & ipse Iudas sit Israel: Ex fide autem dicit iustificari hominem non ex operibus, quia ipsa prima datur, ex qua impetrentur cetera, quae proprie opera nuncupantur. Haec Augustinus. In quibus satis patet, diuum Augustinum non negare quin & ipsa fides potuerit excludi, sicut & opera, ac fortassis esse exclusam nomine operum, cum & ipsa opus quoddam sit, sed conuenisse ne sub nomine fidei excluderetur quod primum sit. Dei opus, quo cetera impetra-

*Solutio nes fidei
etay obiectionum*

*fides
fides no distingui
tur apud apollo
in libro opera. nis
nomine.*

mus. Et ne omnino nihil à nobis requiri ad nostram iustificationem putaremus, conueniens fuit, cum cætera opera infirmarentur, saltem meminisse fidei.

Quòd si alicui nō in totum satisfaciât hæc nostra expositio, quòd Paulus dicit, nos iustificari per fidem sine operibus legis, & non dicit sine efficientia, aut merito, operum, legis, & propterea apertiozem aliquam, & planiorem expositionem Pauli uerborum desiderat, occurrit et alia uia, si tamen omnino alia existimanda est, qua obscurum istum, & sanè difficilimum Pauli locum edisserere, & interpretari possimus. Ea autem est, ut opera legis dicamus à Paulo uocari opera, quæ lex facit facere, quæq; nos ex libertate nostra, & uiribus naturalibus propter legis prohibitiones, præcepta, & comminationes sine peculiari spiritu sancti auxilio facere possimus. Et ideo ex operibus legis neminem iustificari dixit Paulus, & sine eis per fidem nos iustificari, quia illa tam imperfecta sunt, ut neq; sufficiant, neq; requisita sint ad nostram iustificationem. Sunt enim huiusmodi opera, ut ex Augustino in de spiritu, & littera cap. 8. 14. 29. & 32. colligi potest, opera quibus lex impleretur timore quodam seruili propter poenam, quam lex comminatur, non autem amore iustitiæ. Huiusmodi autem opera manifestum est, neq; requiri, neq; sufficere ad iustificationem. Et de talibus operibus intelligenda sunt uerba diui Augustini, quæ in fauorem primæ expositionis huius loci citauimus. Estq; ista expositio ad alia multa diui Augustini subobscura uerba bene notanda. Et quòd hic sit genuinus Pauli sensus, possumus probare ex multis. Primo enim, si sic Paulum interpretemur, mirifice omnia conueniunt scopo, & proposito totius epistolæ ad Romanos, immo etiã scopo epistolæ ad Galatas. Hoc enim ex professo, et præcipue agit Paulus in his epistolis, ut iam diximus, ut ostendat, neq; per legem, neq; per uires nostras naturales, sed per unam Christi fidem, & gratiam nos iustificari, atq; ideo neq; in lege, neq; in lumine, uel libertate, aut potestate naturali esse cuiq; gloriandum, sed in una solūmodo Christi gratia, & misericordia. Cui proposito optime congruit, ut Paulus dicat iustificari nos per fidem, & gra-

tiam Christi absq; operibus legis, & uirium nostrarum naturalium, & neminem ex huiusmodi operibus gratiã consequi. Quare, cum quantum fieri possit adnitendum sit, ut respondeant scopo totius epistolę uerba omnia, erit hic sensus, ut germanus, & genuinus, amplectendus in quo mirum in modum conueniunt hæc uerba proposito totius epistolę.

Secundo possumus confirmare, hunc esse uerum sensum Pauli, quia non est uerisimile uoluisse Paulum excludere à iustificatione òpera legis, quæ quis facit adiutus opera, et gratia spiritus sancti, & sine illis uoluisse asserere, hominem iustificari, cum hoc apertissime dissonet multis alijs Pauli testimonijs. quæ supra allegauimus, neq; stabiliendę gratię Christi, quod unum satagebat, hoc erat expediens, aut conducibile, sed incommodum ualde, et intempestiuum. Non enim gratia opera gratiæ excludit, sed accersit potius, sed requirit, sed desiderat, & amicissima sibi esse existimat. Cum ergo uero omnia uera consonent, & is sensus maxime ubiq; sit amplectendus per quem ubiq; sibi constare suiq; similimus Paulus ostendit, erit hic, ut cõgruentissimus menti Paulinæ sensus recipiendus.

Tertio Paulus distinguit ubiq; legem ab spiritu, & gratia: Ergo opera legis uocat opera, quæ quis facit per legem, non adiutus gratia spiritus. Antecedens huius argumenti probatur. Ideo enim dicit. Si enim qui ex lege hæredes sunt exinanita est fides, abolita est promissio. Lex enim iram operatur, & iterum, Lex subintrauit, ut abundaret delictum. Et alibi. Peccatum in uobis non dominabitur. Nõ enim sub lege estis, sed sub gratia. Et rursus. Cum uenisset mandatum, peccatum reuixit. Et inuentum est mihi mādatum, quod erat ad uitam, hoc esse ad mortem. Nam peccatum occasione accepta p̄ mandatum seduxit me, & per illud occidit. Et paulo inferius, Sed peccatum, ut appareat peccatum per bonum operatum est mihi mortem, Ideo inquam hæc omnia dicit Paulus, quia loquitur de lege: ut distinguitur ab spiritu, & lex, nisi adsit spiritus uiuificans, cuius gratia, et adminiculo ipsa impleatur, non uitam confert, sed mortem, neq; iram extinguit, sed prouocat, neq; Deum nobis conciliat, sed alienat, & in nos irritat. Sciri

RO. 4.

5

6

7

enim facit peccatum, non caueri, & augeri potius quã minui:
 Auget enim concupiscentiam, & iniquitatem. Nitimur nãq;
 in uetitum, ait ille, cupimusq; negatum. Et occasione prohi-
 bitionis, inolitẽ malẽ concupiscentiã morbus auget. Vnde
 & Paulus ait peccatum occasione accepta per mandatũ ope-
 ratum est in me omnem concupiscentiam. Neq; solum pecca-
 ti fomes succrescit, & molestior fit ex prohibitione, sed nisi ad-
 sit gratia Christi liberans ad augmentum ipsius etiam præua-
 ricatio legis accedit. Atq; ideo Paulus legem iram operari,
 hoc est irritare, & prouo care hac una ratione contentus fuit
 probare. Per legem enim cognitio peccati. Vbi autem non est
 lex, neq; præuaricatio, cognitio dixit non consummatio. Et
 qui sub lege sunt, sub ira sunt, quia reos illa facit iubendo, et nõ
 adiuuando. Et hac de causa alibi ministerium legis, etiã qua-
 tenus decalogum in se claudit, ministerium mortis, & dam-
 nationis appellat. Et aliã legem ipsam legem mortis dicit,
 quia reos faciebat potius cognitione peccati, quã liberabat
 à peccato. Et hoc titulo de ea ad literam ait. Litera occidit, &
 se aliosq; apostolos ministros noui testamenti affirmat, non
 litera, sed spiritu, quod non tantum docerent legem, & præ-
 scriberent quid faciendum esset, quid ue cauẽdum, sed & gra-
 tiam spiritus sancti ministrarẽt, qua legi ipsi obediretur. Hac
 etiã ratione ambulare in uetustate litera, idem existimat, ac
 seruiliter, & utranq; timore poenã seruare legem, ambulare ue-
 ro in nouitate spiritus, seruare ipsam amore iustitiã per gra-
 tiam Christi. Atq; ideo, ut dicit Augustinus ubi supra cap. 4.
 cum monuisset, ut in nouitate spiritus ambularem, & non
 in uetustate litera, quasi explicans uetustatem litera subiecit.
 Quid ergo dicemus? Lex peccatum est? Absit. Sed peccatum
 non cognoui nisi per legem, & quẽ sequuntur, & quasi expli-
 cans nouitatem spiritus subdidit. Infelix ego homo, quis me
 liberauit de corpore mortis huius? gratia Dei per Iesum Chri-
 stum dñm nostrum. Ab illa. n. omnis nouitas spiritus, ab illa
 renouatur, ut a quĩs iuuentus nostra, ab illa quasi noua sumus
 creatura, ut ambulemus nouo spiritu in lege domini, & uiam
 mandatorum ipsius percurramus. Cum igitur legem ab spi-
 ritu,

ritu, & gratia sic distinxerit ubiq; Paulus, quid superest, nisi ut opera legis ab eo dicta esse credamus, ea opera, quae fierent propter ipsam legis prohibitionem, & comminationem absque gratia spiritus sancti. Et confirmari omnia ista possunt ex illis, quae ad Galatas idem apostolus scribit. Cur enim in lege neminem dixisset iustificari, cum tam multi fuerint patres sancti, & iusti in ueteri lege ideo iustificati apud Deum, quia legem seruabant, credendo, quae lex iubebat credere, faciendo quae lex praecipiebat facere, cauendo, quae lex mandabat cauere, nisi quia legem distinguit Paulus ab spiritu. Et hoc ipso, quod neminem dicebat in lege iustificari, uolebat aperte ostendere non fuisse alicui satis ad iustitiam adiutorium legis, nisi adiutus etiam fuisset gratia Christi. Vnde & ad eosdem dicit. Si ex lege hereditas, iam non ex promissione. Et iterum. Si data esset lex, quae posset uiuificare, uere ex lege esset iustitia. Et rursus. Si ex lege est iustitia, ergo gratis Christus mortuus est. Et alibi. Euacuati estis a Christo qui in lege iustificamini, a gratia excidistis.

Gala. 3.

ibidem.

ibidem.

Gal. 2.

Gal. 4.

Quae certe omnia aperte contradicerent, & repugnarent illis uerbis Christi. Si uis ad uitam ingredi, serua mandata, nisi de lege, ut distinguitur contra gratiam spiritus, ea omnia interpretemur. Cum enim omnes, qui legem ad amissim seruunt, filij sint promissionis, & iustificentur a Deo, neque quisquam apud Deum iustus sit, qui legem prauaricetur, cur non diceremus, in lege homines iustificari, & ex lege esse iustitiam, & hereditatem, & legem posse uiuificare, si lex includat sub se gratiam Christi, per quam sola ipsa potest impleri? Certe uerissimum est, neque in dubium potest reuocari, quod & alibi idem apostolus dicit, factores iustificari, & iustos esse apud Deum. Sed hoc ipsum gratiae est Christi, ut exacte seruet quis legem. Opera ergo legis, quae ad iustitiam, neque necessaria sunt, neque multum conducibilia, sunt illa, quae quis sine gratia Christi facit, quibus licet quis in faciem, & superficietenus uideatur legem implere, tamen coram Deo, qui inspector est cordis, uere eam non in totum implet. Nisi enim adiuuetur quis gratia, mallet si fieri posset, licere quod non licet. Qui sic autem

Matt. 19.

19. 21. 22.

RO. 2.

L

implet, non omnino implet. Non enim implet interiori uoluntate. Vbi uero quis acceperit spiritum sanctum, implere potest uere, & perfecte totam legem. Quia per eum diffunditur caritas in cordibus nostris, quæ plenitudo legis est, quia cum nō libeat ei, nisi quod licet, prorsus totam legem implet. Et propterea diuus Augustinus sæpe, & nominatim cap. 24. & 26. præcitati libri, & in cap. 2. epistolæ. 120. quæ tota est de gratia noui testamenti, ad nouum testamentum dicit pertinere omnes sanctos ueteris testamenti. Quod enim implerent legem, & reconciliarentur Deo, & placerent ei, ipsiusq; amici dicerentur, non habuerunt nisi à fide et gratia noui testamenti, hoc est à fide qua explicite, uel implicite credebant, quæ futura erant in nouo testamento à gratia, quæ eis dabatur propter ea, quæ Christus, & passurus, & facturus erat in nouo testamento. Et cap. 19. 20. & 21. libri de spiritu, & litera docet, & luculenter probat idem Augustinus ipsam præsentiam spiritus sancti, qua diffunditur caritas in cordibus nostris, quæ plenitudo legis est, & præcepti finis, nouum testamentum & leges scriptas in cordibus appellari ab Hieremia, cum dicit. **Hiere. 31.** Ecce dies ueniunt dicit dominus, & consummabo super domum Israel, & super domum Iuda testamentum nouum. Et infra. Dabo leges meas in cor eorum, & in mente eorum scribam eas. Et disertissime confirmat libro. 3. contra secundam epistolam Pelagianorum cap. 4. Omnes sanctos ueteris testamenti fuisse non quidem nomine, sed re ipsa ante Christianos, quia uetus testamentum in seruitutem generat, ut ait apostolus, & iusti non sunt ancillæ filij, sed liberæ. Pertinent enim ad ciuitatem cœlestem Hierusalem, quæ libera est neq; quæ pertinent ad ueterem hominem curant, sed quæ ad nouum, neq; timore pœnæ aut amore bonorum temporalium, qui seruilis affectus est, sed amore iustitiæ & cœlestium spe bonorum legem seruant, quod uere libertatis signum est. Et filij sunt promissionis factæ ad Abraham quæ testamentum appellatur à Paulo, & utiq; non uetus sed nouum, quia illud distinguit contra legem, quæ uetus testamentum dicitur, quod prius fuerit iustitia ipsius reuelata, quàm iustitia fidei, quæ la-

tebat in tenebris prophetis, & manifestata est aduentu Christi. Itaque ex his omnibus patet non esse opera legis, sed opera noui testamenti, & opera gratiae, & ut ipsissimis Pauli uerbis loquamur, fructus spiritus, illa quibus adiuti gratia Christi, legem implemus, atque à Deo iustificamur.

Quarto & hanc expositionem probare possumus esse amplectendam hoc modo. Ut paulo ante ostendimus, non solum dicit Paulus iustificari hominem per fidem sine operibus legis, sed dicit eum iustificari à Deo sine operibus. Sed cum dicit hominem à Deo iustificari sine operibus non excluduntur opera, quae quis facit per gratiam spiritus sancti, & ab eo adiutus, sed opera tantum, quae quis faceret ex sui arbitrij libertate sine gratia diuina. Ergo & haec sola excluduntur illis uerbis sine operibus legis. Minor huius discursus probatur, nempe illis uerbis, sine operibus, sola opera excludi, quae quis facit sine gratia. Primo enim, cum Paulus dicit. Si autem gratia, iam non ex operibus. Alioquin gratia iam non est gratia, certe non excludit opera ex gratia. Si enim aliquid alicui datur, propter aliqua data ei ex gratia, utique & ipsum etiam quod sic datur, potest dici gratia. Alioquin neque gratia ipsa gratum faciens, aut saltem neque uita aeterna posse dici gratia. Et secundo cum Paulus dicit beatum hominem, cui Deus acceptam fert iustitiam, uel cui accepto sibi, & grato elargitur iustitiam sine operibus, solum excludit opera, de quibus statim dixerat. Ei qui operatur merces non imputatur secundum gratiam, sed secundum debitum. Sed haec opera non sunt opera, quae quis facit ex auxilio, & adminiculo gratiae diuinae, nam his non imputatur merces secundum debitum, nullus enim iustificatur ex debito, sed sunt opera, quae quis faceret ex uiribus naturalibus. Ut enim propter ea, quae quis facit adiutus à rege, & ex gratia regis in suam propriam gloriam, et commodum, mercedem nullam ei rex deberet, sed siquam debere posset, esset propter ea, quae ex suis ipse uiribus in gloriam & commodum ipsius regis faceret, ita et apud Deum, nullam quis mercedem potest facere sibi simpliciter, & absolute debitam, propter ea, quae ex mera ipsius Dei gratia facit. Sed si alicuius quis mer-

RO. 4.

L ij

credis posset facere Deum sibi debitorem, hoc deberet profes-
 cto facere per opera, quæ ex suis uiribus naturalibus faceret
 in commodum & gloriam Dei. Et quia nulla talia possunt à
 quoquam fieri, quia Deus bonorum nostrorum nō indiget,
 & si indigeret, non indigeret tam imperfectis operibus, quàm
 illa sunt, quæ possemus ex uiribus naturalibus, ideo statim
 subdidit Paulus, Si Abraham ex operibus iustificatus est, ha-
 bet gloriam, sed non apud Deum. Non enim possunt opera
 uirium naturalium præstare nobis gloriam apud Deum. Cū
 igitur in his uerbis, Eī qui operat̄, &c. & in his, Si Abraham
 ex operibus iustificatus est, &c. manifeste loquatur de operi-
 bus ex solis uiribus naturalibus, colligitur, & cum dicit bea-
 tum hominem cui Deus confert iustitiam sine operibus, solū
 exclusisse opera quæ solius sunt hominis, & non opera quæ
 præcipue sunt Dei. Qualia sunt opera, quæ quis facit ex gra-
 tia diuina, quæ magis sunt Dei quàm hominis. Et tertio eadē
 minor potest ualidissime confirmari ex illis uerbis eiusdem
 apostoli, Israel sectando legem iustitiæ ad legem iustitiæ non
 peruenit. Quare? Quia non ex fide, sed quasi ex operibus.
 Nam his in uerbis nomine operū solum intelligit opera, quæ
 quis facit proprijs uiribus, quæq; proprijs uiribus imputat.
 Ideo enim, ut bene pōderat diuus Augustinus cap. 29. de spi-
 ritu & litera. Israelitas dicit nō apprehendisse iustitiam, quia
 eam non querebāt ex fide, sed quasi ex operibus, hoc est, quia
 eam querebant, tanquam per semetipsos operantes, non in se
 credentes operari Deum, & proprijs uiribus, & meritis exi-
 stimantes eam se posse consequi, sine adiutorio gratiæ Dei.
 Cum ergo hominem dicit iustificari à Deo sine operibus, so-
 lū excludit opera ipsius hominis, & non excludit opera Dei.
 Sicut enim non excluditur opus ipsum iustificationis, quod
 est solius Dei, iuxta illud, Gratiam & gloriā dabit dominus,
 ita non excluduntur opera alia præuia ad iustificationem,
 quæ etiam sunt peculiarissime opera ipsius Dei, & gratiæ si-
 ue dona, et beneficia ipsius non exigua in nos. Nihil enim ne-
 cesse erat ista excludere ad elidendam superbiam hominum,
 & confirmandum gratiam Dei, quod est Pauli in omnibus

RO. 9.

A. 08

huiusmodi uerbis propositum. Possumus igitur, ut quod uolumus dicere, apertius sit, hoc pacto totum propositum nostrum firmare. Ea opera excludebat Paulus à iustificatione, cum dixit homines iustificari à Deo sine operibus, quorum fiduciam asserit impedimento fuisse Israelitis, ut à Deo iustificarentur. Sed opera, quorum fiducia fuit impedimento Israelitis ad apprehendendum iustitiam Dei, non erant certe opera, quæ quis facit ex adiutorio diuino, sed opera, quæ faceret ex uiribus naturalibus. Fidere enim in his operibus, quæ quis facit ex adiutorio diuino, est fidere adiutorio diuino, & quærire iustitiam ex his operibus, est quærire ex gratia Dei, nec impedimentum hoc potest esse gratiæ Dei. Ergo opera quæ excluduntur à iustificatione illis uerbis, sine operibus, sunt tantum opera nostri liberi arbitrij sine gratia. Et confirmari hoc potest. Idem uoluit Paulus dicere, cum dixit Israelitas non apprehendisse iustitiam, quia eam non quærebant ex fide, sed quasi ex operibus, ac cum statim subiunxit de eis, uelut explicans, & apertissimum faciens, quod dixerat. Ignorantes enim iustitiam Dei, & suam quærentes statuere, iustitiæ Dei non sunt subiecti, Sed in his uerbis solum exponit fuisse eis impedimento, ut iustitiam Dei adipiscerentur, eiq; essent subiecti, quod suam uellent statuere iustitiam, hoc est quod suis meritis & uiribus adscriberent, & deputarent Euangelij gratiam. Nam non est aliud statuere, & firmare uelle suam iustitiam. Ergo etiam quærire ex operibus non est aliud quam quærire eam, tanquam ex uiribus naturalibus, & tanquam debitam sibi propter sua merita. Et aliàs non notata hic fuisset ab apostolo aliqua superbia Iudæorum, quæ illorū impediuisset iustitiam. Nulla enim superbia est, ex operibus ex dono Dei habitis quærire iustitiam Dei, immo hæc est prudentia, et pietas uere Christiana, ut postea latius in. q. 4. differemus.

¶ Possunt etiam tandem hæc omnia aliquanto apertiora fieri ex illis uerbis eiusdem apostoli, Omnia detrimentum feci, & arbitror ut stercora, ut Christum lucrifaciam, et inueniar in illo non habens meam iustitiam, quæ ex lege est, sed eam, quæ ex fide est Christi Iesu, quæ ex Deo est, Cur enim diceret non

Philip. 3.

habens meam iustitiam, quæ ex lege est, cum sua utiq; nõ esset
lex ipsa, sed Dei, nisi quia sua uoluntate legem se posse puta-
bant implere sine adiutorio gratiæ, quæ est p̄ fidem Iesu Chri-
sti; Et ideo statim adiunxit. Sed eam, quæ ex fide est Christi,
quæ est ex Deo. id est, ex ipsius gratiæ & adiutorio. Et quan-
quam hæc argumenta satis idonea esse existimem, ut credere
mihi quisq; debeat hunc esse ipsissimũ Pauli sensum ex ipsis
penetralibus, ut sic dixerim, Pauli uisceribus tandem erutum,
tamen sicui uilis est nostra autoritas (neq; enim mihi arrogo,
quæ his argumentis firmissimis, & apertissimis imputo) sciat
hanc expolitionem posse colligi ex cap. 14. et. 21. de fide, et ope-
ribus, & ex cap. 10. & 11. & 12. & 16. de gratiæ & libero arbi-
trio ad Valentinum, & ex toto penè libro diui Augustini de
spiritu & litera et peculiarissime ex cap. 29. Vbi firmissima
existimans illa duo testimonia, quæ statim induximus, Israel
sectando legem iustitiæ ad legem iustitiæ non peruenit, quia
nõ ex fide, sed quasi ex opibus, & ignorantes iustitiã Dei. &c.
ad probandum Paulum nomine operũ legis intelligere ope-
ra, quæ quis facit sine adiutorio Dei, uel quæ sibi quis impu-
tat & non auxilio Dei, subdit. Et adhuc dubitamus, quæ sint
opera legis, quibus homo non iustificatur, si ea tanquam sua
crediderit ex adiutorio & dono Dei, quod est ex fide Iesu
Christi et circumcisionem, cæteraq; talia suspicamur, quia etiã
de his sacramentis, alijs in locis talia quædam leguntur. Sed
hic utiq; non circumcisionem tanquam suam iustitiam uole-
bant ludæi constituere, quia ipsam Deus præcipiendo consti-
tuit. Neq; de illis operibus hoc intelligi potest, de quibus eis
dñs dicit. Reijcitis mandatum Dei, ut traditiones uestras
statuatis. Quia p̄sequens, inquit, legem iustitiæ ad legẽ iustitię
nõ puenit. Non dixit p̄sequens traditiones suas. i. consecrãs.
Hæc ergo sola distantia est, quia ipsum. Non concupisces &c.
mandata Dei sancta & bona sibi tribuebant. Quæ ut possit
homo facere, Deus operatur in homine per fidem Iesu Chri-
sti. Et cap. 25. Hæc apparet distantia ueteris, & noui testamen-
ti, quod lex ibi in tabulis, hic in cordibus scribitur, ut quod ibi
forinsecus terret, hic delectet intrinsecus, ibiq; fiat præuarica-

tor per occidentem literam, hic dilector per uiuificantem spiritum. Et cap. 13. cum apertissimum fecisset legem fidei aliquorum sacramentorum opera præcipere, & aliqua opera prohibere, neq; minus dicere, Non concupisces, quam legem ueterem, & ideo neq; propter opera, neq; propter sacramenta recte dici posse legem factorum esse in Iudaismo, & legem fidei in christianismo, neq; legem factorum appellari legem ueterem solum propter opera ueterum sacramentorum, subdit, Quid igitur interest, breuiter dicam. Quod operum lex minando imperat, hoc fidei lex credendo impetrat. Illa dicit. Non concupisces, ista dicit. cum scirem quia nemo esse potest continens, nisi Deus det, & hoc ipsum erat sapientiae, scire cuius esset hoc donum, adij dominum & deprecatus sum. Et paulo inferius, lege operum dicit Deus, fac quod iubeo, lege fidei dicitur Deo, da quod iubes. Ideo enim iubet lex, ut admoneat quid faciat fides, id est, ut cui iubetur, si nondum potest, sciat quid petat. Si autem continuo potest, & obedienter facit, debet etiam scire quo donante possit. Et ad finem capituli. Non ergo iustificatur homo præceptis bonæ uitæ, nisi per fidem Iesu Christi: Hoc est, non lege operum, sed lege fidei, non litera, sed spiritu, non factorum meritis, sed gratuita gratia. Hæc Augustinus. Ex quibus patet opera legis ab Augustino intelligi opera, quæ fiunt sine auxilio gratiæ diuinæ, uel quæ quis sibi imputat, & non gratiæ diuinæ. Tanta est enim hæc superbia, ut uel sola satis sit ad impediendum, etiam in optimis aliis meritis, affecutionem gratiæ diuinæ. Vnde & idem Augustinus super illa uerba psalmi. 30. In iustitia tua libera me, ita ait. Nam si attendas ad iustitiam meam, damnas me. In tua ergo iustitia erue me. Est enim iustitia Dei, quæ & nostra fit, cum donatur nobis. Ideo autem Dei iustitia dicitur, ne homo se putet à se ipso habere iustitiam. Et statim Iudei quia se putabant implere posse iustitiam, offenderunt in lapidem offensionis, & petram scandalii, et non cognouerunt gratiam Christi. Acceperunt enim legem, qua fierent rei, non qua liberarentur à reatu. Et paulo inferius. Ideo non secundum scientiam zelum Dei habent, quia ignorantes iustitiam Dei, uolunt suam sta-

bulli

tuere qua se ex seipſis iuſtificant. Ideo gratiã Dei nõ cognou-
 runt, quia gratis ſaluari noluerunt. Et idem expreſſiſſime ha-
 betur cap. 7. libri. 3. contra duas epiſtolas Pelagianorum. Et
 in pſalmum. 31. cum ex profeſſo de expoſitione horum uerbo-
 rum ageret, & Paulum ipſi Paulo exponeret, probaret quod
 repugnare iſtis uerbis. Arbitramur iuſtificari hominem per
 fidem ſine operibus, quæ alio loco dicit. Si habuero omnem
 fidem, ita ut montes transferam, caritatem autem non habue-
 ro, nihil mihi prodeſt, quia ſi fides caritatem habet, habebit
 opera, quia caritas non eſt ocioſa, & ipſa quoddam Dei opus
 eſt, ita tandem ſubdit. Reſpondet ipſe apoſtolus. Propterea ti-
 bi dixi o homo, ne quali de operibus tuis præſumere uide-
 ris, et merito operum tuorum accepiffe fidei gratiam. Et lib. 3.
 Hypognoſticon paulo ante finem. Ecce audiſti. Iuſtificati gra-
 tis per gratiam ipſius. Non ei præponere opera propria neq̃
 ex iſdem gloriari, quia, ut iam ſuperius dictum eſt, Ex operi-
 bus non iuſtificabitur omnis caro coram illo. Et uidetur hanc
 expoſitionem innuiſſe Ambroſius in epiſtola. 71. quæ eſt ad
 Irenæum. Ideo enim ait apoſtolum dicere. Ex operibus legis
 neminem iuſtificari, quia per legem peccatum cognoscitur,
 ſed culpa non relaxatur. Et ita exponit illud, Lex iram opera-
 tur, quia cum lex non præſtaret gratiam ad ſui obſeruantiam,
 uidebatur lex nocuiſſe, quæ omnes fecerat peccatores. Et ſub-
 dit. Et ideo nemo gloriatur, quia nemo factis ſuis iuſtificatur,
 ſed qui iuſtus eſt, donatum habet, quia poſt lauacrum iuſtifi-
 catus eſt. Fides ergo eſt, quæ liberat per ſanguinem Chriſti. Et
 hiſ uidetur concinere in libro de fuga ſeculi in hæc uerba. Lex
 os omnium potuit obſtruere, non potuit mentem cõuertere.
 Et iterum. Lex factum damnat, non aufert malitiam. Et Hi-
 larius etiam canone. 9. in Matthæum uidetur ad hanc expo-
 ſitionem alluſiſſe hiſ uerbis. Nemo iuſtus ex lege eſt. Oſtendit
 Chriſtus inanem eſſe iuſtitia iactantiam, quia ſacrificijs inſir-
 mis ad ſalutem, una erat gratia uniuerſis in lege poſitis neces-
 ſaria. Nam ſi iuſtitia fuiſſet ex lege, uenia per gratiam necesſa-
 ria non fuiſſet. Sed quidquid de hoc ſit, ex hiſ omnibus poteſt
 colligi quadrantior & conuenientior reſponſio ad dubium
 illud

illud paulo ante tactum, cur non etiam exclusa est fides à iustificatione, sicut & opera, cum sicut opera non eam promerentur, ita neq; fides? Dicit enim potest ideo non esse exclusam fidem, quia illa donum Dei est, et opus Dei magis quàm hominis, non autem conueniebat excludere à iustificatione opera Dei. Et per hæc potest quilibet respondere facile ad tertium, quartum, quintum, & sextum argumentum.

Ad septimum. Scio quidē magnos & illustrissimos ex Grecis autores illa uerba. Ipse autem saluus erit, non interpretari de salute æterna, quæ sola beatitudo est, sed de substantia & permanentia, ut sic dixerim æterna, quam illi habebunt, qui propter pauca eorum opera, quæ in conspectu iusti iudicis ardebunt, & igni cremabuntur, & reseruabuntur ad perpetuas pœnas. Et consequenter ignem, de quo hic loquitur Paulus, non ignem purgatorij, sed ignem dicunt esse inferni, de quo dicit Christus. Discedite à me maledicti in ignem æternum. Neq; me fugit magnam fuisse hoc de loco cōcertationem inter Latinos doctores & Græcos in concilio Florētino sub Eugenio. 4. Et uerbum græcum σὸθῆσεται, quod interpret noster reddidit, saluus erit, quidam uertit, seruabit, ut sit locus fortassis expositioni horum Græcorum autorum. Neq; enim uerbum græcum σωω, ait, sed ne nostrum quidem latinum seruo, tantum salutem dare significat, sed etiam efficere, ne aliquid corrumpatur. Et secutus Chrysostomum ideo adiectum dicit, Quasi per ignem, quia in hoc permanebit, & seruabitur ille, cuius opus arserit, ut igne perpetuo ipse comburatur. Quæ fuerint argumenta, quibus isti autores fuerint commoti, ut ista non de salute uera, sed de subsistentia perpetua interpretarentur, me quidem latet, neq; aliud aliquod pro eorum sententia occurrit, nisi quod ista uerba uidentur illis opponi, quæ præcesserant statim, Nempe mercedem accipiet. Ex quo uidentur de illis solis ista alia intelligenda esse, qui non mercedem accipient, sed in pœnas perpetuas seruabuntur. Sed neq; hoc argumento, neq; alio quouis adduci potero, ut non credam cū Latinis doctoribus, & peculiariter cū diuo Augustino libro de fide, & operibus, cap. 18. & cū cōmuni schola theologorum

chryso:
& Basi.

scholasticorum, de uera atq; adeo æterna salute esse interpre-
tandum hunc locum. Primo. n. saluum fieri, aut seruari, sic so-
let passim in scripturis accipi, & nūquam, quod meminerim,
in malam partem. Secundo si sic acciperetur seruari, ut aiunt,
non opponeretur ei, quod est detrimentum pati, quod tamen
postulat coniunctio aduersatiua, tamen, & similiter & græ-
cum sibi respondens. Non enim detrimentum pati hoc signi-
ficat, quod corrumpi & adnihilari. Patiuntur. n. detrimētum
quicumq; incommodo aliquo, aut dolore afficiuntur. Tertio
absurde profecto & ineptissime uidentur illa uerba adiungi,
Sic tamen quasi per ignem, si sensus illorum uerborum, Ipse
autem saluus erit, uel ipse autem seruabitur, sit, q; ipse conser-
uabitur, & perpetuo subsistet. Non enim ignis aliquid faciet,
ut perpetuo subsistant damnati, quin ipse potius eorum uali-
dissime aduersabitur consistentiæ. Et quarto contorta nimium
uidetur illa expositio, Sic tamen quasi per ignem, hoc est, sic
tamen, ut igni cremetur. Et si iste fuisset sensus, dicendum erat
potius, Sic tamen, ut in igne, non autem, Sic tamen quasi, uel
sicut per ignem. Nam his uerbis transitus potius per ignem,
quàm mansio in igne significatur. Neq; enim particula per
patitur, ut subaudiatur, maneat.

Relicta igitur ista expositione, quam & ipsis hæreticis nō
dubium est uisam esse absurdam quippe qui & hoc testimo-
nio olim sunt usi, ut probarent saluos fore oēs fideles quid-
quid fidei superextruxerint, ut uerum & genuinū sensum hu-
ius Paulini loci habeamus, & manifestum sit non pro hæreti-
cis, sed pro fide stare, & ex hoc loco merito uiros doctissimos
collegisse distinctionem mortalium à uenialibus, & ignē pur-
gatoriū, & temporalem esse pœnam uenialium, tria nobis oc-
currunt, ex quibus conuinci potest Paulum hic non asserere,
eum fore saluum, qui permanens quidem in fide, tamen ad-
missis letalibus peccatis, sine pœnitētia moritur. Primo. n. de
illis loquitur, qui habent in se fundamentum primum spirita-
lis aedificij, quod est solus Christus Iesus. Ille autem non habi-
tat, nisi in hominibus sanctis, iustis, & corde et opere mundis.
Ro. 8. Si Christus enim in nobis est, ait Paulus, corpus quidem mor

tuum est, propter peccatum, spiritus uero uiuit propter iustificationem. Et cum per fornicationem dicit mēbra Christi fieri 1. cor. 6.
 membra meretricis, utiq; ostendit non habitare Christum in
 fornicarijs. Et Ioannes aperte dicit. Si dixerimus qm̄ societa- 1. 10. 1.
 tem habemus cum illo, & in tenebris, hoc est, peccatis,ambu-
 lamus, mentimur & ueritatem non facimus. Et iterū. Qui di- 1. 10. 2.
 cit se in Christo manere, (dicit autem hoc, quicumq; dicit in se
 Christū manere, manet. n. in omnibus, qm̄ in eo manent), de-
 bet sicut ille ambulauit, & ipse ambulare. Et rursus. Omnis 1. 10. 3.
 qui in eo manet, nō peccat. Et paulo inferius. Scitis quod om-
 nis homicida non habet uitā eternam in se manentē. Et Salo-
 mon de sapientia, quę Christus est, dicit. In maleuolam animā
 non introibit sapientia, neq; habitabit in corpore subdito pec-
 catis. Et optime ipse Paulus inquit. Quæ participatio iustitiæ 2. cor. 6.
 cū iniquitate? Quæ societas luci ad tenebras? Si ergo Paulus
 de solis iustis hic loquitur, qui in se habent fundamentū fabri-
 cę spiritualis, quod solus Christus est, non igit̄ hic promittit pec-
 catoribus absq; uera poenitentia salutem. Secundo & idē po-
 test manifeste colligi, quia Paulus aperte hic loquitur de su-
 perædificantibus supra fundamentum spiritualis edificij aurū,
 argentum, lapides pretiosos, ligna, fœnum, stipulam. Peccata
 uero mortalia, neq; aurum sunt, neq; argentum, neq; lapides
 pretiosi, ut manifestum est, neq; lignis, fœno, aut stipulæ com-
 parantur in scriptura, sed plumbo, ferro, & grauibus saxis, uel
 lapidibus. Neq; enim sicut uenialia peccata, leuia sunt, sed suo
 pondere premunt, obruuntq; & ad infernum usq; uel ab ip-
 sis coelorum uerticibus trahunt, neq; ab eis sic facile expurga-
 ri quis potest per ignem tribulationis, sicut à uenialibus. Et
 uere stultissimum uidetur & ineptissimum ea leuibus adeo
 rebus, ut fœno, & stipulæ comparari, quæ Deo ipsi & sanctis
 eius grauissima & abominanda sunt.

Tertio & hoc ipsum possumus probare, quia statim post
 illa uerba. Ipse autem saluus erit, sicut n̄ quasi per ignem, addi-
 dit Paulus. Nescitis quia templū Dei estis, & spiritus Dei ha-
 bitat in uobis? Non ergo loquebatur nisi de iustis, qui soli tē-
 pla Dei sunt, & spiritum sanctum habent in se manentem.

M ij

Vnde, & uelut elidens istum errorem, & cōmonefaciens oēs,
 ne male securi sint, & pestilēti aliquo errore seducti ad uitam
 æternam putent sibi esse satis, quod credant, aut quā iam tēpla
 Dei sunt, adiecit statim. Siquis autem templum Dei uiolaue-
 rit, disperdet illum Deus. Disperdet, inquit, nō saluabit quasi
 per ignem. Non ergo superædificat supra fundamentū, quod
 Christus est, qui cum teneat per fidem Christum, tamen adij-
 cit fidei peccata mortalia, et cum fidelis sit, peccare mortaliter
 non erubescit. Non. n. uere habet in se Christum manentem,
 licet tenere uideatur Christum, cum de eo credit, quæ creden-
 da sunt. Sed is superædificare supra Christum dici potest, qui
 habet christum in se per gratiam sancti spiritus cōmorantem
 propter fidem, quæ per dilectionem operatur. Et tunc quidē
 supra hoc fundamentum aurum, argentum, & lapides pretio-
 sos ædificat, quando studio Deo placendi uacat operibus uir-
 tutum, quæ sola sunt bona solida, clara, & pretiosa, & omni-
 bus huius mundi bonis præcellentiora, & præstātiora. Et au-
 rum quidem superædificat qui studijs contēplationis, et amo-
 ri Dei totus intendit, argentum, qui saluti & cōmodis proxi-
 morum incumbit, lapides pretiosos, qui id curat, & solícite
 studet, ut animam suam uarijs uirtutū exercitijs, & habitibus
 decoret, ornet, illustret. Quot. n. quisq; bonos habitus sibi cō-
 parat, quot opera uiua & meritoria beatitudinis facit, tot ue-
 lut lapides pretiosos ædificio suo spiritali adijcit. Tantoq; se
 altius tollit, & erectior surgit fabrica nostra spiritalis, quanto
 pluribus bonis abundamus. Incremēta etenim uirtutum, in-
 cremēta sunt ædificij spiritalis. Qui uero licet in se teneat Chri-
 stum per fidem per dilectionem operantem, et nullo se modo
 ab huius fundamenti stabilitate subtraheret, ut alicuius Dei
 præcepti præuaricationi consentiret, tamen infirmitate qua-
 dam circa bona huius mundi, diuitias, gloriam, honorem, &
 similia carnali quodam tenentur affectu, uel regulas iustitiæ,
 temperantiæ, modestiæ, eutrapeliæ, fortitudinis, & aliarum
 uirtutum aliquantulum excedit, is profecto ligna, foenum, &
 stipulam supra fundamentum hoc ædificat. Neq; tamen ideo
 non saluabitur, qui sic ædificat. Ait enim, ut dicit Augustinus

cap. 16. de fide, & operibus, per ignem quendam doloris perueniet ad salutem, quia affectu dilecta carnali, non sine dolore amittuntur, aut, quod uerius uidetur, igne tribulationis et purgatorij, uel in hac uita, uel si quidem non in hac uita, certe in futura, huiusmodi opera ardebunt, & dolore qui poena erit talium peccatorum purgatus, qui ea fecit, salutem consequetur. Et ipse tandem Augustinus in eodem cap. huic subscribit sententiae his uerbis, siue ergo in hac uita tantum homines ista patiuntur, siue etiam post hanc uitam talia quaedam iudicia subsequuntur, non abhorret, quantum arbitror, a ratione iste intellectus huius sententiae. Haec Augustinus, licet quae similia his legere in eodem Enchiridio cap. 68. & 69. & in expositione psalmi primi, & sexti.

Instabit tamen fortasse aliquis, qui subtilius & curiosius uerba Pauli perpenderit, hoc pacto. Non idem est apud Paulum, ille cuius opus manserit, & ille cuius opus arserit. De eo enim, cuius opus manserit, dicit mercedem accipiet. De eo uero cuius opus arserit, subnectit detrimentum patietur, ipse autem saluus erit, sic tamen quasi per ignem. Ista autem non stant simul. Non enim quis mercedem accipiet, cum detrimentum patietur per ignem. Cum igitur idem sint prorsus, qui aurum & argentum, & lapides pretiosos, & ligna, foenum, et stipulam aedificant, si horum trium posteriorum nominibus intelliguntur peccata uenialia, et illorum priorum opera uirtutum, non est enim homo iustus, qui non peccet, & in uiris sanctissimis inuenire licet multa, ratione quorum merito semper possint dicere, dimitte nobis debita nostra, sequitur nomine lignorum, foeni, & stipulae non intelligi peccata uenialia, sed mortalia potius, quae non reperiuntur in illis, quorum opera manent, & mercedem accipiunt. Et consequenter sequitur etiam eos qui admiserint mortalia peccata, si modo fundamentum tenuerint, quod est Christus, per ignem esse liberandos, quod fuit propositum totius argumenti.

Ad hanc replicam respondeo hunc in modum. Verum est non de eodem dici a Paulo, Si cuius opus manserit, quod superaedificauit, mercedem accipiet, & si cuius opus arserit,

detrimentum patietur. Quamquam enim in uno & eodem
 licet inuenire opera mansura, & opera arsurum, lapides uideli-
 cet pretiosos & stipulas, opera uirtutum & uenialia, ac per hoc
 idem qui detrimentum passurus est, & mercedem quoque reci-
 piet, licet non eodem in tempore, tamen de diuersis uidetur
 profecto loqui Paulus, cum non dicat, Si quod opus manse-
 rit, uel si quod opus arserit &c. sed potius, Si cuius opus man-
 serit, & si cuius opus arserit. Sed cum his stat nomine ligno-
 rum, foeni, & stipulae intelligi sola uenialia, & nomine auri, &
 argenti, & lapidum pretiosorum sola opera bona. Nam sub
 illis uerbis, si cuius opus manserit, quod superaedificauit, mer-
 cedem accipiet, non intelliguntur omnes qui superaedificant
 aurum, argentum, & lapides pretiosos, sed illi tantum, qui sic
 superaedificant ista, ut in die domini, cum uniuscuiusque opus ma-
 nifestum erit, nullum habituri sint lignum, foenum, uel stipu-
 lam à quibus necesse sit eos expiari, uel quod non admiserunt
 aliqua talia, uel, quod uerius erit, cum in multis offendamus
 omnes, quia iam illa alijs bonis operibus, uel passionibus ex-
 piata erunt. Itaque illa uerba, si cuius opus manserit, uniuersa-
 liter debent accipi, perinde ac si dictum esset. Si cuius omnia
 opera manserint, uel si in aliquo nullum opus igne dignum,
 aut poena fuerit. Et nisi in hoc sensu ista uerba cepisset Pau-
 lus, non statim subiunxisset de eo, cuius opus manserit, mer-
 cedem accipiet. Non enim satis est, ut quis mercedem acci-
 piat, quod illius aliquod opus maneat, hoc est in iudicio diui-
 no probetur, quantum satis sit, ut detrimentum aliquod quis
 patietur, si illius aliquod opus arserit, id est si in iudicio diui-
 no dignum censeatur, quod ardeat, & igne cremetur. Et hoc
 etiam ipsi haeretici habent concedere, qui dicerent igne fore
 tandem liberandos, qui in mortalibus peccatis, sed cum fide
 Christi, de hac uita decesserint. Et aliàs nullo modo possumus
 defendere, neque in fide, neque in heresi, de diuersis ista esse dicta,
 Si cuius opus manserit, &c. Si cuius opus arserit, &c. sed uni
 & eidem utrunque conueniet. Unus enim et idem iustus habet
 penè semper opera sancta, & bona, quae in conspectu Dei
 manent, ut eorum nomine mercedem ab eo accipiat, & ue-

niaſia aliqua, quæ in oculis Dei ardent, ut detrimentum aliquod eorum cauſa tranſitorium ſentiat. Septies enim in die cadit iuſtus, & ſi dixerimus, quòd peccatum non habemus, I. Ioan. I. ipſi nos ſeducimus, & ueritas in nobis non eſt. Atq; ideo fortassis Paulus ſimul in unum ligna, foenum, ſtipulam, aurum, argentum, & lapides pretioſos iunxit dicens, Siquis autem ſuperædificat ſupra fundamentum hoc, aurum, argentum, lapides pretioſos, ligna, foenum, ſtipulam, uideat quomodo ſuperædificet, & per hoc innuit unum & eundem iſta poſſe ſuperædificare, ne cū poſtea dicturus fuerat iſta, quæ ſtatim citauimus tam diuerſa, & non niſi diuerſis conuenientia, occasione nē inde aliquis ſumeret errandi, & crederet in uno & eodem non poſſe ſimul inueniri opera præmianda, & caſtiganda.

Ad octauum. Veriſſimum eſt non debere admitti ad baptiſmum, quos conſtat eſſe in peccato, & abuſum, & ſacrilegium magnum cōmiſerunt quidam noſtro hoc tempore habentes zelum Dei, ſed non ſecundum ſcientiam, qui Indos uenientes ad baptiſmum indifcrimatiu ad eum admiferunt, nulla facta inquiſitione de uita, & moribus eorum, immo & nulla, aut penē nulla eis prius tradita doctrina de moribus et uita neceſſario ſeruanda à Chriſtianiſ, ſed hoc ſolo contenti, quòd propoſitis ſibi fidei articulis, credere ſe illa reſpondebant, & uelle ſe chriſtianos fieri, & baptizari. Et reuocare illos potuit ab hoc errore primo uerbum Chriſti. Nolite ſanctum dare canibus, neq; mittatis margaritas ueſtras ante porcos. Secundo antiq̄ua conſuetudo uniuerſalis eccleſiæ, quæ nunquam olim admiliſit ad baptiſmum peccatores publicos uolentes perſeuerare in ſuis peccatis, ut expreſſe docet Auguſtinus in de fide & operibus cap. 18. Tertio. Ritus ipſe & ceremoniæ ſeruatae à tota eccleſia in collatione baptiſmi diſſuadere hæc eis poterant. Requiritur enim à baptizando abiuratio dæmonis, & mundi, & pomparum eius. Quarto & diſſuadere eis potuit hunc errorem, & præcipitem temeritatem, quòd ad uitam beatam fides, & opera bona neceſſaria ſunt. Ut enim infideles ad regnum cœlorum non admittentur, ita neq; adulteri, neq; molles, neq; uſurarij, neq; ſimoniaci, & de

niq̄ nulli qui fuerint in peccato mortali. Si igitur neq̄ infide-
 lem quempiam, aut dubium de aliquo fidei articulo admitte-
 bant ad baptismum etiam si diceret se uelle, & uere optaret
 baptizari, neq̄ ante doctrinam de fide conferebant alicui ba-
 ptismum, equidem neq̄ peccatoribus publicis debuerunt tra-
 dere baptismū, neq̄ cuiquā nō premissa eis aliqua summa de
 doctrina morum. Exuere enim opus erat ueterem homi-
 nem, si uere uolebant induere nouum, eos, qui sic ad illos ac-
 cedebant. Et monere debuerunt, ut relinquerent Aegyptum,
 si ad terram promissionis transire uolebāt per mare rubrum,
 quod figura fuit baptismi, quia in eo omnia extinguitur pec-
 cata, quæ demonis sunt arma, & militiā, in Pharaone nobis
 designati. Neq̄ exempla quæ in contrarium citata sunt in ar-
 gumento, mouere eos in cōtrarium debuerunt. Ad primum
 enim respondere possumus tria illa milia hominum qui ba-
 ptizati sunt in die pentecostes, non tantum credidisse his quæ
 Petrus docuit eos de Christo, sed et pœnitentiā quoq̄ habuisse
 suorum peccatorum, & renunciaſſe omnibus carnis & muni-
 di affectibus, si quibus antea tenebantur. Præter ea enim quæ
 credenda Petrus ipse tradidit de Christo, docuit & pœniten-
 tiam, & baptismum dicens, Pœnitentiam agite, et baptizetur
 unusquisq̄ ueſtrum in nomine Ieſu Christi. Neque hæc sola
 tradidit, sed & docuit damnare opera mortua, quæ nequiter
 faciunt huius sæculi dilectores, & alia quæ necessaria erant, ut
 idonei eſſent ad recipiendum baptismum. Et optime hoc colli-
 git Augustinus in de fide & operibus cap. 8. ex illis quæ ſta-
 tim adiecit Lucas. Alijs etiam uerbis pluribus testificatus
 est, & exhortabatur eos dicens. Saluamini à generatione iſta
 praua. Ne prolixior enim iuſto eſſet narratio, contentus fuit
 summa quadam, ac uelut compendio ſententiam ponere, cui
 perſuadendæ pluribus uerbis Petrus inſtabat. Ipa enim ſum-
 ma poſita eſt, cum dictum eſt. Saluamini à generatione hac
 praua, uel, ſicut apertius legit ibi Augustinus. Eripite uos à
 ſæculo hoc prauo. Et cum ita ſubiecerit Lucas. Qui ergo rece-
 perunt ſermonē eius, baptizati ſunt, uel ſicut dilucidius mul-
 to legit ibidem Augustinus, At illi auidiſſime capientes ex-
 ceperunt

ceperunt uerba, & crediderunt, & baptizati sunt, liquet ex his non admissos ad baptismum, nisi eos qui Petri exhortationibus, quo ad fidem, & mores, obtemperarunt.

Ad secundum etiã exemplũ de spadone illo baptizato à Philippo facile respondere possumus sub illo uerbo, Euangelizauit illi Iesum, & illa etiã, quæ ad uitam moresq; pertinent eius, qui credit in dominum Iesum, comprehensa sunt. Hoc est enim, ut cap. 9. ubi supra dicit Augustinus, euangelizare Christum, non tantum dicere, quæ sunt credenda de Christo, sed etiã quæ obseruanda ei, qui accedit ad compagem corporis Christi. Et merito hoc dicitur ab Augustino. Ad euangelium enim Christi spectant cuncta, quæ de illo credenda sunt. Et inter hæc non illa solum sunt, quibus docemur, quis sit, & qualis, & quantus, cuius filius secundum diuinitatem, cuius & secundum humanitatem, quid fecit, quid passus fuit, & quare, quæ uirtus resurrectionis eius, quod donum fidelibus misit, sed & illa etiã connumeranda sunt, qualia membra, quibus sit caput, quærat, instituat, diligat, liberet, atq; ad eternam uitam, honoremq; perducatur. Et siue ista breuius & constrictius tradantur, siue latius, & uberius, procul dubio euangelizatur Christus. Et nisi hoc esset euangelizare Christum, cum in toto illo capitulo Esaiæ, quod legebat eunuchus ille, nulla sit mentio de baptismo, unde fuisset ipse commotus ut diceret. Ecce aqua. Quis me prohibet baptizari? Et aliàs. Si ideo existimatur non esse necessarium ante baptismum docere ea, quæ ad mores spectant, quia non legimus ea docuisse Philippum istum eunuchum, Nihil ergo erit necessarium baptizandis tradere de spiritu sancto, nihil de sancta ecclesia, nihil de remissione peccatorum, nihil de præmijs bonorum, nihil de supplicijs malorum, nihil de ipsa resurrectione mortuorum, immo de ipso domino nostro Iesu Christo nihil erit necessarium tradere, nisi quia filius Dei est, neq; catechizantem opus esset docere baptizandos de incarnatione eius ex uirgine, de passione, de morte crucis, de sepultura, de tertij diei resurrectione, de ascensione, de sede ad dexteram patris, ac de aduentu ipsius ad iudicium, Nihil enim horum legimus ibi traditum à

N

Philippo. Et tamen hæc, etiã cum temporis urget angustia, secundum ritum uniuersalis ecclesiæ interroganda sunt à baptizandis, & ad cuncta habent illi respondere, quanuis ea memoria commendare non ualuerint. Cum ergo scriptura dicat eunuchum baptizatum à Philippo, & ea omnia ibi intelligi uoluit, quæ serie traditionis sunt implenda, ut ait ibidem Augustinus, licet ea gratia breuitatis intermiserit. Et eodem modo respondere possumus ad tertium exemplum de custode carceris. Ac profecto, si bene aduertimus, & perpendimus subitam & celerrimam cõuersionem trium millium quos die pentecostes cõuertit Petrus, Studium huius eunuchi, qui etiã in itinere à sacra lectione non uacabat, & pietatem, & caritatẽ custodis carceris, qui statim lauerit uulnera Pauli, & Sylæ, haud quaquã uidebitur absonum, si dicamus non fuisse opus diligentiori, aut maturiori morum examine ad istorũ baptismũ, sed satis, superq; fuisse, ut eis ille concederetur, ea docuisse, quæ & istis fuisse tradita ex ipso textu Lucae colligimus.

DE PRAECIPVA CAUSA IUSTIFICATIONIS.

QVAESTIO TERTIA.



Tertio quæritur, an fides teneat primum, et præcipuum locum in iustificatione peccatoris. Et uidetur quod sic. Fidei sæpius tribuitur in scripturis iustificatio nostra, quàm alicui alijs uirtuti. Ergo ipsa primum, & præcipuum locum, tenet in iustificatione. Cur enim aliàs ei potius quàm alijs uirtutibus imputaretur iustitia nostra, si aliæ uirtutes hac in parte potiores sunt, & plus efficiunt? Quod uero sæpius fidei tribuatur nostra iustificatio, quàm alijs uirtutibus, nemo qui literas sacras, uel superficie tenus, attigerit, poterit ambigere. Vt enim omitramus loca iam citata in quaestione secunda ex cap. 3. & 4. epistolæ ad Romanos, ubi decies uel duodecies fidei tribuitur iustificatio no-

stra, Certe cap. 5. ibidē apertissime hoc patet, ubi ita legimus. Iustificati ergo ex fide pacem habeamus ad Deum per domi nū nostrum Iesum Christum, per quē habemus accessum per fidem in gratiam istā, in qua stamus. Et ad Galatas. 3. Qui tri buit nobis spiritum, et operatur uirtutes in nobis ex operibus legis, an ex auditu fidei? Sicut scriptū est. Credidit Abraham Deo, & reputatum est ei ad iustitiā. Cognoscite ergo quia qui ex fide sunt, hi sunt filij Abrahę. Prouidens autē scriptura, quia ex fide iustificat gentes Deus, prænuntiāuit Abrahę, quia be nedicentur in te oēs gentes. Igitur qui ex fide sunt, benedicen tur cū fideli Abraham. Et paulo inferius. Itaq; lex pedagogus noster fuit in Christo, ut ex fide iustificemur. Et statim. Oēs. n. filij Dei estis p̄ fidem, quæ est in Christo Iesu. Et ad Ephesios 2. Gratia estis saluati per fidem. Et cap. 3. In interiori homine Christum habitare per fidem. Et ad idem facit, quod ad He braeos. 11. uni fidei tribuit Paulus fecunditatem Sarrae, salu tem Raab, transitionem maris rubri, ruinam Hiericho, uicto riam regnorum, operationem iustitiæ, adeptiōnē promissio num, triumphum de inimicis, fortitudinē in bellis. Et in acti bus apostolorum cap. 15. fide purificasse dicit Petrus gentium corda. Et confirmari potest hoc argumentum. Non. n. solam fidem sic magnificat Paulus ubiq; ei imputans nostram iusti ficationem, sed & sepe sic imputat ei nostram iustificationē, et iustitiā, ut aliorum omnium nullam uideatur prorsus dice re, Deum habere rationem. Arbitramur, ait, iustificari homi nem p̄ fidem sine operibus legis. Et paulo post. Ei autē qui nō operatur, credenti autem in eum, qui iustificat impiū, repu tatur fides eius ad iustitiā. Et ex hoc quod scriptura, una cō memorata fide, & reliquis omnibus tacitis uirtutibus dicit. Credidit Abraham Deo, & reputatum est ei ad iustitiā, in fert ipse cōstanter. Si Abraham ex operibus legis iustificatus est, habet gloriā, sed non apud Deum. Et ex hoc quod per Abacuc dicit, Deus iustū ex fide uiuere, infert similiter ad Ga latas. 3. neminem in lege iustificari. Cum igitur tanta tribuan tur fidei præteritis alijs uirtutibus, uidetur illa præcipuum lo cum tenere in iustificatione hominis. Præterea argumentari

N ij

ad idem possumus hunc in modum. Fides maxima quaedam est protestatio misericordiae diuinæ, & per eam maxime Deo fidimus, nobisq; diffidimus. Agnoscimus enim per eam nihil esse nobis in nobis praesidij, et una Dei gratia, & misericordia nos posse iustificari, fundamentumq; illa est totius iustitiae, & ab illa habent totam suam uirtutem, siquam habent alia opera. Ergo fidei sunt primae partes in iustificatione nostra.

In contrarium autē arguitur. Poenitentia de peccatis semper reponit hominem in gratia, & reconciliat Deo peccatorem, ut patet ex multis locis scripturae, & manifestissime ex Ezechiele cap. 18. ubi inter alia multa, quae hoc liquido probant, et hoc quoq; quod satis est, legimus. Conuertimini & agite poenitentiam ab omnibus iniquitatibus uestris, & non erit uobis in ruina iniquitas. Cum igitur hoc non semper praestet fides, quippe quae sepe sit in multis peccatoribus, sequitur non fidē, sed poenitentiam primum locum tenere in iustificatione hominis.

Pro solutione istius quaestionis supponendum est primo ex his quae, si dominus dederit, latissime disputata. trademus in quarto sententiarum distinctione. 14. multipliciter posse hominem iustificari. Et prima quidem, ac comunior, magisq; protrita uia est per poenitentiam, hoc est, per dolorem de peccatis commissis, & propositum cauendi illa in posterum. Secunda uero uia, qua quispiam ex multorum sententia, & nostra posset iustificari, est per dilectionē Dei super omnia. Tertia est per martyrium. Quarta per orationem. Quinta per sacramenta ecclesiae, & potissimum per baptismum, & poenitentiam, & Eucharistiam. Ac probabilis est etiam sexta, ut uidetur uia, nempe per fidem. Videtur. n. probabile, quod si quis infectus solo originali, cum primū ueniret ad usum rationis, audita praedicatione fidei, & uisis miraculis in eius testimoniū, uellet eam recipere ob salutem animae suae, per hoc solum, quod ei credit, iustificaretur, & remitteretur ei originale.

Secundo supponendum est, multa simul concurrere ad iustificationem nostram, cum quis prima uia, hoc est per poenitentiam iustificatur. Nam concurrunt fides, qua in Deum credimus, Concurrunt spes, qua in Deo confidimus, & una illius gra-

tia & misericordia speramus nos ei reconciliandos. Cōcurrit
 pœnitētia, qua dolemus de peccatis nostris. Cōcurrit & Dei
 amor, quo fit, ut peccata commissa potissimum nobis displiceant
 propter Dei offensam, & in posterum cauere proponamus,
 ne illius rursus incurramus offensionem. Sine amore enim
 Dei nullus cōsequitur ueniam suorum peccatorum, ut dicit
 Aug. Et ex multis scripturarum testimonijs hoc certum est,
 ut alias docebimus. Concurrunt & saepe oratio siue religio,
 qua humiliter, & cum fiducia, diuinam misericordiam im-
 ploramus dicentes cum publicano. Domine propitius esto mihi
 peccatori, uel cum Dauide, Miserere mei Deus secundum ma-
 gnam misericordiam tuam. Et quādo, uel ista omnia, uel plu-
 ra ex his concurrunt ad iustificationem peccatoris, est dubiū
 cui potius istorum tribuenda est nostra iustitia, hoc est, quod
 potissimū ex istis Deus acceptat, ut nos iustificet. Quod apud
 eum est maiori in pretio? Quod maioris momenti? Deniq;
 cuius gratia, et uirtute, et, si liceret dicere, merito, præcipue iusti-
 ficamur? Et de hoc duas uideo esse opiniones apud doctores.
 Prima est, ea q̄ communis apud catholicos, et potissimū apud
 scholasticos doctores, quod pœnitentia præcipuas partes te-
 net, & primatum sibi uindicat in iustificatione peccatoris.
 Altera est minus communis, quod fides prima & potissima
 causa est nostræ iustificationis. Et hanc partem satis uidetur
 tueri Philippus Melāchthon. In locis enim cōmunibus & cō-
 ment. epistolæ ad Rom. negat caritate nos iustificari. Et om-
 nes opinor heretici, qui dicunt fidem solā iustificare nos posse
 sine operibus idē defenderent. Vbi enim illi admittant, quod
 negare profecto non possunt, alia etiam cum fide concurrere
 ad nos iustificandum, dicent saltem primas partes tribuendas
 esse fidei. Et ex his duabus sententijs utra uerior sit, mihi qui-
 dem satis non constat. Et crediderim posse utrāuis citra hæ-
 resis periculum defendi, atque a deo totam istam quæstionem
 problematicam esse, & problematice posse ex utraq; parte in
 scholis disputari. Quoniam uero communis opinio aliquan-
 to probabilior apparet, ponam iuxta hanc sententiam con-
 clusionem huiusmodi responsuam ad quæstionem.

CONCLUSIO. Probabilius est fidem non tenere potissimum locum in iustificatione peccatoris, sed potissimum locum tenet poenitentia, & eam supra fidem Deus acceptat, ut nos iustificet. Probatur hæc conclusio. Primo. Poenitentia est causa immediata, uel dispositio immediata, & ut uidetur, sufficiens cum gratia diuina, ad iustificationem nostram. Ea. n. posita mox iustificamur. Et ab ea uidetur esse iustificatio nostra completiue, ut sic dixerim, & consummatiue. Fides autem non est dispositio adeo proxima ad iustitiam, & manet in peccatoribus, et ab ea solū initiatiue, ut sic dicamus, est iustificatio nostra. Ergo non fides, sed poenitentia primas partes tenet in reconciliatione peccatoris. Et confirmo hoc argumētum. Si stare possit dolor de peccatis, ut offensę sunt Dei, sine fide, ut quidem uidet̄ posse esse sine fide actuali, saltem in eo qui ex lumine naturali cognosceret Deum esse, ille dolor sufficeret ex gratia diuina ad reconciliandum Deo peccatorem. Non sufficit autem ad hoc fides sola, quantacunq; ea sit. Signum igitur est potētissimam causam nostrę iustificationis esse poenentiā, atq; ideo ei esse potissimum imputandum, quod iustificemur, & non fidei. Si enim poenitentia sola potest præstare, quod præstat cum fide, & fides sola non potest præstare, quod præstat cum poenitentia, manifestum sanè argumentum hoc est, quod ipsa iustificatio magis est poenentię effectus, quàm fidei. Sicut enim si calorem, quem producit Deus cum igne, potest Deus, ut uere potest, producere sine igne, ignis autem non potest producere sine Deo, manifeste colligitur eum calorem magis esse effectum Dei, quàm ignis, Deumq; esse potentissimam causam illius, non ignē, ita uidetur, quod si poenitentia iustificare nos possit sine fide, non autem fides sine poenitentia, quādo fides & poenitentia coëfficiunt nostram iustificationem, poenentię illa sit potius tribuenda q̄ fidei. Secundo ad idem argumentor sic. Plus meretur de Deo, maiuscq; ei obsequium præstat, meliusq; in eum quis affectus est per hoc, quod dolet de eius offensa, & in posterum proponit eam pro uirili sua cauere, quàm per hoc, quod illius dictis fidem adhibet, eūq; cre-

dit etiā constantissime ueracem. Sicut & de rege plus apud homines meretur, plusq; censetur facere ad obtinēdum ipsius amicitiam, uel gratiam, qui amare dolet eius incurrisse offensam, & in futurum ei pollicetur in omnibus suis preceptis obedientiam, q̄ qui crederet eum esse etiā ueracissimum. Ergo efficacior est, & potentior poenitentia in reconciliatione peccatoris, q̄ fides. Et confirmatur, difficilius est poenitere q̄ credere, ut patet, quia cum pauci sint fideles, pauciores tñ sunt poenitentes. Plus etiā facit ad augendam caritatem iam acquisitam, & recuperandum bona perditā per peccatum poenitentia, quā fides, plus & intensio, & feruor poenitentiae, q̄ intensio, & feruor fidei. Ergo poenitentiae potius, q̄ fidei tribuenda est nostra iustificatio. Et hoc argumento, quod quidem apud me magni est ponderis, uidetur posse probari, tum, cum quis iustificatur per dilectionem Dei, aut per martyrium, aut per orationem, plus etiā istis omnibus tribuendam esse nostram iustificationem, quā fidei, etiam si & tunc, quod nos non negamus, suum certe locū teneat fides. Cum enim ista tria plus augeant caritatem acquisitam, quā fides, plusq; faciant ad augmentum gratiae, & magis meritoria sint, & augmentum in illis maioris sit momenti ad augendum gratiam & gloriā, quā augmentum in fide, sequitur, ut uideatur, & ista magis cooperari gratiae diuinā, & meritis Christi ad nostrā iustificationem, magisq; illam efficere, & potentius impetrare, & certius quā fidem. Quidquid enim maioris fieret à Deo ad ipsam iustificationem, maioris etiā fieret ad eam augendam, & quidquid maioris sit ad augendam suam gratiam, maioris quoq; fieri credendum est ad eam ineundum. Sicut & in physicis uidemus omnia illa agentia naturalia, potentiora esse ad introducendum aliquam formam naturalem, quae potentiora sunt ad eam augendam, si illa sit augmentabilis, et quaecūq; potentiora sunt ad augendum, potentiora etiā sunt ad introducendum, neq; ulla opinor dabitur instātia. Et cum Paulus aperte dicat maiorem, & prestantiorem esse uirtutem caritatem, quā fidem & spem, consequens est, ut potētiorem dicamus esse caritatem ad augendum, & ineundum amicitiam

.mobi

.lx. d.ii

I.CO. 13.

.mobi

ibidem, diuinam, quàm fidem & spem. Cū etiam ibidem dicat, fidem quantacūq; ea sit, sine caritate non sufficere, non autem hoc dicat e contrario de caritate sine fide, innuere uidetur potior rem esse causam nostrę gratiæ, et gloriæ caritatē quàm fidem.

Heb. xi. Cum etiam fidem uocat fundamentum spiritalis nostrę structure, & in domibus uisibilibus, quantūcūq; fundamentum pretiosum sit, et operosum, tamen ei aliæ partes domus longe præponderent, insinuauit profecto nō esse fidem potissimam causam nostrę salutis, quanuis sit prima.

Ad argumentum in contrarium huius conclusionis factū in principio quæstionis diceret fortassis aliquis nō ideo sepius tribui fidei, iustificationē nostrā in scripturis, quia illa sit potissima causa illius inter omnia opa nostra, sed ideo quia idē est in scripturis, ex fide iustificari, et ex gratia iustificari, æquū uero est, ut sepius memoria fiat gratiæ, quāquidē citra controversiā ei magis adscribenda est iustificatio nostra, quàm operibus nostris. Et hunc modum dissoluendi hoc argumentum non ego ex meo capite finxi, uerum eum licet legere in quodā nobili scholiaste nostri temporis, qui coactus forte uerbis Pauli, neq; aliter sciens ab eis se explicare, tādē in quodam scholio super illa uerba cap. 4. ad Romanos. Ei uero qui non operatur &c. dicit iustificari ex fide, & secundum gratiam idē esse apud Paulum, et inducit pro hoc uerba Pauli ibidem, Ideo ex fide ut secundū gratiam firma sit promissio omni semini. Sed melius argumentum pro hac sententia esset ex hoc quod Paulus in eodem cap. 4. & in cap. 3. distinguit iustificationem ex operibus legis, contra iustificationem ex fide. Quare cum fidem dicat Christus Ioannis. 6. esse opus Dei, & unum opus à lege præceptum sit fides, sequitur ex fide iustificari, non esse idem, quod iustificari ex actu, uel propter actum fidei, sed esse idem, quod iustificari ex gratia, hæc enim est iustificatio, quæ opponitur iustificationi ex operibus. Et confirmatur hoc. Quanuis Paulus ibi dixisset, iustificari homines à Deo ex fide, statim adiunxit, & ex autoritate Davidis confirmat, beatū hominem, cui Deus acceptam fert iustitiam sine operibus. Perinde sanè, ac si pro eodem acciperet ex fide iustificari, ac iustificari

ficari sine operibus, quod quidem nihil aliud est, quam iustificari ex gratia. Si igitur iustificari sine operibus non est quid diuersum, sed idem potius cum hoc, quod est iustificari ex fide, sequitur iustificari ex fide, & iustificari ex gratia idem esse apud Paulum. Et augeri potest, et ualidius aliquanto fieri hoc argumentum ex eo, quod aliàs non uidetur, quare ex fide debuerit Paulus asserere, homines iustificari, exclusis omnibus alijs operibus, cum alia opera sint tanti ualoris apud Deum, quanti est fides, aut certe fides non sit magis meritoria iustificationis nostræ, quam alia. Non enim fidei debetur iustificatio nostra, & ita illa, sicut & alia opera potest intelligi exclusa, cum Paulus dicit, ex operibus legis neminem iustificari apud Deum, & non ex operibus iustitiæ, quæ fecimus nos, sed secundum Dei misericordiam saluos nos esse factos. Cum ergo nihil ista ueritus, neq; aduersari se illis existimans, tam cõstanter ubiq; imputet fidei iustificationem nostram, sequitur pro eodẽ usurpari ab eo, iustificari ex fide, & iustificari secundũ gratiam, siue hoc fuerit, quia ita erat usu acceptum tẽpore Pauli, ut iustificari ex fide, & iustificari sine operibus pro eodem acciperentur, siue quod fides maxime attestetur gratiæ Dei, ut quæ super omnia opera nostra maxime cõfirmet, & prædicet gratiam Dei, siue quod hoc ipsum propensissimæ est gratiæ, quæ ex fide nos iustificet, quam ipse tam multis, & tam perspicuis argumentis docet, & benignissime nostris impartit mētibus.

Sed neq; istis argumentis, quæ utcũq; in gratiam præcitatĩ piensissimi autoris excogitauĩ adduci possum, ut credam idẽ esse apud Paulum ex fide, & ex gratia iustificari. Sed quanuis ista sic sint inter se cõiuncta, ut nullus iustificetur ex fide, quin iustificet ex gratia, & econtrario, crediderim tamen ista longe inter se differre, et tunc quidem explicari à Paulo misericordiam diuinam, & indebitam benignitatem in peccatores, cũ dicit nos iustificari ex gratia, tum uero explicari, quid à nobis Deus exigat, & quid ex parte nostra cooperetur ad nostram iustificationem, cum dicit nos iustificari per fidem. Et quod hoc ita sit, facile est uidere expẽdenti bene omnia, quæ à Paulo dicuntur in cap. 3. & 4. epistolæ ad Romanos & in cap. 3. ad

Galatas. Sed quia non oēs pro dignitate expendunt, neq; intelligunt quemadmodum illa in hoc propositū debeant aptari, contra istam nouam Pauli expositionem argumentor primo sic. Cū Paulus dicit iustificari homines ex fide, uel per fidē, fidem uocat actum fidei, quo Deo credimus, ut patet, quia hoc ipsum, quod est iustificari per fidem explicat in istis capitulis, quæ statim citauimus, per actum credendi dicens, Iustitiam Dei omnibus communicari credentibus, & credidisse Abraham Deo, & imputatum ei esse ad iustitiam, & similiter nobis imputandam esse fidem ad iustitiam, si credimus in eū, qui iustificat impium, & suscitauit Iesum Christum à mortuis. Cum ergo iustificari secundum actum credendi, nō sit idem, quod iustificari secundum gratiam, neq; erit ergo idem iustificari ex fide, & secundum gratiam.

Et confirmatur hoc. Dicētes apostoli nos iustificari per fidem explicabant, quid nos deberemus ex nobis operari, ut iustificaremur, ut patet, quia & actum credendi sæpe exigebāt, & fidei præceptum in hoc manifestabant, & ad hoc illa dicebant, ut subiicerent se homines libentius iugo fidei. Ergo aliquid aliud illi dicebant, cum aiebant iustificari homines per fidem, quàm cū dicebant eos iustificari ex gratia Dei. Et confirmatur amplius. Aliās. n. impertinenter prorsus induxisset Paulus exemplū fidei Abrahæ. Quid. n. hoc facit ad probandū nos iustificādos esse ex fide, si ex fide iustificari, idem est, quod iustificari ex gratia? Quomodo etiam oēs, qui iustificantur ex fide, filios esse Abrahæ constanter asserit, si non aliud est iustificari ex fide, quàm iustificari ex gratia? Insuper si ita Paulus est exponendus, cum dicit nos iustificari ex fide, sequitur cum fidē dicit Abrahæ imputatā ei esse ad iustitiā, & nostrā nobis similiter imputandā, nō aliquem ab eo actū, neq; in Abrahā, neq; in nobis esse designatum, quē Deus imputet, & imputarit ad iustitiā. Quo profecto nescio quid posset dici absurdius.

RO. 3.

Secundo ad idem argumentor. Vbi Paulus dicit nos iustificari per gratiam Dei, adiungit statim, per fidem, ut patet ex illis uerbis, Iustificati gratis per gratiam ipsius, per redemptionem, quæ est in Christo Iesu, quem proposuit Deus propi-

tiatorem per fidem. Non ergo ista duo pro eodem accepit.

Tertio & pro istis uidentur inibi aperte esse uerba, quæ præcitatus autor pro se adducit. Ideo ex fide, ut secundum gratiam firma sit promissio omni semini. Si. n. bene aduertimus, in his uerbis clauditur uirtute hæc consequentia. Ex fide Deus promissit Abrahamæ, ergo secundum gratiam. Et hoc manifestissimum esse potest scientibus Græce. Textus. n. græcus manifestissime sic habet. Ideo ex fide, ut secundum gratiam, ut firma sit promissio omni semini. In quibus uerbis duæ huiusmodi clauduntur consequentiæ. Ex fide, ergo secundum gratiam. Ex fide, ergo firma erit promissio omni semini Abrahamæ non ei qui ex lege est solum, sed etiam ei qui ex fide est Abrahamæ. Et neutra quidem istarum consequentiarum aliquid ualet, si ex fide idem significat, quod ex gratia, aut certe prima cõsequentiã indigna erit Paulo, cum uix consequentiã dici mereat, quæ idem infert ex eodem, et causalis certe consequentia non esset, cum nihil causa sit sui ipsius, atq; ideo, & inepte his adiungere tur uerbũ, ideo, quod causam certũ est notare. Si aut uerbum ex fide accipitur, quo sensu par est hoc uerbũ accipi, cõsequentiã illę optimã sunt, & argutissimã, dignęq; prorsus ingenio Pauli. Et secunda quidem manifesta est. Si. n. promissio facta Abrahamæ est implẽda, implebitur ergo in omnibus, qui in fide imitati fuerint Abraham, ac p hoc filij eius dici possunt, et nõ tm̃ in Israelitis. Prior uero consequentia difficilior est, sed ita difficilis, ut in ea tm̃ uidere liceat admirandum ingeniu Pauli, qui & ex hoc quod Deus iustificaturus erat filios Abrahamæ per fidẽ, & impleturus illi p eam suas promissiones, inuenit uiam stabiliendi, & confirmandi Dei gratiam. Sed qm̃ à nemine, quod sciam, ista consequentia, unde ualeat, explicatũ est, obiter hic eius expositionem adnectam. Et quidem posset alicui uideri ideo ualere hoc argumẽtum, ex fide uiuificamur, ergo ex gratia, quia magna, et omnino eximia Dei gratia est, quod p rem adeo facilem cuiuis uolenti uti benignitate diuina, adeo & amabilẽ, & honorificam, suã nobis gratiam nullo prorsus pretio digne cõparabilem liberalissime participauerit. Si. n. argumenta expendamus fidei nostre, si manifestissima mira-

cula, si oracula prophetarum, si uitam apostolorum, si fortitudinem
 martyrum, qui eam defenderunt, si clarissima argumenta do-
 ctorum, qui eam illustrarunt, & propagarunt, si noui, & uete-
 ris testamenti concordiam prorsus admirabilem pro dignitate
 pensamus, si aduertamus, & nobiscum ponderemus, quantae
 sit gloriae nosse, utcumque mysteria Dei abditissima caeteris, si sen-
 tiamus, et, uel tantisper gustemus quantae sit dulcedinis, ipsissi-
 mum coelestis patris naturalem filium de caelis huc missum cre-
 dere, ut nos sua morte redimeret, & cum habere nostrae fidei
 actorem, & consummatorem. Si haec inquam omnia, & alia,
 quae fidem nostram mirifice comprobant, nobis ob oculos po-
 namus, equidem non solum non uidebitur difficile, sed facili-
 mum, & amabilissimum, & honorificentissimum credere. Atque
 ideo, et incomparabilis sane gratiae uidetur, quod ex fide nos
 Deus iustificet, non requisito iam a nobis illo importabili ue-
 terem legis praeceptorum iugo, praesertim cum et ipse modis
 omnibus ad fidem excitet, hortetur, extimulet, & propensissi-
 me adiuuet oes, qui non uolunt, tam claro & tam aperto lumi-
 ni resistere. Habet quidem haec expositio probabiliter germanae
 expositionis speciem, & uerissima sunt, quae de fidei, facilitate,
 gloria, & dulcedine, obiter dicit. Sed aliud Paulum in hac
 collectione spectasse crediderim. Penetrauit. n. altius, & acu-
 tius uidit, quem in scopum fides tenderet, & ex ipso obiecto in-
 trinseco fidei, quod significare, & stabilire hic obiter uolebat,
 argumentatus est, cum intulit. Si ex fide, ergo ex gratia. Cum. n.
 fides, de qua hic agebat, ut supra adnotauimus, sit fides, qua per
 unum Dei, & nostri mediatorum, credimus nos ex gratia Dei,
 & meritis ipsius saluandos, cum Deus non iustificet quemquam
 per fidem falsam, optime infertur, si ex fide iustificamur, ergo
 & ex gratia. Ipsa. n. fides protestatio est, & assertio gratiae. Et
 optime intulit, quod si ex fide iustus uiuit, nemo in lege iustifica-
 tur, quia fides hoc asserit neminem in lege, sed in gratia unius
 Christi iustificari. Possumus etiam, ut confirmetur magis haec
 expositio, & illud quoque adijcere, ex gratia regis haberi aliquod
 beneficium, quoniam habetur per hoc, quod credimus ei libera liter,
 & gratuito nobis illud promittenti. Si. n. ex fide suae ueracita-

tis, & fidei quam in suis pmissionibus seruat, nos habebimus illud beneficium, utiq; & ex gratia habebimus, & benignitate regis, qui liberaliter illud nobis, cum illud nos non promereremur, promisit. Atq; ideo optime, & profundissime collegit Paulus, si ex fide, ergo ex gratia, fides enim credit, et supponit gratiam pmissionis diuinæ. Vnde & scriptura prius diuinam pmissionem commemorat, quam fidem comendat. Abrahæ. Pmissionis enim meminit in. 12. cap. Genesis, fidei uero in. 15. Si etiam attendamus, fidem ipsam quandam præcellentem Dei gratiam esse, optime poterimus intelligere, collegisse hic Paulū. Si ex fide, ergo ex gratia, & alibi, Si ex lege, iam non ex pmissione, ubi enim lex aliquid potest prestare, superflua est eius pmissio. Hæc autem omnia, quæ profunditatem scripturæ, & sensus Paulini nobis mirifice comendat, aufert nobis ista noua expositio, quam impugnamus. Et tandem ubi nihil aliud esset cōtra eam, uel hoc quidē deberet esse satis, quod cum significationes horū uocabulorū toto cœlo inter se distent, haud quaquam credendus est Paulus, ea inter se confudisse, et alterum pro altero usurpasse. Sed magnifico suo sensu aduertit nihil repugnare, iustificationem p fidem, iustificationi ex gratia, neq; idē esse iustificari p fidem, quod iustificari ex operibus legis. Cum enim asseritur nos iustificari, per fidem explicatur quidem mediū, quo posito ex parte nostra gratuito, & liberaliter per Dei gratiam iustificabimur, non autem explicatur aliquid ex parte nostra, cui debeatur ipsa iustitia. Itaq; patet distincta esse in Paulo, et in re ista tria, iustificari per fidem, iustificari ex operibus, et iustificari ex gratia, et iustificari p fidem mediū quoddam inter ea tenere, neq; concidere cum aliquo eorum, neq; alicui ex ipsis opponi. Et per hæc patet ad omnes confirmationes, quas fecimus pronoua ista expositione. Ea ergo relicta, alia uia quærenda est dissoluedi argumentum principale quæstionis.

Dico ergo breuiter consequentiam illam nihil ualere. Sæpius tribuitur nostra iustificatio fidei, quam alicui alij uirtuti. Ergo illa excellit omnes alias uirtutes. Possunt enim aliæ esse causæ, propter quas id fiat. Et eodem modo possumus ad con

firmationem respondere. Ad secundum etiam breuiter dico consequentiam non ualere. Plus enim, quam omnia, quæ afferuntur in commendationem fidei apud Deum, ponderat, quòd arctius illi unimur per amorem ipsius, doloremq; de offensa eius, & propositum eam in totum pro nostra uirili euitandi, quam uniamur per fidem, quæ prior est in nostra iustificatione, atq; ideo posterior potius perfectione iuxta axioma illud philosophicum, priora generatiõe, posteriora pfectione. Sed quia curiosus argumētator nō hic listet, sed inquiret causam, propter quam scriptura sæpius fidei imputet nostram iustificationem, addam his prudētissime esse factum ab apostolis, ut sæpius iustificationem nostram fidei adscriberēt, quam alijs uirtutibus, propter multa. Et alij quidem alias fortassis huiusce rei commodiores, & congruentiores causas tradent. Ego quinq; attingam, quæ nobis pro nostra tenuitate occurrerunt. Et prima quidem huiusce rei causa potuit esse, quia ipsa fides origo est, & prima causa, radixq; & fons nostræ salutis. Ideo. n. & cōueniens fuit illi totam frequenter uitā nostrā, & salutem spiritualem imputare. Vt enim uita cordi tribuit, & ab eo uita dicif esse, licet alia sint requisita ad uitam nostrā, quia à corde procedit uita in alia membra, ita & iustus congrue dicitur ex fide uiuere, licet alia sint etiā, unde uiuat, quia fides origo est nostræ salutis. Et hanc causam attigit diuus Augustinus in autoritate quam ex eo citauimus in fine secundæ quæstionis ex cap. 7. libri de prædestinatione sanctorum, ubi & fidē fundamentū dicit spiritualis ædificij, neq; sine ea orasse, & eleemosynas dedisse Cornelium, cū eius fuissent acceptæ eleemosynæ, & exauditæ orationes, ut adducereēt ad fidē Christi. Secundo & ideo fidei frequentius tributam esse iustificationem nostram crediderim, quia ab illa habent uim suam impetratoriam omnia opera nostra, quæ concurrunt ad iustificationem, illa autem non habet aliunde. Et q; ab ea uim suā habeant, quæcūq; illa, & qualiscūq; sit, potest fieri probabile hoc argumento. Cum. n. illa fons sit, & origo uite spiritualis, ut statim diximus, cōsequens est, ut sicut à corde habent omnia membra corporis nostri suas uirtutes, ita & à fide uelut à principio

uitae spiritualis habeant omnia opera nostra quancuncq; uim,
 quae ad salutem conducat spiritalem. Et si non solum de sacra-
 mentis ueteris legis, quo tempore utilia fuerunt, sed & de sa-
 cramentis nouae legis hoc gratiae tempore probabile est, ut ex
 aliquorum sanctorum autoritate in quarto sententiarum lar-
 gente domino ostendemus, aliquam partem suae uirtutis, ea
 a fide habere, merito & idem de operibus nostris ceteri potest
 probabile. In confesso enim est apud oēs certiores potētioresq;
 causas nostrae salutis esse sacramenta, quam sint opera nostra.
 Quod. n. habent opera nostra meritorie, impetratorie ue, aut
 certe dispositiue, obtinere, hoc sacramenta ipsa in se continēt,
 & in nobis possunt potēti, & omnino admirabili uirtute, ef-
 ficere. Atq; ideo fortassis diuus Augustinus lib. 3. contra duas
 epistolas Pelagianorum cap. 5. aperte tribuit fidei discretionē
 iustorum ab iniustis in haec uerba. Nostra fides, hoc est catho-
 lica fides iustos ab iniustis, nō operum, sed fidei lege discernit.
 Vnde & paulo inferius cū asseruisset propter rectā fidem, eū
 saluari aliqñ, qui moribus est inferior, quam aliquis infidelis,
 qui condemnatur, subdit. licet fides sine opibus neminem sal-
 uat, ipsa est enim non reprobata fides, quae per dilectionē opera-
 tur, tñ per ipsam etiam peccata soluuntur, quia iustus ex fide
 uiuit. Sine ipsa uero etiam, quae uidentur bona opera in pecca-
 ta uertuntur. Omne enim quod non est ex fide, peccatum est.

Tertio & ideo conuenienter tributa est salus nostra fidei,
 quia nulla est potentior causa ad mouendum peccatorem ad
 ea, quae sunt ex parte ipsius requisita ad suam iustificationem.
 Vis o Christi praedicator quisquis es, qui haec legis, peccato-
 res inflectere ad poenitentiam? Pone illis ob oculos aeternum
 illum, & omnino importabilem malorum cumulum, quae im-
 pendent peccatoribus, nisi a suis peccatis resipiscant. Propo-
 ne, & felicissimum omnium bonorum aceruum, quae fides
 uere poenitentibus pollicetur. Adnitere, ut haec saepius secum
 cogitent, ut haec meditentur, ut haec pro dignitate perpendat.
 facito, ut & ipsi suam fidem uelut indormientem, languen-
 temq; & omnino mortuam, exsuscitent. facito, ut eam consu-
 lant, ut eius lumini non resistant, ut haec, & eximia Christi in

nos beneficia, uelut sibi præsentia, & ante se graphice depicta, fidei oculis cernant, & illos nulla re commodius, nulla re facilius, nulla planè certius, ad pœnitentiam traxeris.

Quarto etiam conueniebat, ut apostoli in suis epistolis, & contionibus, ut plurimum fidei imputarent, & pollicerentur, sanctificationem nostram. Erat enim illa maxime necessaria illis, ad quos habebant sermonem, & plerisque eorum, cum boni alioqui uiri, & probi essent, nihil deerat ad iustificationem, aut saltem, ut in iustitia perseuerarēt, nisi ut abiecta sua secta, nomen suum fidei darent christianæ, & in nostram religionem transirent. Estq; hoc cōsultissimum, ut qui eos saluare cupiūt, quibus uerba salutis annuntiant, illa potissimum, & frequentissime commendent, quæ suis auditoribus maxime uiderint esse necessaria. Nō autem ex hoc licet inferre, q̄ nulla alia sint potiora bona, quàm ista, quæ pluries commendantur. Possunt enim pluries commendari, q̄ magis necessaria sunt, aut q̄ sine istis aditus ad præcellentiora non pateat, sicut forte eleemosynam ostendere possemus pluries commendatam in scripturis quàm, uel pœnitentiam, uel certe quàm uitam contēplatiuam, neq; tamen inde eam commode inferemus antecellere, et præstare. Attemperantur enim sermones auditorum necessitatibus, & commodis, neq; semper possunt ordinem ipsorum bonorū, quæ docentur seruari. Et hac ratione quidem, cum fides ianua sit certissima salutis, ab ea erat, estq; semper christi prædicatoribus auspicandū. Ea enim semel mentibus hominum persuasa, & inserta, facile & reliqua alia, quæ necessaria sunt ad plenam iustificationem, hominibus persuadētur. alias autem certe difficilime. Ut enim se habent principia cuiuscūq; scientiæ ad conclusiones ex eis illatas, ita prorsus fides se habet ad totam uitam christianam. Et quemadmodum frustra coneris conclusionum scientiam tradere, ignorantibus earū principia, ita frustra ad uitam christianam exhorteris, non persuasa ante omnia fide. Et propterea substantia, siue fundamentum, uel, ut Græci significantius dicunt, hypostasis rerum sperandarum, & argumentum non apparentium, dicitur à Paulo ad Hebræos. II. ut intelligamus, ab ea esse auspicandum cuiuscūq;

cuiuscumque, qui uelit serio dare operam, uel suæ uel aliorum salu-
 luti. Vnde & diuus Augustinus in libro de natura, & gratia
 contra Pelagianos cap. 68. prudentissime, & pientissime di-
 cit. Si uolumus animos ad recte uiuendum frigidos, & pigros
 christianis exhortationibus excitare, & accendere, primitus
 exhortemur ad fidem, qua Christiani fiant, & eius nomini sur-
 biſciantur, sine quo salui esse non possunt. Si autem iam chri-
 stiani sunt, & recte uiuere negligunt, uerberentur terroribus,
 & præmiorum laudibus erigantur, ita sanè, ut non solum ad
 bonas actiones, uerum etiam ad pias orationes, eos exhortari
 meminerimus, atque hac instruere sanitate doctrinæ, ut, & illi
 gratias agant, cum instituerint bene uiuere, quod aliquid sine
 difficultate fecerint, & ubi difficultatem aliquam sentiunt, fi-
 delissimis, & perseverantissimis precibus, & misericordiæ
 promptis operibus facilitatem à domino impetrare persistant.
 Hæc ille. Et cum nusquam gentium inuenta sit perfecta ius-
 titia sine fide, immo omnes nationes fidei expertes, multis ob-
 noxias uitij, & erroribus experientia docuerit, argumentum
 apertum habemus, ut credamus fide non admissa, neque re-
 cepta, necesse esse in multis errare, labi, & offendere. Atque
 ideo maxime, et frequentissime conueniebat fidem commen-
 dari, & ex ea iustificationem omnibus promitti. Quinta &
 illa potuit esse causa, ut pluries cõcederetur fidei iustitia. Erat
 enim una ista dispositio, cui inter omnia nostra opera maxi-
 me tribui poterat sine periculo superbiæ nostræ, & gratiæ di-
 uinæ iniuria, uel derogatione. Cum enim fides Dei donum
 sit, et quædam diuinæ gratiæ in nos protestatio, hoc ipso quod
 tribuitur fidei nostræ, tribuitur gratiæ, & misericordiæ diui-
 næ, & aufertur nostris uiribus, ut non gloriatur omnis caro
 in conspectu eius. Et in hoc admirabilis est prorsus diuina
 sapientia. Cum enim Deus nos iustificare uoluerit, gratis qui-
 dem, sed apposito tamen aliquo opere nostro, illud opus ad
 omnium iustificationem requisitum, quod maxime contesta-
 retur Dei misericordiam, & gratiam, qua iustificamur, et per
 quod audientes nos iustificari minimam occasionem super-
 biæ, & inanis gloriæ, habere poteramus. Atque ista fortassis
 P

114 DE PRAECL. CAUSA IUSTIF. Q. III.

de causa Paulus clarissimus gratiae diuinæ assertor, cum Iudaorum, et Gentilium superbiam, uellet deprimere, atq; ideo iustificationem nostram operibus abrogaret, nihil ueritus est fidei uni eam adscribere. Sed utcunq; ista se habeant, decuit sanè apostolos fidei ipsius prædicatores, & fundatores, quam maxime fidem saepe attollere, & quidquid ei uere conueniebat asserere. Et ista enim omnia optime callebant, & à Christo idem factitatum perspexerant, neq; se ignorabant in hoc ab eo apostolos institutos, ut fidem manifestarent, stabilirēt, & persuaderent, & per orbem terrarum propagarent. Non ergo quia fides omnia opera nostra excellat in impetrando iustificationem hominum, ideo saepius quàm alijs, ei imputatur nostra iustitia, sed quia illa est prima causa illius, & ab ea cætera pendent, & recipiunt suam uirtutem. Et quia illa est maxime omnibus necessaria, eiq; minori periculo, & gratiæ diuinæ, & nostræ humilitatis tribui poterat, ideo pluries ei nostra imputatur iustitia.

Video & quosdam aliter argumentari ad probandum fidei potissimum nos iustificari. Iustificamur. n. inquit, per promissionem Dei gratuitam, sed fides principaliter, et correlatiue uidetur respicere promissionem, & ei inniti, & eam, ut sic dicam, magis attingere. Participabit ergo magis uirtutem iustificandi, quàm reliqua omnia. Sed hoc argumentum in tam multis peccat, ut nisi esset protritissimum inter Lutheranos, haud quaquam mihi persuasissimè illius meminisse. Ineptissimum enim est, & nullius prorsus apparentiæ. Et, ut alia omitamus, consequentia nihil ualet. Et satis est, ut dilectio Dei præferatur fidei in iustificatione, quòd magis nos Deo unit, & coniuugit, quàm fides. Deus autem est principaliter causa iustificationis nostræ, q̄ sua promissio, & illi, & suorū mandatorum obseruantie, magis, & frequentius, tribuitur nostra iustificatio in sacris literis, quàm suæ promissioni, quæ condicionalis est apud Ezechielem, & non absoluta. Si impius, inquit, egerit pœnitentiam. &c. Et ante illam uerisimile est protoparentes nostros, & alios patres sine ulla promissione, sola diuina misericordia esse iustificatos.

Ezech. 18

DE MERITIS IN GENERALI. ¹¹⁵

QVAESTIO QVARTA.



Nfides, & alia opera pia meritoria sint apud Deum. Et uidetur quidem fides saltem meritoria esse apud Deum. Vt enim patet ex auctoritatibus multis, quas citauimus, fidei imputatur iustificatio hominis. Nisi autem eam mereretur, cur ei deberet ea imputari? Et confirmatur hoc. Alijs omnibus operibus nostris exclusis, & abrogata eis uia iustificandi, imputatur iustitia nostra fidei. Aliquid ergo saltē habet peculiare fides, quo carent caetera opera, ratione cuius possemus dicere, fidem mereri iustificationē, quāuis hoc alijs opibus nostris minime cōueniat;

In contrarium argumentor. Iustificamur à Deo, ut Paulus dicit, gratis, & per gratiam ipsius, hoc est per gratuitā misericordiam, & benignissimam uoluntatem ipsius. Gratia etiā Dei uita aeterna, ut idem Paulus dicit. Et Esaias dicit. Gratis uenundati estis, & sine argento redimemini. Ergo neq; fides, neq; aliud aliquod opus nostrum, iustificationem nostrā meretur, aut beatitudinem.

RO. 3.

RO. 6.

Esa. 52.

Pro huius quaestionis enodatione, & aliarum, quas statim addemus primo quid meritum sit, & quotuplex explicabo. Secundo quid in his quaestionibus certū sit, quid & controuersum, & in eo quod certum non est, quae sint et quot opiniones, aperiam. Tertio ad quaestionem propositam respondebo.

Meritum igitur, ut de primo dicamus, est actio libera acceptata ad aliquod praemium. Scio alias diffinitiones dari ab scholasticis huic uocabulo meritum, sed quia diffinitiones, & breues debent esse, & apertae, & communes omnibus opinionibus, commodius uidetur sic breuiter, & aperte diffinire, ut & omnes facilius intelligant, quid meritum appellemus, neq; pracludatur cuiquam sententiae suus locus. Dico uero in hac diffinitione meritum esse actionem. Haud quaquam enim crediderim in pura omissione esse meritum. Et si quidem esse

P ij

possit, ut quidam argumentatur de angelo, cui Deus statim in primo instanti sui esse daret præceptum de suspendendo omnem actum uoluntatis, is casus tam metaphysicus est, et tã alienus à lege, & more communi, ut propter illum nequaquã uisum fuerit cõueniens diffinitionem datã obscurare, aut longiorem facere. Et aliàs, diffinitiones eorum sunt, quæ in communi usu, & more hominum positæ sunt, & illis, quæ ut plurimum contingunt, satis est aptari, neq; ad strictissimum dialecticorum rigorem exigendę sunt, aut examinandę. Sed actionem diximus liberam, quia quæ actiones libere non sunt, indignæ prorsus nomine meriti censerì debent. Et absurde, ne dicam inepte & imperite abusi mihi uidentur isto termino quicumq; cõtra communem doctorum theologorum sententiam commenti sunt, posse inueniri meritum in actionibus, immo & in passionibus expertibus libertatis. Si enim per ea, quæ à natura nobis insunt, neq; laudamur, neq; uituperamur, ut philosophus in Ethicis dicit, certe neq; per ea, quæ in nostra non sunt potestate, laudandi sumus aut uituperandi. Par enim de utrisq; est ratio. Et, ut dicit diuus Hieronymus exponens illud, Beati mundo corde, ubi necessitas, corona non est. Cum ergo meritum dignum sit laude & præmio, certe quæ nostræ non subsunt potestati, merita appellari, nisi abusiue non possunt. Neq; quisquam, opinor, hominum apud aliquem existimat se mereri aliquod præmium per ea, quæ necessario facit, uel patitur, nisi forte, cum sua se quis sponte in gloriam uel gratiam alicuius se illi necessitati subiecerit. Adieci uero in præmissa diffinitione uerbum illud acceptata ad aliquod præmiũ. Quanquam enim & apud latinos, & apud ecclesiasticos auctores sepe hoc uocabulum meritum licet inuenire usurpatum etiam actibus malis, quia merita illi sunt pœnarum quas sibi mali homines, suis malis actionibus merentur, sicut & Paulus mercedem erroris Gẽtilium, pœnam appellat, qua illi ob errorem suum sunt mulctati. Et alibi, Omnis, ait, inobedientia & præuaricatio iustam accepit mercedis retributionem, tamen, cum iam ex communi usu et acceptatione scholasticorum nomen meriti ad ea opera sit restrictũ, quæ Deus ad aliquod

RO. I.

Heb. 2.

præmium acceptat, dandum hoc fuit scholæ, ut & nos quoque sic strictim uocabulo isto uteremur. Loquendum enim est ut plures, sicut philosophus admonet. Neque imitandi sunt illi de quibus Iudas in sua canonica dicit. Hi sunt qui segregant semetipsos, animales spiritum non habentes. Et ubi aliàs hoc uocabulum largius conueniat accipere, ut comprehendat sub se non solum bona merita, sed & quæ Augustinus passim uocat mala & pessima merita, in proposito quidem nihil erat necesse sic accipere. Non enim generaliter de merito disputabimus, sed ea attingemus sola, quæ ad meritum iustificationis & beatitudinis spectant. Est ergo meritum actio libera acceptata ad aliquod præmium. Quia uero uarijs modis aliqua actio potest acceptari ad aliquod præmiũ, aut ex natura & dignitate opis, aut ex lege, aut ex gratia acceptatis eã actionẽ ad illud præmiũ, idẽ & multiplex poni à doctoribus meritũ.

Et pro huius explicatione secundo notandum est, duplex cõmuniter poni meritum à theologis. Alterum uocatur meritum de condigno, alterum meritum de congruo, & meritum quidem de condigno uocatur meritum, cui de iustitia, ex lege & condignitate operis debetur aliquod præmium. Meritum uero de congruo appellatur opus quod ex gratia & congruitate quadam acceptatur ad aliquod præmiũ, quod neque ex lege, neque ex condignitate operis sibi debebatur. Ex quibus definitionibus sequitur ad meritũ de condigno duo esse requisita. Alterum est ut opus ipsum, quod est meritorium de condigno, dignum sit eo præmio, cuius dicitur esse meritorium. Alterum est quod ex lege debeatur sibi tale præmium. Sed ad meritum de congruo satis erit, quod cum non sit sancita aliqua lex, qua debeat tale præmium respondere ei merito, tamen congruum sit, & deceat Deum propter dignitatem, uel excellentiã operis illud remunerare tali præmio. Et possunt ista declarari, & perspicua fieri hoc exemplo. Promisit rex certum aliquod præmium ei, qui primus uexillum regis in muris ciuitatis hostium posuerit. Petrus non mediocri suo periculo posuit ante alios uexillum in eis. Is quidem dicitur illud præmium meruisse de condigno. Et opus enim dignum fuit

*Meriti de ignis.
et de condigno.*

118 DE MERITIS IN GENERALI

tali prämio, cū periculosum, difficile, & omni laude dignum fuerit, et alioqui ex lege seu ex promissione regis debitum erat ei operi tale prämium. Si uero nullo tali prämio proposito aut constituto ei operi, Petrus nihilominus forti & audaci animo idem subisset periculum, idemq; omnino opus fecisset, ut uictoriã & gloriã haud uulgarem cōpararet suo regi, is quidē si nō ex condigno, quia nō erat tale prämium lege aut spōsione prāfixū, certe ex congruo apud regem idē prämium mereret. Non me latet doctores aliquos mediū quoddam meritum de digno posuisse, cum opus quidem dignitatem aliquam habet à conditione & præcellentiã operantis, sed condignum non est tali prämio, uel quia non exæquat tale prämium, sed ab eo superatur & uincitur, uel quia lege non est sancitū, neq; constitutum, ut tale prämium sibi respondeat. Et hoc modo beatissimam uirginem Mariam, dicit diuus Bonauentura in tertio sententiã meruisse de digno fieri matrē Dei, de congruo quidem ante annuntiationem Gabrielis, de digno uero post eam annuntiationem & ipsius consensum, descensumq; spiritus sancti super eam in nimia plenitudine & abundantia gratiã. Quia licet exuperaret omnia merita tanta illa genitricis Dei dignitas, neq; unquam tantum prämium Deus ullis meritis esset pollicitus, dignitas tamen, inquit, ipsa & sanctitas præcellentiãq; uirginis opera, & abundantia gratiã tunc de nouo ei collata, sic illam attollebant, & in altum ferebant, ut plusquam meritoria de congruo tantã dignitatis eam efficerent. Dignissima enim illa erat inter omnes creaturas quã Deus tanto beneficio afficeret, ex quo aliquam sibi matrem gratuita in nos benignitate sua statuebat deligere. Sunt, & scio, aliqui alij nobiles doctores scholastici, qui tametsi beatitudinem operibus ex gratia factis Deum promississe scirent, tamen cum eam longissimo interuallo omnia opera nostra excedere prudenter perpenderent, & in scripturis non solum non inuenirent hoc nomen de condigno, uerum Paulum legerent constanter dicentem non esse condignas passiones huius temporis ad futuram gloriam. Ex his nō omnino leuibus argumentis permoti mediū etiã meritum de digno po-

S. Bona.
in. 3. dif.
4. ar. 2.
q. 2.

Marli. 10
an. El-
zizus.

fuerunt, & sobrietate quadam & prudenti temperamento usi,
 respectu beatitudinis dixerunt non esse meritū de condigno,
 sed tantum meritum de digno, quia digni sunt iusti ex lege, &
 promissione Dei tali pramio. Atq; ideo inferunt meritum de
 condigno esse quidem posse inter homines, & respectu homi-
 nū uel angelorū, sed nequaquā respectu Dei, presertim respectu
 beatitudinis, quæ plurimis parafangis excedit quidquid nos
 possumus, etiā preclarissime operantes, mereri. Sed quantumuis
 ista apparenter dicantur, & sua probabilitate non careant, ta-
 men ne deuiaremus in acceptione terminorum à uia commu-
 ni, in sola duo membra uisum est meritum partiri. Et uere ne-
 cesse non est plura ponere. Nā quod ponit sanctus Bonauen-
 tura meritum de digno, meritum est de cōgruo, quippe quod
 nulla lege habet suum pramium, sed congruitate quadam &
 gratia diuina. Quæ autem alij merita de digno appellant, ea
 nos merita de condigno dicimus, censentes prorsus satis esse
 ad meritum de condigno dignitatem operis & legem de præ-
 mio. Et profecto illis præmijs merita sunt condigna, quibus
 sunt digna. Neq; n. apud Latinos autores inuenio differētiā,
 quam isti doctores cōminiscuntur inter dignū & cōdignum.
 Et quidem si autoritas Pauli eos mouit, ut respectu beatitudi-
 nis non ponerent meritum de cōdigno, eadem & mouere de-
 buit, ut neq; respectu illius ponerent meritum de digno. Pau-
 lus enim, si textum consulas græcum. Non sunt digne, inquit,
 passiones huius temporis ad gloriam reuelandam in nobis.
 Sed cum de re constet inter hos autores & nos, commodum
 non est longius de nomine contendere.

Veniamus igitur ad secundum articulum quæstionis. Et
 pro eo expediendo, notādum est duo esse extrema in hac ma-
 teria de merito. Alterum est dicentium nullū prorsus esse me-
 ritum in nobis, neq; respectu iustificationis nostræ, neq; respe-
 ctu beatitudinis, neq; opera nostra meritoria esse gratiæ aut
 gloriæ, quam Deus elargitur nobis, sed & gratiam et gloriam
 debere nos adscribere solis meritis Christi. Alterū extremum
 est dicentium & iustificationem nostram et beatitudinem ip-
 sam sub meritis nostris cadere, uereq; esse opera nostra meri-

toriam & gratiam & gloriam, sed gratiam quidem primam qua iustificamur, et glorie ei respondentis tantum de congruo, augmentum uero gratiam & gloriam de digno uel de condigno. Ante habitam enim gratiam disponentes nos ad eam meremur, aiunt eam de congruo, postquam uero eam acquisiuimus, meremur ipsam augeri, & gloriam ei respondentem de condigno, uel de digno. Inter hac uero extrema, media quaedam est aliorum doctorum sententia dicentium iustificationem nostram, seu gratiam primam sub merito nostro non cadere, neque de congruo, neque de digno. Sed posse tamen nos mereri de condigno augmentum gratiam & gloriam, ubi semel gratis fuerimus iustificati. Et in nostris quidem operibus inueniri rationem meriti, & aliqua eorum meritoria esse certum est, cuius uero praemij, & quomodo sint meritoria controuersum est, & uariae sunt inter scholasticos doctores opiniones. Quae autem ipsarum opinionum probabilissima nobis uideatur, in quaestionibus quinta & sexta statim aperiemus. Interim tamen profundamento eorum, quae in eis dicenda sunt, & pro solutione praesentis questionis, et expeditione tertij articuli pono hanc conclusionem:

CONCLUSIO RESPONSIVA.

Absolute concedendum est & fide & alia bona opera facta ab his qui iam sunt iustificati, & habent gratiam, meritoria esse beatitudinis.

Hac conclusio tenetur ab omnibus doctoribus catholicis, quotquot mihi contigit legere, neque scio aliquos, qui de ea dubitent, uel eius contrarium defendant, exceptis quibusdam haereticis nostri temporis, qui absolute concedunt nullam actionem nostram meritoriam esse beatitudinis, & unius solius Christi meritis nobis eam condonari. Cuius sententiae primipili, ut sic dixerim, & antesignani fuere Martinus Lutherus & Oecolampadius. Et quanuis insignis ille haeresum Vuitcleui impugnator, Thomam dico Vualdensem uberrimum fontem ex quo hauserunt bonam partem penes omnes, qui Lutheranam sectam impugnant, quanuis inquam ille in libro de sacramentalibus titulo primo distinctionem meriti in meritum de congruo, & de condigno irridere uideatur, et saniorum theologum fideliorumque catholicum, & scripturis sanctis magis

magis concordem dicat se reputare eum, qui negaret simpliciter hominem mereri gratiam uel gloriam, aut ex meritis dignum esse gratia uel gloria, & concederet cū limitatione apostolorum & scripturarum hominem non mereri regnum cœlorum, nisi ex gratia & uoluntate largitoris, & Deum non attendere meritum nostrum, neq; rationem congrui uel condigni, sed suam gratiam et misericordiam, tamen si bene aduertantur que idem ibi postea dicit cap. 9. nō negat actus nostros esse meritorios etiam uitæ æternæ, immo eam dici dari nobis pro meritis, sed hoc tantum indicat se uelle, ut huiusmodi omnibus assertionibus adiungeremus ex gratia Dei. Itaq; si diceremus nos posse mereri gloriam, non hoc simpliciter & sine addito dicamus, sed adiungamus ex gratia Dei, ne uideamur excludere gratiā Dei, sine qua nulla sunt merita. De reliquis enim Pelagianorum & Gentilium ait tractum esse, ut merita asseramus sine additione gratiæ, & in iniuriā Saluatoris uideatur cedere quod tacita ipsius gratia, tam multa disputamus de meritis. Sed de causa nostrorum meritorum hoc loco non disputamus. Certum enim est eam esse unicam gratiam Dei, ea enim seclusa nihil possumus apud Deum mereri, tantū abest, ut mereri possimus gratiam ipsius uel gloriam, neq; negamus cōueniens esse, ut sic semper nostros temperemus sermones, ut gratiæ Dei omnia uideamur adscribere, sicut par est, potius quā nobis. Verum hoc loco tantum cōtendimus, quod etiam si non addamus hoc uerbum, ex gratia Dei, uel aliquod aliud simile, uerissime possumus concedere actus bonos iustorum meritorios esse apud Deum, & per eos illos uere mereri beatitudinem, & si modo sanus teneatur sensus, neq; credatur nos hoc habere ex nobis, & non ex gratia Dei, trepidare non oportet in huiusmodi assertionibus, nullus enim prorsus est, neq; esse debet in his timor. neq; n. ut falso quidam affirmant, fastuosum est meriti uocabulum, sed christianæ potius modestiæ conueniens, neq; obscurat, sed illustrat magis diuinam in nos benignitatem, & sine ullo offendiculo, eo usi sunt omnes antiqui doctores. Intellexerunt. n. nihil derogare gratiæ diuinæ, sed commendare potius suam in nos magnificentiam &

Q

misericordiam, ut statim mōstrabimus. Sed utcunq; ista se habeant, & utcunq; de his Vualdenſis et alij ſenſerint contra omnes qui noſtram propoſitionē negauerint, probare eam iam firmis & luculentis argumentis tentabimus. Primo itaq; argumentor ſic. Beatitudo eſt merces promiſſa à Deo, et reſoſita ſanctis propter bona opera, quæ faciunt, & propter mala quæ tolerant patienter, & absolute, et ſine addito talis uocatur. Ergo talia opera, & talis eorū patiētia meritoria eſt beatitudinis. Habent enim ſe correlatiue merces & meritum, mercesq; eſt meriti merces, & meritum mercedis meritum, & ſi unum tollitur, tollitur & alterum, & poſito altero ponitur et reliquum. Si ergo beatitudo merces eſt operum bonorum, & æquanimiſatis in malis, erunt & hæc meritoria beatitudinis. Non enim maius inconueniens eſt appellare iſta merita, quàm illam mercedem, immo neceſſe eſt ſi beatitudinē appellas mercedem, aliqua ſignare, quæ merita ſint tantæ mercedis. Quod uero beatitudo merces ſit, mercesq; appelletur operum bonorum, tam frequens eſt in utroq; teſtamento, ut me penè pudeat in re adeo aperta teſtimonia citare. Sed ut ad manum habeamus tela, quibus confodiantur hæretici, & catholicam fidem defendamus, citabimus aliquot teſtimonia ſcripturarū. Genetiſ. 12. dicit dominus ad Abraham. Ego protector tuus, & merces tua magna nimis. 1. Paralipomenon. 15. Erit merces operi noſtro. Prouer. 11. Seminanti iuſtitiam merces fidelis. Sapientia. 5. Iuſti autem in perpetuum uiuent, & apud dominum eſt merces eorum. Et cap. 1. de hoc reprehēduntur impij, q; mercedem non ſperauerunt iuſtitia. Eccleſiaſtici. 2. Qui timetis dñm, credite illi, & non euacuabitur merces ueſtra. Et quia adueniēte Chriſto in mundū referanda erat iplius morte ianua regni cœlorum, & ſancti patres recepturi erant mercedem laborū ſuorū, nempe beatitudinem, Eſaia. 40. de Chriſto dicitur. Ecce dñs Deus in fortitudine ueniet, & brachium eius dñabitur, Ecce merces eius cum eo, & opus illius coram illo. Et Hieremiæ. 31. Quieſcat uox tua à ploratu, & oculi tui lachrymis, quia eſt merces operi tuo, ait dominus. Et Apocalypſis. 22. Idem de ſe dicit, Ecce uenio cito, & merces mea me

cum est reddere unicuique secundum opus illius. Et Matthei. 5. Beati estis cum maledixerint uobis homines, & persecuti uos fuerint, & dixerint omne malum aduersum uos mentientes, propter me. Gaudete & exultate, quoniam merces uestra copiosa est in caelis. Et cap. 10. Qui recipit iustum in nomine iusti, mercedem iusti accipiet. Et quicumque potum dederit uni ex minimis istis, calicem aquae frigidae tantum in nomine discipuli, amen dico uobis, non perdet mercedem suam. Et Paulus apostolus in prioris ad Corinthios cap. 3. Vnusquisque propriam mercedem accipiet secundum suum laborem. Sed quid moror in testimonijs nihil necessarijs allegandis? Ipse Ecclesiasticus cap. 16. opa misericordiae meritoria pronuntiat his uerbis. Omnis misericordia faciet locum unicuique secundum meritum operum suorum. Et Paulus in epistola ad Hebraeos ait, Beneficentiae autem & communionis nolite obliuisci. Talibus. n. hostijs promeretur, uel, ut alij uertunt, demeretur & conciliatur Deus.

Sed & secundo pro nostra conclusione argumentor sic. Quotiescunque rex aliquis aut princeps uel respublica promittunt aliquod praemium hominibus sibi gratis, si faciant aliquod opus uirtutis, tale opus dicitur ab omnibus meritorium talis praemij. Neque hoc potest negare, nisi qui ignorat penitus significationem & usum huius nominis, meritum, apud Latinos. Cum ergo beatitudinem promiserit Deus bonis operibus in multis locis scripturae, & hac ratione Paulus eam & brauium, & coronam incorruptam, & coronam iustitiae appellet, sequitur & iustorum bona opera meritoria esse beatitudinis. Et breuiter argumentor sic. Omnia quae satis sunt, ut aliqua opera dicantur latine meritoria alicuius praemij, reperiuntur in bonis iustorum operibus respectu beatitudinis. Aut ergo omne meritum tollendum est, & reijciendum est hoc uocabulum, meritum, tanquam male latinum, aut concedendum est opera bona iustorum meritoria esse beatitudinis. Et hoc argumento crediderim sanctos omnes doctores permotos, ut passim absque ullo scrupulo mereri nos dicerent beatitudinem. Et sapissime est hoc uidere in diuo Augustino, quanuis maximus fuerit ubique, & religiosissimus assertor gratiae. Vnde & cap. 12. de

Q ij

Philip. 3.
I. Cor. 9.
2. Tim. 2.

prædestinatione sanctorum ita ait. Post corpus nemo erit in corpore, nisi resurrectione nouissima, non ad ulla merita comparanda, sed ad recipienda pro bonis meritis præmia, uel pro malis horrēda supplicia. Hæc Aug. Et Cœlestinus primus in canone. 12. suæ primæ epistolæ decretalis, Tanta, inquit, erga omnes homines est bonitas Dei, ut nostra uelit esse merita, quæ sunt ipsius dona, & pro his quæ largitus est, æterna præmia sit donaturus. Hæc Cœlestinus.

LUC. 17.

Sed ne omnino sine causa uideantur hæretici cōtrariū huius cōclusionis defendere, & ut clarius ipsius ueritas constet, faciā contra eam aliquot argumenta in fauorem hæreticorum. Et primo quidē argumentor ex illo, quod p̄ Lucam dñs suos admonet. Cum feceritis quæ præcepta sunt uobis, dicite serui inuiles sumus, quod debuimus facere, fecimus. Si seruos inuiles nos debemus credere, & uere & ex corde asserere, etiam cum implemus Dei præcepta, quomodo ipsam eorū impletionem meritoriam nobis tantī præmij, quantum est beatitudo, audemus dicere? An non utilissimū est tantū præmium mereri? Si & illud debemus etiam de nobis affirmare, cum exequimur Dei mandata, Quod debuimus facere fecimus, quomodo nobis hoc arrogamus, ut ea opera meritoria beatitudinis æternæ dicamus? Quandoquidem qui quod debet facere facit, non nouum mereri præmiū id faciendo, sed satis habet, si satisfaciatur debito, cui erat obnoxius. Et cōfirmari pōt hoc argumentū hac ratiōe. Omnia opa nostra bona, dona quædā sunt Dei. Et hoc nomine & propter immensa alia, & innumera ipsius in nos beneficia, ei sunt sūmo iure debita. Nō ergo nouerū sunt unquā præmioꝝ meritoria. Nō. n. apud aliquē nouum præmium meremur p̄ nouum munus ab eo nobis collatum.

Secundo ad idem argumentor. Nihil est asserendum à christiano, quod Christi gloriæ & meritis derogat. Detestandæ enim cuiusdā ingratiitudinis hoc esset, & nihil posset esse magis alienum à nostra professione. Sed concedere nostra opera esse meritoria beatitudinis derogat gloriæ & meritis Christi. Hoc. n. dicentes uidemur dicere nō esse proprium Christi mereri beatitudinem nostram, neq; nos solide & ex asse debere ei

no stram beatitudinem, immo quod peius est, uidemur in his dicere, non sufficere merita Christi ad salutem, sed necesse esse, ut nostris illa adiuuentur. Ergo non debemus Christiani asserere nostra opera esse meritoria beatitudinis, sed ingenue & planè confiteri solis nos Christi meritis saluari.

Tertio instari pōt pro hereticis. Si opa nostra essent meritoria beatitudinis, essent meritoria de cōdigno. Sed non pōt esse ulla condignitas inter nostra opa & beatitudinē. Nulla est. n. equalitas. Sed multis & magnis interuallis beatitudo excedit opera nostra. Ergo opa nostra nō sunt meritoria beatitudinis.

Quarto argumentari pro eisdē possumus. Non est ponenda fiducia salutis nostrae in nostris meritis, sed in una Dei misericordia. Ergo nulla sunt in nobis uera merita salutis nostrae. Si enim essent, cur non liceret in eis collocare nostram fiduciā, cum oēs in eo possint statuere, immo statuāt fiduciā consequendi alicuius premij quod est uerum meritum illius? Antecedens probari potest ex multis scripturae & sanctorum testimonijs. Dauid enim dicit. Neq. n. in arcu meo sperabo, & gladius meus non saluabit me. Et Hieremias inquit. Maledictus homo qui confidit in homine, et ponit carnem brachium suum. Cuius maledicti uinculo innectitur, ut Augustinus bene colligit in Enchiridio, qui spē ponit in seipso. Et Salomon ait. Qui sperat in domino, saluabitur, & qui confidit in corde suo, stultus est. Et ideo Cyprianus de oratione dominica, Publicanum illum, cuius meminit Lucas, iustificatum dicit, quia non fiduciam ponebat in innocētia sua. Vnde & parabolam illā in eos Christus dixit, qui in se confidebant. Et Bernardus in libro floze tractans illa psalmistae uerba. Delectare in dño, ideo asserit quosdā uitam eternā non humiliter quærere, quia eam quærūt in suorū fiducia meritorum, cū oporteret de sola miseratione diuina praesumere. Et ecclesia uelut ab his sanctis patribus edocta in secreta oratione dñicæ secunde Aduentus ita Deum orat. Vbi nulla suppetūt suffragia meritorum, tuis nobis succurre praesidijs. Et aliàs. Ut qui de qualitate meritorum nostrorum diffidimus, non iudicium tuum, sed misericordiam consequi mereamur. Et in canone Missae. Non astiti-

psal. 43:

Hiere. 17:

Proverb:

28.

Luc. 18.

mator meriti, sed ueniam quæsumus largitor admittē.

Sed hæc argumenta nihil conuincunt. Ideoq; ad illa breuiter respondebimus. Ad primum. Cum Christus iubet, ut seruos nos dicamus inutiles, cum expleuerimus quæ præcepta sunt nobis, nõ hoc iubet, quòd seruos nos dicamus inutiles nobis, sed sibi. licet enim nobis utilissima sit illa executio mandatorum Dei, Deo tamen & domino nostro qui bonorum nostrorum non eget, nullam prorsus affert utilitatem. Si sapiens fueris tibi metipsi eris, ait Salomon, si aut̃ illusor, solus putabis malũ. Et prudentissime apud Iob ait Eliphaz Themanites. Quid prodest Deo si iustus fueris, aut quid ei confers, si immaculata fuerit uia tua? Voluit etiam dominus his uerbis docere suos, neq; ex natura esse operum nostrorũ, sed prorsus ex liberalitate et benignitate sua, ut eam nobis afferat utilitatem, quam affert executio suorum mandatorum. Possent enim Deus illa à nobis exigere etiã nullo reposito præmio. Et ad hoc explicandum adiunxit. Quod debuimus facere fecimus. Huc etiã spectabat ista admonitio, ut et ipsam executionem mandatorũ Dei crederemus nobis ex dono ipsius contingere. De fructibus enim mandatorum, ut exposuit concilium Mileuitanum intelligitur illud quod idem dicit, apud Ioannem, Sine menihil potestis facere. Merito ergo inutiles nos possumus existimare & asserere qui neq; ex nobis habemus, ut mandata Dei impleamus, neq; ex nobis meremur ea re aliquod præmium, neq; aliquo pacto domino nostro ea causa utiles sumus. Cum his tamen optime stat, ut & nobis utilissimi simus, & ex ipsius gratia & liberali promissione uere possimus dicere nos mereri beatitudinem hoc ipso, quòd illi libenter obsequimur.

Ad secundum. Nihil derogat meritis & gloriæ Christi asserere & nostra quoq; opera ex ipsius gratia, & ut innituntur ipsius meritis, esse meritoria. Stat enim & nihilominus ei & solida, illæsaq; & illibata, & integra manet sua ipsius peculiaris & propria gloria, quæ non in hoc cõsistit, ut solus nostram gloriam meritus fuerit, sed in hoc quòd solus à se habuit, unde illam mereretur, & solus à se eam nobis meruit. Immo magis Christum glorificamus asserentes nostra opera ex ipsius gra-

tia & meritis esse meritoria. Cedit. n. in ipsius gloriam, quod non tantum nobis meruerit beatitudinem, sed & meruerit, ut & nos quoque nobis mereremur nostram beatitudinem. In quo et efficaciam uirtutemque maiorem suorum meritorum ostendit, & quam nihil nobis nostram gloriam inuideat, immo quanto plus quam nos ipsi, eam augere cupiat, & nos suae gloriae participes efficere, manifeste monstrauit. Neque hoc dicentes minus ei solide & ex asse imputamus nostram gloriam. Fate- mur enim ab ipsius nos meritis habere totam gloriam, quam meremur, neque partem a nobis, partem ab ipso, sed ab eo pror- sus totam. Ipse siquidem dat, ut mereamur, & nostra merita so- lum quatenus illius meritis innituntur, merita dicimus. Et quia bonorum laborum gloriosus est fructus, & diuinissimum est Dei cooperatorem fieri, ut Dionysius dicit. 3. cap. ecclesia- sticae Hierarchiae, hoc ipso nos ei plus debere confitemur, quod non solum concedimus ab eo nos habere totam gloriam, sed & asserimus nos eam habere ab ipso praecellentiore modo, & nobis magis honorifico, nempe per merita nostra ipsius me- ritis innixa. Et hoc non ex insufficientia meritorum Christi pro- cedit, sed ex affluentia & redundantia ipsorum potius. Cum enim digna essent merita Christi, ut pro eis daretur nobis glo- ria, & cum meritis nostris, & sine illis, utcumque hoc ipse uoluisset, quia tamen hoc magis commendabat sua merita, & nostram gloriam magis augebat, uoluit in hoc tantum ualere sua me- rita, ut adulti iustificarentur aliquibus operibus ab eis in id- positus, & iustificati, proprijs etiam meritis, satisfacerent pro- suis delictis, & beatitudinem suam obtinerent. Vnde et Pau- lus inquit. Adimpleo ea quae desunt passionum Christi in car- ne mea pro corpore eius, quod est ecclesia. Quia licet passio- nes Christi nouerat sufficientissimas fuisse ad satisfaciendum pro nobis sine ulla nostra satisfactione, si hoc ipse uoluisset, ta- men sciebat eum noluisse suas passiones nobis ualere, aut ap- plicari, nisi nostris etiam & meritis, & satisfactionibus suis ad- iunctis, atque ideo quo ad sufficientiam quidem pro omnibus eum satisfecisse, sed quo ad efficaciam non pro omnibus, sed necesse esse, ut & pro se quisque, & qui plus posset, etiam pro alijs

colo. r.

fatisfaceret. Et admirandum in hoc est diuinæ sapientiæ con-
 silium. Vt enim ipse gloriam suam habuit & ratione unionis
 personalis, & propter sua merita, ita & suos quos nouerat pa-
 trem præscisse conformes fieri imaginis filij sui, uoluit & glo-
 riam habere propter ipsius merita, & propter nostra, quæ à
 Christi meritis efficaciam sortiuntur, quoniam Christus con-
 summatus super lignum crucis, factus est omnibus obtempe-
 rantibus sibi, causa salutis æternæ. Ad tertium argumentum
 patebit responsio ex dicēdis in quæstione proxima. Ad quar-
 tum argumentum. Stultum & illicitum est in nobis ipsis con-
 fidere, cum non modo operari quidpiam boni, quod oculis
 Dei placeat, sed ne cogitare quidpiam tale possimus, nisi ex
 gratia Dei. Sufficiētia enim nostra ex Deo est. Et quāquam
 multa faciunt homines iusti meritoria opera beatitudinis, ue-
 rissime tamen dicitur non oportere quēquam in suis meritis
 fiduciam adipiscendæ beatitudinis collocare. Et hoc quidem,
 ne cuiquam dubium sit, possumus tripliciter persuadere. Pri-
 mo enim impediri potest omne humanum meritum, quādū
 hic uiuimus, à superuenientibus peccatis. Nullus. n. nostrum
 potest simpliciter mereri confirmationem suam, aut perseue-
 rantiam in gratia. Cum ergo ad perseuerādum necessaria sit
 nobis misericordia diuina, semper in ea, & non in nostris me-
 ritis collocanda nostra fiducia est. Secundo. Nemini possunt
 euidenter, immo neq; certo & indubitato constare sua meri-
 ta. Nullus enim potest satis certo in hac uita scire, bona esse sua
 opera, nulla q; ex parte diminuta, aut aliquod habētia adiun-
 ctum, quod ea faciat uitiosa. Et ubi hoc de aliquibus operibus
 constet, ut quidem potest per fidem, et lumen naturale consta-
 re, certe nemini potest esse certum se esse in gratia Dei. Quis
 enim, ait Salomon, potest dicere, Mundum est cor meum, pu-
 rus sum à peccato. Et Iob merito dicit. Verebar omnia opera
 mea, sciens q; non parceres delinquenti. Et ibidem. Si habue-
 ro quippiam iustum, nō respondebo, sed meum iudicem de-
 precabor. Et prudentissime uir ille desideriorum. Neq; enim
 in iustificationibus nostris prosternimus preces ante faciem
 tuam, sed in miserationibus tuis multis. Et ut multum quis
 profecerit

Heb. 5.

Proverb.
 20.
 Iob. 9.
 Iob. 9.
 Dan. 9.

profecerit in uia domini aliquando exultando dicet. Quid retribuam domino pro omnibus quæ retribuit mihi, & paulo post necessarium erit clamare cū Publicano, Domine propitius esto mihi peccatori. Aliquando nimio cordis iubilatio dicet. Quid mihi est in cælo, aut à te quid uolui super terram? & domino auertente se paululum cogetur clamare. In Felix ego homo, quis me liberabit de corpore mortis huius? Et innumerabilia sunt, in diuinis literis passim occurrentia, quæ alternis uicibus, uel exultando de nostris bonis, uel mœrēdo de nostris malis à filijs Dei necesse est dici, defectu & profectu alternante usq; ad nostri corporis mortē, ut nō simus confidentes in nobis, sicut apostolus dicit, sed in Deo qui suscitatur mortuos, & solus sanctificat quem uult. Cum igitur tam incerta sint homini sua merita, haud quaquam conuenit in eis fiduciam suæ salutis constituere. Tertio. Si quis confidat, aut confidere se dicat in suis meritis absolute, & sine aliqua commemoratione gratiæ diuinæ, uidetur sibi, potius, quàm illi suam salutem adscribere. Hoc autem superbum, & stultum est. Opera enim iustorum meritoria, non tam ab ipsis, quàm à Christi meritis, & à diuina acceptatione, & à gratia, qua à Deo in illa adiuuantur, habēt, quod sint meritoria, & in potestate diuina est ea nō acceptare ad beatitudinem. Coronat enim suos dominus in misericordia, & miserationibus. Non igitur conuenit sic absolute in eis fiduciam constituere, sed ab eo potius totos pendere, cuius unius miseratione peruenire possumus ad terram illam desiderabilem, de cuius possessoribus in figura dictum est. Neq; enim in gladio suo possederunt terram, et brachium eorum non saluauit eos. Sed dextera tua, & brachium tuum, & illuminatio uultus tui, quoniam complacuisti in eis. Quanquam autem ista uerissima sunt, si quis tamē probabiliter quadam, & non arroganti, neq; inani, sed uera persuasione crediderit se in gratia Dei esse, & fuisse, & nonnulla bona opera in eo statu fecisse, atq; ideo in meritis suis fiduciam hoc pacto posuerit, ut credat se, & confidat propter illa habiturum aliqua beneficia à Deo, & tandem ipsam beatitudinē, saltem si non illa peccato aliquo superueniente impederit, ea

R

psal. 115.

Luca. 18.

psal. 72.

RO. 7.

2. Cor. 1.

psal. 115.

psal. 115.

psal. 115.

fiducia uituperanda non est, si modo his uerbis non excludat
 merita Christi, aut gratiam diuinam, à quibus illa habent to-
 tum suum ualorem, et acceptionem, sed intelligat se in suis me-
 ritis fidere, quatenus meritis Christi, et gratiæ Dei innituntur.
 Immo non solum iusti, sed & qui diu fuerunt in peccatis, si in-
 cipiant pœnitentiam suorum peccatorum, & in ea pœniten-
 tia, ut à gratia Dei procedit, & misericordiæ diuinæ meritis
 Christi innitit, fiduciam suæ salutis constituerit, ea fiducia re-
 probanda non est. Non est enim unde illa reprehēdi possit, cū
 neq; superba sit, neq; arrogans, aut in Dei misericordiam &
 gratiam contumeliosa. Et in iustis oritur ex testimonio bonæ
 conscientia, & attestatione illius qui testimonium sepe reddit
 spiritibus eorum, quòd sunt filij Dei, & hac fiducia sepe eos
 exhilarat, leuat, solatur, & confirmat in suis tribulationibus.
 In peccatoribus uero ista fiducia nascitur ex certa persuasione
 misericordiæ & ueritatis diuinæ. Et ipsæ sacræ literæ ad huius
 modi fiduciam hortantur, cum monent confidere in domi-
 no. Confidere enim sic in operibus non est aliud, quàm confi-
 dere in domino. Vnde & Dauid ne sibi aliquid imputare uide-
 deretur, præmisit quidem, Saluum me fecit, quoniam uoluit
 me, sed & mox confidenter adiecit, Retribuet mihi dominus
 secundum iustitiam meam, & secundum puritatem manuum
 mearum retribuet mihi. Quia custodiui uias domini, neq; im-
 pie gessi à Deo meo. Et Paulus fretus testimonio illo suæ bo-
 næ conscientia, Bonum certamen certauit, cursum consumma-
 uit, fiducialiter adijcit in reliquo reposita est mihi corona iusti-
 tiæ. Et Ioannes apertissime dicit, Si cor nostrum non repre-
 henderit nos, fiduciam habemus ad Deum, & quidquid petie-
 rimus, accipiemus ab eo, quoniam mandata eius custodimus.
 Atq; ideo fortassis, quantum recordari possum, non eos dam-
 nat scriptura, qui in suis operibus confidunt, sed eos duntaxat
 qui confidunt in se ipsis, in sua uirtute, in sua potentia, in mul-
 titudine diuitiarum suarum. Neq; dehortatur à fiducia in no-
 stris operibus, sed à confidentia in nobis ipsis, ut ex his intelli-
 geremus fiduciam in bonis operibus posse esse sanctam &
 laudabilem, fiduciam uero in nobis ipsis semper esse damna-

Ro. 8.

psal. 17.

2. Tim. 4

1. Io. 3.

bilem. Qui enim cōfidunt in seipsis sua se uirtute euadere mala huius uitæ, & bona alterius uitæ adipisci posse persuadent, quod uanum et superbum est. Qui autem confidunt in bonis operibus, quæ credunt se ex Dei gratia fecisse, & propterea, ut meritis Christi innituntur, credunt se consecuturos beatitudinem, nihil sibi imputant, sed totum gratiæ diuinæ. Et cum Bernardo dicunt. Meum meritum miseratio domini. Et ne quispiam existimet superbū esse & insolens sic nostra nobis persuadere merita, & in eis aliquo modo confidere, uide quid ille addat statim. Non planè sum meriti inops, quandiu ille miserationum non fuerit. Quod si misericordiæ domini multæ, multus nihilominus ego in meritis sum. Et si misericordiæ domini ab æterno & usq; in æternum, ego quoq; misericordias domini in æternum cantabo. Nunquid iustitias meas? Domine memorabor iustitiæ tuæ solius. Ipsa est enim & mea, nēpe factus es mihi tu iustitia Dei. Hæc Bernardus, Et siquādo sancti aliqui doctores inueniantur eos condemnare, qui in meritis suis confidunt, intelligendum illud est de illis, qui sic in suis meritis confidunt, ut excludāt gratiam Dei. Et quādo ecclesia in orationibus allegatis profitetur se in suis meritis non fidere, nihil aliud significat, quàm se quidem non cōfide-
re in sua innocentia, neq; in his quæ suis uiribus potest efficere. Et hoc potest nos certos efficere quòd nō de alia fiducia loquantur sancti, quia illam fiduciam de meritis propriis insolentiæ, superbiæ, & arrogantia, & inani gloriæ imputant, à quibus uitis longissime absunt, qui eo modo, quo diximus, fiduciam collocant in suis bonis meritis. Non enim sibi, sed gratiæ & ueritati diuinæ, & meritis Christi innituntur. Et potest ista expositio colligi ex iis quæ dicunt Cyprianus, & Bernardus in locis in argumēto hoc citatis. Ambrosius libro. 7. commentariorum Lucæ cap. 8. super illa uerba, Dicite serui inutiles sumus, & Augustinus super illum uersum psal. 73. Egenus & inops laudabunt nomen tuū. Beda in prologo. 4. libri super Lucam. Et ubi omnia alia argumenta cessarent, ad uidendum nō omnem talem fiduciam esse damnabilem sufficere deberet oratio illa regis Ezechia. Obsecro domine me-

Ber. sermo. 61. super cātica.

4. re. 20.

R ij

mento quaeso quomodo ambulauerim coram te in ueritate & corde perfecto, & quod placitum est coram te fecerim. Non enim haec oratio oculis Dei displicuit, neque prouocauit iram eius, sed placuit uehementer, & iram illius licet temperauit, ut merito ipsius & sanitate illi contulerit, & quindecim uitae annos adiecerit. Et si licet ei, qui fideliter alicui domino ministrauerit aliquot annos, sperare non solum stipendia sibi debita, sed & aliqua alia beneficia, neque hoc quispiam imprudentiae tribuit, neque domini ipsi, si modo liberales & benigni sint, ingratum habent, dubitandum non est, quin & ista de nostris meritis, immo uere de suis donis fiducia grata sit quoque apud patrem nostrum coelestem, cuius misericordiae, & benignitatis nulla est mensura. Ut ergo ad compendium aliquod solutionem huius argumenti reducamus, dicimus primo uerissime colligi, non licere alicui confidere in seipso, & consequenter neque in suis meritis, ut ea fiducia excluderet gratiam Dei & merita Christi, uel inani quadam persuasione certos nos faceret minimeque dubios de meritis nostris, & de nostra perseverantia. Sed addimus tamen secundo licitum esse confidere in nostris operibus, ut a gratia Dei procedunt, & meritis Christi innituntur, & confidere quidem non solum conditionaliter, si non lapsi fuerimus, sed absolute, nos obtenturos beatitudinem & alia beneficia, quae a benignissima Dei manu, qui ei fideliter seruiunt, possunt impetrare. Quia ad huiusmodi fiduciam satis est probabilitas, neque requiritur euidentia aut plena certitudo. Et hoc satis est, ut dicantur nostra opera meritoria, quando in eis, ut talia sunt, licet suo modo confidere, & fiduciam nostrae salutis locare.

E. gredere quid times? E. gredere anima quid dubitas? Septuaginta prope an. conuicta. Quis et morte times? S. Hilarius.

133
DE MERITIS GLORIAE
EX CONDIGNO.

QVAESTIO QVINTA.



N fides, & alia bona opera iustorum sint meritoria beatitudinis ex condigno. Ad hanc quaestionem, quoniam quae sunt praelibanda tractauimus in proxima quaestione, breuiter respondeo hac conclusione.

CONCLUSIO.

Opera bona iustorum non solum sunt meritoria beatitudinis, uerū & sunt illius meritoria de condigno. Hæc conclusio est communis apud doctores scholasticos, & eam tuentur sanctus Thomas in prima secundæ, quaestione centesima quartadecima, articulo. 3. & in commentariis Pauli cap. 4. et. 8. ad Romanos. Sanctus Bonauentura in secundo, distinctione. 27. quaestione ultima. Ricardus de Mediauilla in quarto, distinctione. 46. articulo primo, quaestione prima. Scotus in primo. d. 17. q. 1. articulo. 1. & aliàs non raro.

Est autem non solum contra hæreticos, quos in proxima quaestione citauimus, sed & contra nonnullos catholicos auctores nobiles inter scholasticos. Nam Gregorius Ariminensis in primo, distinctione. 17. quaestione prima, articulo secundo tenet nullum esse in nobis meritum de condigno respectu beatitudinis, & sanctos uiros per bona opera quæ ex gratia faciunt, non eam mereri de condigno, sed tantum ex congruo. Durandus etiã de sancto Portiano in primo, distinctione. 17. quaestione. 2. & in secundo, distinctione. 27. quaestione. 2. & in tertio distinctione. 18. quaestione. 2. idem tenet absolute concedens nullum esse meritum de condigno apud Deum, nisi forsitan large accipiendo hunc terminum. Marsilius etiam idem tuetur in secundo.

Thomas etiam Vualdensis in insigni illo libro, quem edit de sacramentalibus, idem defendit, Et Burgenlis in addi- cap. 7.

tionibus super psalmum. 35. in eadem est sententia. Ideoq; ait dictum à psalmista, Domine in cœlo misericordia tua, quia ibi maxime relucet misericordia Dei, quia nullum est meritum respectu tanti præmii, de condigno. Accedit & horum doctorū sententiæ Ioānes Elzius in cēturiis de prædestinatiōe.

Sed utcunq; ista se habeant, pro nostra conclusione argumentor sit. Opera bona iustorum habent omnia quæ requiruntur, ut sint meritoria de condigno respectu beatitudinis. Ergo absq; ullo timore possumus ea dicere, sic esse meritoria beatitudinis. Antecedens huius discursus probatur. Vt opus aliquod dicatur meritorium alicuius præmii de condigno, satis est, ut iam diximus, si sit dignum tali præmio, & præmium sibi debeat ex lege uel promissione eius, qui adhortatur ad tale opus spe talis præmii. Et si hæc non sufficiant ad meritum de condigno, raro uel nunquam inueniemus meritum de condigno, etiam inter homines. Hæc autem reperiuntur omnia in operibus bonis iustorum respectu beatitudinis. Nā & opera ipsa ex hoc, quod amicorum Dei sunt, & fiunt ex gratia & impulsu spiritus sancti inhabitantis ipsos, digna profecto sunt beatitudine, & de lege debetur eis ipsa beatitudo. Promisit enim eam Deus illis beatitudinem, ut patet ex testimoniis prima conclusione citatis. Et de integro hoc potest confirmari ex euangelica illa parabola patris familias qui operarios misit in uineam suam conuentione cū eis facta ex denario diurno. Denarius enim hic diurnus, sicut exposuere Origenes, Hieronymus, Augustinus, Gregorius, Chrysostomus, beatitudo est, cuius promissione, & conuentione dominus uult nos in Ecclesia ista militante pro sua quocunq; portione laborare in executione suorum mandatorum. Cū igitur opera bona iustorum, & digna sint beatitudine, & Deus eam illis promiserit, erunt profecto meritoria ex condigno ipsius beatitudinis. Et confirmari hoc potest. Deus dabit secundum legem suam beatitudinem ipsis sanctis propter opera bona quæ faciunt. Dicit enim his, qui à dextris erunt in die iudicii, ut habet Matthæus. Venite benedicti patris mei, possidete paratum uobis regnum à constitutione mundi. Esuriui enim, & dedistis mihi manduca

Matt. 20

Matt. 25.

re. Sitiui, & dedisti mihi bibere &c. In quibus uerbis cum iudex iustissimus apponat opera bona pro causa sententiæ de beatitudine, manifeste indicauit se eam dare propter bona opera. Et alias non contingeret maior beatitudo facienti meliora opera contra illud Pauli, Omnes nos manifestari oportet ante tribunal Christi, ut referat unusquisque propria corporis, prout gessit. Cum ergo beatitudo secundum legem diuinam absq; dubio contingat propter opera, & iuxta eorum uarietatem maior sit aut minor, quid obstat quominus ea dicamus ipsius meritoria? Secundo etiam argumentor pro eadem conclusionem. Supposita amicitia diuina & lege de retribuenda beatitudine operibus iustorum, uera inuenitur æqualitas inter opera iustorum & beatitudinem. 2. Cor. 5.

Augetur enim ualor operum iustorum per gratiam & promissionem diuinam, & efficiuntur tanti pretij. uide admirandam Dei in nos misericordiam & benignitatem, efficiuntur inquam tanti pretij, ut minimum illorum, quantumcunq; imperfectum sit, aeternæ gloriæ habeat ualorem. Si ergo æqualitas est, erit & condignitas, & meritum de condigno. Nihil enim amplius ad condignitatem requiritur quam æqualitas. Et confirmatur hoc. Si operibus nostris ex natura sua deberetur beatitudo, uere illa essent meritoria ipsius de condigno. Sed non habent modo minorem ualorem per gratiam & promissionem diuinam, ut patet, quia non minoris ualoris esset argenteum quam aurum, si rex statuto suo faceret argentum tantum ualere, quantum ualeat aurum ex natura sua, & promissio uel lex diuina potest operibus nostris tantum ualorem impartiri, respectu beatitudinis, quantum habent respectu aliorum premiorum leuiorum, immo & quantum haberent, si natura sua essent monetæ, ut sic dicam, pretium & ualorem habentes beatitudinis. Et non solum hoc, potest promissio diuina, sed uere hunc ualorem iam impartita est operibus bonis iustorum. Non potest enim non dare illis beatitudinem, si non reuocet legem, aut faciat, siquidem hoc fieri possit, ea non fuisse, uel non fuisse ab habentibus suam gratiam. Vere ergo modo opera iustorum bona meritoria sunt ex condigno beatitudinis, perinde ac si

136 DE MERITIS GLORIAE EX CONDIGNO
hoc haberēt ex natura sua. Et augeri ista & declarari possunt
magis hoc modo. Aliquantū ualorem tribuit nostris actibus
Deus per amicitiam & promissionem suam, non autem mi-
norem quā sit ualor beatitudinis, hunc enim poterat dare,
& uoluit dare, ut suam decebat in nos benignitatem. Sunt er-
go nostri actus ualoris beatitudinis, & consequēter ipsius me-
ritōrij ex condigno.

sap. 3. Tertio & eadem conclusio probari potest hoc pacto. San-
cti sunt digni beatitudine. Ita enim de eis sapiens dicit. Deus
tentauit eos & inuenit illos dignos se. Et Paulus ad Thessalo-
nicenses dicit eos pati & sustinere tribulationes, quas patie-
bantur, ut digni haberentur regno Dei, pro quo eas patieban-
tur. Et ad Colossenses. Dignos nos fecit in partem sortis san-
ctorū. Et Apocalypsis tertio, de quibusdam Sardicēlibus, qui
nō inquinauerunt uestimenta sua scribitur, Ambulabunt me-
cum in albis quia digni sunt. Cum ergo istam dignitatem nō
tantum habeant à Christo, sed eam habeant propter sua ope-
ra, ut facile potest colligi ex testimonijs citatis, quia quo quis-
que habet meliora opera, eo dignior est beatitudine, uel, quod
idem est, eo maiori beatitudine est dignus, sequitur & ipsa
opera meritoria esse digna beatitudinis, & consequenter etiā
de condigno. Non est enim distinctio inter dignum & condi-
gnum, ut supra diximus. Et quidem si opera nos dignos effi-
ciunt beatitudine, neq; in hoc ulla ambiguitas est, nescio cur
quispiā timeat dicere opera esse beatitudinis meritoria de di-
gno uel de condigno. Nihil enim uno alterum est ampliūs.

Quarto si aliquid obstaret, quominus diceremur mereri ex
condigno beatitudinem, maxime esset illud q; nostra bona
opera dona sunt Dei, & ipsa gratia donum est Dei, & lex ipsa
de beatitudine donū est Dei, & collatio ipsa beatitudinis gra-
tuita est, & libere fit, immo gratia est. Sed hæc omnia concu-
runt, ut in tertio, si dominus dederit, disputabimus, in meritis
humanitatis Christi, & tamen non propterea est dubitandum,
quin merita Christi fuerint merita de condigno, ut cōtra Du-
rādum clare ostendemus in tertio. Ergo licet sit magna dispa-
ritas, inter nostra & Christi merita, saltem propter hæc non
est negandum

est negandum merita nostra esse merita de condigno. Eisdem enim rationibus negabitur & merita Christi esse merita de condigno.

Sed ut ista magis innotescat, impugnabo hanc conclusionem aliquibus argumentis. Et primo quidem argumentor contra eam ex Paulo constantissimi me dicente. Non sunt condignae passionis huius temporis ad futuram gloriam quae reuelabitur in nobis. Si non sunt condignae, quanto meritoriae possunt dici de condigno, cum hoc plus significet, aut certe non minus quam illud. Et confirmatur hoc. Nulla est aequalitas inter bona opera sanctorum, et beatitudinem. Incomparabiliter enim & cognitionem nostram, & desiderium excedit beatitudo iuxta illud Pauli. Neque oculus uidit, neque auris audiuit, neque in cor hominis ascenderunt, quae praeparauit Deus his qui diligunt illum, et dilectio etiam minima patriae excedit uehementer maximam etiam dilectionem uiae iuxta illud. Qui minor est in regno caelorum maior est illo. Si nulla igitur aequalitas, neque ergo aliqua condignitas, et consequenter nulla opera nostra meritoria debent dici de condigno.

RO. 8.

Matth.
II.

Secundo. Deus praemiatur bona opera supra condignum, & punit mala citra condignum, ut in confesso est apud omnes theologos, & uelut prouerbio iactatum. Non ergo opera sanctorum sunt de condigno meritoria beatitudinis saltem totius quae dabitur sanctis.

Tertio. Inter nos & Deum non proprie potest esse iustitia. Siquidem neque est inter filios et parentes, neque inter dominos & seruos, & nos arctiori iure debemus nostra omnia, et nos ipsos ipsi Deo. Ab ipso enim habemus quidquid sumus, & ipsa bona quae facimus dona ipsius sunt. Si igitur inter nos & Deum non est proprie iustitia, neque erit meritum de condigno. Dat enim meritum de condigno ius et iustitiam ad praemium, cuius est meritum. Alias nulla erit differentia inter meritum de congruo, & meritum de condigno.

Et confirmatur hoc. Deus non debet iustis beatitudinem propter eorum opera quantumcumque sancta sint, neque illa obligant Deum, neque Deus propter ea tenetur dare beatitudinem, sed posset etiam non obstantibus quibusuis, et quantumuis sanctorum meritis eam non dare. Benigne enim & liberaliter eam dat, cuiuscumque dat. Et sicut apostolus dicit, Nullus ei prior dat, ut retribuatur ei. Ergo non sunt ipsa opera bona iustorum meritoria beatitudinis ex condigno, sed ex gratia et benignitate Dei, et consequenter tantum ex congruitate quadam et condecencia. Si enim essent meritoria beatitudinis de condigno, iam nos priores ei aliquid redderemus, ut ipse retribuere nobis, et per illa constitueret Deus nobis debitor. Et enim qui operatur, ait Paulus, merces non imputatur secundum gratiam, sed secundum debitum;

RO. II.

RO. 4.

S

Quarto stare contra nos uidetur illud Pauli ad Romanos. 6. Gratia Dei uita aeterna. Quod. n. ex gratia est, ex debito non est. Quid autem ex meritis de condigno est, ex debito est, & secundum debitum redditur. Si ergo uita aeterna ex gratia contingit cuiuscumque illa conceditur, sequitur nemini eam contingere ex debito, aut meritis de condigno. Et profecto dignum uidetur ponderatum dictum hoc esse ab apostolo, cum statim praedixisset stipendia peccati esse mortem. Ita. n. ait, Stipendia peccati mors, gratia autem Dei uita aeterna. Hac autem diuersitate uidetur indifficasse non ita ex condigno uitam aeternam cadere sub merito ex condigno, ac mortem sub merito peccatorum nostrorum. Alioquin non opposuisset stipendia gratiam, sed et uitam aeternam dixisset etiam stipendium, si eam meremur ex condigno. Stipendium. n. illa erit nostrorum meritum. Et haec uidetur glossa indicare, quae ideo dicit haec dicta a Paulo, ut intelligeremus Deum ad uitam aeternam pro sua miseratione nos perducere, non nostris meritis. Sed & aliquanto clarius hoc dicit diuus Aug. in Enchiridion. Qui tractans haec uerba apostoli, sic ait. Intelligendum est etiam ipsa hominis bona merita esse Dei munera, quibus cum uita aeterna redditur, quid aliud quam gratia pro gratia redditur? Haec Aug. Quod si gratia pro gratia, & non iustitia pro gratia, non ergo gloria ex merito de condigno.

Istis tamen argumentis non obstantibus nos nostram tuebimur conclusionem.

Ad primum ergo dicendum, opera iustorum dupliciter posse considerari. Ac primo quidem considerari possunt secundum suam perfectionem naturalem, & quatenus sunt a libero arbitrio secundum uires nostras naturales, uel etiam secundum aliquod Dei auxilium speciale antecedens gratiam gratum facientem, & amicitiam diuinam, et sic manifestum est nulla opera nostra condigna esse beatitudine. Longissimo enim interstitio exuperat beatitudo ualorem omnium talium nostrorum operum, sicut & uirtutem nostram naturalem.

Possunt tamen secundo considerari opera iustorum secundum perfectionem supernaturali, quam habent a gratia, & a spiritu sancto inhabitante animas ipsorum. Et si quidem sic considerentur, possunt etiam dupliciter considerari, uidelicet, aut secundum ualorem quem ex ea perfectione supernaturali omnibus alijs seclusis haberent, aut secundum ualorem, quem supposita ea perfectione supernaturali habent ex lege, & promissione diuina. Et si quidem considerentur seclusa lege, & promissione diuina, quantum scio non deesse doctores, qui dicant, ea esse condigna beatitudine, & meritoria ipsius de condigno, quatenus sunt uoluntate

tarie propter Deum ex caritate, quam in nobis spūs sanctus facit, uel quod idē est, quatenus à gratia spīritus sancti procedunt, tamen, mature omnibus hincinde pensatis, adhuc crediderim nō esse cōdigna beatitudine ulla opa nostra. Licet. n. maior multo sit ualor operum nostrorū, ut sunt à gratia, et à spū sancto, tñ adhuc non uidetur equalitas inter ipsa, & beatitudinē, & consequēter neq; condignitas. Est siquidē congruitas, & condecētia quædam, ut opibus, quæ sunt à gratia, & à spīritu sancto, respondeat gloria, & merces æterna, qualis decet filios Dei. Est. n. spīritus sanctus, ut ait Paulus, pignus hereditatis nostræ, et quos inhabitat, mouet in uitam æternā, iuxta illud Ioānis. Fiet in eo fons aquæ salētis in uitam æternā. Gratia etiā uelut semē est gloriæ, et per gratiā, et spīritum sanctum cōsortes simus diuine nature, adoptamurq; in filios Dei, quibus ex ipso iure adoptionis debetur hæreditas, iuxta illud Pauli. Qui spīritu Dei aguntur, hi filij sunt Dei. Si autē filij, & hæredes. Sed quantūcunq; ista magna sint, & ualorem operum iustorū uehementer augeant, tñ adhuc multo inferiora sunt beatitudine, neq; exæquare uident æternum illud gloriæ, & beatitudinis pōdus. Atq; ideo etiam de istis opibus secundum istam perfectionē supnaturalē potuit, ut credimus uere, dicere Paulus non esse condignas passiones huius t̄pis, quātēcunq; & qualescunq; illæ sint, ad futurā gloriā, quæ reuelabitur in nobis. Si uero considerētur secundū ualorem, quem Deus dedit operibus iustorū sic perfectis ex promissione sua, et condicō, siue ex lege, quā fecit de retribuenda beatitudine istis operibus, et mouendo ipsos iustos per sua bona opera in eā beatitudinē, tunc uere condignæ sunt passiones huius tēporis ad futurā gloriā. Aequalitas. n. iam aliqua est inter ipsa, & beatitudinē, qñ illa omnia habent, quæ requirunt ex lege Dei, ut eis respondeat beatitudo. Et beati Pauli uerba exponēda sunt de opibus nostris secundū ualorē, quem habent à perfectione sua naturali, uel supernaturali seclusa lege ista, & liberali Dei promissione. Non. n. eō spectabat Paulus, ut minueret ualorē, quem opera iustorū habent ex pacto, & condicō liberali Dei, sed eō potius, ut minueret ualorem, quem opera nostra habēt à nobis, quantūcunq; sancti simus. Et cum iudicaret inæqualia esse, quæ hic patimur, & minora multo ipsa beatitudine, aperte uoluit docere, nō debere esse graue, qđ statim indixerat. Si tñ compatimur, ut glorificemur. Ad quod satis erat dicere magno opere excedere gloriā, quæ nobis est reposita, oēs passiones huius uitæ, & ex se impares ualde esse ad tantū & tam excellens præmium,

2. Cor. I.

10. 4.

Ro. 8.

S ij

neq; esse aliquid causæ, ut uel iniquissimus iudex debeat iudicare iniquissimā legem, quā Deus statuit, ut per labores & tribulationes ingressus pateat ad gloriā. Vnde et in statim adiūctis satis habuit ostendere hūc excessum beatitudinis ad nostra opa ex eo, quòd ab uniuersa creatura expectat tēpus illud, quo reuelabitur gloria filiorū Dei. Atq; ita est intelligendus ille mirificus uerbi Dei præco Chrysostrōmus, cum ait. Quid dignum facimus in hoc sæculo, ut participes dñi nostri in regnis cœlestibus fieri mereamur? ita & alij præcellentes doctores qui sepe dicunt, nos esse indignos tāto premio, neq; debere nostris uiribus aut meritis imputare tantum beneficium, sed soli gratiæ Dei. Et forte doctores qui dicūt opera nostra esse cōdigna beatitudine, et meritoria ipsius ex cōdigno, si considerent, ut procedunt à gratia spūs sancti, hoc ideo dicunt, quia iā supponitur facta esse lex & pmissio de his, & per gratiā spiritus sancti secundū istam legem simus amici, & adoptamur in filios. Atq; ego ita crediderim. s. Thomā esse interpretandū, cum his similia dicit in. 1. 2. q. ulti. arti. 3. & in cōmentarijs tertij & octauj capitulo epist. ad Rom. Si enim aduertamus quæ alijs in locis dicit, & præsertim in. 1. et. 2. arti. q. 114. primæ secundæ clare patet ipsum non ponere aliā condignitatem, nisi eā quæ est à Deo ordinante operationes iustorū ad consequendū beatitudinem, ut mercedem earū. Et per hæc patet quid dicendū sit ad confirmationē. Eadēq; uia rñdere possumus ad secundum argumentum. Cum. n. dicit Deus præmiare sanctos supra cōdignū, intelligendum hoc est de cōdignitate quā habent opera eorū à perfectione sua siue naturali, siue supernaturali, non aut de condignitate quā habent ex lege & pacto diuino. Et gratis omnino crediderim dici, quòd quidā dicunt Deū ex benignitate sua adijcere sanctis aliquem gradum beatitudinis supra eos, qui ex lege respōdent ipsorū operibus. Cum. n. ipsa beatitudo longissime excedat oēm ualorem nostrorū operum, & in hoc satis indicetur benignitas Dei in nos, qui & legē de mensura adeo super effluenti statuerit, nihil opus est, & alios etiā gradus adijci ad eos, quos meremur per opera, ad manifestandū Dei liberalitatem. Et doctor subtilis in. 1. d. 17. q. 1. arti. 1. tantū dicit forte Deum præmiare ex mera liberalitate, ultra id ad quod de cōi lege actus esset acceptandus. Quādoq; dicit, non semper. Et si certi aliqui gradus semper adijciuntur, cur non & eos, sicut & alios sub meritis nostris cōprehendemus, cum hoc ipso q; Deus perpetuo hoc facit, de lege uideant respōdere nostris meritis? Et cum non maior liberalitas, uel benignitas Dei in

nos una via quæ altera ostendat, cur non etiã credatur Deus eos comprehendisse sub illis, quos benignissime statuebat respondere nostris actibus: Decet quidẽ magnificos & liberales principes supra id, quod opera suorum merentur, aliquod uelut auctarium bene de se meritis adijcere. Sed ubi præmiũ aliquod certum statutũ est, quod longe exuperet ualorẽ omnium meritorum, et semper etiã aliquid ei præmio adijcere, neque iustum est, neque conueniens, sed pluralitas liberalitatũ sine ulla necessitate. Similiter etiã, cum dicitur puniri malos citra condignum, nequaquã hoc est sic intelligendũ, quasi puniantur leuius, quàm statuerit Deus eos puniri, hoc enim quandam includere uidetur repugnantiam, aut certe dissonantiam ad legem communem, sed ideo malos credendum est puniri citra condignum, quia leuiiores Deus statuit pœnas omnibus peccatis quàm ipsa peccata mereantur.

Ad tertium argumentũ dico optime quidẽ conuinci ratiõibus in eo allatis inter nos et Deum nequaquæ esse stricte iustitiam, fatemur quæ tribus nominibus esse magis attenuatũ ius nostrum ad gloriam, quæ sit ius, quod filij habent ad aliqua præmia conferenda eis à suis parentibus, immo & quæ sit ius seruorum ad aliqua habenda à suis dominis propter obsequia eis præstita, quod quidẽ tenuissimum est. Excedit enim ius diuinũ supra nos, ius paternum & dominatiuũ, quia exuperat gloria multo plus nostra opa quàm possint excedere præmia parentum uel dominorum, merita, filiorum uel seruorum. Et nos multo plus obnoxij & adstricti Deo sumus, quæ sint ulli filij suis parentibus, & quæ serui oēs suis dominis. Neque mereri apud Deum possumus, nisi ipse det unde mereamur. Neque, nisi inuenierit, quod exigat, nisi donauerit quod inueniat, ut pie et pulchre ait Aug. Atque ideo dictum putamus à Paulo. Quis prior dedit illi, & retribuetur ei: Quia nihil habemus quod dño demus, nisi munera sua, & hæc ipsa munera de se digna non sunt, ut præmiũ aliquod apud Deum mereatur, præsertim tantum quantum est beatitudo. Sed cum his stat, ut mereri possumus de condigno beatitudinẽ ex promissione, qua se Deus benignissime uoluit nobis adstringere, inito nobiscum pacto de conferenda beatitudine, si quidẽ bene operemur. Neque maius aliquod ius in operibus sanctorum ponimus respectu beatitudinis asserentes ea esse meritoria de condigno, quàm istud quod ei placuit ex sua benignitate nostris opibus, & nobis ipsis impartiri. Sicut, n. cum populo Israelitico pepigit fœdus de introducẽdo eum in terrã promissionis, & prosterneĩs ante eum omnibus suis hostibus, ut patet Exodi, 23. et, 24. & ad Hebr. 9.

- immo de faciendo eum populū excelliorē cunctis gentibus, ut patet Deuterono. 26. et. 28. siquidē seruaret mādata ipsius, ita & cū omnibus modo inuuit fœdus & pactū de introducendis illis in regnū cœlorū, quod uere est terra promissionis, et terra uiuentiū, siquidē seruēt mādata ipsius. Et hoc pactū annuntiāuit sæpe per seipsum, sed apertissime cū adolescenti cuidā dixit. Si uis ad uitā ingredi, serua mādata. Annuntiari etiā præcepit ubi q̄ terrarū fœdus istud inter nos et ipsum in itū cum alibi, tum uero aptissime cū dixit suis apostolis. Euntes in mundū uniuersum prædicate euangeliū omni creaturæ. Qui crediderit, & baptizatus fuerit, saluus erit, qui uero nō crediderit, cōdemnabit. Et ius istud ad beatitudinē fundatū in ipsius promissioe & lege sufficere dicimus ad meritū de condigno supposita operū dignitate, quā habent iusti ex habitatione spūs sancti, & ex gratia, quæ sit in eis fons aquæ salientis in uitā æternā. Est etiā & unum aliud in opibus iustorū, propter q̄ nullus deberet timere ea dicere esse meritoria de cōdigno beatitudinis. Innitunt. n. meritis Christi, qui absq̄ dubio meruit omnibus suis mēbris beatitudinē ex cōdigno. Et quicūq̄ saluatur, mēbra prius efficiunt Christi, ut saluentur. Nemo. n. ascendit in cœlū, sicut ipse dicit Nicodemo, nisi qui descēdit de cœlo. Et necesse est in unitatē Christi concurrere, et quodāmodo unū cum eo fieri, ut saluemur, et Christus ipse ascendat in cœlum, qui descēdit de cœlo. Atq̄ ideo quatenus operationes iustorum Christi innituntur meritis, sunt q̄ operationes quodāmodo Christi ipsius, quia suorum membrorum, condignitas certe est inter ipsa, & beatitudinem, saltem supposita lege & promissione diuina.
- s. Bona. Ad confirmationē huius tertij argumenti respondent quidā non in. 2. di. esse necessariū ad meritum de condigno, ut premiū, cuius est meritū, 27. q. sit ei debitum, sed satis esse si meritū sit dignū tali præmio, et ex ordi- ult. natione diuina tale præmiū semp̄ respondeat ei merito. Alij concedūt propter merita de cōdigno Deum cōstitui debitorē gloriæ, sed sibi, sed suæ legi, sed suę promissioi, non nobis. Sed crediderim nō esse inconueniēs concedere cū doctore nostro subtili, & cum diuo Bonauentura, & Ricardo, et alijs Deū ex sua lege & promissioe debere eā iustis. Paulus. n. beatitudinē repositā sibi pro suis laboribus appellauit coronā iustitię, et eam sibi à iusto iudice reddendā constāter asseruit.
4. Et ad quosdā ita ait. Nō. n. iniustus est Deus, ut obliuiscatur opis uestri, & dilectionis, quā ostendistis in nomine ipsius, qui ministrastis sanctis, et ministratis. Et. 2. ad Timoth. 2. Fidelis sermo, ait. Nā si con

mortui sumus, et cōiuuemus, si sustinebimus, & cōregnabimus, si negauerimus, et ille negabit nos, si nō credimus, ille fidelis pmanet, negare seipsum non pōt. Quōd si corona est iustitiā beatitudo, et ad iustū iudicē spectat eā reddere bene certātibus, et cursum consummātibus, qđ satis expressit Paulus illis uerbis, Reposita est mihi corona iustitiā, quā reddet mihi dñs in illa die iustus iudex. non. n. sine causa iustitiā, et iusti iudicis meminit, Si et Deus seipsum negare non pōt, et perinde fideliter uitā et regnum se cōfidentibus ore et ope præstat, ac negat se negātibus, et iniustus nō est, ut, obliuiscat tribulationum, quas p illo quis susceperit, quid superest, nisi ut uere credamus, et dicamus ipsum ex sua lege et promissioe debere nobis beatitudinē, & nostra opa uere esse illius meritoria ex cōdigno, qñquidē eā merentur, et obtinent ex iustitiā. Sed ita tamē oportet, et sobrie, & religiose, nostros semp tēperare sermones, ut dicentes Deū debere iustis beatitudinē, indicemus hoc esse non ex dignitate operū, quæ faciunt ipsi, sed ex misericordia, et benignitate dei nimia, qui nō contētus dare beatitudinē, se etiā ad eam nobis dandū adstrinxit, ut & ea re nos magis exaltaret, et suā in nōs benignitatē apertius cōmendaret, certioresq; nos de ipsa redderet, et potētius inflecteret ad eam, pmerendū. Hisce enim de causis et similibus, et ut misericordia ipsius, & ueritas siue iustitiā non rātum in hac uia, sed & in termino splenderet, meritoria nostra opa fecit esse beatitudinis ex condigno. Quōd si cui non satis uident ista, quæ diximus, ut audeat intrepide Deū dicere debitorem esse nobis eorū quæ nobis promissit, ut oēm dimoueat scrupulū, neq; trepidet, ubi nullus est timor, audiat quid dicat diuus Aug. sermone. 151. de tēpore. Laudemus, ait, fratres dñm, quia eius fidelia promissa retinemus, nōdū accepimus. Parum putatis, quia promissorem tenemus, ut iā debitorem exigamus. Promissor Deus, debitor factus est bonitate sua, non prerogātia nostra. Et idē sermōe. 16. de uerbis apostoli. In his quæ iā habemus, laudemus Deū largitorem, in his quæ nondum habemus, tenemus debitorem. Debitor. n. factus est, nō aliquid à nobis accipiēdo, sed qđ ei placuit promittēdo. Hæc ille. Et in canone. 18. concilij Arausiani secūdi ita diffinitū est. Debetur merces bonis opibus, si fiāt, sed gratia, quæ non debetur, præcedit ut fiāt. Hæc ibi. Siue tamen dicamus Deum debere sibi, ut det iustis beatitudinem, siue asseramus Deum illā eis debere, qđ in idem sanè recidit, cauendum nobis est, ut concedamus qđ infertur, nempe Deum non posse non cōferre iustis beatitudinē. Sic enim Deus se adstrinxit ad

144 DE MERITIS GLORIAE EX CONDIGNO
impartendum beatitudinem eis, ut integra & solida ei libertas ma-
neat ad non dādum. Potest. n. Deus à quocunq; iusto gratiā auferre,
& ea non ablata potest eum non beatificare. Quia pōt facere, ut gra-
tia non fuerit gratia, aut saltem ut non reddiderit habentes acceptos
ad uitam aeternā. Valet etiam Deus, & in sua habet potestate facere,
ut nunq; se adstrinxerit ad dandum alicui beatitudinē, ut in. i. senten-
tiarum latissime disputabimus. Atq; ideo uerum est Deum nō debe-
re iustis beatitudinem in eo rigore iustitiæ quo debent homines ope-
rarijs, suis laboribus perfunctis mercedem de qua cum eis conuene-
rint. Itaq; inter nos, & negātes opa iustorum esse meritoria de condi-
gno, non est quæstio de re, quo ad hoc, an Deus possit non dare beati-
tudinē. vtriq; n. hoc fatemur Deum posse, sed quæstio est de nomine,
an his non obstātibus debeāt dici meritoria nostra opa ex cōdigno.
Et nos dicimus iure talia debere dici, et Deum uere debere illis beati-
tudinē, quia supposita amicitia, & promissione diuina cōdigna sunt
beatitudine, et ualorem hñt æqualē ei, neq; Deus posset beatitudinē
pro illis non concedere, nisi eā haberet potentiā ad præteritum, ut re-
uocare posset suas promissiones, & opa nostra facere non tātī fuisse
ualoris, quanti fuerunt & sunt. Et quidem diuus Aug. 4. contra Lu-
lianum Pelag. cap. 3. nihil ueritus argumenta ista, aperte dicit Deum
fore iniustum, si non ad ipsius regnum, uerus admitteretur iustus.

Ad quartum argumentū. Ideo apostolus gratia Dei uitam aeter-
nam contingere dixit, quia licet illa cadat sub merito etiam de condi-
gno, postquam semel admissi fuerimus ad Dei gratiā, tamen ex gra-
tia admittimur ad Dei amicitiam, & ex gratia in ea seruamur, & ex
gratia datur nobis auxilia ad merendum eam, & ex gratia facta est
lex, per quam eam possimus mereri, & ex gratia ea lex perseverat, &
ex gratia eum impartitur, & cōseruat ualorem in nostris operibus,
& ipsa bona merita nostra quādā gratia sunt Dei. Iustissime igitur
tacere potuit nomen meriti, & solo uti nomine gratiæ, ubi tanta, &
tam multiplex splendet gratia, ut iure magis sit dicenda misericor-
dia, & liberalitas, quàm iustitia. Vnde & regius psaltes inquit. Qui
coronat te in misericordia, & miserationibus. Et Augusti. in de gra-
tia, & libero arbitrio, ideo gratiam dictam ait, ipsam uitam aeternā,
quia licet operibus reddat, ipsa tamen opera gratia sunt, adeo ut non
tam Deus dicatur coronare merita nostra, quàm dona sua. Et con-
uenientissime Paulus uitam aeternam gratiam appellauit. Agebat
enim cum Romanis nouiter cōuersis, et alioqui supbissimis quibus
commodius

commodius erat gratiam, quàm meritum commendare. Unde & glossa statim ante uerba in argumento citata dicit. Potuisset recte dicere, Stipendium iustitiæ uita æterna, sed maluit dicere, Gratia Dei uita æterna, ut intelligeremus Deum ad æternam uitam pro sua miseratione nos perducere, nō meritis nostris. Et sunt hæc uerba glo. supra ex Aug. cap. 9. de gratia, & libero arbitrio. Et ipse diuus Augustinus in testimonio illius iam citato, licet dicat opera nostra munera Dei, & beatitudinem gratiam appellet, tamen & idem nostra ex gratia opera, merita sæpe uocat. Intellexit enim beatitudinem posse uarijs rationibus appellari gratiã, & coronam iustitiæ. Et peculiariter. c. 13. de correctione, & gratia. Gratia, inquit, uita æterna uocatur, quia his meritis redditur, quæ gratia contulit homini. Et. c. 5. de gratia, & lib. arb. de Pelagianis dicentibus gratiam uitæ æternæ nostris meritis reddi, ita dicit. Si merita nostra sic intelligerent, ut ipsa dona Dei cognoscerent, non esset reprobanda eorum sententia.

DE MERITIS IUSTIFICATIONIS.

QVAESTIO SEXTA.



An fides, & alia opera concurrentia ad iustificationem peccatoris meritoria sint ipsius iustificationis? Et pro parte quidem affirmatiua illud stare uidetur argumentum commune. Si nullum meritum antecedit iustificationem peccatoris, acceptor igitur personarū esset Deus, cum unum iustificat non alium.

Nam acceptio uidetur personæ cum alicui confertur beneficium aliquod, posthabito altero, si non in uno est, illius maius meritum quàm in altero. Hoc enim est respicere & accipere personam, non causam. Et si nulla sunt merita iustificationis, nullus peccator magis merebitur iustificari quàm alius. Cum igitur ex multis scripturæ testimonijs constet Deum non esse acceptorem personarum, ex eisdem uidetur consequenter col-

T

Ilgendum esse aliqua merita antecedere iustificationem, ut sit aliquid ex parte omnium, qui iustificantur, cur ipsi potius iustificentur quam alij.

Pro parte autem negativa stare uidetur utriusq; instrumenti pagina, quæ gratis & absq; argento & ulla commutatione, & uere pro nihilo saluari & iustificari nos asserit.

Pro plena solutione huius quæstionis, & earum omnium quæ tractandæ supersunt, quæ quidem ad hanc spectant, licet claritatis causa à nobis distinctæ sint, præmittam primo quasdam suppositiones seu adnotamenta. Secundo ad quæstionem istam simpliciter & absolute, respondebo, & responsionem apertis argumentis firmabo. Tertio ad apparentia, quæ contra fieri possunt, argumenta respondebo. Volo enim quantum tenuitas nostra præstare hoc poterit, accuratius tractare, & disputare dubiū istud de meritis iustificationis nostræ, quod iā inde ab undecim retro annorū cēturijs, & aliquāto amplius, felicissima & præclarissima ingenia uehementer diuexauit.

Notandum igitur est primo tres celebres, de hac quæstione præcessisse sententias. Quidam enim simpliciter, & absolute concesserunt iustificari peccatores ex meritis. Alij e contrario absolute asseruerunt neminem iustificari ex meritis, nullaq; prorsus merita antecedere gratiam iustificationis. Alij uero mediam quandam secuti sunt uiam, concedentes cum posterioribus, peccatores non iustificari ex meritis de cōdigno, sed interim dantes hoc prioribus, quod tamen iustificentur ex meritis de congruo. Et primam quidem sententiam, uel potius errorem, defenderunt olim Pelagiani tempore Innocētij primi. Ut enim refert fortissimus hæreticorum malleus Augustinus in cap. 88. libri de hæresibus, inter cæteras, quas illi defenderunt, hæreses, & hanc quoq; asseruerunt, gratia Dei secundum merita nostra datur. Et in libro de prædestinatione sanctorum cap. 13. Hoc esse dicit Pelagianorum, ut gratiam Dei non dari, nisi secundum merita nostra contendant. Et in principio Hypognosticon, inter alios errores Pelagianorum, & Celestianorum, & hunc quoq; cōputat, meritis operū à Deo gratiam unicuiq; dari. Et in c. 8. lib. 41. contra Iulianum Pela-

gianum, dicit Pelagium in Palæstinorum episcoporum cognitione damnasse hanc sententiam. Et in libro de gratia Christi contra Pelagianum, & Celestium cap. 3. refert eum hanc hæresim abiurasse, & condemnasse in Palæstino concilio, sed hoc queritur quod in libris quos edidit, pro libero arbitrio, nihil aliud sentire cõperiat, quàm id quod dånasse uidebatur. Et ca. 31. eiusdem libri ex ipsissimis illius uerbis in epistola ad Innocentium papam, ostēdit reuocasse eum, quod damnauerat. Et in cap. 5. de gratia & lib. arb. ex posterioribus illius libris fallaciter eum dicit anathematizasse, ne uidelicet anathematizatus inde exiret. Atq; ita lib. 1. contra Iulianum Pelagianum seductos fuisse, dicit ab eo. 14. Orientales episcopos, qui eum catholicum pronunciarunt existimantes eum uere anathematizasse, quæ anathematizauit. Et in libro primo contra duas epistolas Pelagianorum cap. 4. idem queritur, quod in libro de gratia Christi. Et cap. 19. ficto eum corde id damnasse, ne damnaretur ipse uidelicet, & hoc ipsum conuincit cap. 5. libri secūdi, quia Pelagiani fatum nos asserere contēdebant, nomine gratiæ, quia dicimus gratiam, non secundum merita nostra dari, sed secundum misericordissimam Dei uoluntatem. Et id nobis ab eis obiectum esse. c. 8. lib. 4. contra Iulianum Pelagianū rursus affirmat. Et libro quarto cõtra easdem epistolas cap. 6. iterum ait non corrigendo, sed timendo Orientales iudices, eam sententiam damnasse. Et Innocentius papa huius nominis primus in epistola, qua respondet quinque episcopis, qui ad eum de Pelagio scripserāt, aperte uidetur hoc ipsum innuere. Dicit enim sibi persuaderi non posse, quod se tota uirtute in eo concilio purgauerit, neq; se eadem re aliquod fide dignū testimoniū à patribus qui in eo cõcilio conuenerāt, accepisse. Eandemq; sententiam post Pelagium Britonem defenderūt Iulianus & Celestius, ut constat ex libris, quos aduersus eos edidit idem Augustinus, & postquam hæc hæresis opera præcipue diui Augustini, & autoritate sedis apostolicæ extincta fuit, denuo bis suscitata est in Angliā, referēte Beda, in ecclesiastica historia. Reuixit & postea in Scotia, teste magistro Thoma Bradabaerdino decano Londouiarū, in summa cõtra Pe

T ij

RO. II. Iagianos. Qui & asserit in eodem errore, fuisse Cassianum, sed prospere à Prospero ea de re castigatū. Tribuere uidet & errorē istū Iosephus Saducais, & ante illos Nemroth, cū dicit eos suasisse, non Deo, sed proprie uirtuti felicitatē adscribere.

Secundam uero sententiā tuetur apertissime sanctus Thomas flos nimirum theologiæ scholasticæ, in prima secundæ, quæstione ultima, articulo quinto, & in commentarijs Pauli, RO. 4. ad Romanos, cap. 4. in quibus locis constanter asseuerat, & confirmat, nullum esse in peccatore meritum, suæ iustificationis, neq; ex congruo, neq; ex condigno. Et eadem sententiā tenēt noster Nicolaus Lyranus, super Ioānis primum caput, Thomas Waldensis in libro de sacramentalibus, & ualens ille Gregorius Ariminensis, maximus & studiosissimus diuī Augustini propugnator, in. 2. distin. 26.

Tertiam uero opinionem defendunt theologi recentiores, Gabriel, Maioris, Almaynus, & similes, & ante illos, ne a deo noua existimetur, uidetur iam tempore doctoris subtilis fuisse hæc opinio communis in scholis. Quanquam enim in secūdo, distinctione. 5. statim in principio dicit, quod si gratia data fuisset angelis bonis, ex meritis uel præuicis, iam gratia non esset gratia, & in quodlibeto. 17. articulo. 2. aperte asserit, ad hoc quod aliquis actus sit meritorius, requisitum esse, ut sit specialiter Deo acceptus, tanquam dignus eo præmio, quod est reddendum pro eo, & ex his quæ subdit, solum uidetur ponere actus meritorios in habentibus charitatem, tamen alias sæpe actus prærequisitos in adultis ad suam iustificationem indifferenter uocat dispositiones, seu merita de congruo, ad remissionem peccati, ut potest peculiariter in eo uideri, in quarto, distinctione. 14. quæstione secunda. art. 2. et in primo. d. 17. q. 1. art. 1. litera. G G. dicit attritum mereri ex congruo iustificationem. Et diuus Bonauentura, licet in secundo, distinctione 28. in dubijs circa literam magistri, dicat non contingere, ut quis mereatur primam gratiam, quia est fundamētum omnis meriti, & donum pure gratuitum, tamen ex illis quæ ibi subnectit, & alibi, dicit, satis indicat se ista intelligere de merito ex condigno, & non de merito ex congruo. Et utcunq; hi docto-

res senserint, certe ipse magister sententiarum, quamuis aliqua dicat in secundo, distinctione. 26. ex quibus uideri posset tueri primam gratiam, qua homo iustificatur, non cadere sub merito, tamen aperte in distinctione. 27. quarto, quinto, & sexto, cap. tenet eam cadere sub merito, & aliqua hominis merita eam praecedere.

Ut autem uideamus, quae istarum opinionum magis amplectenda sit, secundo praemittendum est gratiam iustificationis tripliciter posse accipi. Primo quidem pro gratia gratum faciente, qua formaliter iustificamur, & efficiamur iusti & amici Dei. Secundo uero pro gratia gratis data, qua Deus nos adiuuat, & peculiariter mouet, ut ea efficiamus quae praerequisita sunt, ut obtineamus gratiam & amicitiam ipsius, reconciliemurque ipsi. Tertio gratia iustificationis potest accipi generaliter, ut sub se comprehendit gratiam in prima & secunda significatione, ita ut gratia iustificationis dicatur, quidquid gratis a Deo fit, ut nos iustificemur. Et hoc pacto uidentur patres nostri in concilio Mileuitano loqui de gratia iustificationis, & Augustinus in libris quos multos edidit, contra errores Pelagianorum. Vehementer autem refert sic, an sic de gratia iustificationis loquamur, ut postea uidebimus. Et nisi istarum gratiarum distinctionem bene aduertamus & intelligamus, multa uidebuntur nobis in sacris doctoribus contraria, quae tamen nullam inter se contrarietatem habent. Ideoque istam distinctionem bene notari, & mandari memoriae cuperem ab omnibus, qui in lectione sacrorum autorum uersantur, & non obiter neque pertransennam, sed exacte, & ad unguem quid sit probabilius in hac materia, uel argumento potius de iustificatione, nosse cupiunt. Si autem quis quaerat, quo inter se differant, gratia gratum faciens, & gratia gratis data, sciat gratiam gratum facientem habitum esse quendam supernaturalem, & diuini prorsus ordinis, quem Deus infundit animabus nostris, quotiescunque nos sibi reconciliat, & ad suam gratiam, amicitiamque admittit, ut per illum sic simus formaliter ei grati, & amici, ut albedine sumus albi, & cognitione cognoscentes, & fide fideles, Gratia uero gratis data, non habitus est, sed auxiliu quod

11. q. 22
11. q. 22

dam speciale & peculiare ipsius Dei, quo Deus peculiariter adiuuat, & potentius mouet, & inflectit potentias nostras, ut ea facere possimus, & facilius faciamus, quæ sunt necessaria ad iustificationem nostram. An istud auxilium diuina uoluntas sit, an potentia executiua, an modus aliquis uoluntatis uel potentia, & quibus differat à generali concursu, quo Deus ad omnia quæ fiunt, concurrat, nihil necesse est hoc in loco disputari. Quidquid enim in his dicatur, solutionem quæstionis, quam modo tractamus, non uariabit, & alioqui de his in secundo sententiarum, distinctione. 26. qui locus huius disputationis proprius est, copiose, Deo propitio, agemus.

Tertio aduertendum est, tria esse in hac quæstione certa, & neq; inter catholicos, neq; inter hæreticos, neq; inter nos, & illos unquam, quod sciã, controuersa, duo uero esse sola, de quibus dubitatum olim est, & adhuc dubitatur, & utrinq; certatur. Et primum quidem, apud omnes certum est, aliqua esse opera uel passiones, quibus Deus peccatores paulatim trahit ad salutem, quibusq; ipsi suæ salutis, & iustificationi suo modo cooperantur. Certum enim est peccatores sensim, ac uelut gradibus quibusdam trahi ad gratiam diuinã, fide misericordiæ diuinæ, & remissionis peccatorum, fide regni cœlorum, & inferni, spe beatitudinis, & timore pœnarum, quæ peccatoribus decreta & parata sunt, horrore & pœnitudine peccatorum, operibus misericordiæ & religionis, & nōnullos flagellis, nōnullos beneficijs diuinis, alijsq; exemplis & orationibus aliorum. Nouit enim sapientissimus, & peritissimus nostræ salutis artifex, quæ quibus, tanquam pharmaca, magis conueniãt, ut sanemur, quibusq; commodius, & suauius, qui nulli uult uim inferre, inflectere, & emollire possit, & ad se trahere nostras rebelles uoluntates. Et ex his quædam ipse in nobis sine nobis operatur, quædam & à nobis uel simpliciter, uel etiam adiuncto aliquo præcepto requirit. Sine fide enim, immo & sine pœnitentiã, uel formali, uel uirtuali impossibile est peccatorẽ aliquẽ placere Deo. Dissimulat enim peccata hominũ propter pœnitentiã. Et nisi pœnitentiã egerimus, incidimus in manus ipsius: *be* Secundum certum & indubitatum apud omnes est, congruũ

Sap. II.
Eccl. 2.

esse & fuisse, ut Deus, qui nouit signum nostrum, nostraque fragilitatis est conscius, quique sanabiles fecit nationes orbis terrarum, confugientes ad suam clementiam recipiat, sinumque suae paternae misericordiae illis aperiat, & ad suam gratiam admittat, neque despiciat eos, qui amare dolent de suis peccatis, & omni humilitate & fiducia ipsius opem & misericordiam implorant. Nulla est enim neque gratior, neque honorificentior uirtus in principe quam misericordia, neque est aliquid quod diuitias suae eximiae & incomparabilis bonitatis apertius nobis commendare queat, quam gratuita peccatorum iustificatio. Vnde & diuus Hieronymus, referente diuo Bonauentura, aperte dicit. Nulla maior iustitia est, quam ignoscere poenitenti, & ad misericordiam reuertenti misericordiae sinum aperire. Et diuus Augustinus audacter aliquando dixit. Si Deus non reciperet confugientes ad se, esset in eo iniquitas. Et beatus Anselmus in cap. decimo Prosologion, cum punis, ait, malos, iustum est, quia illorum meritis congruit. Cum patris malis iustum est, non quia illorum meritis, sed quia tuae uoluntati & bonitati condecens est. Et ipse dominus per Esaiam suauissime & amantissime dicit. Lauamini, mundi estote, auferite malum cogitationum uestrarum ab oculis meis. Qui se te agere peruerse, discite bene facere. Querite iudicium, subuenite oppresso, iudicate pupillo, defendite uiduam, & uenite & arguite me dicit dominus. Perinde enim uidetur ista dixisse, ac si se argui & reprehendi impune permitteret, si ista facientes non reciperet ad suam gratiam, & beneficijs eos prosequeretur. Vnde & subdit. Si fuerint peccata uestra, ut coccinū, quasi nix dealbabuntur, & si fuerint rubra quasi uermiculus, uelut lana alba erunt. Si uolueritis & audieritis me, bona terrae comederitis.

Tertium etiam uidetur certum esse, & quidem, ut mihi uidetur, etiam manifestum in lumine naturali, Deum non teneri, neque obligatum esse ad iustificandum aliquem, & eum recipiendum in suam amicitiam, & regni coelestis haereditatem. Et longe aliter sentit, quam par est de diuina maiestate, & de humana infirmitate, qui putat posse quēpiam mortaliū, etiā si nulli culpae esset obnoxius, facere sibi debitam amicitiam diui

nam, & ingressum ad regnum cœlorum. Et quâquam diuus Augustinus sic sæpe impugnat Pelagium, ut uideatur ei tribuere, nos posse facere debitam nobis gratiam diuinam, tamē quātūuis falsa & intolerabilia Pelagius dixerit, adduci nō possum, ut credam ipsum hoc concessisse, uel concessurū fuisse uia alicuius argumenti, quòd tam aperte repugnat luminī naturali. Si enim nullus nostrum uim potest facere alicui hominī, aut eum uolentem nolentem compellere, ut nos amet, & suorum nos bonorum omnium hæredes & participes faciat, quomodo uerisimile sit nos, qui non solum uermiculi, sed tãquam nihil sumus collati ad diuinam celsitudinem, posse facere, ut teneatur ille nos iustificare, & ad gratiam suam recipere? Equidem intolerabile prorsus apparet siue hoc quod gratis nos acceptet, siue per solam suam uolūtatem, siue etiã per gratiam aliquam creatam, posse nos tãtum apud eum mereri, ut teneatur ille dare nobis uitam æternam. Neque crediderim diuum Augustinum hoc credidisse de Pelagio. Immo ob id fortassis hoc inferebat ex dictis ipsius, ut quoniam illos non credebat in tantam insaniam, aut impudentiam uenturos, uel hoc nomine ab alijs suis placitis discederent, quòd ex illis hoc tantum & tam absurdum inconueniens sequebatur. Et profecto, ubi inter nos & hæreticos nō semper cōuenerit de hoc, certe catholicis nunquam dubium fuit de hoc, neq; esse potuit. Quin & aliud uideēt catholicis omnibus fuisse semp̄ & esse certissimū, nēpe hoc, quod cum in Adã oēs peccauerimus, ut dicit Apostolus, neminī Deus iniuriam faceret, si omnes pro merito illius peccati damnaret, neq; cuiuspiam remissum illud fuit, uel aliud letale saltem peccatum, neq; remitti potuit ex lege, nisi meritis, & gratia saluatoris nostri, & domini Iesu Christi, qui unus mediator est Dei & hominum, & propitiatio, & sanctificatio, & reconciliatio mundi. Omnes enim peccauerūt, ut ait apostolus, & egent gloria Dei, idest gratia Christi, qui gloria est patris. Et alibi unus pro omnibus mortuus est Christus. Et infra. Deus erat in Christo mundum reconcilians sibi. Et alio in loco. Sicut in Adam omnes moriuntur, ita & in Christo omnes uiuificabuntur. Vt enim nemo ad mortem nisi per illum

RO. 5.

RO. 3.

illum, ita nemo ad uitam nisi per istum, ait Augustinus. Et si ad remissionem originalis peccati, & mortalium, ipsa sibi suffecisset stante lege Dei, humana natura, nihil profecto fuit necessaria Christi passio. Sicut enim argumētatur apostolus cōtra uolētes in lege iustificari, Si ex lege est iustitia, gratis Christus mortuus est, ita & similiter argumentari possemus cōtra uolentes in natura iustificari, Si per naturam est iustitia, & sine Christi gratia per uires naturales iustificari possumus, gratis Christus, & absq; ulla necessitate mortuus est. Est q; hoc argumentum diui Augustini in libro quodam contra Pelagianos, & concilij Arausicanū canone. 21. Et ipse Augustinus super illum uersum psalmi. 30. In tua iustitia libera me, & eripe me, ita ait, Si agat Deus tāquam ueraciter ex regula legis proposita, damnandus es peccator. Hac regula si ageret, quem liberaret? Omnes enim peccatores inuenit. Solus sine peccato uenit, qui nos peccatores inuenit. Hoc ait apostolus. Omnes enim peccauerunt, & egent gloria Dei. Quid est. Egent gloria Dei? Ut ipse liberet, non tu. Quia tu te liberare non potes, indiges liberatore. Quid est quod te iactas? Quid est quod de lege & iustitia praesumis? Non uides quid intus confligat in te, de te, aduersum te? Hac ille. Diffiniuitq; hanc ueritatē Innocentius huius nominis primus in rescripto ad conciliū Carthaginense his uerbis. Dum homo sui liberi arbitrii inconsultius utitur bonis, in prauaricationis profunda demersus est, & nihil quemadmodū exinde surgere posset, inuenit, suaq; in aeternū libertate deceptus huius ruinae latuisset oppressu, nisi eum postea Christi per suam gratiam releuasset aduētus. Appbauitq; ista uerba Coelestinus papa huius nominis primus cap. 4. suae primae epistolae, idemq; diffiniuit his uerbis. In prauaricatione Adae omnes homines naturalem possibilitatem & innocentiam perdidisse, & neminem de profundo illius ruinae per liberum arbitrium posse consurgere, nisi eū gratia Dei miserantis erexerit. Idem etiam diffiniuit idem Innocentius in epistola ad Mileuitanum concilium. Vbi ita ait, Primum hominem libertas ipsa decepit, ut dum indulgētius franis eius utitur, in prauaricationis praesumptione concide

V

rit. Neq; ex hac potuit erui, nisi ei prouidentia regenerationis, statum pristinae libertatis Christi domini reformasset aduentus. Approbavitq; hac uerba Coelestinus, ubi supra cap. 7. Et quãuis ex nõnullis uerbis diui Augustini contra Pelagianos, & ex istis & similibus Innocentij uerbis cõtra illos aliquis colligere possit, sic dixisse eos sufficere posse nobis liberum arbitrium, ut sine gratia uel meritis Christi possimus remissionem peccatorum impetrare, & beatitudinem consequi, tamen cum attente perpendo diffinita in concilio Mileuitano contra ipsos, & ea quæ ad Innocentium Carthaginense concilium scribit, adduci non possum, ut credam Pelagium hæc sensisse. Sed ex hoc, quod ille dicebat sine gratia Christi posse nos per liberum arbitrium implere mandata, & recedere à peccatis, conuertiq; ad Deum, Augustinus & Innocentius colligebant, & non sine apparentia, quod non indignissemus redẽptore, ut eum ex hoc, quod tã aperte repugnabat scripturis, reuocarẽt ab eo, quod ipse tuebatur, ex quo & hoc uidebatur sequi.

Istis igitur utcunq; uelut certissimis, & de quibus nihil sit modo disputandum, prælibatis, quarto notãdum est duo esse sola in hac quæstione controuersa. Primum est, an sufficiat liberum arbitrium, cum solo Dei generali concursu, ad ea faciendum, quæ supposita lege diuina & satisfactione Christi satis sunt, ut quis perueniat, uel saltem disponatur sufficienter ad gratiam diuinam. Secundum est, an ea quibus quis peruenit, uel disponitur ad gratiam diuinam, meritoria sint, & appellari debeãt ipsius gratiæ, si non ex condigno, saltem ex cõgruo, ita, ut aliquo modo concedere possimus, gratiam primam dari adultis secundum sua merita. Quia uero ista breui expediri non possunt, ne modum excedant quæstionis, & ut omnia dilucidius habeãtur, de istis distinctis quæstionibus statim agemus. Nunc autem istis iactis fundamentis pro eis omnibus, ad præsentẽ quæstionem unica hincõ conclusionem respõdebo.

CONCLUSIO.

Nullus iustificatur ex proprijs meritis, uel quod idem est. Nemini datur gratia prima secundum merita propria.

Hæc conclusio diffinita est in concilio Palæstino cõtra Pe

lagium, ut patet ex his quæ in principio huius quæstionis cita-
uimus ex Augustino. Videtur etiã diffinita in concilio Arau-
siano secundo circa tempora Leonis primi, canone. 17. Vbi
ita legimus. Fortitudinem Gētilium mundana cupiditas, for-
titudinem Christianorum Dei caritas facit, quæ diffusa est
in cordibus nostris, non per uoluntatis arbitrium, sed per spiri-
tum sanctum, qui datus est nobis, nullis meritis gratiam præ-
ueniētibus. Hæc ibi. Ex quibus uidetur diffinitum esse in hoc
concilio merita non præuenire gratiam, ac per hoc nunquam
eam dari secundum merita. Neq; debet alicui leuis esse huius
concilij autoritas, licet enim generale non sit, tamen diffinitio-
nes eius, diffinitiones sunt apostolicæ sedis, quæ errare nō po-
test in diffinitionibus fidei. Vt enim patet ex principio illius
concilij, non novos aliquos canones condiderunt patres, qui
in eo conuenerunt, sed transmissa sibi capitula à sede apostoli-
ca subscriptionibus proprijs firmarunt.

Sed quoniam neq; argumenta ulla pro hac conclusione ibi
ponuntur, neq; quibus fuerunt patres Palæstini concilij com-
moti, ut Pelagium compellerēt eam asserere, satis scimus, neq;
aliquam aliam diffinitionem pro ea, uel sedis apostolicæ, uel
concilij generalis licuit inuenire, ne aliqui eam reuocent in du-
bium, sicut pleræq; alia iam olim certa & diffinita ab ecclesia,
reuocare in dubium hoc tēpore cœperunt, ostendam hæc con-
clusionem certissimam esse, primo quidem testimonijs scriptu-
ræ apertissimis, secundo uero testimonijs sanctorum docto-
rum, tertio & aliquot argumentis collectis ex quibus iam, no-
tis partim fide, partim lumine naturali.

Ex scripturis uero quadrupliciter uideē posse probari hæc
conclusio. Primo omnes qui iustificantur, iustificantur gratis.
Ergo nullus ex meritis. Secūdo nullus iustificatur ex debito.
Ergo neq; ex meritis. Tertio. Nemo iustificatur ex operibus,
aut secūdum opera. Igitur neq; ex meritis, neq; secūdū merita.
Quarto. Nullus reddit aliquid Deo, ut ei retribuatur suam pri-
mam gratiam. Ergo nulli ea confertur ex meritis. Nescio an
aliæ uisæ possint ex scripturis haberi ad confirmandum hanc
conclusionem, Sed præstat & ipsa scripturarum loca in me-

V ij

dium producere, & in eis aliquantisper expatiari, ut apertio ra
sint omnia, & confirmatiora. Et quoniam in Paulo euidentior
& clarior apparuit gratia diuina, dum mirabiliter ille conuer
sus est, quo tempore audacius, immo uere furiosius perseque
batur ecclesiam Dei, & pro quibus summo supplicio dignus
fuit, beneficium, misericordiamq; pro damnatione, & pro pœ
na consecutus est gratiam, unde & postea ille nō ingratus gra
tiæ diuinæ fortissime omnium, & acerrime pro ea cōmendan
da dimicauit, intermissis aliorum prophetarū & apostolorum
testimonijs, omnia ex unius ipsius epistolis confirmabimus.

Primus itaq; locus, qui ad probandum hanc conclusionem
induci potest, habetur in capitulo tertio epistolæ quam scri
psit ad Romanos, ubi ita ait, Iustificati gratis per gratiam ip
sius per redemptionem quæ est in Christo Iesu. Si gratis. Nō
Esa. 55. ergo ex meritis, sed ut uerbis dicamus Esaia absq; ullo argen
to operum, absq; ullo pretio meritorum, absq; ulla commuta
Psal. 33. tione, & quod significantissime psalmista dixit. Pro nihilo sal
uat & iustificat. Neq; uacat quod adiungitur. Per gratiam ip
sius. Tanquam enim non satis esset dixisse gratis, nequis dice
ret, Gratis quidē iustificamur, sed per merita nostra, addidit,
ut hoc excluderet. Per gratiam ipsius. Hoc est. Non per meri
ta nostra, non per iustitiam, quæ merita nostra præmiat, sed
per gratiam ipsius, per gratuitam, & omnino indebitam uolū
tatem ipsius, & benignissimam misericordiam, & beneuolen
tiam in nos. Si enim per gratiam ipsius, non utiq; per merita
nostra. Vnde sæpe aliàs ipse Paulus, ut excludat omnia meri
ta, gratia saluatos nos & iustificatos asserit, & seipsum gratia
Dei esse quod erat. Verissime enim ille potuit dicere quod re
gius psaltes. Saluum me fecit, quoniam uoluit me. Ne autem,
dum sic constanter stabilit gratiam Dei, merita Christi eum
etiam excludere existimaremus, sicut & nostra, adiecit per re
demptionem quæ est in Christo Iesu. Non enim aduersantur
merita Christi gratiæ diuinæ, quia & ipsa eximia quædā Dei
gratia in nos sunt. Quare & addit statim. Quē proposuit De
us propitiatorem. Dei enim gratia, non meritis nostris, datus
est nobis talis inter nos & ipsum mediator, qui reconciliaret

nos Deo, & propitiatio esset nostrorum omnium delictorū. Et ne aliquis neget istas consequentias, Si gratis, non ergo ex meritis, Si per gratiam, nō ergo per merita, confirmare possumus totum hoc argumentum, & probare istas consequentias ex illis, quæ idem Paulus cap. undecimo, huius eiusdem epistolæ subdit. Cum enim uellet probare eos Iudæos, qui suo tempore saluabātur, non iustificatos fuisse ex operibus, Reliquiæ, ait, secundum electionem gratiæ saluæ factæ sunt. Si autem gratia, iam non ex operibus. Alioquin gratia, iam non est gratia. Vides Paulum easdem omnino facere cōsequentias, quas & nos fecimus. Vides ut prorsus contraria existimauit iustificari ex operibus, & iustificari ex gratia. Cum igitur iustificari ex meritis, magis aduersetur iustificationi ex gratia, quàm iustificari ex operibus, plus enim meriti, & minus gratiæ significare uidetur iustificari ex meritis, quàm iustificari ex operibus, si uim ipsam spectemus uocabuli, meritum, sequitur & cōtraria similiter esse existimanda, iustificari ex meritis, & iustificari ex gratia. Atq; ideo si iustificamur gratis, profecto ut iam intulimus, non ex meritis. Contraria enim ista inter se sunt. Et bene Paulus uidit hæc sibi inuicē aduersari. Si enim quis obtinet aliquid ex suis meritis, iam ergo eorū meritorum pretio, & non gratis illud consequitur. Itaq; sicut Paulus contra eos, qui dicebant Iudæos iustificatos ex operibus, optime argumentatus est ex eo, quod iustificati sunt ex gratia, & si gratia, iam non ex operibus, ita immo quantum existimo instantius & rigidius argumentaretur contra dicentes, nos iustificari ex meritis. Si ex gratia, non ergo ex meritis. Alioquin gratia iam nō est gratia. Vnde ut & manifestius istam Dei gratiam, quam nulla antecedunt merita nostra, commendaret, ad Ephesios scribens in Christo, dicit, nos habere redemptionem & remissionem peccatorum, secundum diuitias gratiæ eius, quæ superabundauit in nobis. Et paulo post addit. Deus autem qui diues est in misericordia, propter nimiam caritatem suam, qua dilexit nos, & cum essemus mortui peccatis, conuiuificauit nos in Christo, cuius gratia estis saluati. Ideo enim & diuitiarum gratiæ, & misericordiæ diuinæ meminit, & nimix ca-

ritatis suæ in nos, & nos uiuificatos esse dixit, cum mortui eramus peccatis, ut intelligamus nos nullis nostris meritis, hoc tantum beneficiū salutis nostræ esse consecutos, sed sic gratis, & ex gratia esse iustificatos, ut ea nulla prorsus merita nostra anteverterint. Secundus locus, ex quo probari potest nostra conclusio, est in eadem epistola cap. 4. Si Abraham ex operibus legis iustificatus est, habet gloriam, sed non apud Deum. Quid enim dicit scriptura? Credidit Abraham Deo, & reputatum est ei ad iustitiam. Ei autem qui operatur, merces non imputatur secundum gratiam, sed secundum debitum. Ei uero qui non operatur, credenti autem in eum qui iustificat impium, reputatur fides eius ad iustitiam. Ex istis uerbis dupliciter possumus confirmare nostram conclusionem. Primo. Omnis qui iustificatur, habet gloriam apud Deum. Nullus uero qui iustificatur ex meritis, habet gloriam apud Deum. Ergo nullus qui iustificatur, iustificatur ex meritis. Consequētia est infallibilis in secundo modo secundæ figuræ. Et maior manifesta est. Nisi enim qui iustificatur, haberet gloriā apud Deū, non uera, sed falsa esset talis iustitia. Minor uero patet ex illis uerbis. Si Abraham ex operibus legis iustificatus est, habet gloriam, sed non apud Deum. Si enim Abraham per iustitiam ex operibus, non habet gloriam apud Deum, neque haberet per iustitiam ex meritis. Et si Abraham non potuit ex meritis obtinere gloriam apud Deum, neque poterit quispiam alius. Par enim est de ipso, & de alijs ratio.

Secundo ex hoc loco possumus firmare nostram conclusionem hoc pacto. Nullus iustificatur ex debito, ut ex dictis satis patet. Ergo nullus iustificatur ex operibus, & consequenter neque ex meritis. Consequētia probatur ex illis uerbis. Ei autem qui operatur, merces non imputatur secundum gratiam, sed secundum debitum. Patet enim ex his uerbis, eum qui iustificaretur ex operibus, non iustificari ex gratia, sed ex debito. Ita enim probat Paulus quod si Abraham iustificatus esset ex operibus, non haberet gloriam apud Deum, quia omnis qui habet gloriam apud Deum, habet illam ex gratia, & merces respondens operibus est ex debito. Cum igitur necessarium sit

concedere neminem iustificari ex debito, necessarium erit consequenter concedere neminem iustificari ex operibus, uel ex meritis. Consequitur enim opera, uel merita debitum mercedis, & ratio gratiae repugnat rationi mercedis, sicut & inter se opponuntur, fieri aliquid secundum gratiam, & fieri secundum debitum. Vnde & ad explicandum magis neminem iustificari ex operibus uel meritis, subiicit statim. Sicut & Dauid dicit beatitudinem hominis, cui Deus acceptam fert iustitiam sine operibus.

Tertius locus aperte faciens pro nostra conclusione est ad Romanos cap. 3. Ex operibus legis non iustificabitur omnis caro coram Deo. Si enim nullus iustificatur ex operibus, neque iustificabitur ex meritis. Perinde enim est iustificari ex meritis ac iustificari ex operibus, aut certe magis aduersatur gratiae diuinae iustificari ex meritis, quam iustificari ex operibus. Et ponderandum est, ad hoc ista uerba dicta esse a Paulo, ut patet ex antecedentibus, ut per haec ostenderet omne os debere obstrui, neque habere posse mortalem, unde gloriari merito posset, & nisi gratia diuina misericorditer subuenisset, reum esse potius omnem mundum Deo, quando nullus ex operibus legis iustificari potest coram illo. Vt enim si ex operibus legis homines iustificarentur, haberent quid Deo possent obijcere, neque in totum deberent os obstruere, ita etiam si iustificarentur ex meritis. Et si cum non iustificarentur ex operibus, iustificarentur ex meritis, non sufficeret probasset, omne os debere obstrui, & reum esse omnem mundum Deo, quia ex operibus legis non iustificabitur omnis caro coram illo. Sed quia Paulus intellexit, id quod uerissimum est, impossibile esse quempiam iustificari ex meritis, si iustificari non potest ex operibus, & temperantius magisque sobrium esse ex operibus, quam ex meritis, & reiecta iustificatione ex operibus, reiectam etiam esse ex meritis, ideo constanter asseruit omne os debere obstrui, quia ex operibus legis non iustificabitur aliquis coram Deo. Et consequenter in tota epistola pro eodem accepit ex operibus, pro quo nos ex meritis. Et cum uellet probare in nono cap. nullam dari causam ex parte nostra praedestinationis diuinae, nullaque in nobis esse illius merita, contentus fuit dicere, non ex operibus Iacob

fuisse dilectum, & mox adiūxit, Sed ex uocante, tanquam nō restaret, ut uere nō restabat alia causa, unde id posset esse, quod non erat ex operibus, nisi ex uocante. Eademq; ratione cum dixisset Non est uolentis neq; currentis, addidit, sed Dei miserentis. Et infra cap. decimo, hoc fuisse dicit impedimēto Israēli, quominus apprehēderet iustitiā, quia non ex fide, sed quasi ex operibus eā quærebat, hoc est, ut in secūda quæstione exposuimus, quasi ex meritis, & uelut sibi propter sua opa debitā.

Quartus locus fauens eidem conclusioni est ad Ephesios secundo. Gratia, inquit Paulus, estis saluati per fidem, & hoc nō ex uobis. Dei enim donum est, non ex operibus, ut nequis gloriatur. Ipsi enim sumus factura creati in Christo Iesu in operibus bonis, quæ præparauit Deus, ut in illis ambulemus. Perpende bene quisquis hunc legis textum Paulinum, & uidebis tot penè esse testimonia hic p nobis, quot sunt uerba. Gratia, inquit, estis saluati. Si gratia quomodo ex meritis? Et hoc nō ex nobis adiecit. Si ex nostris meritis, quomodo nō ex nobis? Profecto qui dixit nos non saluari ex nobis, dixisset etiam & constantius non saluari ex nostris meritis. Nam & id ex nobis est, quod ex nostris meritis est. Et ne ideo quispiam putaret ex nobis nos saluari, quia saluamur per fidem, diligentissime hoc cauit apostolus adiiciens fidem Dei donum esse, neq; ex operibus contingere, ut nequis gloriatur. In quibus uerbis satis esse indicauit, ut aliquid diceretur non esse, ex nobis, si illud contingeret per id quod prorsus Dei donum est. Quare cum opera per quæ iustificamur, Dei dona, & quidem eximia & præcellentia sint, saltem in hoc attemperare deberemus sermones nostros ad sermones Pauli, & dicere nō ex nobis, neq; ex nostris meritis iustificari. Quod si ipsa fides non contingit alicui ex operibus, multo magis neq; ipsa gratia, quæ longissime præstat fidei. Et si per hæc amputata est omnibus, omnis occasio gloriandi, utiq; & amputata sunt omnibus omnia, in hac parte merita. In eo enim quod ex meritis contingit, occasio non deest gloriandi. Apertiora & hæc fecit, cum adiunxit. Ipsi sumus factura. Ne suis enim quis adscriberet uiribus, aut industriæ, aut uirtuti, non tu te, inquit, fecisti, sed ipsius es factura,

factura, & quidquid es, gratia ipsius es. Neque uacat suo pondere, quod sequitur. Creati in Christo Iesu. Indicatur nanque in his uerbis, hoc ipsum quod gratia Dei sumus, per Christum Iesum nobis contingere. Propter ipsum enim & per ipsum defluunt ad nos beneficia diuina, nosque illa participamus. Et quod creatos nos dicit, tacite admonet, ita nobis esse spiritale, quod per gratiam accipimus, absque ullis nostris meritis contingere, sicut & esse naturale, in quo quis creatur, quo manifestum est nulla posse priora esse merita, quia operatio essentia est, & uirtute posterior. Et hac ratione, & ibidem, & aliis non semel, mortuos nos dicit fuisse Paulus, tum cum eramus in peccatis. Et Ezechiel uidet nos in ossibus aridis & siccis uehementer, quae neruis, carne, & cute, & spiritibus carebant, ut intelligamus non nostris uiribus, aut meritis suscitatos esse ad uitam spiritalem. Quis enim mortuorum se exsuscitet? Sed hoc ipsum nobis per unam Dei gratiam potest contingere, sicut & ipsa resurrectio a mortuis. Et eadem de causa Christus, apud Ioan-

Ioan. 3.
Tit. 3.
1. Io. 5.
Iac. 1.

nem, iustificationem nostram, natiuitatem appellat. Et Paulus ad Titum regenerationem, Et Ioanes ipse, & Iacobus generationem, ut discamus ex his omnem nostram iustificationem & gratiam Deo soli tribuere. Quis enim se edit in lucem? Quis se generat? Quis regenerare se potest? Ideo etiam & regeneratos per hanc gratiam iustificantem, Paulus & alij apostoli nouam creaturam, & nouum hominem appellarunt. Et Dauid olim eam sub nomine creationis, & renouationis praedixerat dicens, Emitte spiritum tuum, & creabuntur, & renouabis faciem terrae, ut uni saluatori, & creatori omnium, hoc tantum beneficium integrum & solidum assereret. Neque satis commode interpres uulgaris uertit, quod sequitur ἐπιεργαίης ἀγαθῶν in operibus bonis. Quanquam enim & hoc quoque non incommode scio esse expositum ab aliquibus grauissimis autoribus, tamen commodius erat, & expedientius non sic uertere, ne inde quis ansam sumeret suis operibus imputandi suam creationem in Christo Iesu. Nihil enim magis alienum a Paulo, qui ubique eam gratiam operibus nostris abrogat, & uni Christo ex asse adscribit, sed uertere oportebat. Ad opera bo

X

na, sicut alij græce doctiores uertunt, & non sensus modo, sed & ipse græcæ præpositionis ἐπιδύς magis postulabat. Ne enim nos creatos in Christo Iesu existimemus, ut dormiamus interim, & ocio languētes torpeamus, inertemq; utcunq; transigamus uitam, creatos nos admonuit ad opera bona. Et ne ipsa opera bona nobis tribueremus, adiecit eadē. Quæ præparauit Deus. Hoc est quæ præstituit & præordinauit Deus, dum ea lege sua docuit, & ad ea nos alto consilio uoluntatis suæ destinauit, ut in illis ambulemus. Sunt etenim & ipsa opera bona beneficia quædam diuina, sub diuina clausa prædestinatione, quatenus ipsa præparatio est beneficiorū Dei, ut Augustinus & copiose & erudite docet cap. 10. de prædestinatione sanctorum. Sed nimium nos remorantur thesauri huius præcellentis apostoli. Transeamus itaque in aliud eiusdem pro nobis testimonium.

Tit. 3. Quinto igitur probare possumus, & fulcire eadem conclusionem illis uerbis quæ ad Titum scribit. Non ex operibus iustitiæ, quæ fecimus nos, sed secundum suā misericordiam saluos nos fecit per lauacrum regenerationis & renouationis spiritus sancti, quem effudit in nos abunde, ut iustificati gratia ipsius hæredes simus secundum spem uitæ æternæ. Hæc ibi. Rogo pium & attentum lectorem. Quid est aliud dicere. Non ex operibus iustitiæ, quæ fecimus nos, quàm dicere. Non ex meritis nostris: Et ut hoc apertissimū faceret, addidit statim. Sed secundum suam misericordiam saluos nos fecit. Non dixit. Non ex operibus iustitiæ, sed ex operibus ex congruo. Non dixit. Non ex meritis de condigno, sed ex meritis ex congruo. Sed quid ait. Sed secundum suam misericordiam saluos nos fecit. Reiecta credidit præcedentibus uerbis omnia merita nostra. Ideoq; uni Dei gratiæ & misericordiæ salutem nostrā uindicat. Utq; hoc ipsum manifestius faceret, adnexuit. Per lauacrum regenerationis & renouationis spiritus sancti, ut puderet nostra iactare merita, & agnosceremus iustificationem nostram regenerationem esse, & renouationem non à nobis, sed ab spiritu sancto effectam. Vnde & subdit. Quem effudit in nos abunde, uel sicut Hieronymus significantius uertit uer-

bum græcum *πλουσίως* opulenter, aut sicut Augustinus ad Valentinum, & libro de peccatorum meritis & remissione cap. 27. Et libro. i. contra duas epistolas Pelagianorū cap. 9. optime sensum expressit, ditissime, ut per hæc intelligeremus, non ex meritis nostris nobis spiritum sanctum effusum, sed secundum incomparabiles diuitias gratiæ & misericordiæ diuinæ. Ne autem hoc uerbo exclusa merita Christi quis autemet, sicut nostra, subiecit. Per Iesum Christum saluatorem nostrū. Ille enim est unus saluator noster, ille unicum salutare nostrum, illi imputanda est tota salus nostra. Et præter eum non est, qui saluet, neq; qui iustificet, & illius sola stabilire uolebat merita. Vnde & subditur. Vt iustificati gratia ipsius hæredes simus secundum spem uitæ æternæ. Gratia ipsius, ait, non nostris meritis, A gratia quippe ipsius proficiscitur, ut iustificemur. Et ex consequenti hæredes simus, hæreditatis illius incorruptibilis, incontaminatæ, & immarcessibilis, nēpe uitæ æternæ, conseruatæ nobis in cœlis. Secundum spem autem, ait. Quia gloriamur nunc in spe gloriæ filiorū Dei. Et nondum apparet quid sumus. Cum autem apparuerit, similes Deo erimus, hæredes quidem Dei, cohæredes autem Christi.

Sexto militat pro hac cōclusionē, quod idem apostolus ad Romanos scribit. Quis prior dedit illi, & retribuetur ei? Si enim nos primam ipsam gratiā, qua iustificamur, meremur, utiq; damus ei aliquid priusquam iustificemur, cuius merito nobis ipse uelut posterius retribuatur ipsam iustificationem.

Præter hæc uero scripturarum testimonia, quæ satis debent esse, ut nemo absolute debeat concedere, gratiam Dei secundum merita nostra dari, sunt & pro nobis multa sanctorum testimonia, quæ hoc ipsum luculenter cōfirmant. Ambrosius enim fulgentissimū ecclesiæ sydus super illa uerba apostoli. Qui benedixit nos, ita ait, Deus homines sic benedicit, ut donum gratiæ suæ eis impartiat, non secundum opera uel merita eorum, sed secundum suam misericordiam. Et tractans illa uerba. Si autem gratia, iam non ex operibus, ita inquit, Manifestum est, quia gratia donum Dei est, nō debita merces operibus, sed gratuita ratione, misericordia interueniente concess-

Eph. i.

Ro. ii.

Philip. I.

fa. Et Hieronymus in epistola ad Damasum de filio prodigo exponens illa uerba apostoli, Gratia uobis, & pax à Deo patre, Gratia, dicit, quæ non ex merito retributa, sed ex donante concessa est. Sed inter omnes ecclesiæ doctores clarissimus & inuictissimus gratiæ defensor fuit Augustinus. Atq; ideo intermissis omnibus alijs, unius huius testimonia, quæ ut plurima, ita & apertissima sunt, ac ualidissima, contentus ero citare. Is itaq; in libro de natura & gratia, cõtra Pelagianos ca. 4. aperte nostram cõclusionẽ asserit his uerbis. Hæc igitur Christi gratia, sine qua, neq; infantes, neq; atate grandes salui fieri possunt, non meritis redditur, sed gratis datur, propter quod gratia nominatur. Iustificati, inquit, gratis per sanguinem ipsius. Et libro quarto contra duas epistolas Pelagianorũ ca. 2. Quidquid aiunt, uidelicet Pelagiani, de laude legis, & liberi arbitrij, ad hoc dicunt, ut gratia non adiuuet, nisi meritum, ac sic gratia iam non sit gratia. Et libro. 3. Hypognosticon. Nulum esse hominis meritum in accipienda gratia ad salutẽ Paulus apostolus docet scribens ad Ephesios. Deus autem qui diues est in misericordia &c. Et libro. 6. tractans istum eundem locum apostoli. Audi, inquit, gratis, & tace de meritis. Et super illum uersum psalmi. 30. In tua iustitia erue me, & exime me, cum ostenderet neminem in sua iustitia saluari posse, sed necesse esse, ut saluemur gratis, subdit. Quis est qui saluatur gratis? Et ipse sibi respondet hoc modo. In quo non inuenit saluator quod coronet, sed quod dānet, nõ inuenit merita bonorum, sed inuenit merita suppliciorũ. Et paulo inferius declarans illa uerba apostoli. Quis me liberabit de corpore mortis huius? Gratia Dei per Iesum Christum dominum nostrum, ita ait. Quare gratia? Quia gratis datur. Quare gratis datur? Quia merita tua non præcesserunt, sed beneficia Dei te præuenerunt. Et tractatu. 3. super primum caput Ioannis eandem sibi quæstiones proponit, eademq; prorsus respondet in hæc uerba. Quid est gratia? Gratis data. Quid est gratia? Gratis donata, non reddita. Et psalmum. 31. uocat psalmum gratiæ Dei, & iustificationis nostræ, nullis præcedentibus nostris meritis, sed præueniente nos misericordia Dei nostri. Et paulo

post principium enarrationis secundae eiusdem psalmi ita dicit. Quia totum gratiae eius imputatur, non meritis nostris, beati quorū remissae sunt iniquitates. Et super illa uerba. Lata mihi in domino, & exultate iusti, ita quaerit. Vnde iusti: Et respondet. Non meritis uestris, sed gratia illius. Et rursus percontatur. Vnde iusti: Et respondet. Quia iustificati. Et in limine libri de praedestinatione sanctorum, Gratia Dei, ait, nulla est, si secundum merita nostra datur. Et cap. 12. Omnis haec ratio qua defendimus gratiam Dei per Iesum Christum dominū nostrum uere esse gratiam, id est non secundum merita nostra dari, euidentissime sacrorum eloquiorum testimonijs asseritur. Et. c. 5. de gratia & lib. arb. in Pelagianos ita ait. Laborat gratiam Dei secundum merita nostra dari, hoc est, gratiam non esse gratiam. Quibus enim secundum meritum redditur, non imputatur merces secundum gratiam, sed secundum debitū. Et. c. 20. Non secundum meritum hominū gratia datur. alioquin gratia iam non est gratia, quae ideo gratia uocatur, quia gratis datur. Et. 22. c. Non intelligunt, ait, se negare gratiam qui dicunt eam secundum merita nostra dari. Quae omnia nō solum aperte probant nostram conclusionem, sed & mirifice cōfirmant omnia, quae in primo argumento diximus, & testimonia Paulina, quibus in eo uisum sumus, luculēter elucidāt. Apertissime enim in his locis indicat quid sit gratis iustificari, & huic aperte aduersari iustificationem ex meritis. Et quamquam haec testimonia, cum illis, quae in principio huius quaestionis allegauimus, satis esse possunt, ut nemo dubitet conclusionem nostrā certam uisam esse Augustino, tamen quia praecellentissimus iste ecclesiae antesignanus, non suorum tantum uerborum pondere nostram sententiam cōfirmat, sed & loca scripturarum, quae supra induximus, doctissime exponit, placet & aliqua alia ipsius loca his subnectere, & eo ordine, ut ad confirmationem omnium argumentorum ex scripturis seruire possint. In libro igitur de praedestinatione & gratia cap. 8. gratiam Dei non dari secundum merita cōfirmat ex illis uerbis Deuteronomij. Scies hodie quia nō propter iustitias tuas dat tibi Deus terram istam bonam, Et ut ostendat satis esse ad

probandum gratiam non dari ex meritis, quod gratia non datur ex debito, ita ait. Quis hic secundum debitum præcedentium meritorum mercedem redditam dicat? Quis non gratiam fateatur indebitam? Et libro. 4. contra duas epistolas Pelagianorum cap. 6. Sic uolunt Pelagiani intelligi quod dictum est, si uolueritis & audieritis me, bona terræ comedetis, tanquam in ipsa præcedente uoluntate, sic consequentis meritum gratiæ, ac sic gratia, iam non sit gratia, quæ non est gratuita, cum redditur debita. Et cap. 7. asserit gratiam non esse gratiam, si secundum merita nostra datur. Et super illa uerba psalmi. 30. Propter nomen tuum dux mihi eris, & enutries me, sic scribit. Non propter meritum meum, sed propter nomen tuum, ut tu glorificeris, non quia ego sum, dux mihi eris, ne aberrem à te, & enutries me, ut ualidus sim ad manducandum escam, qua pascis angelos. Et super illum uersum eiusdem psalmi. Saluum me fac in tua misericordia, hoc est, ait, non in mea iustitia, non in meis meritis, sed in tua misericordia, non quia ego sum dignus, sed quia tu misericors es. Et super illud psalmi. 32. Et in eis qui sperant super misericordia eius, hæc illius sunt uerba. Non de meritis nostris, non de fortitudine, non de uirtute, non de æquo, sed de misericordia eius. Et cum exponit illud psalmi. 60. Misericordiam & ueritatem eius quia requiritur sic dicit. Vniuersæ uiae domini misericordia & ueritas. Misericordia quia non merita nostra attendit, sed bonitatem suam, ut peccata nobis dimitteret. Veritas autem quia non fallit reddere, quod promissit. Hæc ibi. Et ideo crediderim psalmistam deprecatum esse semper Deum, ut eum saluaret, eiusque miseretur secundum suam misericordiam, quoniam intelligebat nemini esse posse debitam tantam gratiam, & ideo neque ex meritis, sed ex gratuita & benigna potius Dei uoluntate eam contingere. Quod & idem diuus Augustinus aperte asserit libro primo contra duas epistolas Pelagianorum cap. tertio in hæc uerba. Nemo potest habere uoluntatem iustam, nisi nullis præcedentibus meritis acceperit ueram, hoc est, gratuitam de super gratiam. Et libro secundo cap. 7. ita subdit. Bonum immerito & gratis datur, malum uero merito & debitum redditur. Et post pusillum, Gra-

tia Dei ualis in honorem gratis datur, ira Dei ualis in contu-
 meliã pro ipsius malle meritis. Et ibidem, ideo probat apud
 Deum nullam esse acceptionem personarũ, nullamq; iniqui-
 tatem quãuis unum iustificet, nõ alium, quia Deus nihil cui-
 quam debet. Et libro quarto cap. 4. idem affirmat his uerbis.
 Sicut solus, ideo factus est hominis filius, ut nos per illum Dei
 filij fieremus, ita solus pro nobis suscepit sine malis meritis pœ-
 nam, ut nos per illum consequeremur sine bonis meritis gra-
 tiam. Quia sicut nobis non debebatur aliquid boni, ita neque
 illi aliquid mali. Hæc ibi. Ex quibus omnibus manifestũ est
 diuo Augustino optimum uisum esse argumentum, quod se-
 cundo loco fecimus ad probandum nos non iustificari ex me-
 ritis, quia non iustificamur ex debito. Sed & uide quemadmo-
 dum ei tertium quoq; argumentum satis idoneum uisum fue-
 rit. Quãquam enim hoc apertissime possemus colligere ex lo-
 cis, quæ ex illo citauimus in secunda quæstione in respon-
 sione ad secundum argumentum, tamen quo res confirmatio-
 rit, adiungere uisum est quædam alia. In expositione igitur il-
 lorum uerborũ psalmi. 30. In manibus tuis sortes meæ, sic phi-
 losophatur. Sortes dixit, quantum ego existimo, gratiam qua
 saluati sumus. Quare sortis nomine appellat gratiam Dei.
 Quia in sorte non est electio, sed uoluntas Dei. Nam ubi dici-
 tur iste facit, iste non facit, merita considerantur, & ubi merita
 considerantur, electio est, non fors. Quando autem Deus nul-
 la merita nostra inuenit, sorte uoluntatis suæ nos saluos fecit,
 quia uoluit, non quia digni fuimus. Et paulo inferius. Vide
 sortem. Gratia salui facti estis per fidem, & hoc non ex uobis,
 sed Dei donum est, non ex operibus, quasi uos bene feceritis,
 ut ad hoc accedere digni fuissetis, non ex operibus, nequis for-
 te extollatur. Hæc ibi. Et cap. quinto de natura & gratia cõtra
 Pelagianos. Qui per gratiam à debito damnationis liberantur,
 non uasa meritorum suorum, sed uasa misericordiæ nominan-
 tur. Vide ingenium Augustini, quia Paulus prædestinatos
 uocat uasa misericordiæ, inde etiam inuenit occasionem con-
 firmandi neminẽ ex operibus suis, aut meritis iustificari. Neq;
 minus efficax uisum est huic præstantissimo doctõri quartum

RO. 9.

uilibet

argumentum quod ex ultimo loco quem citauimus ex Paulo, collegimus. Ex hoc enim quod gratia datur, non redditur, tribuitur, non retribuitur, probari putat neminem iustificari ex meritis. Vnde Pelagium dicentem eum qui bene utitur sui arbitrij libertate, omnem suam mortificare uoluntatem, & in manu Dei cor suum ponere, ut his uelut præcedentibus meritis sic eius gratiam consequamur, ut cor nostrum quod uoluerit ipse declinet, his uerbis impugnat libro de gratia Christi contra Pelagium & Celestium cap. 23. Quomodo est ergo gratia, si non gratis datur? Quomodo est gratia, si ex debito redditur? Quomodo uerum dicit apostolus. Non ex uobis, sed Dei donum est, non ex operibus, ne forte quis extollatur? Et iterum. Si autem gratia, inquit, ex operibus, iam non est gratia, alioqui gratia iam non est gratia. Quomodo inquam hoc uerum est, si opera tanta præcedunt, quæ nobis adipiscendæ gratiæ meritum faciant, quo nobis non donetur gratuita, sed reddat ex debito? Et cap. 31. quia Pelagianis dicebant fidei merito, quam habere possumus ex libertate arbitrij, nos iustificari, ita contra illos argumentatur. Vbi est ergo illud apostoli, Iustificati gratis per gratiam ipsius? Vbi & illud. Gratia salui facti estis? Et ne putarent per opera, addidit per fidem. Rursus ne ipsam fidem sine Dei gratia sibi putarent esse tribuendam. Et hoc, inquit, non ex uobis, sed Dei donum est. Et paulo post. Isti autem libero arbitrio sic applicant fidem, ut fidei uidelicet reddi uideatur non gratuita, sed debita gratia, ac per hoc iam neque gratia, quia nisi gratuita non est gratia. Et libro quarto contra duas epistolas Pelagianorum cap. 6. de Pelagianis, ita ait. Meritum ante gratiam, & ideo iam contra gratiam defendentes priores uolunt dare Deo, ut retribuatur eis, priores utique dare, quod libet ex libero arbitrio, ut sit gratia retribuenda pro præmio. Et lib. 4. contra Iulianum Pelag. c. 3. Gratia Dei per Iesum Christum dominum nostrum, non lapidibus, aut lignis, pecoribus uel præstatur, sed rationalis natura, quia imago Dei est, meretur hanc gratiam, non tamen, ut eius bona uoluntas possit præcedere præter gratiam, ne uel ipsam prior det, ut retribuatur illi, ac sic gratia, iam non sit gratia, dum non datur gratuita, sed redditur

redditur debita. Et in libro de prædestinatione sanctorū ca. 3. Reliquiæ, ait, per electionem gratiæ saluæ factæ sunt. Quæ utiq; iam non est gratia, si eam ulla merita præcedant, ne iam quod datur, non secundum gratiam, sed secundum debitum reddatur potius meritis, quam donetur. Et cap. 6. ex eodem apostolico testimonio. Reliquiæ per electionem gratiæ saluæ factæ sunt. Si autē gratia & cætera, sic colligit. Gratis ergo cōsecuta est, quod consecuta est electio, non præcessit eorum aliquid, quod priores darent, & retribueretur illis. Et cap. 15. ut infringat illam communem rationem, cur quibusdam detur gratia, & alijs non detur, si non secundum merita nostra datur. Est etiam, addit, præclarissimum lumen prædestinationis, & gratiæ ipse saluator, ipse mediator Dei & hominum, homo Christus Iesus, qui ut hoc esset, quibus tandem suis, uel operū, uel fidei præcedētibus meritis natura humana, quæ in illo est, comparauit? Respondeant, quæso, ill e homo, ut uerbo patri cōæterno in unitatem personæ assumptus filius Dei unigenitus esset, unde hoc meruerit? Quod eius bonum qualecunq; præcessit? Quid egit ante? quid credidit? quid petiuit? ut ad hanc ineffabilem excellētiam perueniret? Non ne faciente ac suscipiente uerbo ipse homo, ex quo esse cœpit, filius Dei unicus esse cœpit? Non ne filium Dei unicum, foemina illa gratia plena cōcepit? Non ne de spiritu sancto et uirgine Maria Dei filius unicus natus est, non carnis cupidine, sed singulari Dei munere? Et interpositis quibusdam alijs ipsius prærogatiuis, subdit. Nempe ista omnia singulariter admiranda, & alia, si qua eius uerissime propria dici possunt, singulariter in illo accepit humana, hoc est nostra natura nullis præcedētibus meritis ipsius. Et subdit. Appareat itaq; nobis in nostro capite ipse fons gratiæ, unde secundum uniuscuiusq; mensuram, se per cuncta membra diffundit, Ea gratia fit ab initio fidei suæ homo quicunq; Christianus, qua gratia homo ille ab initio suo factus est Christus, de ipso spiritu, & hic renatus, de quo est ille natus, eodem spiritu fit in nobis remissio peccatorum, quo spiritu factum est, ut nullum haberet ille peccatum. Et paulo inferius, Humana merita conticescant, quæ perierūt in Adā,

Y

& regnet quæ regnat Dei gratia per Iesum Christum dominum nostrum. Quisquis in capite nostro præcedentia merita singularis illius generationis inuenerit, ipse in nobis mēbris eius præcedentia merita multiplicata generationis inquirat. Neq; enim retributa est Christo illa generatio, sed tributa, ut alienus ab omni obligatione peccati de spiritu & uirgine nasceret. Sit & nobis, ut ex aqua & spiritu renasceremur, non tributum est pro aliquo merito, sed gratis tributum. Hæc ibi. Licetq; eadem legere paululū mutatis uerbis in Enchiridio eiusdem doctoris cap. 36. & c. ii. de correctione, & gratia affirmat hoc ipsum, quod nulla merita humanitatis Christi antecesserunt ipsius unionem ad uerbum. Ex quibus patētissimum est, ita certum fuisse uisum diuo Augustino nulla merita nostra antecedere nostram iustificationem, ac certum habent, & habere debent omnes catholici, humanitatem Christi non meruisse unionem suam hypostaticam ad uerbum. Licet & illud ex his colligere, quod & obiter quoq; ex his inferre uolebamus, nempe ad probandum gratiam Dei, nō dari secundum merita nostra, bonum esse argumentum illud, quod ultimo loco fecimus. Non retribuitur gratia, sed tribuitur, non ergo datur ex meritis. Est & insignis locus diui Augustini pro his omnibus in tertio libro Hypognosticon, ubi & aliquot loca scripturæ inducit pro hac sententia, & innumerabilia esse dicit loca scripturarum, quibus aperte dicitur, Deum nullis meritis hominum gratiam suam eis dare.

Sed nimium immorati sumus, dum & nostra omnia uoluimus autoritate huius præclarissimi doctoris communire, & obiter illis qui ista legerint, ob oculos simul in unum ponere, quæcunq; sunt eximia & præclara, quæ ad hoc spectarent propositum, in his libris quos statim citauimus.

Tametli uero ista satis superq; sint ad persuadendum omnibus præmissam conclusionem, ut enim de autoritate scripturarum interim taceamus, æquum est nos, ut certa & indubitata recipere, quæ tam concordi, & tam constanti asseueratione nobis sancti isti doctores tradiderunt, per eos enim, & ecclesiam suam protexit Christus, & mysteria nobis sacrarum scri-

pturarum reuelauit, tamen ut scholastice agamus, & aliquid quoque demus lumini naturali, quod & præcellens Dei donum est, & ad hoc inter alia est nobis datum, ut quæ fidei sunt nostræ confirmemus, illustremus, tueamur, & eorum rationem sciamus reddere, addam his aliquot argumenta in fauorem eiusdem conclusionis. Et primo quidem eam possumus probare hoc pacto. Apud homines, qui nostris operibus neque indigerent, neque iuari possent, quicquid ad nostram amicitiam nullis legibus essent adstricti, mereri certe non possemus in eorum odio & inimicitia existentes, immo absolute mereri non possemus, nisi ex eorum gratia, & eorum amicitia nobis benigne comunicata. Cum ergo Deus bonorum nostrorum non indigeat, ut psalmista inquit, neque bonis nostris operibus adiuuari possit, neque ad nostram amicitiam ulla lege teneatur, non solum non poterimus apud eum mereri existentes in odio, & inimicitia ipsius, uerum neque mereri poterimus, nisi ex ipsius gratia, eaque nobis benigne sine meritis nostris comunicata.

Secundo. Propter quodcumque peccatum mortale, meretur quicumque peccator æternum gehennæ supplicium, dignusque est qui perpetuo igne inferni crucietur, semotus longe ab amicitia & consortio Dei & suorum. Misericordiamque est ipsius, & non exiguae, ut non consumamur statim, & æternis addicamur tormentis, ubi mortalem Dei offensam admittimus. Si enim respublicæ, & earum principes possunt iuste exilio perpetuo, immo & morte ferire reos læsæ maiestatis, poterunt profecto iustius repelli à ciuitate Dei in perpetuum, & uinculis æternis sub caligine reseruari, qui rei sunt læsæ illius maiestatis, apud quam omnes gentes & reges, tanquam nihil sunt. Si ergo omnes peccatores digni sunt pœnis æternis propter læsam diuinam maiestatem, non igitur possunt mereri amicitiam diuinam, quæ non stat cum reatu ad pœnam æternam. Et confirmo hoc argumentum. Quidquid faciat peccator, facere non potest, quin reus sit æternæ pœnæ. Iuste enim hæc pœna constituta est, & infligi potest, pro quouis peccato mortali. Ergo quidquid faciat peccator, nisi Deus ei liberaliter condonet eam pœnam, mereri non potest suam iustificationem,

Y ij

per quam absoluitur à reatu illius poenæ. Roborari etiam potest hoc argumentum hoc pacto. Nulla est proportio temporalis ad æternum. Per nullum ergo actum temporalem potest peccator mereri se absolui à reatu poenæ æternæ, & consequenter neque suam iustificationem. Et possunt ista omnia, & declarari, & fortiora effici ex illa parabola euāgelica de seruo oblato regi, qui debebat ei decem millia talenta. Ea enim summa, excelsus indicatur eorum suppliciorum, quorum est reus peccator. Et ita significatur nobis, non posse nos pro delictis nostris satisfacere, nisi ex diuina misericordia, sicut ille seruus non potuisset tantam summam, quantam debebat, exoluere, nisi rex ille benignissimus eam ei ad suas preces liberalissime condonasset. Et sicut seruum illum nemo diceret illud tantum beneficium fuisse meritum propter suas preces, ita uidetur neque nos debere dicere remissionem peccatorum, quæ multo maius beneficium est, apud Deum mereri. Vnde ut & pulchre poterat Augustinus in tertio libro Hypognosticon, ideo apud Lucam Samaritanus qui typus fuit Christi, misericordia dicitur fuisse motus in uulneratum illum qui descendit ab Hierusalem in Hiericho, & figura fuit peccatoris, quia in eo, ut curari dignus esset, meritum nullum inuenit.

Tertio principaliter argumentor ad idem sic. Nullum opus existentis extra gratiam Dei, est dignum ipsius gratia. Quæ enim potest esse dignitas respectu tanti & tam eximij beneficii, in peccatore præsertim, qui dignus non est pane, quo uescitur? Ergo nullus peccator potest Dei gratiam promereri. Ut enim demus non requiri ad meritum, ut ius præstet, aut faciat debitum præmium, cuius est meritum, saltem uidetur requiri, ut meritum ipsum sit dignum eo præmio, uel certe illud habentem, faciat dignum illo præmio. Alioquin non uidetur posse dici meritum. Præmium enim quod excedit dignitatem meriti, & merentis, non quidem ex meritis dici potest contingere, sed ex benignitate conferentis. Et confirmatur. Quidquid faciat peccator, nunquam erit dignus amicitia Dei, ut patet. Nunquam ergo eam meretur. Qui enim meretur aliquod præmium, dignus est eo. Et confirmo amplius, Quicumque iustifica-

tur, eo ipso filius promissionis efficitur, filius beneficii diuini, filius gratiæ, & misericordiæ, filius testamenti noui, &, ut omnia breuiter complectamur, filius Dei efficitur, & amicus, & hæres gloriæ æternæ, & diuinæ consors naturæ, ut uerbis utamur principis apostolorum. Nemo ergo tantum beneficium mereri potest, sed una Dei solius benignitate necesse est contingat, cuiuscumque id contigerit. Quod si nullus seruus, aut subditus imperatoris, tantum suis meritis arrogat, ut credat se posse mereri, ut adoptetur ab imperatore in filium, & hæredem sui imperij, neque ut amicus eius censeatur, multo sanè æquius est, ut nemo nostrum suis credat meritis posse consequi, ut iustificetur, & Dei sit amicus, filius, & hæres. Excedit enim hoc proportionem, & uires naturæ nostræ, & longe exuperat dignitatem nostram, qui prius eramus filij carnis, filij huius sæculi, filij iræ, filij diaboli, immundi, peccatores, & impij. Neque ulla possunt in nobis esse merita, ut templa Dei efficiamur, & Deo optimo, fortissimo, & præcellētissimo despōsentur animæ nostræ pauperulæ, abiectæ, denigratæ, & deformatæ peccatis, ut uere desponsantur, et templa ipsius efficiuntur, cum ab ipso iustificamur. Sed ne omnino sine causa uideantur Pelagiani, & Celestiani asseruisse gratiam Dei secundū merita nostra dari, & quoniā tunc clarius uincit & superat ueritas, quando grauibus argumentis, uelut aduersantium telis impetita, triūphat, tamen ipsa, & inconcussa in sua statione perseverat, libet hanc conclusio nem aliquibus argumentis non in apparentibus impugnare.

2. Pet. 1.

Primum argumentum quod contra nostram primam conclusionem fieri potest, est illud, quo Pelagianos esse uos satis constat ex libris, quos aduersus eos multos scripsit Augustinus. Estque illud quod in principio quæstionis fecimus. Si enim gratia non dat ex meritis, cur uni potius datur quam alteri? Ad hoc argumentum respondet diuus Augustinus libro secundo contra duas epistolas Pelagianorum cap. 7. Nulla est iniquitas apud Deum in hoc, nulla & acceptio personarum, si unum iustificat, non alium. Deus enim nihil cuiquam debet, & licet ei quod uult facere. Et hæc eadem repetit & edisserit la-

2. Cor.

Aug.

tius quarto libro cap. 6. Vt autem plenior sit, et clarior solutio, dico breuiter in gratuitis nullum habere locum acceptionem personarum, ut colligunt doctores, ex illis uerbis patrisfamilias apud Matthæum. An non licet mihi, quod uolo, facere? An oculus tuus nequam est, quia ego bonus sum? Et alioqui nemo posset citra peccatum acceptionis personarum, ex duobus pauperibus per omnia similibus, uni dare elemosynam prætermisso altero. Quare cum Deus neminem teneatur ad suam gratiam admittere, sed omnes pro meritis nostrorum peccatorum possit damnare, nulla erit iniustitia, nulla & acceptio personarum in eo, ex eo quod quosdam iustificat, & non omnes. Satis enim est, quod quem non iustificat, pro meritis suis malis, non iustificat, ac proinde iuste non iustificat.

Dicet tamen aliquis. Esto nulla sit iniustitia apud Deum, in hoc quod quosdam iustificat, non omnes, cur tamen uoluntas eius quæ rectissima est, & nihil uult quod non sit rectissimum, & iustissimum, cum omnes posset iustificare ex misericordia, uel secundum iustitiam condemnare pro peccato Adæ, tamē quosdam admittit ad suam gratiam, non alios. Ad hoc in primo sententiarum tractantes ea, quæ prædestinationis diuinæ arcanum concernunt, aliquas causas, propter quas hoc fiat cōuenientissime, Deo annuente explicabimus. Sed interim quis sic quærit, audiat Paulum, O homo, tu quis es, qui respondeas

RO. 9. Deo? An non habet potestatem figulus lutī, ex eadem massa facere aliud quidem uas in honorem, aliud autem in contumeliam? Audiat & diuum Augustinum sermone. 27. super Ioannē ita dicentem. Cur hunc trahat, illum non trahat, nolī iudicare, si non uis errare. Semel accipe, & intellige. Nō traheris, ora, ut traharis. Hæc Augustinus. Et quemadmodum ubi uenitur ad paruulos, & ad ipsum mediatorem Dei & hominum, hominem Christum Iesum, necesse est omnia humana merita cōticescere, non enim merita præcedentia possunt pro causa assignari, propter quam Deus hanc humanitatem, quam modo habet, sibi potius unierit, quàm aliam, aut ex duobus paruulis per omnia æqualibus, unum potius quàm alterum, faciat baptismi gratiam consequi, ita etiā inccnueniēs non debet

censeri, si ex adultis hominibus per omnia aequalibus, Deus pro beneplacito suae uoluntatis quosdam eligat, uocet, & ad se pertrahat absque ullis meritis ipsorum praecedentibus, alios uero pro suis malis meritis, in suis peccatis derelinquat.

Nescio aliquod aliud argumentum, quo usus fuerit Pelagius in confirmationem sui erroris, quod contra nostram istam primam conclusionem militet, sed ut ad uiuum rem excutiamus, adiungam ipse aliquot alia argumenta, pro eo, quae nobis pro tenuitate nostri ingenij occurrere.

Secundo igitur argumentor. Qui facit omnia requisita ex lege, uel pacto ad consequendum aliquod praemium, meretur tale praemium. Sed peccator toto corde se ad Deum conuertens, per poenitentiam, facit omnia requisita a Deo ad consequendum ipsius gratiam. Conuertimini, ad me, inquit, & ego conuertar ad uos. Et alibi. Conuertimini & salui eritis. Et alibi, si conuerteris, conuertam te, & ante faciem meam stabis. Et confirmo. Quantumcumque beatitudo omnia nostra excedat opera, & impropotionabilis eis existat, quia tamen praemium quoddam, ipsa est lege diuina correspondens nostris operibus, uere dicimus beatitudinem cadere sub merito, & nos eam posse nostris operibus mereri. Ergo quantumcumque Dei gratia praecellat nostra omnia opera, neque ulla ratione possimus nos tantum beneficium exaequare, cum tamen eam Deus, uelut praemium constituerit nostrae poenitentiae, & ita illam promiserit uere poenitentibus, & secundum suam legem infallibiliter eam eis impartiat, ac gloriam & promissit, & largitur bene operantibus, cadet illa sicut & gloria sub merito, & uere poterimus dicere nos eam mereri, quandoque facimus omnia requisita a nobis, ut eam habeamus.

Ad hoc argumentum sic respondeo. Dupliciter potest princeps aliquis promittere donum aliquod, uel munus facienti aliquod opus, primo quidem, ut mercedem ipsius operis, secundo uero, ut munus aliquod benignissimum, quod ipse ex benignitate sua uult ei conferre, & praeter & supra dignitatem operis. Si prius horum contingat, illud opus meritorium dicetur, talis praemij, non autem si posterius, sed erit tantum dispositio quaedam requisita ad habendum illud munus. Quoniam igitur

zach. i.
Esa. 49.
Hie. 15.

RO 3
E 4
AUG

tur Deus beatitudinē priori modo constituit respondere operibus factis in gratia, gratiam uero posteriori modo respondere pœnitentiæ, ideo licet satis sit ad meritum beatitudinis seruatio mandatorum, quam Deus ad eam requirit, non tamen satis est ad meritum iustificationis pœnitentiæ, licet Deus nihil amplius, ut nos iustificet, à nobis requirat. Non enim pollicitus est Deus gratiam pœnitentibus, ut mercedem & præmium ipsius pœnitentiæ. Nouerat enim pœnitentiā non posse esse meritoriam tanti, & tam præcellentis beneficii, sed pollicitus est eam pœnitentibus, ut donum quoddam eximium, & superexcedens omne omnium nostrorum operum pretium. Et pœnitentiā ad hoc beneficium exegit, non quidem ut meritum, sed ut dispositionem quandam tollentem obicem, & obstaculum, quo tanto beneficio sumus inepti. Nam quia actiones actiuorum sunt, sicut philosophus ait, in patienti disposito, & ille cui complacent peccata, indispositus est, & inidoneus ualde ad recipiendum gratiam diuinā, requisit Deus pœnitentiā, non ut meritoriam suæ gratiæ, sed ut eam quæ hoc tolleret impedimentum suæ in nos beneuolentiæ & beneficentiæ. Et per hæc patere potest ad confirmationem huius argumenti, sed & unum aliud est discrimen inter opera facta ex gratia respectu beatitudinis, & pœnitentiæ respectu gratiæ. Nam minor est distantiā inter beatorum & iustorum statum, quàm inter statum peccatorū, & statum iustorum, & opera iustorum ex præsentia gratiæ, & spiritus sancti dignitatem habent, qua acceptentur ad gloriam, quod nō est in operibus extra gratiam saltem respectu gratiæ.

Tertio argumentor ad idem. Scriptura sæpe dicit, nos ex fide, & per fidem iustificari, ut patet ex præcedentibus quæstionibus. Ergo saltem fides meritoria erit nostræ iustificationis. Si enim fides non meretur nostrā iustificationem aliquo modo, nō est cur per illam plus dicamur iustificari, quàm per alia opera, sine quibus nos iustificari Paulus dicit. Potest hoc argumentum confirmari ex Augustino expresse dicente. Fides meretur iustificationem. Ad hoc tamen breuiter dico. Non ideo dicimur iustificari per fidem, quia per fidem mereamur Dei iustitiam,

RO. 3.
et. 4.
AUG.

Iustitiam, sicut Pelagiani dicebant, sed ideo quia fides dispositio est necessaria ad iustitiam, uimq; habet ex Dei benignitate, impetrandi eam. Primus enim est motus mentis in Deum, quo diuinæ iustificationi nos subiicimus. primusq; actus iustitiæ, quæ Deus in nobis operat, ut nos iustificet. Vnde Augustinus super psalmum. 66. Per fidē, ait, iustificatur impius, id est fit de impio pius, ut deinde ipsa fides incipiat per dilectionem operari, unde omnia bona merita incipiūt. Hæc Augustinus. Sed de his satis multa diximus in tertia quæstione. De uerbis autem diui Augustini citatis in confirmatione, postea in quarta conclusione quæstionis. 7. uidebimus.

Aug.

Quarto contra eandem cōclusionem instari potest hoc modo. Apud hominem quanta uis dignitate præcellentem meretur ipsius gratiam qui grauius dolet, quod eum offenderit, & ueniam sui in eum delicti supplex orat, uel saltem qui pro illius honore & gloria periculo se mortis exponeret. Et crudelis haberetur, & omnino inhumanus, qui non ad suam gratiā admitteret hominē adeo præclare de se meritum. Ergo cum Deus humanior sit multo, & benignior quàm omnes homines, merebuntur admitti ad ipsius gratiam, qui dolent se eum offendisse, & suppliciter eum ueniam sui postulant delicti, aut saltem qui pro ipsius gloria damnis omnibus, & incommodis se exponunt, & quandoq; mortem subeunt.

Sed ad hoc facile dici potest. Multo maius bonum est amicitia diuina quàm amicitia hominū, & multo minus dignus est peccator reconciliatione cum Deo, quàm qui offendit hominem, reconciliatione cum homine. Et homo ex lege diuina tenetur homini reconciliari, nullus tamen fuit tam insanus, ut diceret teneri Deū ad redeūdū in gratiam cum peccatore.

Quinto argumentor. Iustus potest mereri peccatori primā gratiā. Ergo multo magis peccator sibi, si faciat totum quod est in se. Consequētia probat ex glossa super illud Matthæi. 9. Videns Iesus fidem illorum. Quantum ualet, inquit, apud Deum fides propria, apud quem sic ualuit aliena, ut intus & extra sanaret hominem: Quod si alij per fidem possunt nobis mereri primam gratiam, & per orationes suas, ut ex multis

Z

scripturæ locis constat. Ergo & nobis nos per fidem & orationes similiaq; alia opera, & eam nobis mereri poterimus. Congruit enim magis, ut quisq; pro se audiatur, quam pro alio.

Ad quintum. Discrimen est magnum inter iustum & peccatorem, quia iustus dignus est, qui audiatur & pro se & pro alijs, peccator autem nullam talem dignitatem habet. Atque ideo neq; sibi, neq; alijs meretur. Ad probationem ex glossa dicendum. Semper plus ualet fides propria. Quia si gratia eã precedat, meritoria est apud Deum, de condigno, fides autẽ aliena tantum ex congruo. Si uero antecedit gratiam, certius obtinet, quia infallibiliter obtinet gratiam, si non sit aliunde impedimentum, non sic autem fides aliena. Nõ enim obtinẽt semper iusti, quæ mereri uidentur alijs ex congruo. Itaq; licet non sint opera peccatoris meritoria sibi pro se, deest enim illis dignitas, quæ non deest iustis orantibus pro ipsius conuersione, habent tamen hoc, ut frequentius & certius obtineant ipsi peccatori primam gratiam, quam orationes aliorum. Quod satis est, ut & plus aliquo modo ualere dicantur apud Deum. Sed est etiam aliud, propter quod potest dici plus ualere apud Deum fidem propriam. Valet enim & prodest unicuiq; sua fides etiam aliorum fide non adiuta, sed non ualet fides alicui aliena, ut sua non adiuuante fide iustificetur. Nemo enim præter Christum mereri potest alteri immediate, & absq; actu aliquo ipsius primam gratiam.

Sexto impugnare possumus eandem conclusionem hunc in modum. Potest iustus mereri sibi reparationẽ post lapsum. Nihil enim iustius, ut Augustinus dicit, à Deo petitur, quam quod reparetur quis post lapsum secundum illud psalmi. Cũ defecerit in me uirtus mea, ne derelinquas me. Ergo aliquãdo poterit homo iustificari ex merito de congruo, uidelicet, cum Deus propter illud meritum eum, in suã gratiã reuocauerit.

Ad hoc. Qui tenet neminem sibi mereri posse reparationẽ post lapsum, neque ex condigno, neq; ex congruo, ut sanctus Thom. Thomas tenet prima secundæ quæstione. 114. articulo. 7. negabũt assumptum, & ad uerba diui Augustini respondebũt, sicut ibi respondet sanctus Thomas, nihil quidem esse iustius

ex parte materiae, quia nihil sanctius potest peti. Sed quia uerbum iustius aliquid amplius uidetur significare, sicut placeat concedere cum diuo Bonauentura, in secundo, distinctione, 28. Bonauē.
 in quaestione super literam magistri posse sibi aliquem ex congruo mereri reparationem post lapsum, atque ita reuocatum fuisse Dauidē à peccato, poterit respondere ad hoc argumentum dicēdo cōclusionem procedere de operibus, quae quis facit, dum est in peccato. Neque enim diximus neminē iustificari ex merito de congruo. Certum enim est aliquos iustificatos esse, & uitam recepisse propter preces aliorum, tanquam propter merita ex congruo ipsius iustificationis, sed tantum diximus neminem suis meritis iustificari.

Septimo, Aliter consequuntur adulti primam gratiam per suam poenitentiam uel conuersionem in Deum, quam paruuli per baptismum. Sed paruuli consequuntur primam gratiam per baptismum, ut per sacramentum. Ergo adulti consequuntur eam, quando sibi comparant eam citra sacramentum per uiam meriti. Non est enim nisi duplex modus comparandi nobis Dei gratiā, uidelicet per uiam meriti, & per uiam sacramēti.

Ad septimum, Iustificantur peccatores adulti per poenitentiam per modum meriti, uel ad instar meriti. Quia iustificantur per proprios ipsorum actus, ut per actus proprios solent homines consequi quod merentur, sed tamen non iustificantur per poenitentiam, ut per actum uere meritorium ipsius iustificationis. Cum ergo dicitur duplex duntaxat esse uia obtinendi propriam iustitiam, uidelicet per sacramentum, aut per meritum, possumus hoc negare absolute. Nullam enim, quod quidem sciam, pro se habet ea distinctio satis firmam autoritatem. Et necesse est concedere media quadam alia uia posse hominem iustificari, nempe per misericordiam diuinam gratuito, & liberaliter acceptantem ad iustificationem nostrā actus aliquos nostros, qui tamen non sunt ipsius iustificationis meritorij. Sicut & preces beatorum acceptantur à Deo ad ea, quae deuotis sibi impetrant, & tamen non sunt eorum meritoria. Non sunt etenim in statu merendi aut demerendi. Quod si in gratiam cōmunis scholae placeat alicui acceptare istam distin-

Z ij

tionem, uel axioma scholasticum, oportet sic pie illud interpretari, ut sensus sit, homines iustificari duabus duntaxat uis, aut per sacramentum, aut per modum meriti, hoc est per actum aliquem, qui uel meritum sit, uel ad instar meriti se habeat. Cum enim homo iustificatur ad petitionem alicuius sancti uiri, sicut tradit Augustinus iustificatum Paulum ad orationem Stephani, iustificatur homo per meritum, cum uero sine alterius oratione, propria quis oratione & poenitentia iustificatur, iustificatur per hos actus, non tamen sicut per merita suae iustificationis, sed sicut per dispositiones se habentes, ut merita ad gratiam.

Octauo. Sicut Christus suis praecellentibus operibus meruit sacramentis uim collatiuam gratiae, ita & meruit, ut daretur nobis gratia, quotiescunque uere & ex corde poenitentiam ageremus. Sed non fecit nostram poenitentiam sacramentum, quod ui sua iustificaret nos, ut manifestissimum est. Ergo saltem fecit eam esse meritoriam nostrae iustificationis, & non erit inconueniens eam concedere esse illius meritum, saltem ut meritis Christi innititur. Alias nullam ei uim Christus meruisset aut praestitisset in nostram iustificationem, sed omni omnino uirtute in ea careret. Nulla est enim uis in aliquem effectum, nisi uel efficiens uel meritoria. Si ergo neque efficientem uim habet nostrae iustitiae, neque meritoriam, omnis plane expers talis uirtutis erit, & consequenter non solum non erit efficax causa nostrae iustificationis poenitentia, sed neque causa erit ipsius appellanda.

Ad hoc tamen argumentum sic arbitror respondendum. A merito Christi habet nostra poenitentia uim non efficientem, sicut sacramenta, neque meritoriam, sicut preces sanctorum, sed uim duntaxat dispositiuam uel impetratoriam nostrae iustificationis. Estque ista uis tertia, uel tertium genus causae necessario ponendum. Negare enim non possumus, sed necesse est absolute concedere poenitentiam causam esse nostrae iustificationis. Et in hoc praedicare debemus, & incessanter laudare diuinam misericordiam, qui quod neque mereri poteramus, neque efficere, uoluit nos posse ab eo impetrare, ut hac tertia uia & misericordiam apud ipsum inueniremus, & nostrae iustitiae quaedam tenus cooperatores ipsi essemus.

Nono scholastica potest quis ad idem argumētari hac forma. Si nullum est meritum in peccatore respectu suae iustificationis, sequitur neq̄ ullum esse meritum in eo respectu gloriae respōdens gratiae, qua iustificatur. Et cōsequenter multis adultis contingeret gloria sine sacramento, & sine meritis, illis uidelicet, qui ante addita bona opera cum sola gratia, qua sunt iustificati morerentur. Cum ergo hoc non sit facile concedendum, neq̄ erit concedendum primam gratiam contingere alicui sine sacramento, & sine merito.

Ad nonū. Sunt quidē nobiles autores, qui putāt quācumq̄ dispositionē sufficiētē ad gratiā esse meritoriā glorię in primo instāti ipsius gratiae, licet nō sit meritoria gratiae. Et horū sentētia potest fieri probabilis, quia nihil uidet ei deesse pro illo instāti, qđ requisitū sit ad meritū. Est enim actus bonus ab habēte gratiā elicitus, & propter Deū, uel ipsa dilectio Dei. Et si in alijs instantibus ista dispositio, siue illa sit dilectio Dei super omnia, siue dolor de peccatis propter Deū, cū illis solis, quae habet in hoc instanti, esset meritoria gloriae, cur non etiā in eo primo instanti cēsebit esse ipsius meritoria? Vere, si nihil aliud spectemus inconueniens, uidet negare actus a deo praecellētes factos ab amicis Dei meritorios esse. Quod si horum autorū opinio placet, negandum est corrolarium huius argumēti, & consequenter dicendū erit omnem adultum, qui proprio actu iustificatur, habere gloriam ex merito. Habebit enim saltem ex merito illius instantis. Neq̄ uideo si id teneatur, qua nā uia hoc possit euitari, nisi forte quis credat posse quēpiam iustificari, sic per actum proprium, ut primū nō esse ipsius actus sit primum instans gratiae. Quod quidem ego nunquam concesserim. Si enim hoc posset esse, sequitur quod si primū non esse illius dispositionis, esset primum nō esse uitae alicuius existentis in peccato, posset ille, cum uere fecerit in uia omnia requisita ad consequendum Dei misericordiam, habere gratiā & gloriam post hanc uitam, cum in ea semper fuisset in peccato. Quod est absurdum. Si uero placeat corrolarium illatum concedere, ubi casus in argumento assumptus eueniret, equidem nullum apparet incōueniens, immo uidetur testimoniū

hoc esse nimiam Dei in nos misericordiam, qui etiam adultis deo non modo gratiam, sed & gloriam, quam nunquam meruerunt. Et, ut ingenue dicam quod sentio, admissio casu, placet mihi magis concedere quam negare corollarium. Neque crediderim dispositionem ullam nostram esse meritoriam gloriae pro primo instanti primae gratiae. Et argumentum, quod mihi hoc facit probabilius, est hoc. Dispositio ad primam gratiam non est, in primo instanti ipsius gratiae meritoria gloriae respondētis ipsi gratiae. Neque est meritoria noui gradus gloriae. Ergo in eo instanti non est meritoria gloriae. Consequentia manifestissima est. Antecedens uero probatur. Ad actum meritorium gloriae requiritur, ut gratia antecedit ipsius productionē saltem natura. Cū enim actus ex sua productione habeat, ut possit esse meritorius, quia inde habet libertatem & acceptabilitatem ad praeuium, si eam productionem non antecedit gratia, quae efficit actus nostros meritorios, non erunt illi meritorij. Cum igitur dispositio ad gratiam non sequatur, sed antecedit gratiam, ut facile potest probari contra quosdam graues autores, qui hoc negant, quia non solum disponit nos ad gratiam recipiendam, sed & causa est & ratio, propter quam Deus eam nobis donat, ut patet ex dictis, sequitur eam neque esse meritoriam gratiae, neque gloriae pro suo primo instanti. Maior etiam propositio huius antecedētis probari posset. Si enim dispositio ad gratiam non est meritoria gratiae, neque erit ergo meritoria gloriae, quia gloria maius quid est, & ipso iure succedit absque ullo nouo merito, gratiae ipsi, quae dat propter dispositionē. Minor uero huius antecedētis manifesta satis uidet. Si enim dispositio ad gratiam non meretur nouum gradum gratiae, neque merebitur nouum gradum gloriae. Exaequabitur enim gloriae gratia, & si augeatur gloria, augebitur & gratia. Quod uero non mereatur dispositio ad gratiam nouum gradum gratiae, apertissimum est. Aliàs enim, si sit saltem ex toto conatu, Deus statim ipsam gratiam auget, & consequenter aliqua forma augetur eodem instanti, quo producit. Quod intelligibile est. Potest etiam ista eadem minor confirmari hoc modo. Nulli dispositioni ad primam gratiam, quantumcunq;

perfecta sit, respōderet in alijs instantibus à primo aliquis gradus, uel gratiæ, uel gloriæ, supra eos qui ei respondent ex lege. Ergo data prima gratiæ, quæ respondet huic dispositioni, & signato certo gradu gloriæ sibi respondente, præter illum nullum gradum amplius gloriæ pro primo instanti merebitur. Non enim potest uni & eidem actui, pro uno & eodem instanti duplex præmium respōdere. Si igitur alicui dispositioni ad gratiam respondissent, exempli gratiæ, duo gradus gratiæ, si illa eliceretur ab eo, qui iam prius habuisset gratiam, ubi per misericordiã Dei data fuerit propter eã gratiæ prima ut duo, profecto non respondebunt ei plures gradus gloriæ pro illo primo instanti, quàm illi duo qui respondent ipsi gratiæ. Cōcedendum ergo est corrolarium illatum. Potest enim gloria sicut & gratiæ adultis contingere absq; merito, & uere continget, si post primum instans gratiæ non producatu uel continuetur aliquis bonus actus. Immo & in omni casu, & quomodo docunq; quis iustificetur, gloriã respondentem primæ gratiæ crediderim probabilius unquam cadere sub merito. Ad quod consequens est neminem sanctorum ex proprijs meritis habere totam beatitudinem quam habet. Eam enim partem quæ respōdet primæ gratiæ, sine ullis meritis proprijs omnes habēt. Et hoc nomine ubi aliæ causæ non fuissent, potuit apostolus summo iure dicere, sicut & dixit. Gratia Dei uita æterna. Quia quod admittamur ad eam, & ad eam incipiamus ali quod ius habere, solius gratiæ Dei opus est. Et sicut uere dixit Paulus. Si Abraham ex operibus iustificatus est, habet gloriã, sed nō apud Deum, ita & nos eum secuti uere possumus dicere. Si Abraham ex operibus beatificatus est, habet gloriã, sed non apud Deum. Nullus enim sanctorum totam suã gloriã habet ex operibus, ut statim diximus. Et in hoc ordo diuinæ sapientiæ mirificus splendet. Vt enim Christus totã suã gratiã, totamq; gloriã essentialem sine meritis habuit in primo suæ humanitatis instanti, & quod uniretur sua humanitas uerbo, nullis illi præcedentibus meritis cōtigit, gloriã uero corporis, & manifestationem suæ gloriæ, siue exaltationem sui nominis, & potestatem regiam, & iudiciariam in oēs

proprijs meritis postea obtinuit, ita & nos, quos præsciuit pater coelestis conformes fieri imaginis filij sui, gratiam qua in illo de spiritu sancto renascimur, & gloriam ei respondentem habere uoluit sine meritis, quæ uero his superadijciuntur, ex meritis nostris & sua gratia.

Decimo contra istam conclusionem potest quis insistere hoc pacto. Potest quis mereri ex congruo suam iustificationem. Valet enim aliqua facere, propter quæ congruum est eum iustificare. Ergo uere potest quis mereri suam iustificationem. Meritum enim ex congruo meritum est, & quæ alijs meremur, ex congruo uere meremur.

Undecimo etiam potest quis contra eandem conclusionem sic argumentari. In potestate cuiusque peccatoris est se disponere ad gratiam, & ea facere per quæ consequatur gratiam. Alioqui nemini sua imputaretur impoenitentia aut perseverantia in peccato. Igitur uere potest quicumque peccator suam iustificationem mereri. Ea enim promereri possumus, quæ assequi per nostra opera possumus. Quod si quispiam dixerit peccatores non posse iustificari per sua opera, hoc est, per ea quæ ex naturalibus possunt facere, atque ideo neque suam iustificationem mereri, primo est argumentum contra hoc. Quomodo enim peccatores se possunt disponere ad gratiam, quomodo etiam edoceri possunt, ut poenitentiam faciant, si non hoc possunt ex naturalibus? Secundo & instari potest contra ista. Etiam si iusti indigerent speciali auxilio ad opera bona, uere essent illa meritoria beatitudinis. Ergo etiam si peccatores indigeant speciali auxilio ad comparandum sibi gratiam, ea opera uere erunt meritoria gratiæ. Verum hæc argumenta nouas exigunt quæstiones, neque possunt breui dilui. Ideoque eorum enodationem proximis quæstionibus differemus.

De meritis

185

DE MERITIS EX CONGRUO
IUSTIFICATIONIS.

QVAESTIO SEPTIMA.



N fides & alia opera, quibus disponunt peccatores ad gratiam, sint meritoria, saltem ex congruo, suae iustificationis. Et pro parte quidē negatiua argumentor. Nemo iustificatur ex meritis, ut latissime docuimus in quaestione proxima. Ergo nemo meretur ex congruo suā iustificationem. Meritum enim ex congruo uere meritum est. Et ea absolute & simpliciter dicuntur sancti alijs mereri, quae merentur tantum ex congruo. Pro parte autem affirmatiua est hoc argumentum. Congruum est Deum iustificare eum qui credit, & alia habet opera quae requiruntur, & sufficiunt secundum legem ad iustificationem peccatoris. Ergo per haec merentur peccatores suam iustificationem.

In hac quaestione duae sunt, ut diximus in quaestione sexta, opiniones inter catholicos & scholasticos autores. Et quidam quidem tuentur partem affirmatiuam, & haec est opinio modo communiter in scholis, alij uero partem defendunt negatiuam. Et quidē de re nulla est inter hos autores quaestio. Omnes enim fatentur gratis iustificari peccatores, neque deberi illis gratiam aut remissionem suorum peccatorum, neque ulla esse in eis opera, quantumcunque praedara & praecellentia habeant opera, propter quae Deus eos teneat ad suam amicitiam admittere. Et ijdem omnes concedunt aliqua esse in peccatoribus opera, propter quae congruum sit Deum illos sibi reconciliare. Itaque de nomine tantum est quaestio inter eos in hoc, an ea opera quae congruum est Deum acceptare, ut peccatores iustificet, meritoria saltem ex congruo debeant dici iustificationis ipsorum. Neque tamen quod de nomine tantum quaestio est, contemni debet haec quaestio. Non enim parum refert sic, an sic loquamur. Ex uerbis enim inordinate prolatis plerumque nasci-

AA

186 DE MERITIS EX CONGRVO IUSTIFICA.
tur hæresis, sicut diuus Hieronymus dicit. Et nostra qui diuina tractamus, decet maxime eloquia castigata & examinata esse, quantum fieri poterit, scripturis sacris & doctoribus conformia. Atque ideo ut pro tenuitate ingenioli nostri statuamus quid probabilius sit, & quantum fieri potest pleraque dicta scripturarum & sanctorum doctorum, & præcipue Augustini, quæ inter se uidentur diuersa, ad concordiam aliquam redigamus, ponam quinque propositiones responsiuas ad quæstionem.

Prima est. Gratiam gratis datam, qua Deus benignissima sua uoluntate trahit peccatores ad suam gratiam & iustitiam nemo meretur, sed illa antecedit omne meritum nostrum.

Aug. Hæc propositio est expresse diui Augustini in multis locis, & peculiariter in tertio libro Hypognosticon, ubi ita dicit. Uitiato ergo libero arbitrio, totus homo uitiatus est. Per quod absque adiutorio gratiæ, quod Deo placeat, neque ualet incipere, neque perficere sufficit. Præuenitur autem medicina, id est Christi gratia, ut sanetur, & reparatur in eodem uitiata, atque præparetur uoluntas, quæ semper indigens adiutorio, illuminante gratia saluatoris possit tam Deum cognoscere, quam secundum eius uiuere uoluntatem. Et quoniam hic insignis ecclesiæ doctor luculenter ibi probat hanc propositionem, neque opus est quippiam ei addere, placet sub compendio quodam potissima quæ ibidem docet, his adiungere. Probat igitur ille nostram propositionem ibi ex illis uerbis Ezechielis. Dabo in uos cor nouum & spiritum nouum. Et ex illis. Præparatur uoluntas à domino. Et ex illis. Deus est qui operatur in nobis uelle & perficere pro bona uoluntate. Et ex orationibus psalmistæ. Cor mundum crea in me Deus, & spiritum rectum in noua in uisceribus meis. Reuela oculos meos, & considerabo mirabilia de lege tua. Notam fac mihi uiam in qua ambulem. Et subdit. Non ergo homo uoluntate sua adhuc in uitio liberi arbitrii claudicante, præuenit Deum, ut cognoscat & quærat, eam gratiam tanquam pro meritis accepturus, sed præcedit, ut iam dixi, misericordissima gratia sua, hominis ignorantis, & nondum se quærentis uoluntatem liberi arbitrii, ut eum se scire & quærare faciat, sicut dixit Ioanes apostolus in epistola

Ezec. 36.

Prou. 16.

Philip. 2.

Psal. 50.

Psal. 118.

Psal. 142.

1. Ioã. 5.

tra. Scimus quia filius Dei uenit, & dedit nobis sensum, ut cognoscamus uerum Deum, & simus in uero filio eius. Hic est uerus Deus & uita aeterna. Et Dauid in Psalmo. Deus mea misericordia eius praeueniet me. Et Deus tu conuertens uiuificabis nos. Et dominus in Euangelio discipulis suis dicit. Non uos me elegistis, sed ego elegi uos. Item Ioannes apostolus. In hoc est caritas. Non quasi nos dilexerimus Deum, sed quoniam ipse prior dilexit nos, & misit filium suum propitiationem pro peccatis nostris. Nullum autem esse meritum hominis in accipienda gratia ad salutem, Paulus apostolus docet scribens ad Ephesios, Deus autem, ait, qui diues est in misericordia propter nimiam caritatem suam qua dilexit nos, & cum essemus mortui peccatis, conuiuificauit nos in Christo, cuius gratia estis saluati. Ponderat & ibi quod ibidem addit Paulus. Gratia estis saluati per fidem, & hoc non ex uobis. Et quod ad Timotheum scribit. Collabora euangelio secundum uirtutem Dei, qui nos liberauit, & uocauit uocatione sancta, non secundum opera nostra, sed secundum propositum suum & gratiam, quae data est nobis in Christo Iesu ante tempora saecularia. Audis, ait, ante tempora saecularia, quando in Dei erat homo praescientia, & non in saeculo, quia nondum erat saeculum, & praeponis dono eius opera uoluntaria, caecus ueritati resistens. Quares enim tuam iustitiam statuere, iustitiae Dei subiectus esse non potes. Ponderat & ibidem quod idem apostolus ad Titum scribit. Cum autem benignitas & humanitas apparuit saluatoris nostri Dei non ex operibus iustitiae &c. Et subnectit. Quid ad haec haeretice respondebis? Quid inimice gratiae Dei adhuc contra gratiam, tanto magistro gentium teste, quod nullis hominum meritis detur, cogitabis opponere? Et post pusillum. Sed respondens mihi inquis. Si non unusquisque pro sua uoluntate, qua nos dicimus eum inquisisse Deum, accipit gratiam, sed praue nit uoluntatem ipsius sua gratia, qua in eum credere possit, cur non hoc ergo in omnibus operatur? An personarum acceptor est Deus? Et respondet. Si gratiae illuminatione sensus tuus haeretice tenebris insipientiae esset exutus, crederes tantum testimonijs diuinis, quae ante iam dixi,

AA ij

Psal. 58.

Psal. 87.

Ioan. 15.

Ephe. 1.

Ephe. 2.

2. Tim. 1.

uel, quæ non dixi, & in sanctis scripturis reperiuntur innumera-
 rabilia, Deum nullis meritis hominum gratiam suã dare, per
 quam se eis ostendat ad credendum & seruiendum sibi, & nõ
 quæres, immo non discutes, quare id nõ in omnibus ope-
 retur, qui bene & iuste omnia quæcunq; uult operatur. Et pau-
 lo post, ut pluribus testimonijs ueritatem fidei confirmet. Sed
 interroga, inquit, eum qui dixit. Nemo uenit ad me, nisi pater,
 qui misit me, traxerit eum. Et nõ omnes capiunt uerbum, sed
 quibus datum est. Et, Vobis datũ est nosse mysterium regni
 cœlorum, cæteris autem non est datum. Et, Nemo nouit filiũ,
 nisi pater, neq; patrem quis nouit, nisi filius, & cui uoluerit fi-
 lius reuelare. Et, Sicut pater suscitatur mortuos, & uiuificat, sic &
 filius suscitatur mortuos, & uiuificat quos uult. Et, Quia spiritus
 ubi uult, spirat. Et, Quia nemo potest homo à se facere quic-
 quam, nisi datum fuerit illi desuper. Item interroga eum qui
 dixit. Vobis donatum est pro Christo non solum, ut in eum
 credatis, sed ut etiam pro illo patiamini. Et, Non uolētis, neq;
 currentis, sed miserentis est Dei. Et, Cui uult miseretur, & quẽ
 uult indurat. Et, Quia spiritus sanctus dona charismatum suo-
 rum diuidit singulis, prout uult. Et, Quibus uoluerit, nõ qui
 uoluerint, notas fecit Deus diuitias gloriæ sacramenti sui. Et
 tandem quæstioni propositæ ita respondet. Quare autem in
 hoc, ut dixi, malo Adæ merito præcedenti non omnes puniũ-
 tur, aut cur inde non omnes saluantur, ego seruiens domino
 in timore, & exultans cum tremore, misericordiam & iudiciũ
 cantabo, quia iudiciũ facit præcedente causa, salutem uero
 donat ac misericordiam præueniendo malam causam. Et ali-
 quanto inferius in eandem sententiã inducit Paulum & Pe-
 trum, Paulum quidem scribentem ad Philippenses. Confidēs
 hoc ipsum, quia qui cœpit in uobis opus bonum, perficiet usq;
 in diem Christi Iesu, Petrum autem in epistola sua prima dicē-
 tem. Deus autem omnis gratiæ, qui uocauit uos in æternam
 gloriã suã in Christo Iesu modicum passos ipse perficiet,
 confirmabit, solidabitq;. Et aliquãto post omnia bona a deo
 esse confirmat his testimonijs nondum citatis. Sine me nihil
 potestis facere. Fiduciam autem talem habemus per Christũ,

10ã. 6.

Matth. 19

Matth. 9.

Matth. 11.

10ã. 5.

10ã. 3.

10ã. 16.

Philip. 2.

Rom. 9.

Philip. 1.

1. Pet. 5.

10ã. 15.

2. Cor. 3.

ad Deum, non quòd sufficientes simus cogitare aliquid à nobis quasi ex nobis. Omne datum optimum, & omne donum perfectum desursum est. Spiritus adiuuat infirmitatem nostram. Si gratia iam non ex operibus. Ex his infert. Gratia igitur donatur, non redditur, quia si redderetur, quasi ex debito, non ab apostolo ex gratia, sed ex operibus diceretur. Hæc Augustinus. Ex quibus omnibus patet & illum huius fuisse sententiæ, & eam ei uisam esse certam & indubitam, & oppositum prorsus esse hæreticum. licet etiã & unum aliud ex his colligere, nempe omnia argumenta quæ fecimus, & omnia testimonia sanctorum, & præcipue Augustini, quæ induximus ad probandum conclusionem sextæ quæstionis, etiã induci posse ad firmandum istam propositionem. Immo uere, ut ingenue dicam quod sentio, magis militat pro ista propositione, quàm pro illa. Magis enim uidentur Paulus & Augustinus uoluisse ostendere neminem trahi ad gratiam & amicitiam diuinam propter merita sua, quàm nemini dari gratiam gratum facientem propter merita, quibus eam obtinet dum non resistit, sed obsequitur, & cooperatur quoad potest gratiæ qua uocatur, & trahitur ad amicitiam diuinam. Ideo quæ à pluribus faciendis argumentis pro hac propositione prorsus superfedo. Dicit tamẽ aliquis. Esto gratia gratis data qua trahimur ad iustitiam & gratiam Dei, antecedit omne meritum, simpliciter tamen dari potest, & consequi meritum ex congruo.

Pro hoc expediendo sit secunda propositio. Gratia gratis data, qua Deus peccatores trahit ad suam gratiam, non datur propter meritum aliquod ex congruo, sed propter solam diuinam benignitatem. Hanc propositionem esse de mète Augustini patet ex statim citatis ex tertio Hypognosticon. Si enim aliquam causam ex parte nostra subesse credidisset, propter quam quosdam Deus ex filijs Adæ trahat ad suam gratiam, & non omnes, non recurisset ad hoc solum, quòd Deus nemini quidpiam debet, ut ostenderet eum non esse acceptorẽ personarum. Patet etiã idem ex lib. 4. contra Iulianum Pelag. cap. 8. & ex his quæ in proxima quæstione ex eodem induximus in. c. 15. de prædestinatione sanctorum, & in Enchiridio.

cap. 36. Ita enim hoc mere gratis fieri his in locis dicit, ac mere gratis, & nullo prorsus antecedente merito ex congruo, Deus quosdam paruulos facit uenire ad baptismum, & non oēs, & humanitatem suam sibi uniuert hypostatice absq; ullo merito ipsius. Et nisi ita esset, non dixisset Paulus. Non est uolentis, neq; currentis, neq; recurrisset, ipse Augustinus ad illud, cuius uult, miseretur &c. Et confirmo hoc. Nulla lex est statuta de hoc, neq; peccator dignus est tāta gratia. Ergo signum est nullum meritum, neq; ex congruo antecedere huiusmodi gratiam. Et hoc quidem uidentur postulare testimonia multa scripturæ pro prima propositione ab Augustino inducta. Ex his possumus inferre tertiam propositionem huiusmodi.

Tertia propositio. Gratiam iustificationis, ut amplectitur omnes gratias gratis datas & gratum facientem, quæ concurrunt ad nostram iustificationem, nemo meretur, neq; simpliciter, neque ex congruo. Patet hoc. Si enim gratias gratis datas quibus uenimus ad Dei gratiā, nemo meretur, neq; simpliciter, neq; ex congruo, ut tradidimus in secunda & prima propositione. Ergo neq; ullo modo cadet sub merito gratia iustificationis, ut cōplectitur omnia Dei beneficia, quibus ad hoc peruenimus, ut iusti simus. Itaq; uerissimum est omnes qui iustificuntur, mere gratis à Deo iustificari, non solum, ut gratia excludit meritum simpliciter, sed etiam ut excludit merita ex congruo. Et hoc præcipue crediderim intendisse doctore, & maxime Augustinum, cum nullo admittūt merito quēpiam iustificari, & gratiam iustificationis mere gratis aiunt omnibus contingere. Loquuntur enim de gratia iustificationis, ut omnia Dei dona amplectitur spectantia ad nostram iustificationem. Sed quanuis de tota gratia iustificationis absolute dicendum sit eam omni, & qualicunq; nostro merito priorē esse, de gratia iustificationis tamen, quæ gratia gratum faciens dubitari potest an illa cadat sub merito saltem ex congruo. Et de hoc pono istam propositionem.

Quarta propositio. Fides & alia bona opera, quibus disponimur ad gratiam gratum facientem, qua formaliter iustificamur, & simus accepti Deo, meritoria sunt ex cōgruo eiusmo-

di gratia, & nostrae iustificationis. Haec propositio solet à plerisque doctis uiris existimari esse cōtra auctoritatem doctorum sanctorum, cum tamen nihil minus sit. Ideoq; primo illam ex testimonijs aliquibus sanctorum doctorū, secundo uero etiā nonnullis apparentibus argumentis firmabo. Ac primo quidem sic inuenio Cyprianum illustrissimum ecclesiae doctore & martyrem locutū in expositione orationis dominicae. Ait enim sic de publicano laudato in Euangelio. Cum sibi Pharisaeus placeret, sanctificari hic magis meruit, qui spem salutis non in fiducia innocentiae suae posuit, cum innocēs nemo sit, sed peccata confessus humiliter orauit, & exaudiuit orantem qui humilibus ignoscit.

Ambrosius etiam in septimo libro super Lucam cap. 8. ita ait. Vnusquisque nostrum haec apud se supplex ac submissus obsecret. Deus omnipotēs miserere supplici tuo, quia nō sum sicut innumeri serui tui, contēptu saeculi sublimes, iustitiae merito gloriosi, castitatis laude angelici, ueluti etiam multi eorū, qui post flagitia publica poenitendo tibi meruerunt esse deuoti, qui etiam siquid boni fecerunt, tua gratia largiente fecere. Haec Ambrosius. In quibus uerbis patet Ambrosium asserere peccatores etiam flagitijs publicis obnoxios poenitendo meruisse esse Deo deuotos. Et libro decimo ita scribit. Fleuit amarissime Petrus. Fleuit ut lachrymis posset lauare delictum. Et tu, si ueniam uis mereri, dilue culpam lachrymis tuae. Eodem tempore, eodem momento respicit te Christus. Et Gregorius in Hom. 9. super Ezechielem. Praeueniēte gratia Dei, & subsequente uoluntate nostra, donum Dei fit meritum nostrum. Augustinus etiam tametsi clarissimus sit ubiq; gratiae assertor, & ubiq; contendat gratiam non dari ex meritis nostris, neq; secundum nostra merita, tamen & idem multis in locis existimat non aduersari gratiae siquis dicat opera, quibus disponimur ad gratiam, meritoria esse gratiae, modo asseratur ea ipsa opera esse dona Dei. Vnde & idem expresse dicit fidem mereri iustificationem. In libro enim primo ad Marcellinum de peccatorum meritis & remissione cap. 6. exponens illa uerba apostoli, Corpus quidem mortuum est propter peccatum, spi

Ambro.

idem.

Grego.

Aug.

ritus autem uita est, ita ait. Diuersa merita diuersis tribuit rebus apostolus. Morti quidem corporis meritum peccati, uitae autem spiritus meritum iustitiae. Et loquitur de iustitia quae fides est, ut statim ibidem explicat. Et quaequam sanctus Thomas prima secundae, quaestione. 114. articulo. 5. ad primum dicit illa uerba. Fides meretur iustificationem, retractata esse à diuo Augustino, cū retractauit illa alia quae olim asseruerat, Initium fidei est ex nobis, consummatio uero datur ex Deo, tamen hoc non ita esse, bona uenia tanti doctoris, manifeste possumus docere. Primo. In capitulo tertio libri de praedestinatione sanctorū, ubi meminit istius retractationis, adeo non retractat ista, fides meretur iustificationem, ut expresse ibi dicat, fidem inchoare in uobis meritum, & misericordiam praecedenti fidei merito tribui, & hoc solum contendit ibi certum ostendere fidei initium & meritum, donum esse Dei. Praeterea cap. 23. libri primi retractationum, postquam simpliciter reuocauit illa uerba. Nō ergo elegit Deus opera cuiusquam in praescientia, quae ipse daturus est, sed fidem elegit in praescientia. Et illa. Quod ergo credimus nostrum est. Quod autem bonum operamur, illius est qui credentibus dat spiritum sanctum. uerissime tamen ait se dixisse paulo post illa reuocata. Sicut in ijs quos elegit Deus non opera, sed fides inchoat meritum, sic in ijs, quos damnat infidelitas & impietas inchoant poenae meritum, ut per ipsam poenam etiam mala operentur. Sed hoc dolet, quod fidei meritum ipsum esse donum Dei, neque putauit esse quarendum, neque dixit. Et ibidem uerū etiam dicit quod alio in loco dixerat. Cuius miseretur, facit eum bene operari, & quem obdurat, relinquit eum, ut male operetur. Sed & illa misericordia praecedenti merito fidei tribuitur, & ista obduratio praecedenti impietati. Sed quarendum, ait, erat, utrum & meritum fidei de misericordia Dei ueniat, id est utrum ista misericordia, ideo tantummodo fiat in homine, quia fidelis est, an etiam facta fuerit, ut fidelis esset. Legimus enim dicente apostolo. Misericordiam consecutus sum, ut fidelis essem, non ait, quia fidelis eram. Fidelis ergo datur quidem, sed data est etiā, ut fidelis esset. Haec ibi, Ex quibus liquidum esse arbitror Augustinum

gustinum non negasse, neq; retractasse, fidem mereri iustifica-
 tionem, sed hoc tantum uoluisse constituere, fidem ipsam esse
 donum Dei. Potest etiam ex ultimis istorum uerborum colligi,
 quod supra etiam admonuimus, diuum Augustinum nomine gratiae
 iustificationis, siue etiam nomine misericordiae in peccatorem
 complexum esse gratiam gratumfacientem, & gratis datam. Et, ut
 credas diuum Augustinum non existimasse esse inconueniens concedere
 esse merita ante gratiam iustificantem, modo non concedantur ante
 primam gratiam gratis datam, audi quid dicat ipse Augustinus ad
 finem tertij libri Hypognosticon. Cum enim dixisset secundum donum
 gratiae unumquodque fidelem esse, non secundum meritum propriae
 uoluntatis & nomine haereticorum statim quaereret, an nullum
 esset prorsus meritum humanae uoluntatis, ita respondet. Si
 discernas inter gratiam & uoluntatem est. Audi ergo breuiter
 propriae uoluntatis, tunc est meritum bonum, quando gratiae
 donum praecedat uniuscuiusque uoluntatem, & operatur, ut
 meritum faciat homo per propriam uoluntatem. Et ibidem paulo
 ante. Sed clamas iterum & dicis. Si nullum est meritum operantis,
 quomodo scriptum est. Et tu reddes unicuique secundum opera
 sua. Et respondet. Ausculta & intellige, si tamen aures habes
 audiendi, & cor non sit induratum intelligendi. Propter liberum
 arbitrium, quo bona & mala operantur homines, dictum est.
 Unicuique reddes secundum opera sua. Habet enim homo malum
 meritum, cum uitio suo iam baptizatus declinat a bono, & facit
 malum, idest cum derelinquit Deum, & diligit saeculum. Habet
 nihilominus & bonum meritum, cum in omnibus gratiae Dei bona
 in se operanti non resistit, sed cooperator existit, & omnem
 spem suam habet in illum, cum aurem suam & cor Deo loquenti
 intus, hoc est in interiore homine praebet, & non foris in malis
 saeculo perstreptenti. Haec ibi. Et paulo post. In praesenti labor
 indictus est, ut fiant merita per auxilium gratiae non praemissorum
 redditio meritorum. Et cap. 18. libri de natura & gratia contra
 Pelagianos diuinitus dicit esse expianda peccata, & pro eis dominum
 esse exorandum propter ueniam promerendam, Ex quibus omnibus

BB

liquet Augustinum non negasse merita esse gratiæ, ea bona opera quibus per auxilium gratiæ gratis datæ disponimur ad gratiam. Sed ita tamen uoluit intelligi & appellari merita, ut magis dona Dei existimarentur, quàm merita nostra. Et ideo cap. 6. de correct. & gratia, dicit. Gratia sanctis est omne meritum, non, ut pleriq; perperam colligunt, quia negauerit nostra merita, sed quia uolebat significare ea esse magis dona Dei, quàm merita, & merita quidem propter futuram ueram uitã, nõ propter presentẽ. Vnde & paulopost citata ex Hypognoticon subdit. Quidquid ergo homo in presenti fuerit consecutus, donum est, non meritum. Neq; tamẽ hic meritum accipit, ut nos hic accipimus, sed meritum uocat, quod quisq; meritus est, ut patet, quia statim subdit. Cum autem corruptibile hoc induerit in corruptelam, tunc meritum reddetur iustis, & ut intelligas merita nostra magis esse dona Dei, et gratiam quàm merita nostra, quare magis habent à gratia esse merita, quàm à nobis, addit statim. Quorum per totam sæculi uitam meritũ omne fuit gratia, ut gaudentes iam merito dicant, Benedic anima mea dominum, & omnia interiora mea nomen sanctum eius, usq; ibi. Qui coronat te in miseratione & misericordia. Et adijcit. Audis Pelagiane in miseratione & misericordia, & cecus extolleris pro meritis solarũ iurium tuarum te coronandum. Intellige miseratione & misericordia Dei, non in factio- ne meritorum animam coronari. Hæc ibi. Et. c. 7. libri de gratia & libero arbitrio ita ait. Si ergo Dei dona sunt bona merita tua, non Deus coronat merita tua, tãquam merita tua, sed tãquam dona sua. Et adducit ibi in horum confirmationem illud Deuteronomij. s. Ne dicas in corde tuo &c.

Præter testimonia ista sanctorum possumus confirmare hanc eandem conclusionem hoc pacto. Congruum est Deum iustificare peccatores, qui se ad eum toto corde conuertunt. Nihil enim Deus facit, quod non sit congruum, & diuinam misericordiam apertum est hoc dicere. Ergo peccatores merentur ex congruo suam iustificationem. Si enim alicui operi humano ex congruo respondet aliquod præmium, uidetur quidem illud opus meritorium esse saltem ex congruo

talís præmij. Nihil enim amplius significari uidetur per meritum ex congruo, quàm opus cui ex congruo debeat, uel respondeat aliquod præmium. Et ita probari solet sanctos patres meruisse incarnationem desiderando eam feruenter, & petendo eam humiliter, quia congruum erat Deum exaudire eos in re adeo necessaria, qui fidelissime ei ubiq; seruibant. Et sicut ad meritum beatitudinis ex digno, uel ex condigno satis est aliquod opus eiusmodi esse, ut dignum sit, uel condignum Deum conferre beatitudinem facienti illud opus, ita uidetur ad meritum ex congruo gratiæ debere sufficere aliquod opus tale esse, ut congruum sit Deum conferre suam gratiam facienti illud opus. Et potest roborari & premi magis hoc argumentum sic. Non solum est congruum Deum conferre gratiam peccatoribus se ad eum toto corde conuertentibus, sed & ista congruitas est propter ipsam conuersionem ex toto corde. Ea enim posita Deus nos admittit ad suam gratiam, & ea non posita non admittit, & isti conuersioni nostræ Deus promisit sæpe in scripturis suam conuersionem ad nos, ut in quæstione proxima satis ostendimus. Ergo sicut opera bona facta ex gratia ex condignitate quam habent à gratia & à spiritu sancto & à meritis Christi ualorem habent beatitudinis, atq; ideo & eius meritoria sunt ex digno uel condigno, ita conuersio peccatoris ad Deum ex hoc quod est ab spiritu sancto per gratiam ipsius gratis datam, & ut innititur meritis Christi participabit quendam ualorem ex congruo ipsius gratiæ, atq; ideo & eius erit quoq; ex congruo meritoria. Similis enim, immo par utrobique uidetur ratio.

Secundo ad idem argumentor. Cum aliquis peccator, ut redeat in gratiam cum Deo, graues labores et damna uel etiã mortem patienter toleraret pro honore diuino, congruum esset ipsam eorum laborum & incommodorum, mortisq; tolerantiam Deum acceptare, ut eum iustificet, & ad suam gratiam recipiat, & hoc congruitate quæ nõ tantum est ex bonitate diuina, sed etiam ex ualore & natura ipsius operis. Ipsa enim tantorum malorum perpessio, præsertim si adiunctam habeat poenitentiam peccatorum, digna uidetur ex congruo amicitia diuina. Nihil enim amplius potest homo propter Deum pati uel præ

BB ij

stare. Ergo saltem huiusmodi labores damnâ & mortem propter Deum subeuntes uere ex congruo merebunt iustificari.

Tertio principaliter argumentor. Incarnatio uerbi diuini multo maius Dei beneficiû est, multo & maior gratia, quàm iustificatio peccatoris. Vnde & summam eam gratiam appellat diuus Augustinus, & in rebus per tempus ortis nullâ fuisse dicit maiorem gratiâ. Et in scripturis antonomatice uidetur sæpe appellari gratia. Excedit enim multis interuallis omnes alias gratias, & radix est, & causa, & origo omnium Dei gratiarum & beneficiorum in nos. Sed incarnationem meruerunt ex congruo sancti patres ueteris testamēti, ut & ipse sanctus Thomas, quem modo impugnamus, defendit tertia parte suæ summæ, quæstione. 2. articulo. 11. Et quidem quidquid alij sentiant, hoc est probabilius, ut aliàs domino fauente ostendemus. Ergo multo magis iustificatio peccatoris potest cadere sub merito ex congruo. Et confirmo hoc argumentum. Nō ideo meruerunt sancti patres hoc tantum & tam eximium beneficium, quia digni illo fuerint. Vnde enim tanta gratia digni essent? Sed ideo illud meruerunt ex cōgruo, quia cōgruū fuit Deum exaudire desideria & petitiones. eorum qui fideliter ei obediebant. Ergo quanuis peccator non sit dignus tanto diuinæ gratiæ beneficio, merebitur nihilominus ex cōgruo illud, cum feruenter & humiliter id postulauerit. Congruum est enim Deum non despiciere confugientes ex toto corde ad ipsum. Potest insuper hoc ipsum confirmari sic. Non aduersatur summæ gratiæ, qua Deus factus est homo, concedere aliqua merita tantum ex congruo eam antecessisse. Ergo quantumuis expresse dicat scriptura nos iustificari ex gratia, & nō ex meritis, non erit inconueniens concedere iustificari nos aliquo modo ex meritis ex congruo. Non enim meritum ex congruo aduersatur gratiæ.

Sed contra istam propositionem argumentari quis potest hūc in modum. Nullus peccator dignus est re adeo incōparabili, ac est amicitia diuina. Vix enim dignus est pane, quo uescit. Ergo nullus peccator mereat aliquo pacto gratiâ diuinâ. Eo enim præmio, quod quis meretur, absq; dubio dignus est.

Præterea oēs dispositiones ad gratiam diuinam dona sunt Dei, neq; ad illas sufficit liberum arbitriū, ut in quaestionibus proximis perspicuū faciemus. Ergo ille nō sunt meritorie gratiæ diuinæ. Istā consequentiā facit multis in locis Augustinus, ut patet ex testimonijs illius iam citatis, & peculiariter ex cap. 23. et. 31. de gratia Christi contra Pelagium & Celestiū. Et potest fieri hæc consequentiā apparens hoc modo. Per dona quæ quis recipit ab aliquo, non meretur noua alia dona, sed debitor constituitur potius nouorum obsequiorum, & nouarum gratiarum. Exempli gratia. Per equū & pretiosa indumenta, quæ quis recipit à rege, ut idoneus sit gerendo & administrādo magistratū, nō meretur magistratū. Cum ergo dispositiones ad gratiam donā sint Dei quibus efficiamur idonei ad recipiendam gratiam ipsius, non erunt illæ merita gratiæ, sed potius nouorum nos constituent debitores obsequiorum, & nouarum gratiarum actionum.

Tertio argumentari quis potest contra nos ex uerbis Augustini in epistola ad Bonifacium papam, quæ est in numero epistolarum. 106. Cum fides, inquit, impetrat iustificationē, sicut unicuiq; Deus partitus est mensuram fidei, non gratiam Dei, aliquid meriti præcedit humani, sed ipsa meretur augeri, ut aucta mereatur & perfici, uoluntate comitante, non ducente, pedissequa, non præuia. Hæc Augustinus. Ex quibus uideatur secundum Augustinum, non ideo gratiam Dei sequi ad aliquod meritum, quia fides impetrat iustificationem.

Hæc tamen argumenta suo sic ordine soluo. Ad primum. Non est peccator dignus gratia diuina. Si enim dignus esset, mereretur illam per sua opera ex digno uel condigno, quod si fieret, iam gratia non esset gratia. Neq; requisita est ad meritum de congruo talis dignitas in merente, sed satis est ex congruo deberi uel respondere ei merito præmium, cuius est meritum. Quod si aliquis dicat necesse esse cōcedere peccatores cōuertentes se ex toto corde ad Deum dignos esse ex cōgruo & beneficio diuino & amicitia Dei, siquidem merentur illam ex cōgruo. Equidem neq; uideo quare hoc sit necessarium, neq; scio unde probari possit id esse absurdum.

Ad secundum. Dispositiones ad gratiam nō tantum sunt dona Dei, sed sunt etiam opera liberi arbitrii, & quatenus talia sunt, possunt esse meritoria donorum Dei, quæ posteriora ipsis sunt, sicut etiam opera meritoria iustorum dona sunt Dei, & nihilominus uere & proprie sunt meritoria. Præcedit enim bona uoluntas hominis multa Dei dona, licet non omnia, ut Augustinus docet in cap. 32. Enchiridij. Et in epistola ad Sixtum presbyterum. Cum coronat Deus merita nostra, nihil aliud coronat, quàm munera sua. Distinguere ergo oportet de donis. Quæ enim tantum dona sunt, sicut esse, gratia, equus, indumenta, dona sunt & nō merita, quæ uero dona Dei sunt, & opera nostra, & dona uere sunt & merita. Et quando diuus Augustinus argumentatur fidem non esse meritum, quia donum Dei est, crediderim eum non illò tendere, ut probet fidem nullo pacto esse meritum. Hoc enim si diceret, aperte repugnet sibi, ut patet ex suis ipsius testimonijs iā citatis. Sed eò profecto tendit, ut probet non esse meritum eo modo, quo Pelagius eam dicebat esse meritum nostræ iustificationis, ut opus quidem solius liberi arbitrii, cui deberetur iustificatio. Et contra hunc uere apparens est argumentum. Fides donum Dei est, non ergo fides meritum est, cui debeat iustitia. Ea enim ex parte qua donum Dei est, præmium non ei respondet, neque debetur de stricta iustitia, ac responsurum uideri posset & deberi, si solius esset liberi arbitrii. Sed hæc satis pro pietate quam debemus tanto doctore. Non enim necesse est omnia ipsius argumenta demonstratiua, uel omnino efficacia credere.

Ad tertium. Nomine gratiæ non intelligit Augustinus eo in loco gratum facientem, sed generaliter loquitur de gratia, ut sub se continet gratias gratis datas & gratum facientem. Et ideo dicit nihil meriti humani præcedere gratiam Dei, quia ante fidem nullum est meritum, & iuxta hunc sensum intelligenda sunt quæ sequuntur. Restat tamen adhuc unum dubium discutiendum. An possimus similiter concedere mereri peccatores ex congruo eas gratias gratis datas, quæ consequuntur fidem, & antecedunt gratiam gratum facientem, ut per eas adiuuentur ad ea, quæ ex parte sua requisita sunt, ut iustificentur,

& pro huius dubij exolutione diligenter aduertendum est duplices esse gratias gratis datas, quibus trahuntur peccatores ad amicitiam diuinam. Quaedam sunt efficaces, quibus positis semper peccatores apponunt quidquid ex parte ipsorum requisitum est, ut iustificentur, & per consequens semper eis positis iustificantur. Alia uero sunt, quae non semper habent suum effectum, sed & positis illis adhuc peccatores non iustificantur, quia resistunt illis per libertatem arbitrii, neque plene ad Deum conuertuntur. Primi generis sunt auxilia specialia, quibus Deus concurrat ad ultimas dispositiones ad gratiam gratum facientem, quales sunt martyrium, dilectio Dei super omnia, dolor de peccatis, ut offensiuus sunt Dei. Secundi uero generis sunt auxilia specialia, quibus Deus ad fidem adiuuat, & ad alia praeuia ad contritionem, uel dispositiones quascunque ultimas ad gratiam, qualia sunt timor inferni, spes regni caelorum, horror peccatorum, elemosynae grandes, despectus bonorum huius saeculi, & alia quibus Deus nouit trahere peccatores ad ueram poenitentiam. Et ista auxilia specialia secundi generis aliquando sunt concursus quidam Dei speciales ad huiusmodi praeuia, aliquando sunt sanctae quaedam cogitationes & inspirationes, siue impulsus quibus Deus nos excitat & exhortatur ad ipsas ultimas dispositiones ad gratiam. Hoc supposito pro plena responsione ad quaestionem & explicatione prioris propositionis adijciam quintam propositionem huiusmodi.

Quinta propositio. Nemo potest mereri de condigno aliquam gratiam gratis datam, neque ex congruo gratiam gratis datam qua trahimur ad fidem. Potest tamen fidelis mereri ex congruo gratias gratis datas, quibus trahitur ad poenitentiam.

Tria dicimus in hac propositione. Et primum quidem manifestum est. Nulla est enim lex sancita de collatione alicuius gratiae gratis datae. Et de peccatore certum est, nullam gratiam eum posse mereri de condigno. Nulla enim tali dignus est. Secundum uero probatur. Fides enim initium est uitae spiritualis, et qui non credit, neque cognoscit Deum esse, non uideat posse aliquid apud Deum mereri. Et aperte est hoc secundum de mente diuini Augustini, ut patet ex testimonijs illius pro secunda propositione.

Tertium uero, quod difficilius est, ne nouum existimetur, sicut nouum fortassis est inter scholasticos doctores, potest primo probari ex autoritate diui Augustini, qui in tertio libro Hypognosticon aperte distinxit inter opera precedentia fidem, & sequentia, & ut patet ex iam citatis, fidem concessit esse meritum & initium meritorum nostrorum. Sed praestat & aliquot ipsius uerba ex Hypognosticon subiicere, ut lectori apertior sit ipsius sententia. Is itaque, cum obijceret sibi in persona haereticorum. Si non uolentis neque currentis est inuenire Deum, quomodo scriptum est in Psalmis. Et ex uoluntate mea confitebor illi. Et iterum in apostolo, cum in figura uasorum de peccatoribus dicit. Si quis ergo emundauerit se ab istis, erit uas in honorem sanctificatum, & utile domino ad omne opus bonum semper paratum, sic respondet. Accipe fidei rationem. Alia causa est adhuc non credentis in Deo, alia iam credentis. De non credente, id est adhuc Deum ignorante, ut cognoscat & credat in quo opera bona nulla sunt, dictum est. Non uolentis, neque currentis, sed miserentis est Dei, quia in uanitate sensus, atque in tenebris obscuratum habens intellectum, liberi arbitrii uerum, quod illuminat omnem hominem uenientem in hunc mundum, uidere non potest, nisi Deus propter suam misericordiam, qui dixit de tenebris lumem splendescere, illuxerit in corde eius ad illuminationem scientiae claritatis Dei in facie Christi Iesu, ut ablato uelamine, id est nebula peccati de corde eius, conuertere possit ad dominum, qui spiritus est. Et post paululum. Iam uero credentis & illuminati atque reparati in libero arbitrio per gratuitam gratiam saluatoris uox est. Et ex uoluntate mea confitebor illi. Sed ut possit eidem confiteri, non in se, sed gloriatur in domino. Praemittit enim. Dominus adiutor meus, & protector meus. In ipso sperauit cor meum & adiuutus sum. Et post pauca sibi rursus sic obijcit. Ergo, inquires, damnas opera liberi arbitrii bona, quia dicis iustitiam ex operibus non deberi? Si ita est, cur nobis praecipit apostolus abundare operibus bonis, quia labor noster non erit inanis in domino? Et respondet. Audi haeretice stulte & inimice fidei ueritatis. Opera liberi arbitrii bona, quae ut fiant, praeparantur per gratiae praeventum, nullo

2. Tim. 2.

nullo liberi arbitrii merito, & ipso faciente, gubernante & perficiente, ut abundant in libero arbitrio, non damnamus, quia ex his uel huiusmodi homines Dei iustificati sunt, iustificantur, iustificabuntur in Christo. Damnamus uero autoritate diuina opera liberi arbitrii, quae gratiae praeposuntur, & ex his, tanquam meritis in Christo, iustificari extolluntur. Quis enim prior dedit ei, & retribuetur illi? Et. c. 18. de gratia & libero arbitrio eligentium, ait, meritum nullum esset, nisi eos eligentis Dei gratia praeueneret. In quibus uerbis ipsam electionem, qua Deo eligimus uere inseruire, meritum uidetur appellare. Sed apertius est quod. c. 6. dixerat. Cum data fuerit gratia, incipiunt merita nostra bona. Et. c. 7. dicit opera bona esse ex fide, non ex operibus fides. Et super psalmum. 67. expresse dicit, a fide omnia bona merita incipere.

Sed & praeter auctoritatem Augustini, potest hoc ipsum peculiariter sic persuaderi. Congruum est Deum adducere fideles suos ad ueram poenitentiam, cum illi constanter perseuerant in fide, & insistant alijs bonis operibus quibus intendentes paulatim solent pertrahi ad Dei gratiam. Et ista congruitas est non solum ex bonitate & misericordia diuina, sed ex concordantia quadam, propterea quod ipsi huiusmodi operibus uacant & student. Ergo huiusmodi opera meritoria sunt ex congruo earum omnium gratiarum, quae requisitae sunt, ut iustificentur.

Et confirmo hoc. Ut plurimum ita uidemus contingere, ut qui huiusmodi bonis operibus uacant, tandem relapsi sunt a peccatis, & qui ista negligunt in eis perseuerent, & in dies singulos magis obduretur. Et omnes doctores & praedicatores, ita solent ad poenitentiam trahere peccatores, adhortando scilicet ad bona opera, & constantiam in fide, neque est alia regulariter compendiosior, aut certior uia. Vnde & Nabuchodonosori consuluit Daniel. Peccata tua elemosynis redime. Et confirmauit hoc consilium Christus illis uerbis. Facite uobis amicos de mammona iniquitatis, ut cum defeceritis, recipiant uos in aeterna tabernacula. Ergo huiusmodi opera meritoria sunt ex congruo omnium istarum gratiarum quae consequuntur fidem, & antecedunt gratiam gratum facientem.

Daniel. 4

Et confirmo amplius. Fides & huiusmodi bona opera impetrant & obtinent gratias praequisitas ad iustificationem. Ergo uere merebuntur eas ex congruo. Etsi, ut in proxima quaestione tradidimus, fides aliena ex congruo meretur peccatori gratias gratis datas necessarias ad suam conuersionem, meretur enim ei gratiam gratum facientem & non immediate, multo magis fides propria hoc poterit, quae certius & efficacius pertrahit peccatores ad ueram poenitentiam. Et quidem istam dignitatem & praecellentiam fidei, ut meritoria sit ex congruo omnium gratiarum, quae antecedunt nostram iustificationem, & ipsam consequuntur, uidentur nobis innuere, & significare scripturae, cum ei saepissime tribuunt nostram iustificationem. Ac per ista patebit uia exoluendi pleraque argumenta facta in proxima quaestione ad probandum nos iustificari ex meritis. Quauis enim dispositiones quibus iustificamur, non sint meritoriae simpliciter nostrae iustificationis, uere tamen possunt dici propter haec ipsius meritoriae ex congruo. Sed ut ista magis ad uiuum examinentur, faciam aliquot argumenta contra istas propositiones.

Et primo quidem stat contra nos argumentum factum in principio quaestionis huius. Nemo meretur suam iustificationem. Ergo nemo meretur ex congruo gratias saltem gratis datas, quibus trahitur ad amicitiam Dei. Sed hoc argumentum patet ex dictis in tribus propositionibus prioribus non esse contra nos. Esto enim concedamus fidem & opera bona meritoria esse gratiae gratum facientis, & gratiarum gratis datarum, quae fidem consequuntur, & bona illa opera quibus trahuntur ad gratiam peccatores, tamen simpliciter concessimus neminem iustificari ex meritis etiam de congruo, quia, ut iam diximus, non cadunt sub merito etiam ex congruo omnes gratiae ad iustificationem requisitae. Possimus etiam ex superabundanti dicere merita ex congruo duplicia esse. Quaedam enim sunt, quae in iustis inueniuntur, & sunt opera ipsorum bona digna quidem aliquo praemio, sed ideo tantum ex congruo illius meritoria, quia licet iusti digni sint illo, tamen nulla lege sancta tale debetur praemium. Et haec sic sunt meritoria ex congruo

talis praemij, ut merita simpliciter & absolute dici possint, quia
 uere digna sunt eo praemio, ex hoc, quod grata Deo sunt, & a
 uiris ipsi gratis & amicis fiunt. Alia uero sunt merita ex con-
 gruo, quae in peccatoribus reperiuntur, quae nullo praemio di-
 gna sunt, quia fiunt ab hominibus Deo ingratis & exosis, sed
 tamen eiusmodi ex se sunt, ut congruum sit, & diuinam boni-
 tatem condeceat, ea ex liberalitate & benignitate sua accepta
 re, ut trahat peccatores ad suam gratiam. Et huiusmodi meri-
 ta sic merita sunt, ut tamen non necesse sit ea dicere merita ab-
 solute, sed tantum merita ex congruo. Atque ideo quauis fi-
 deles peccatores dicamus posse mereri ex congruo suam iusti-
 ficationem, non est opus concedere absolute eos posse mereri
 suam iustificationem. Meritum enim huiusmodi non est meri-
 tum simpliciter, sed tantum meritum ex congruo, & sic mere-
 ri non plus uidetur dicere quam impetrare, quod omnes fate-
 tur, neque potest quisquam negare. Quis enim neget opera bo-
 na peccatorum fidelium impetrare saepe gratias quibus trahuntur
 ad Dei gratiam & amicitiam? Vnde & Augustinus quod
 dicit fidem mereri iustificationem, alibi explicare uidetur his
 uerbis. Fides impetrat quod lex imperat. Occurrit etiam me-
 dium quoddam fortassis non incommodum, quo uti possemus
 ad pleniorum horum solutionem. Et hoc est, ut merita ex con-
 gruo, quibus ex lege respondet aliquod praemium simpliciter
 & sine addito dicantur merita illius praemij, merita uero qui-
 bus nulla lege respondet certum praemium, sed tantum ex con-
 gruitate quadam aliquando quidem respondet, aliquando ue-
 ro non, ea non merita simpliciter, sed tantum merita ex congruo
 cum addito dicantur. Exempli gratia, martyrio, dilectioni Dei
 super omnia, uel saltem poenitentiae, & perfectae conuersioni ad
 Deum secundum legem diuinam correspondet pro praemio
 iustificatio nostra, & remissio peccatorum nostrorum. Si con-
 uerteris enim, inquit, conuertam te. Et conuertimini ad me, &
 ego conuertar ad uos. Atque ideo conuersio nostra ad Deum
 perfecta, & par ratio est de attritione cum sacramento, posset di-
 ci meritoria simpliciter nostrae iustificationis. Eum enim ualo-
 rem, qui ei deest ab ipso efficiente, qui in peccato est, atque ideo

oi. iustia

Hie. 15.
zach. 1.

indignus est tali præmio, habet huiusmodi conuersio à lege diuina, ex qua tantum uidetur ualere, ut meritum simpliciter dici posset. Opera uero alia bona quæ fiunt à peccatoribus, propter quæ Deus eos conuertit, & trahit ad huiusmodi dispositiones ad gratiam, quia nulla lege eum habent ualorē, sic merita ex congruo dicentur, ut tamen non simpliciter merita appellentur. Itaque respectu gratiæ gratum facientis datur in peccatoribus fidelibus meritum ex congruo, quod & meritū simpliciter dici potest, non uero respectu gratiæ gratis datæ, qua Deus trahit peccatores ad suam gratiam. Et hæc satis possunt esse pro isto primo argumento.

Secundo principaliter argumentor. Si darentur merita ex congruo respectu gratiarum gratis datarum, quibus Deus fideles suos trahit ad amicitiam suam, etiam darētur respectu gratiæ, qua trahuntur infideles uel hæretici ad fidem ueram. Ut enim congruum est Deum adducere ad gratiam suam fideles suos, qui declinant à malo, & bonis incumbunt, ita etiam congruum est Deum adducere ad suam fidem eos, qui quoad intelligunt per lumen suum naturale, & à peccatis cauent, & bonis operibus student. Vnde & ad Cornelium dixit angelus. Orationes tuæ & elemosynæ tuæ ascenderunt in memoriam in cōspectu Dei. Et nunc mitte uiros in Ioppe, & accersi Simonem quendam, qui cognominatur Petrus. Hic hospitatur apud Simonem quendam coriarium, cuius est domus iuxta mare. Hic dicet tibi quid te oporteat facere. Et quia eunuchus Candacis reginæ Ethiopum uenerat adorare in Hierusalem, & reuertebatur sedens supra currum suū, legensq; Esaiam prophetam dixit spiritus Philippo. Accede & adiunge te ad currum istū. Et nacta occasione ex lectione Esaiæ prophetæ euangelizauit illi Iesum. Si ergo his non obstantibus non admittimus quenquam mereri, uel ex congruo gratiam, qua trahitur ad fidem, neq; admittendum erit mereri posse fideles cæteras, gratias quibus trahuntur ad amicitiam diuinam, qui iam sunt fideles. Aut si hoc dicimus, dicamus & alterum. Vnum enim ex altero sequitur, & par uidetur ratio esse de utroque. Possunt enim aliqua ita bona opera fieri à non cre-

Actuū. 10

dente, ac sunt illa, quæ fiunt à peccatore fideli, propter quæ ex congruo trahitur ad gratiam.

Ad hoc argumentum qui tenere uoluerit cū Gregorio Ariminensi in secundo, distinctione. 38. quæstione prima, articulo. 2. in tertio corrolario in infidelibus, qui nullam habent cognitionē ueri Dei nullum esse bonum actum facile soluet argumentum istud. Meritorius enim actus esse non potest, qui non fuerit bonus actus. Quod si ante fidē nō est bonus actus, bene autem post fidem, poterit ergo post fidem esse meritum non ante. Et præter testimonia quæ citat pro se ibi Gregorius Ariminensis, insignis est locus Augustini in enarratione in psalmum. 32. ubi ita inquit. Debemus nulla opera præponere fidei, idest, ut ante fidem quisquam dicatur bene operatus. Ea enim ipsa opera quæ dicuntur ante fidem, quanuis uideantur hominibus laudabilia, inania sunt. Ita mihi uidentur esse, ut magnæ uires & cursus celerrimus præter uiam. Nemo ergo computet bona opera sua ante fidem. Vbi fides non erat, bonum opus non erat. Hæc Augustinus. Sed in cōmuni opinione, quæ probabilius asserit in quibuscunq; infidelibus posse inuenire aliqua opera bona, solū hoc inuenio discrimen, quod ut plurimū meliora sunt ea opera, quæ dicimus meritoria ex congruo suæ iustificationis in peccatore fideli. In meliorem enim referuntur finem, & maiori pietate fiunt, & ex hoc quod fiunt ab habente fidem per quam dirigitur intentio, ualorem aliquem & soliditatem quandam capiunt, ut dici possint meritoria ex congruo iustificationis, quam nō habent quātūcunq; præcellentia opera ante fidem ueri Dei. Non enim de alia fide loquimur, cum dicimus, ante fidem nulla esse opera meritoria ex congruo. Et hæc fides non deerat Cornelio, neq; eunuchō Candacis reginæ. Quare & illorum bona opera bene possunt dici meritoria ex congruo fidei Christi. Sed si tandē quis urgeat, aut non esse iustificationis meritoria ex congruo opera quæcunq; bona facta à peccatore fideli, sed quæ in Deū & ad impetrandum suam gratiam referuntur, aut oportere concedere etiā posse in puro infideli reperire opera meritoria ex congruo fidei, siquidem possint in eo inueniri opera bona, li-

214 DE MERITIS EX CONGRUO IUSTIFICA.
benter quidem audirem sententiam cuiusque rectius sentientis.
Mihī enim nihil melius occurrit, quā quod iam dixi. Et qui-
dem diuus Augustinus ad Sixtum presbyterum epistola. 105.
hoc tradidit quod nos. Ait enim. Quid est meritum hominis
ante gratiam, cum omne bonum nostrum non in nobis facit,
nisi gratia? Et Celestinus primus canone. 12. suae primae episto-
lae. Non dubitemus à Dei gratia omnia hominis merita pra-
ueniri. Sed si utrāuis partem disiunctiuā modo illata conce-
damus, nullum uideo apertum inconueniens, modo intelliga-
mus meritū ex congruo neque debitum facere, neque gratia aduer-
sari, & plerumque infideles etiam sine talibus meritis trahi ad fi-
dem propter benignissimum & altissimum cōsiliū diuinā
uoluntatis. Et si ad ea bona opera, quibus trahuntur infideles
ad fidem, concurrat aliqua gratia gratis data, adhuc stabit pri-
mam simpliciter gratiam non reddi secundum aliquod meri-
tum nostrum, neque simpliciter, neque ex congruo.

Tertio principaliter argumētor cōtra eandem partem. Nō
semper ueniunt ad gratiam Dei peccatores fideles, qui perse-
uerant in fide, & huiusmodi bonis operibus uacant. Aliquan-
do etiam ueniunt aliqui sine istis, & subito conuertuntur. Er-
go ista bona opera, quae fiunt à peccatoribus, non sunt merito-
ria, neque ex congruo gratiarū, quibus perducunt ad gratiā Dei.

Ad hoc argumentum dico uerissimū esse Deum plerumque
subito, & sine ullis meritis conuere ad se suos fideles, ut qui-
dem conuertisse scimus Paulum, cum non solum non aliqua
haberet bona merita suae iustificatiōis, sed multa haberet mala
merita suae cōdēnationis. Verū etiā est iusto iudicio Dei ali-
quādo nō peruenire ad ipsius gratiā aliquos peccatores, qui
aliqua uidebant habere merita ex congruo suae iustificationis.
Cum enim nulla sit lex de hoc, aliquādo Deus ea acceptat, ut
trahat eos ad suam gratiam, aliquando autem non, ut uel ex
hoc appareat ea non esse merita simpliciter, & gratuito iustifi-
cari omnes qui iustificantur. Neque ex hoc sequitur ea non fuisse
merita ex congruo. Ad meritum enim ex congruo non re-
quiritur, ut semper habeat suum prēmium. Orationes enim
iustorum non semper audiuntur in illis, quae uidentur mereri

QVAESTIO VIII. DE 215
ex congruo. Possunt namque huiusmodi merita impediri aliunde,
sicut & merita ex condigno non impediuntur à superuenien-
te peccato, ne habeant primum sibi respondens. Sed quaestio
est de nomine, an tantum debeant dici merita ex congruo,
quando non habent suum effectum. In quo utriusque dicatur,
nihil periculi est. Ideoque ista satis sunt de hac quaestione.

Sed quoniam dum Paulus saepe asserit neminem iustificari
ex operibus, & Augustinus saepissime replicat neminem iusti-
ficari ex meritis, hoc videtur potissimum asserere, & intēdere,
nemine posse ex proprijs uiribus iustitiā acquirere, uel (quod
idem prorsus est) neminem posse suis uiribus naturalibus
se facere iustum, ideo &, ut hoc quoque attingamus, adde-
mus sequentes quaestiones.

DE NECESSITATE GRATIAE AD IUSTIFICATIONEM.

QVAESTIO OCTAVA.



Non possit homo per proprias uires naturales
absque Dei adiutorio speciali facere, quae neces-
saria sunt ex parte sua, ut iustificetur, & ad gra-
tiam Dei perueniat. Et uidetur quidem homo
hoc posse, quia Deus non deficit in necessarijs,
nihil autem tam necessariū est homini, quam
sua iustificatio, & amicitia cum Deo. In con-
trarium autem est hoc argumentum. Nemo potest, ut late di-
sputauimus in quaestione. 6. et. 7. mereri suam iustificationem.
Ergo neque eam acquirere ex solis uiribus naturalibus cum
communi, & generali Dei concursu. Ad hanc quaestionem
respondeo breuiter hac conclusione.

CONCLUSIO.

Non potest homo ex solis uiribus naturalibus ea efficere,
quae necessaria sunt ad suam iustificationem.

Ut probemus istam conclusionem, necessarium est ante

omnia explicare, quæ sint necessaria ad iustificationem nostram. Et quidem si in genere loquamur, certum est, & sufficere, & necessariam esse ad nostram iustificationem, obseruantiam mandatorum diuinorum. Qui enim dixit. Si uis ad uitam ingredi, serua mandata, utique ostendit, cum omnes, & soli iusti ingressuri sint ad uitam, satis esse ad iustitiam obseruantiam mandatorum. Et qui dixit. Qui habet madata mea, & seruat ea, ille est qui diligit me. Qui autem diligit me, diligetur à patre meo, & ego diligam eum, & manifestabo ei meipsum. Cùm omnes, & solos iustos Deus diligit, eisq; se solis manifestet, profecto declarauit his uerbis ad iustitiam sufficere obseruantiam mandatorum. Atq; ideo crediderim tam sæpe appellasse Dauidem in Psalmis mandata Dei iustificationes, quòd eorum obseruantia, iustificatio nostra sit, nihilq; aliud præter ea requisitum sit ad nostram iustitiam. Si uero in particulari disquiramus, quæ sint necessaria, ut iustificemur, tria potissimum uidentur necessaria dicenda esse ad iustitiam. Primum est fides. Sine fide enim, ut ait apostolus, impossibile est placere Deo. Secundum est, dilectio Dei super omnia. Est enim hoc primum & maximum mdatum, ut Deum ex toto corde, & ex totis uisceribus diligamus, quodq; unum, si bene seruetur, uel solum sufficit. Et per hunc actum maxime uenire possunt ad gratiam, & ueniunt plerunq; cum ad ætatē accedunt adulescentiam, qui à peccato originali in ætate infantili mdati nō sunt. Est, etiam & hoc maximum, ut opinor remedium, ijs qui cum omnia faciant, quæ sciūt, esse necessaria ad salutem, tamen aliqua laborant ignorantia uincibili. Et, ut demus poenitentiam sine huiusmodi tanta & tam perfecta dilectione ad reconciliandum peccatores Deo satis esse, qua de re in quarto sententiarum distinctione. 14. late disputabimus Deo largiente, certe hic unus actus, maxime potest perficere nostram poenitentiam, & siquidem sæpe, ut par est, ex animo reperatur, & frequente tur, maxime quoq; nos potest tueri in iustitia, & uenialia efficere, quæ alioqui essent letalia, & grauissima. Et saltem iste actus, quo Deum diligimus ex toto corde, & mandata eius proponimus semper seruare, ut plurimum uidetur etiam formaliter

maliter requiri ad ueram poenitentiam, & in omnibus uere poenitentibus inueniri. Ideoq; illum uisum est secundo loco numerare inter ea, quae necessaria sunt ad iustitiam.

Tertium uero praecipue requisitum ad iustitiam est poenitentia. Requiritur enim haec, uel formaliter, uel saltem uirtualiter, ut consequatur Dei gratiam, qui reus fuerit peccati mortalis. Nemo enim potest nouam uitam inchoare, ut ait diuus Augustinus, quin eum poeniteat uitae prioris. Et ad omnes peccatores apud Lucam dicit Christus. Nisi poenitentiam egeritis, omnes similiter peribitis. Voco autem poenitentiam uirtualem, dilectionem Dei super omnia, & martyrium, & generaliter quidquid uicem habet, & uirtutem poenitentiae, de quo nihil est necesse modo disputare.

Cum igitur in genere requisita sit ad iustitiam obseruatio mandatorum, in particulari uero tria praecipue uideantur necessaria, fides, dilectio Dei super omnia, poenitentia, ut distinctius procedamus, & clarius, singula istorum distinctis quaestionibus tractabimus, & in hac quaestione solū probabimus neminē posse solis uiribus naturalibus implere praecipua Dei. Ex quo manifestū erit, neminē posse proprijs uiribus naturalibus, cum sola cōmuni Dei influentia, facere, quae necessaria sunt ad salutem, quae fuit conclusio modo probāda. Et primo quidem hoc aperte diffinitum est in canone quinto cōcilij Mileuitani, cuius haec sunt uerba. Placuit, ut quicūq; dixerit, ideo nobis gratiam iustificationis dari, ut quod facere per liberum iubemur arbitrium, facilius possimus implere per gratiam, tãquam & si gratia non daretur, non quidem facile, sed tamen possimus etiã sine illa, implere diuina mādata, anathema sit. De fructibus enim mādatorum dominus loquebatur, ubi nō ait, Sine me difficilius potestis facere, sed ait. Sine me nihil potestis facere. Haec ibi. Neq; leuis existimanda est huius cōcilij autoritas. Vt enim alia praetereamus, certe ex epistola quam Innocentius primus ad hoc concilium rescripsit, patet hoc cōcilium ex autoritate ipsius congregatum Innocentij, & decretum istud, de quo nunc agimus, ab ipso esse approbatum, idq; tam constanter, ut doctrinam contrariam peruersam, peruer-

DD

De poe-
ni. di. 1.

ROM. 8.

ROM. 9.

ROM. 12.

1. COR. 13.

1. COR. 15.

2. COR. 5.

2. COR. 11.

farumq; mentium ac prauissimarū appellet. Approbavit eundem canonem, & uelut proprium apostolicæ sedis amplexus est Coelestinus primus in cap. 10. primæ suæ epistolæ. Idē etiā diffinitum est in concilio Carthaginensi, ut patet ex epistola ad eundem Innocentium, ubi ita legimus. Dicunt hæretici, quòd naturaliter posset legem implere, qui uult. Et post pauca quædam. Persuadere non cessant ad operandam, perficiendamq; iustitiam, & Dei mandata complenda, solam sibi humanam posse sufficere naturam, non attendentes quod scriptum est. Spiritus adiuuat infirmitatem nostram. Et non uolentis, neq; currentis, sed miserentis est Dei. Et quòd unū corpus sumus in Christo Iesu, singuli autem, alter alterius membra, habentes dona diuersa secundum gratiam, quæ data est nobis. Et gratia Dei sum id quod sum, & gratia eius in me uacua non fuit, sed plus omnibus laboraui, nō ego autē, sed gratia Dei mecum. Et gratias ago Deo, qui dedit nobis uictoriā per Iesum Christum dominum nostrum. Et quia idonei nō sumus aliquid cogitare, quasi ex nobis metipsis, sed sufficientia nostra ex Deo est. Et habemus thesaurum istum in uasis fictilibus, ut eminentia sit uirtutis Dei, & non ex nobis. Et innumerabilia quæ de scripturis omnibus, si colligere uelimus, tomus non sufficit. Hæc ibi. Et uide, ut ista isdem Innocentius in epistola, quam ad hoc concilium rescripsit, per omnia probarit. Post aliquot enim argumenta, quibus eandem sententiam firmavit, ita subdit. Quisquis ergo huic assentiens uidetur esse sententiæ, qua dicat adiutorio nobis non opus esse diuino, inimicum se catholicæ fidei, & Dei beneficio profitetur ingrati. Hæc ille. Et ne quis tergieretur, manifeste ostendit in antecedentibus & consequentibus se eos intelligere dixisse nobis nō opus esse adiutorio diuino, qui dicunt liberum arbitrium per se sufficere ad implendum diuina mandata. Refert etiam diuus Augustinus in epistola ad Paulinum Nolanum episcopum, in Palæstino episcopali cōcilio coactum esse Pelagium anathematizare hanc propositionem, ut catholicæ ueritati cōtrariam. Victoria tentationum non est nobis ex Dei adiutorio, sed ex libero arbitrio. Idemq; refert Aurelius episcopus

Rom. 8.

Rom. 9.

Rom. 12.

1. Cor. 13.

1. Cor. 15.

2. Cor. 3.

2. Corin.

Carthaginensis in epistola ad comprovinciales episcopos de damnatione Pelagij & Celestij. Quod si per liberum arbitriū possemus implere mandata Dei, possemus etiam vincere tentationes per liberum arbitrium, & ex eo, magis quam ex Dei adiutorio, saltem plæruncq; esset uictoria tentationum. Deus enim haud quaquam semper suum adiutorium peculiare impenderet, si non esset nobis illud necessarium. Quinque etiam præcellentes episcopi, Aurelius, Alypius, Augustinus, Euodius, Possidius, qui interfuerunt concilijs Carthaginensis pro uinciae, & Numidię & in eis uidentur præcipui fuisse, tãquam rem omnino certam istam ueritatē tradunt, & probant in epistola, quam ad Innocentiū primum scripsere, & ab eo est uehementer probata, ut patet ex illius ad eos rescripto.

Tenerunt & istam conclusionem, Ambrosius, Hieronymus, Augustinus, Gregorius, Beda, Isidorus, Bernardus, Lincolnienſis. Et eorum testimonia potest quis legere diligēter in unum collecta apud Gregoriū Ariminēsem in. 2. distinctione. 26. quæstione prima, & distinctione. 29. quæstione prima. Quoniam uero res est certa, & ab omnibus, quos legerim, doctoribus recepta, poterit nobis esse satis uel unus Augustinus. Qui pluribus in locis hanc doctrinam, ut certam tradit, & peculiariter libro tertio contra duas epistolas Pelagianorū cap. 2. & in epistola ad Vitalem, & libro de bono perseverantia, & in Hypognosticon propè principium primi libri, & in libro de perfectione iustitię, responsione. 17. uel. 18. Præcepta, inquit, Dei, ut fierent, neq; iuberetur, si nihil ibi uoluntas nostra ageret, neq; oraretur, si sola sufficeret. Et in fine totius libri ita scribit. Quisquis negat nos orare debere, ne intremus in tē-tationem, negat autem hoc qui contēdit ad non peccandum, gratiæ Dei adiutorium non esse homini necessarium, sed sola lege accepta humanam sufficere uoluntatem, ab auribus omnium remouendum, & ore omnium anathematizādum esse non dubito. Et in libro de hæresibus hæresi. 88. ita ait Pelagianorum hæresis omnium recentissima à Pelagio monacho exorta est. Hi Dei gratiæ, qua prædestinati sumus, & qua meruimus de potestate tenebrarum erui, in tantum inimici sunt, ut

sine hac credant hominem posse facere omnia diuina mandata. Hæc ibi. Sed libet & huic eximio ecclesiæ doctore, præstantissimum alterum adiungere, ut in ore duorum, uel trium testium stet omne uerbum. Hieronymus itaque in explanatione fidei catholice ad Damasum papam inter cætera dogmata ecclesiæ catholice, & hoc quoque tradit his uerbis. Liberum sic confitemur arbitrium, ut dicamus nos semper indigere Dei auxilio. Et multum ponderanda est in his autoritas diuini Hieronymi. Gelasius enim papa cum concilio. 70. episcoporum in illis, quibus de arbitrii libertate Hieronymus notauit Ruffinum, expresse dicit se sentire quæ ille sentit. Et habetur hoc in. c. sancta Romana ecclesia. d. 15. Ne autem quispiam ignoret, quare tam constanter huiusmodi ueritatem tanti isti patres nobis traderunt, præter testimonia ista sedis apostolicæ, sacrorum doctorum, & uenerabilium conciliorum, quæ citauimus, præter loca etiam scripturarum ab eis pro ista conclusione inducta, libet istam conclusionem, nonnullis alijs apparentibus argumentis confirmare. Et primo eam possumus suadere ex illis uerbis apostoli. Quicumque ex operibus legis sunt, sub maledicto sunt. Scriptum est enim. Maledictus omnis qui non permanserit in omnibus quæ scripta sunt in libro legis, ut faciat ea. Ut enim patere potest ex dictis in secunda et. 6. quæstione, non dicuntur esse ex operibus legis, omnes qui sub lege fuerunt ueteri. fuerunt enim inter eos multi sancti alieni à maledicto isto legis, & adeo benedicti, qui ex fide potius esse dicuntur, & ad nouum testamentum pertinent. Sed hi sunt, qui ex operibus legis sunt, qui uiribus suis se existimant sine adiutorio gratiæ diuinæ posse legem implere. Et ideo isti dicuntur esse sub maledicto, quia necesse est eos, qui hæc existimant, in multis, aut certe in aliquibus deficere, & maledicto subiaceret, qui legem præuaricatur. Secundo & hanc ueritatem possumus probare ex illis uerbis eiusdem apostoli. Quod impossibile erat legi, in quo infirmabatur per carnem, Deus filium suum mittens in similitudinem carnis peccati, & de peccato damnauit peccatum in carne, ut iustificatio legis impleretur in nobis, qui non secundum carnem ambulamus. His enim uerbis, ut alia diffi-

Rom. 8.

cilia & abdita in eis comprehensa prætereamus, certe hoc indicatur legem infirmam esse parumque efficacem ad iustitiam, neque unquam potuisse damnare peccatum, uel quenquam iustificare. Potuisset autem hoc, si potuisset præstare, ut seruaremus ipsam per uires nostras naturales, quia factores legis semper iustificati fuissent, ut idem Paulus docet ad Romanos secundo. Et si bene perpendimus omnia hæc, uidetur in his uerbis causa aduentus filij Dei in carne tradi ab apostolo, ut damnaret peccatum, & suis meritis & gratiæ faceret nos implere legem, ut iustificatio legis impleatur in nobis.

Tertio potest etiam ista ueritas confirmari hoc pacto. Necessarium est implorare humiliter auxilium diuinum, ut implere possimus præcepta Dei. Ergo uires nostræ naturales ad hoc non sufficiunt. Antecedens probatur. Nisi enim oratio esset ad hoc necessaria, non dixisset Christus. Oportet semper orare, & non deficere, neque, ut rem adeo necessariam admonuisset nos inter alia, quæ sunt in oratione dominica, & id quoque orare, ne intremus intimationem, neque Dauid adeo frequenter actoto pene corpore psalterij postularet dirigi uias suas ad custodienda Dei præcepta. Et, ubi nihil aliud esset, ipsa consuetudo totius ecclesiæ, quæ & orat, & orare omnes hortatur, ut Deum in suum adiutorium inuocent, ut possint perficere Dei mandata, satis debet esse cuius fidelis ad credendum hoc esse necessarium. Sicut enim non oramus, ut nos calefaciat ignis, frigefaciat aqua, illuminet sol, scimus enim ista certo nobis affutura ex solo Dei generali concursu, neque opus esse ad hæc aliquo ipsius speciali auxilio, ita neque peteremus adeo instanter & assidue Deum, ut in adiutorium nostrum intenderet, ut ipsius mandata seruaremus, si ad hoc sufficeret nobis nostrum arbitrium cum ipsius solo concursu generali. Consequentia tamen huius argumenti probatur. Non enim ea solemus precari & ab alijs postulare, quæ per nos ipsos possumus. Et ut pulchre dicit Augustinus in libro de natura & gratia. Quid stultius quam orare, ut possis, quod in potestate habes, ut facias? Vnde est hoc argumentum in libro secundo de baptismo paruulorum, & in libro de perfectione iustitiæ, Et. c. 13.

214 DE NECESSITA. GRA. AD IUSTIFICA.
de gratia, & lib. arb. ex Cyp. ostendit uanissime in oratione
posci, quæ in lege implenda sunt, si ad ea uoluntas humana si-
ne diuino adiutorio sufficeret. Et. c. 3. de correct. & gratia, ita
ait. O homo in præceptione agnosce, quid debeas habere, in
correctione, cognosce tuo te uitio non habere, in oratione co-
gnosce unde accipias, quod uis habere. Vt etiam sunt hoc
argumento in Pelagium & Celestium, illudq; efficacissimum
existimauere patres in epistola concilij Carthaginensis iam ci-
tata, quorum hæc sunt piētissima uerba. Consideret sanctitas
tua & pastoralibus nobis compatiatur uisceribus, quàm sit pe-
stiferum & exitiale ouibus Christi, quod istorum sacrilegas
disputationes necessario sequitur, ut neq; orare debeamus, ne
intremus in tentationem, quod dominus discipulos monuit,
& posuit in oratione, quam docuit, & ut non deficiat fides no-
stra, quod pro apostolo Petro se rogasse ipse testatus est. Si
enim possibilitate naturæ, & arbitrio, uoluntatis in potestate
sunt constituta, quis non ea uideat inaniter à domino peti &
fallaciter orari cum orando poscuntur, quæ naturæ iam ita cō-
dita sufficiētibus uiribus obtinentur, neq; debuisse dicere do-
minum lesun Christum. Vigilate, & orate, sed tantūmodo ui-
gilate, ut non intretis in tētationem, neq; beatissimo Petro pri-
mo apostolorum. Rogauī pro te, sed moneo te, uel impero,
ac præcipio, ne deficiat fides tua. Hæc ibi. Approbauitq; ho-
rum patrum argumentum in epistola quam ad eos rescripsit
Innocentius primus his uerbis. Nisi magnis precibus gratia
in nos implorata descēdat, nequaquam terrenæ labis, & mun-
dani corporis uincere conemur errores, cum pares nos ad resi-
stendum non liberum arbitrium, sed Dei solius facere possit
auxilium. Et post pusillum cum explicuisset Dauidem clama-
re adiutorio sibi opus esse diuino, cum ait, Adiutor meus esto,
ne derelinquas me, neque despicias me Deus salutaris meus,
subdit. Dauid orationis ignarus, & suæ naturæ nescius accuse-
tur, qui eum sciat tantum in sua natura esse, adiutorem sibi De-
um, & assiduum adiutorem, neq; illi sufficit assiduum, sed ne
aliquādo illum despiciat, orationibus pronus exoptat, & per
corpus omne psalterij hoc, & prædicat, & clamat. Si ergo

hoc ille ita magnum scit, ut assidue diceret, & ita necessarium confessus est, ut doceret, quæadmodum Pelagius Celestiusq; seposita omni responsione psalmodum, talisq; abdicata doctrina suauros se aliquibus esse confidunt, nos adiutorium Dei, neq; debere quærere, neq; egere, cum omnes sancti nihil se sine hoc agere posse testentur. Et idem in epistola ad Mileuitanum concilium, ita ait. In cassum David dixerit. Adiutorium nostrum in nomine domini, Et adiutor meus esto, &c. si tantum in eius positum erat uoluntate, quod à domino flebili sermone poscebat. Hæc ibi. Et paulo ante. Merito in hos David hymnum dicit. Ecce homines qui non posuerunt Deum adiutorem sibi. Et præcitati quinque episcopi in epistola ad Innocentium inimicos gratiæ Christi, qui nostram conclusionem negant, appellant, & eis aptant illud psalmistæ. Qui confidunt in uirtute sua.

Psal. 51.

Possimus & his aliud argumētum adijcere. Si enim in nostra constitutum esset potestate diuina seruare mandata, non ergo Deo gratiæ essent agenda, quod ea implemus, & tentationes uinceremus, aut saltem non alia, neq; maiores quam eas, quas debemus ei, quod nos liberi arbitrii fecerit, & de sua lege docuerit. Quod quidem cōtra usum omnium sanctorum, & cōsuetudinē totius ecclesiæ aperte est. Vnde & David dicit. Nisi quia dominus adiuuit me, paulominus habitasset in inferno anima mea. Et iterum. Impulsus euerfus sum, ut caderem, & dominus suscepit me. Et Paulus ait. Sed in his omnibus superamus per eum qui dilexit nos. Sic enim legit Augustinus libro de gratia & libero arbitrio. c. 7. et. 17. & non propter eum, & textui Græco hoc magis consonat. Et piētissime quidem Innocentius in epistola, quam rescripsit ad Carthaginense concilium. Quid tam iniquum potest esse, tam barbarum, tam totius religionis ignarum, tam Christianis mētibus inimicum, quam huic denegare debere, quidquid quotidiana gratia consequeris, cui tu ipse confiteris debere, quod natus es. Ergo eris tibi in prouidendo præstantior, quam potest is esse, qui te, ut esses, effecit. Et cum te putes ei debere, quod uiuis, quomodo te non putas illi debere, quod quotidianam eius consequendo

Psal. 117.
Rom. 8.

gratiã taliter uiuis: Hęc ibi. Meritoq; de istis, præcitati quinq; que episcopi, ita dicunt in epistola præcitata, Creatori nostro quodammodo dicunt. Tu nos creasti homines, iustos autem ipsi nos fecimus. Qui naturam humanam ideo dicunt liberam, ne querant liberatorem, ideo saluam, ut indicent superfluum saluatorem. Et sicut apostolus dicit. Si enim per legem iustitia, ergo Christus gratis mortuus est, ita perpulchre Augustinus sæpe argumētatur. Si per naturam iustitia Christus gratis mortuus est. Certe enim eo non indignissemus reparatore, & reformatore naturæ, si illa satis est ad iustitiam. Et peculiariter potest hoc uideri in Aug. lib. 4. contra Iulianum Pelag. c. 3. & de gratia & lib. arb. c. 13. & in libro de perfectione iustitiæ. Et in. c. 4. de gratia, & lib. arb. bene admonet Hieremiã prophetam non fuisse contentum dicere. Maledictus homo qui spem habet in homine, nisi etiam adijceret. Et ponit carnẽ brachium suum, uel sicut Aug. ipse legit, Et firmat carnẽ brachij sui, ne uidelicet putaretur, hoc solum referri ad constituentes spem in altero homine. Ille enim addit, firmat carnem brachij sui, qui potētiam fragilem, atq; inualidam, idest humanã, sibi sufficere ad bene operandum putat, neq; adiutorium sperat à domino. Hęc Aug. Postremo & hanc sententiam possumus hac ratione firmare. Si enim seruare possemus sine Dei peculiari auxilio ipsius mandata, non ergo læsum fuisset arbitrium nostrum per peccatum. Quod est contra cõmunem sententiam doctorum. Frequenter enim hominem illum, qui ab Hierusalem descēdit Hiericho, & uulneratus est à latronibus, generi humano aptat doctores, & de eo dicunt, & uelut proverbio iactat expoliatum quidem gratuitis, uulneratum uero in naturalibus. Videriq; hoc potest in Augustino tertio libro Hypognosticon, & in magistro in secundo distinctione. 25. cap. 8. Et peculiariter est etiam hoc illatum contra ea, quæ Innocentius dicit in epistolis iam citatis, & contra canones primum & octauum et. 13. et. 25. concilij secundi Arausicani. Et passim licet in libris diui Augustini contra Pelagianos oppositum inuenire. Quomodo etiã tam rari essent, qui præcepta Dei seruarent, si peculiari Dei destituti auxilio ea possent homines

Hie. 17.

mines implere, & non esset ad hoc requisita gratia diuina. Quam cum negligenter quærant homines, necesse est, uel propter hanc negligentiam passim homines deficere, licet Deus paratissimus sit omnibus inuocantibus eum, illam præstare.

¶ Sed contra istam conclusionem sunt aliquot apparentia argumenta, quæ necesse est diluere, ut certior sit nostræ conclusionis ueritas. Primum est. Deus non præcipit cuiquam aliquid impossibile. Iugum enim eius suauis est, sicut ipse asserit, & onus leue. Et mandata eius grauiâ non sunt, ut Ioannes dicit. Et anathema sit, ait Hieronymus, qui dixerit Deum nos obligare ad impossibile. Et Augustinus tertio de libero arbitrio cap. 18. Quis, inquit, peccat in eo quod cauere nullo modo potest? Cum igitur Deus mandauerit testante psalmista mandata sua custodiri nimis, erit eorum custodia & executio in nostra posita potestate. Alioquin iniuste damnarentur mandatorum diuinorum transgressores. Nemo enim uituperium meretur, nedum damnationem, pro eo quod uitare non potest.

¶ Secundo argumentari quis potest contra istam conclusionem ex uerbis Ecclesiastici. 15. Deus ab initio constituit hominem, & reliquit illum in manu consilij sui. Adiecit mandata & præcepta sua. Si uolueris mandata conseruare, conseruabunt te, & in perpetuum fidem placitâ seruare. Apposuit tibi aquam & ignem. Ad quod uolueris porrige manum tuam. Ante hominem uita & mors, bonum & malum. Quod placuerit ei, dabitur illi. Quid enim aliud significatur his uerbis, Reliquit eum in manu consilij sui, & quod placuerit ei, dabitur illi, & si uolueris mandata conseruare, conseruabunt te, & ad quod uolueris porrige manum tuam, quam nostræ potestati subesse adimplere præcepta Dei? Nam alias neque relictus sibi homo potest uideri, neque dicendum erat si uolueris, uel si placuerit tibi, sed si uoluerit Deus, aut si Deo placuerit, mandata seruabis. Et confirmari potest hoc. Perinde uidetur his in uerbis subijcere scriptura nostro arbitrio bonum ac malum, uitam ac mortem, perinde & seruare mandata Dei, ac apponere manum ad ignem uel aquam, sed hæc possumus & similiter malum facere, & mortem nobis conciliare cum solo Dei concursu genera

li. Ergo etiam seruare præcepta possumus cum solo illo, absque alio speciali. Et possunt hæc confirmari ex illis uerbis Moyse ad populum Israeliticum. Testes inuoco hodie coelum & terram, quod proposuerim uobis uitam & bonum, benedictionem & maledictionem. Elige ergo uitam, ut & tu uiuas & semen tuum. Perinde enim ista uidetur dicere Moyses, ac in potestate populi esset eligere uitam & benedictionem, ac erat eligere maledictionem. Neque minus aperta sunt pro hoc ipso quæ idem Moyses alibi dicit. En propono in conspectu uestro hodie benedictionem & maledictionem. Benedictionem, si obedieritis mandatis domini Dei uestri, quæ ego hodie præcipio uobis. Maledictionem, si non audieritis mandata domini Dei uestri, sed recesseritis de uia, quam ego nunc ostendo uobis.

Deut. 30.

Deut. II.

Tertio fortissime, & apertissime uidetur Paulus contra nos facere, cum ait. Gentes quæ legem non habent, naturaliter quæ legis sunt faciunt. Si enim gentes naturaliter implebant quæ sunt legis, non ergo opus est peculiari Dei in eam rem auxilio. Quod enim illi potuerunt, & nos poterimus. Et sicut cum dicimus ignem naturaliter comburere, manifeste indicamus ignem sua uirtute naturali hoc facere, neque opus ei esse aliquo Dei speciali auxilio, ut comburat, ita uidetur indicasse Paulus, Gentes naturali sua uirtute implese legem, cum dixerit naturaliter ea fecisse, quæ sunt legis. Quid enim aliud est naturaliter, quam naturali uirtute & potestate?

Sed hæc argumenta quæ contra Dei gratiam aperte militant, facile per ipsius gratiam diluemus. Ad primum ergo istorum, & ad argumentum factum in principio quæstionis sic respondeo. Semper Deus est paratus adiuuare omnes ad seruandum suam legem, neque deficit in re adeo necessaria. Sed ne superbiremus, sed potius ab eo toti penderemus, noluit eas præstare uires, ut sine sua gratia & fauore speciali possemus seruare omnia mandata. Ut uere autem posse dicamus, satis est nos cum sua gratia posse, & eum semper esse paratum eam præstare non ponenti obicem. Ea enim posse dicimur, quæ per amicos possumus, ut prouerbiū habet commune.

Aug. in

Ad secundum, Nobiles aliqui auctores dicunt locum illum

ecclesiastici de homine esse intelligendū pro statu naturæ insti-
tutæ, nō pro statu isto naturæ lapsæ. Et uidetur p̄ eis facere illa
uerba posita in principio totius testimoniū allegati. Deus ab
initio cōstituit hominem. Ex his enim uidetur de homine agi,
tātum pro initio creationis suæ. Sed cum Ecclesiasticus ad ho-
mines sui temporis loquatur, cum dicit. Apposuit tibi aquam
& ignem, ad quod uolueris, porrige manū, & generaliter de
homine loquatur, cum addit. Ante hominem uita & mors.
Quod placuerit ei, dabitur illi, nō uidetur mihi satis consenta-
neum ista limitare ad hominem pro statu innocentia. Neque
antecedentia aut consequentia hoc postulant, sed potius, si be-
ne illa perpendamus, oppositum. Ad hoc enim ista dicuntur
ab Ecclesiastico, ut ostendat merito omne execramētum erro-
ris à Deo odio haberi, neq; debere quenquam suam culpam
in alium conijcere. Et ideo post ista, quæ citata sunt, subdit, De-
um uidere omnes sine intermissione, & agnoscere omnē ope-
ram hominis, ut doceat timēdum esse eum, quem nihil potest
fallere, quicq; optime nouit omnes, qui peccant, uoluntate sua
peccare. Dicendum ergo ad argumentum hoc cum sua confir-
matione aliter. Ideo nostræ potestati subdunt Moyses & Ec-
clesiasticus implere Dei mādāta, quia totum quod ex Dei au-
xilīo ad hoc requisitum est præter nostram uoluntatem, id tot-
tum promptissimum est Deus nobis exhibere. Facien ti enim
quod in se est, Deus benignissimus nunquam denegat suā gra-
tiā. Et ideo prospexit Deus nostræ imbecillitati tā multa alia
scripturarum loca, quibus aperte asseritur necessitas gratiæ di-
uinæ, ne ex locis citatis occasionem sumeret superba ignoran-
tia nostra, credendi non esse nobis magis Dei auxiliō opus ad
bonum, quàm ad malū. Immo, ut bene admonet diuus Aug.
cap. 16. de gratia et libero arb. ideo et ipse Ecclesiasticus orauit.
Ventris appetitio, & cōcubitus ne apprehendat me, ut ex ista
oratiōe ipsius, qua hæc à Deo petit, intelligamus quomodo di-
xerit. Si uolueris, mandata conseruabis.

Ad tertium. Graues quidam autores dicunt propterea di-
xisse Paulum, Gētes naturaliter facere ea quæ sunt legis, quia
loquebatur de gentilibus iustis, in quibus natura erat reforma-

princ. 3.
Hypo- 1
gno. Gre
go. Ari
in. 2. dist
26. q. 1. &
di. 29. ui
na. gno
i. m. m
i. p. d. s. b
m. q. i. b. s
a. s. l. s. q. i. o
- h. q. o. q. r
- o. i. m
- p. s. b. i. n
- m. e. q. o. i
- a. b. s. p.

Eccle. 23.
Aug. in
de spi. &
lit. & .4:

AD CREDENDVM.

QVAESTIO NONA.



N possimus per vires solas naturales cum cō-
muni Dei influentiā credere fidei nostrae. Et
uidetur quidem nos hoc posse his argumētis.
Primo. Per vires nostras naturales possu-
mus assentiri falsis, & credere opposita fidei.
Ergo multo magis poterimus assentire fidei.
Pronior enim est intellectus noster ad assen-
tiendum ueris, quā falsis, & apertiora sunt & maiora argu-
menta pro fide, quā contra eam.

Et confirmo. Vnus & idem assensus successiue potest esse
uerus & falsus, fidelis & hæreticus, ut patet de assensu huius
propositionis, filius Dei est homo continuato cum simili cer-
titudine & firmitate per illam horam, in cuius medietate filius
Dei incarnatus est. Si ergo intellectus noster pro prima me-
diate, pro qua iste assensus erat falsus & hæreticus, potuisset
eum continuare cum solo generali concursu, cur non etiā
pro secunda medietate, pro qua uerus fuit & catholicus, &
prorsus assensus fidei?

Secundo: Aliquibus ueris ineuidentibus, et pauciora & mi-
nora habentibus testimonia suae ueritatis, quam habēt ea quae
sunt fidei, nos possumus fidē adhibere sine peculiari Dei auxi-
lio. Ergo id ipsum etiā poterimus respectu eorū quae sunt fidei.
Et confirmare hoc possumus. Homini possemus certo cre-
dere sine Dei speciali auxilio. Igitur & Deo. Quo enim ali-
quis ueracior existimatur à nobis, facilius ei possumus fidem
adhibere. Et confirmo amplius. Ex uiribus nostris & lumine
naturali nosse possumus, uel saltē credere Deum esse ueracis-
simū, & neq; falli neq; fallere posse. Ergo ubi constitit Deū
aliquid reuelare, sicut uere cōstitit Abrahæ & alijs prophetis,
nihil erat illis opus auxilio speciali, ut ea crederent, quae Deus

et. h. o. r. s.
et. s. h. m. o.
c. u. n. d. a. s.
c. u. n. d. e. p. e. t.
c. u. n. d. e. p. e. t.
c. u. n. d. e. p. e. t.
c. u. n. d. e. p. e. t.

eis reuelabat. Et quāquam ista consequentia satis uidetur manifesta, tamen potest aperte probari, ne quispiam dubitet de ea. Si enim per uires nostras naturales possumus assentire maiori & minori & consequentiā, poterimus & per eandem assentire cōclusioni, cum talis assensus necessario sequatur ex alijs. Cum igitur ista consequentia evidens sit, omne reuelatum à Deo est uerum, hoc est reuelatum à Deo. Ergo hoc est uerum, & intellectus prophetarum in sua uī naturali huic consequentiā assentiretur, & similiter maiori & minori. Non ergo indigebit speciali auxilio, ut assentiretur cōclusioni.

S. Tho. se
cunda se
cūde. q. 1.
ar. 4.
sco. q. 2.
prologi.

Tertio. Facilimum est credere illis quæ evidens est esse credenda. Sed evidens est credendum esse fidei nostræ, ut nobiliores docent theologi. Ergo eis saltem, qui hanc euidentiā habent, facilimum erit credere, neq; erit ad id opus aliquo peculiari Dei auxilio. Et confirmo. Qui sic euidenter norunt credendum esse fidei nostræ, difficilime auelli possent à fide, aut de eius ueritate dubitare. Non igitur indigent speciali aliqua gratia, ut continuent suam fidem.

In contrarium autem argumentor ex canone quinto cōcilij secundi Araulicani, cuius hæc sunt uerba. Si quis sicut augmentum, ita etiam initium fidei, ipsum scilicet credulitatis affectum quo in eum credimus, qui iustificat impium, & ad regenerationem baptismatis peruenimus, non per gratiæ donum, id est per inspirationem spiritus sancti corrigentem uoluntatem nostram ab infidelitate ad fidem, ab impietate ad pietatem, & naturaliter nobis inesse dicit, apostolicis dogmatibus aduersarius probatur.

Idemq; rursus magis confirmatur canone octauo. Et de præclara fide sanctorum patrum quos commēdat Paulus in epistola ad Hebræos, ibidem canone. 25. ita dicitur. Non per bonum naturæ, quod prius in Adam datū fuerat, sed per gratiam Dei credimus fuisse collatam, quia gratiam etiam post aduentum domini omnibus, qui baptizari desiderant, non in libero arbitrio habere, sed in Christi nouimus simul & credimus largitate conferri.

Ad istā questionē unica cōclusionione huiusmodi respōdeo.

Nemo potest sine peculiari Dei gratia credere his quæ ex præcepto diuino tenemur credere. Hæc propositio tam apertis constat scripturæ diuinæ testimonijs, ut non dubitem oppositum eius hæreticum esse & à quolibet Christiano merito execrandū. Et tale uisum esse diuo Augustino patere potest ex cap. 3. et. 19. libri primi, & cap. 5. libri. 4. contra duas epistolas Pelagianorum, & ex fine tertij Hypognosticō. Et in libro de gratia Christi contra Pelagium & Celestium cap. 31. Pelagianicum hoc esse aperte docet. Et toto in libro de prædeterminatione sanctorum hoc præcipue agit, ut ostendat initium fidei nobis esse à Deo. Et peculiariter cap. 2. ita ait. Non receditur ab ea sententia, quam Pelagius ipse in episcopali iudicio Palæstino, sicut ipsius gesta testantur, damnare compulsus est, gratiam Dei secundum merita nostra dari, si non pertinet ad Dei gratiam, quod credere cœpimus. Et. c. 7. et. 14. de gratia & lib. arb. idem ex professo probat contra Pelagianos, facitq; idem lib. de perfectione iustitiæ propè finem. Et, ut patet ex citatis supra quæstione. 7. ex eodem in libro primo retractationum cap. 23. ipse retractauit, ut errorem apertum, quam olim contrariam huic sententiam docuerat. Sed ne quispiam ambigat de hac propositione, fortissima aliquot proferamus argumenta, quæ pro illa sunt.

Primum igitur pro ea argumentum est ex Paulo ad Ephesios secundo. Gratia, inquit, saluati estis per fidem. Et hoc non ex uobis. Dei enim donum est, nō ex operibus, ne quis gloriatur. Ecce hic Paulus, fidem dicit Dei donum esse, & non ex uobis, immo ne meritis quidem nostris, eam nos posse assequi. Alioqui enim, & in quo gloriari possemus, haberemus. Dicit tamen forte aliquis non ad fidem ista esse referenda, sed ad salutem potius nostram, quia non dicitur. Et hæc non ex uobis, sed, Et hoc nō ex uobis, uidelicet quod saluati estis per fidem, ita cōmuniter, ac nos pro nobis induximus hunc locum intellectū uideo à doctoribus, & peculiariter ab Augustino cap. 7. de gratia & libero arbitrio. Et magister sententiarum in secundo, distinctione, 27. cap. 2, expresse dicit hunc locum Pauli, à

sanctis sic exponi. Hæc scilicet fides non est ex ui naturæ nostræ, quia donum Dei pure est. Si tamen hoc non sufficiat argumentum, adijciam alterum.

Secundo igitur argumentor pro nostra conclusione ex illis apertissimis uerbis eiusdem Pauli ad Philipenses. 2. Vobis donatum est pro Christo nō solum, ut in eum credatis, sed etiam, ut pro illo patiamini. Quid quæritur amplius? Si donatum est, non ergo à nobis est. Sed uide quod pro Christo adiecit, ut intelligeremus meritis nobis Christi eam donari, & nō meritis nostris. Vtrunq; enim uoluit Paulus his uerbis refellere, & fidem nostris uiribus posse contingere, & si non uiribus certe meritis. Vnde & de se aliàs aperte dicit. Misericordiam consecutus sum, ut fidelis essem. Misericordiæ imputat suam fidem, quia nouerat illam, neq; meritis sibi suis, neq; uiribus naturalibus contigisse, neq; oblitus erat eius, qui dixerat. Deus meus, misericordia eius præueniet me. Quibus enim meritis bonæ uoluntatis sibi fides contigisset, cum spirans minas, & cædem, dum pergebat ad deuastandos horrenda mentis cæcitate ac furore Christianos, ab his malis ad fidem mirabiliter profusus & repentina uocatione conuersus est. Vnde & Aug. ca. 7. de gratia & libero arb. hinc dicit ostendi ipsam fidem haberi, nisi Deo miserante non posse, & esse donum Dei. Atque ideo alibi fidem dicit fuisse reuelandam, ut intelligamus non uiribus nostris, sed reuelatione diuina potuisse illam assequi. Et alibi. Vnicuiq; ait, Deus diuisit mēsuram fidei. Et alio in loco inter gratias, quas idem spiritus dispartitur, fidem connumerat dicens. Alteri fides in eodem spiritu. Et cum planè potuisset dicere habere nos eandem fidem cum patribus ueteris testamenti, noluit hoc sine commendatione gratiæ diuinæ asserere. Habentes inquit eūdem spiritum fidei, ut doceremur uidelicet ab eodem proficisci spiritu fidem ueterem, & nostrā, neq; quēpiam unquam, nisi ex dono spiritus credidisse.

Et confirmari potest hoc argumentum, quia multis alijs in locis scriptura Deo adscribit fidelium fidem. Apud Matthæū dicit Christus Petro. Beatus es Simon bariona, quia caro & sanguis non reuelauit tibi, sed pater meus qui in coelis est. Et

Actorum

Actorum. 14. Paulus & Barnabas dicebant apostolis quòd gētibus aperuerat Deus ostiū fidei. Et. 16. cap. de Lydiā purpuraria, quæ credidit, & baptizata est cū sua domo, dicitur dominus aperuisse cor eius, ut intenderet illis quæ dicebantur à Paulo. Ex quibus omnibus uidetur neminē credere, nisi Deo eum docente, eiusq; aperiente cor, ut credat.

Dicet tamen fortassis aliquis istis uerbis asseruisse quidem Paulū fidē esse à Deo, nō negasse tamen quin etiam posset esse à nobis, & à Deo quidem esse, non quia ille faciat, ut possimus credere, quod absq; ipso nō possumus, sed quòd suum fauorem & gratiam benigne nobis impartiat, ut facilius possimus credere. Sed ne istis aut similibus responsionibus sit locus, addam tertium argumentum.

Tertio igitur potest ista cōclusio firmari ex uerbis saluatoris apud Ioānem. Nemo potest uenire ad me, nisi pater qui misit me, traxerit eū. Nam, si bene aduertamus quæ præcellerūt, & quæ secuta sunt, manifestum erit Christum hoc loco de aduentu ad se per fidem agere. Præcedunt enim ista. Qui uenit ad me, non esuriet, & qui credit in me, nō sitiet. Sed dixi uobis, quia uidistis me, & non credidistis. Omne quod dat mihi pater, ad me ueniet, & eum qui uenit ad me, non eijciam foras. Et post pusillum. Hæc est autem uoluntas patris mei, qui misit me, ut omnis qui uidet filium, & credit in eum, habeat uitā æternam, & ego resuscitabo eum in nouissimo die. In quibus manifestum est explicari aduentum ad Christum esse credere in eum. Et ut de hoc aduentu intelligerentur uerba citata, cum ne quispiam hunc tantum aduentum arrogaret suis uiribus, subdidisset, Nemo pōt uenire ad me, nisi pater, qui misit me, traxerit eum, adiecit statim eadem quæ credentibus pollicitus fuerat. Et ego resuscitabo eum in nouissimo die. Ut autē explicaret patrem trahere docendo & illuminādo subdit. Est scriptum in prophetis. Erunt omnes docibiles Dei. Omnis qui audiuit à patre, & didicit, uenit ad me. Et ut istam doctrinam & illuminationem indicaret non habere euidentiam, sed obscuritatem quā habet fides, immo nihil aliud eā esse quā infusionem & traditionem fidei, mox addidit. Non quia pa-

trem uidit quisquam, nisi is qui est à Deo, hic uidit patrem; Amen amē dico uobis, qui credit in me, habet uitā aeternam. Vtq; omnis præcluderetur ansa dubitandi, essetq; omnibus perspicuum de hoc aduentu per fidem Christum egisse, post pauca quædam, inter quæ cōmemorat Euangelista eum quibusdam ex suis scandalizatis dixisse. Sunt quidā ex uobis, qui non credunt, de suo adnectit. Sciebat enim ab initio Iesus qui essent credentes, & quis esset traditurus eum. Et dicebat. Propterea dixi uobis, quia nemo potest uenire ad me, nisi fuerit ei datum à patre meo. Cum igitur apertissimū sit Christum his uerbis de aduentu ad se per fidem agere, & aperte asserat neminem ad se posse uenire, nisi eum pater suus traxerit, ut certum & constantissimum uidetur relinqui, neminem posse credere ijs quæ sunt fidei per uires solas naturales. Et ponderandum est, sicut & ponderat diuus Augustinus primo libro contra duas epistolas Pelagianorum cap. 19. non dixisse Christū. Nisi pater, qui misit me, duxerit eū, sed dixisse. Nisi pater, qui misit me, traxerit eum, ne ullam nostrā præcedere credamus uoluntatem, aut meritum. Ducuntur enim uolentes. Quis autem trahitur, si iam hoc uolebat? Et ideo etiā dictum est. Nisi fuerit ei datum à patre meo, ut intelligamus fidem non nobis reddi pro meritis, sed gratuito à Deo nobis elargiri & cōcedi. Et confirmant ista omnia, & illustrent uerba, quæ præcesserant in eodem cap. Cum enim dixisset ad Christum quidam, Quid faciemus, ut operemur opera Dei? Respondit Iesus, & dixit eis. Hoc est opus Dei, ut credatis in eū, quem misit ille. Cur enim fides diceretur opus Dei, sicut miracula alibi uocauit aperte opera Dei dicēs. Me oportet operari opera Dei, nisi uerum esset ad fidem peculiariter Deum concurrere, neq; sufficere nostrum liberum arbitrium cum concursu Dei generali ad credendum, ut sufficit per se ad peccandum. Et nequis dicat ideo non sufficere liberum arbitrium ad credendū ea, quæ sunt fidei, quia inter illa multa sunt supernaturalia, & nulla humana uestigatione scibilia, quæ nisi audiantur, credi non possunt, ponderandum est bene illis dicta esse ista omnia, quæ in hoc argumento allegauimus, qui audierant credenda, atque

ideo explicuisse mirandum non esse, si quidam ex illis, qui eum audiebant, crederent, quidam non crederent, quia nemo potest credere, nisi patre caelesti, eum trahente & docente. Vnde & Aug. super haec uerba ita ait. Quid est nemo potest uenire ad me, nisi quid nemo potest credere in me, nisi qui misit me pater, traxerit eum. Ille uenit, quem Dei gratia praeuenit. Qui cum propheta dicit. Misericordia eius praeueniet me. Hac ibi. Et cap. 5. de gratia, & lib. arb. Venire ad Christum, ait, est credendo in eum conuerti. Et eodem modo exponit hunc locum, lib. de perfectione iustitiae, propè finem.

Aug.

Quarto idem possumus probare ex illis uerbis Ioannis. Cum autem tanta signa fecisset coram eis, non credebant in eum, ut sermo Esaiæ impleretur quem dixit, Domine quis credidit auditui nostro: & brachium domini cui reuelatum est: Propterea non poterant credere, quia iterum dixit Esaias, Excecauit oculos eorum, & indurauit cor eorum, ut non uideant oculis, & non intelligant corde, & conuertantur, & sanem eos. Ex istis uerbis dupliciter possumus in fauorem nostrae propositionis argumentari. Primo. Si hoc subesset potestati nostrae naturali, cur essent tam pauci fideles, ut merito Esaias dixerit. Domine quis credidit auditui nostro: Cur etiam uisis à Hierosolymitis tam apertis & tam admirandis signis, ac erant illa quae Christus coram eis patrabat, quae quidem uim penè uidebantur eis inferre, & necessitatem afferre, ut crederent. Impossibile enim erat non esse uerum, quod tanta luce testimoniorum confirmabatur. Cur inquam uisis tam perspicuis, & tam praecellètib; prodigijs, tamen quidam ex uidentibus non credebant, nisi quia uires nostrae naturales ad hoc non sufficiunt: & necesse est cuiuscumq; hoc tantum bonum contingit, ut credat dono Dei prorsus contingere, qui quem uult gratis illuminat, & quem uult, pro suis malis meritis excæcat. Secundo ex his uerbis idè possumus colligere hoc modo. Nihil aliud est Deum aliquos excæcare, nisi non illuminare, & suum eis subtrahere concursum, ut credat. Neq; enim ipse qui clarissima lux est mentium, & infallibilis prorsus ueritas, quempiam in errorem adigit, aut impellit, sed reuocat potius, & dehortatur omnes ab erro

Ioan. 12.

FF ij

re. Cum igitur ideo dixerit Euangelista aliquos ex Hierosolymitanis non potuisse credere, quia Deus eos excæcauerat, declarauit profecto is uerbis satis esse, ut aliqui non credât, quod Deus non eos peculiariter ad credendum adiuuet, ac proinde neminem posse credere per uires suas naturales, nisi ex speciali Dei gratia.

1. COR. 12.

Quinto ad idē argumētōr ex uerbis Pauli ad Corinthios. Ideo notum uobis facio, quod nemo in spiritu Dei loquēs dicit anathema Iesu. Et nemo potest dicere dominus Iesu, nisi in spiritu sancto. Si ad dicendum exterius dominum esse Iesum requiritur specialis spiritus sancti concursus, neq; satis est generalis, sine quo neq; potest quis dicere anathema Iesu, ergo etiā ad credendum, & interius dicendum, seu assentiendum dominum esse Iesum, requiritur specialis spiritus sancti motio, neq; satis est generalis. Et ualidari omnia possunt ex illis ad eosdē uerbis. Non quod sufficientes simus cogitare aliquid ex nobis quasi ex nobis, sed sufficientia nostra ex Deo est. Si enim uires nostrę naturales idoneę non sunt ad cogitandū aliquid quod Deo placeat, quomodo idoneę erunt ad credendum ea, quę sunt fidei, cū credere sit cum assensione cogitare, ut ait Augustinus, & de ea fide modo agamus, quę adeo placet Deo, ut si ne illa nihil ei prorsus in nobis placeat.

2. COR. 3.

Sexto omnia ista roborare possumus hac ratione. Etiam si Deus sit manifestissima quedam res, & de se maxime uisibilis, nullo tamen pacto, neq; animę separataę, neq; angeli eum possent uidere, nisi Deus eorum intellectum adiuuet & cōfortet, siue per lumen glorię, siue aliquo alio modo. Necessariū enim est super se tolli, & leuari uires nostras ad contuendam immensam illam, ac prorsus inaccessibilem lucem, ut diffinitum est in Clamentina, Ad nostrum de hæreticis. Ergo etiam ad assentiendum certo & indubitato ijs quę sunt fidei, non satis est nobis manifestari credenda, quę supernaturalia sunt, & similiter excedunt uim nostram intellectiuam, sed necessarium est Deum, siue per habitum fidei infusę, siue aliquo alio modo nos peculiariter ad hoc iuuare. Nam licet non sit æqualis, ratio, tamen uere uidetur similis. Vterq; enim actus supernatu-

ralis est, uisio uidelicet Dei & fides.

Septimo ista confirmare possumus. Nisi enim necessaria esset Dei gratia, & fauor ad credendum, non esset opus orare pro infidelibus, ut Deus aperiat corda eorū, & eos pertrahat ad fidem, neq; deberemus Deo gratias agere, quod simus fideles. Quorum utrunq; absurdum est, & inconueniens manifestum. Sequela potest facile probari ex dictis in proxima quaestione. Quod autem illata sint absurda, satis ostendit consuetudo totius ecclesiae, quae orat pro infidelibus feria sexta hebdomadae sanctae, & alias non semel, & gratias agit Deo pro omnibus, qui recipiunt, uel receperunt fidem. Et hanc fuisse & esse consuetudinem omnium sanctorum, uel ex uno Paulo possumus discere, Ipse enim & pro sua, & pro Romanorū fide gratias agit Deo, & adiuuari se postulat aliorum orationibus, ut sermo Dei currat & clarificetur in omnibus hominibus, & ut Deus aperiat ei ostium sermonis ad loquendum mysterium Christi, quod fiebat quando emolliebat Deus, & aptabat audientes, ut crederēt uerbo fidei. Et utitur hoc argumēto Aug. lib. 4. contra Iulianum Pelag. c. 3. et. c. 16. de gratia, & libero arbitrio, & alias persape.

ROM. 1.
2. The. 3.
colof. 4.

Octauo etiam pro eadem conclusione argumentor. Supernaturale est intellectui nostro, & omnino difficilimum assentire ijs, quorum ueritates, aut causas, propter quas sunt uera, non assequitur. Haec est enim ipsius natura, quae experientia nobis constat. Ergo ut assentiatur ijs, quae sunt fidei, quorum ueritates certum est, eum modo non assequi, necessaria est gratia diuina praesertimq; ut assentiatur certo & indubitato, & prorsus firmissime, sicut necesse est, si sit assensus fidei.

Ad argumenta in principio quaestionis, quae uere apparentia sunt, suo ordine sic respondeo.

Ad primum. Aliqui dicunt in statu quidem innocentiae facilius fuisse nostro intellectui assentire ueris quam falsis, non autem modo cum est per peccatum obscuratus & deprauatus. Sed ego etiam in hoc statu crediderim procliuus esse nostro intellectui assentire ueris, neq; ex eo quod uera sunt, quae sunt fidei, crediderim opus esse auxilio speciali Dei, ut eis firmiter

assentiamur, sed ex eo quòd sunt uera supernaturalia. Cum enim supernaturalia sunt, proportionata non sunt nostro intellectui, & necesse est eum attolli & adiuuari, ut sufficiens sit ad ea uel intelligenda uel credenda. Alioquin non dicerentur supernaturalia ipsi.

Ad confirmationem. Si casum positum admittimus, & pro secunda medietate horæ uere sit assensus fidei, assensus ille filius Dei est homo, manifesta est causa quare in prima medietate horæ poterat ille assensus continuari sine auxilio Dei speciali, non autem in secunda. In prima enim medietate assentiebatur quis filium Dei esse hominem, prorsus coniecturis, aut rationibus humanis, uel proprie uoluntatis libito. In secunda uero, si ille assensus sit assensus fidei, assentitur eidem propositioni propter testimonia supernaturalia, & propter autoritatē diuinā, & multo perfectior & difficilior uidet iste actus maioris opus est auxilio, ut eū assensum uoluntas imperet intellectui.

Ad secundum. Discrimen est, quia ea quæ sunt fidei sunt uera supernaturalia.

Ad confirmationem priorem. Etiam homini dicenti uera supernaturalia, credere non possumus sine auxilio speciali.

Ad secundam confirmationem concederem quidem non fuisse necessarium Abrahamæ, neque alicui prophætæ auxilio Dei speciali, ut crederet reuelatis à Deo, si eum formauerint syllogismum, & euidētes illis fuerint maior & minor syllogismi inducti. Si autem illis ineuidenter assentiebant, utique assentiebantur per fidem, & auxilio etiā speciali in eos assensus. Vtrum autem horum fuerit, aliàs uidebimus.

Ad tertium cum sua confirmatione breuiter dico. Verum est facilius multo esse credere quæ sunt fidei, & difficilius multo auelli posse à fide, qui norunt euidenter credendum esse fidei nostræ. Et ego eum fructum maximum acceptum fero studijs nostris theologis. Vere enim euidenter scio credendum esse fidei nostræ, & testimonia diuina credibilia esse nimis, eaque ratione facilius mihi uideor omnibus, quæ sunt fidei assentiri, & nulla ratione, uel saltem difficilime ab ea posse auelli, nisi Deus me propter peccata mea desereret, Sed nihilomi-

nus cum ea quæ credimus, supernaturalia sunt, eorumque ueritates nobis additæ sint & absconditæ, dum hic uiuimus, opus est nobis, ut intellectus noster eis assentiatur, diuino auxilio, & necesse est, ut semper humiliter petamus Deum, ut seruet & adaugeat fidem nostram, ne si superbire cœperimus de fide nostra, & ea etiam euidentia, quam habemus de credibilitate fidei, paulatim auferatur à nobis.

DE NECESSITATE GRATIÆ
AD DILIGENDVM DEVM:

QVAESTIO DECIMA.



Necessarium sit auxilium Dei speciale, ad diligendum Deum super omnia.

Pro parte negatiua hæc occurrunt potissima argumenta. Primo argumentor. Intellectus potest ex naturalibus iudicare Deum esse diligendum super omnia. Potest enim, sicut docet apostolus ad Romanos, primo cognoscere Dei diuinitatem, & consequenter eum esse perfectissimum ens, & supremum diligibile. Ergo uoluntas poterit se conformare ei iudicio, & diligere Deum super omnia. Non minus enim est illa procliuius ad bonum, quam intellectus ad uerum.

Secundo. Fortis politicus potest per uires suas naturales morti se exponere pro sua ciuitate. Hoc enim & Aristoteles in Ethicis per lumen suum naturale docet esse faciendum. Ergo etiam poterit oppetere pro bono & honore diuino. Et consequenter diligere Deum super omnia. Si enim supra suam uitam potest quis ex naturalibus Deum diligere, poterit & supra alia.

Tertio. Nos sumus naturaliter inclinati ad diligendum Deum super omnia, ut bona pars theologorum defendit. Ergo habemus potestatem consequendi eam dilectionem ex naturalibus. Non enim natura dat inclinationes ad sibi impossibilia.

Quarto. Possumus ex naturalibus diligere creaturam aliquam

super omnia. Ergo multo magis poterimus Deum sic diligere. Plures enim in eo rationes sunt eum diligendi. Cognoscitur enim ex naturalibus esse multo maius bonū, & magis beneficium in nos, quàm suæ oēs creaturæ. Et procliuor uidet voluntas nostra in ipsius amorem, quàm in amorē craturarū.

Quinto. si nō possemus sine gratia diuina Deum diligere super omnia, constare ergo nobis posset nos esse in gratia diuina, nempe quando nobis constaret, ut certe cōstare potest, nos diligere Deum super omnia. Si enim constare potest idolatrarū, quòd diligit idolum super omnia, nulla subesse causa uidetur propter quam non similiter possit constare nobis, quòd diligamus Deum super omnia.

Pro parte uero negatiua expressa uidetur diffinitio concilij Mileuitani in canone. 4. Sic enim inter alia ibi legimus. Cū dicat apostolus. Scientia inflat, caritas uero ædificat, ualde impium est, ut credamus ad eam, quæ inflat, nos habere gratiam Christi, & ad eam, quæ ædificat, nō habere, cū sit utrunq; donum Dei, & scire quid facere debeamus, & diligere ut faciamus, ut ædificante caritate scientia non possit inflare. Sicut autem de Deo scriptum est. Qui docet hominem scientiam, ita scriptum est etiam. Caritas ex Deo est. Et approbatus est hic canon, & ut proprius apostolicæ sedis amplexus est à Cœlestino primo canone decimo suæ primæ epistolæ decretalis. Ad hanc quæstionem hac conclusione respondeo.

CONCLUSIO.

Necessarium est auxiliū Dei speciale ad diligēdum Deum super omnia, neq; sufficit nostrum liberum arbitriū in hoc statu in tantum ac tam perfectum actum, nisi adiuuetur gratia Dei. Hæc propositio tenetur à sancto Thoma prima secundæ quæstione. 109. articulo. 4. Et à Gregorio Ariminensi in secundo, distinctione. 26. quæstione prima, in probatione suppositionis quintæ pro prima conclusione. Est tamen hæc propositio contra multos doctores scholasticos. Et quidam existimant eam esse contra doctorem subtilem, propterea quòd in tertio, distinctione. 27. uidet ex professō probare, posse hominem ex uiribus naturalibus diligere Deum super omnia, & in secundo

& in secundo, distinctione. 28. ad finem corporis quaestionis unicae, quam ibi tractat, uidetur dicere non esse ex impotentia liberi arbitrii, quod non possit implere homo omnia praecpta legis sine gratia, sed ex hoc quod Deus illa seruantibus, & peculiariter seruantibus hoc praecceptum diligendi Deum super omnia, Deus offert liberaliter suam gratiam. Verum ego non crediderim ista argumenta sufficere, ut credamus doctorem subtilem contrarium sensisse nostrae propositionis. Nam in priore loco ex tertio sententiarum positis argumentis, quae suadent uoluntatem hoc posse ex uiribus suis naturalibus, solum concludit se propter ea argumenta concedere conclusionem, quod ex puris naturalibus potest quaecumque uoluntas saltem in statu naturae institutae diligere Deum super omnia. Ex quibus uerbis patet illum non asseruisse hoc pro isto statu. In secundo autem loco ex secundo, si bene perpendatur omnia, quae in ea quaestione dicuntur, aperte constabit doctorem subtilem non disputasse, an possit homo implere omnia praecpta, uel uitare omnia peccata, sine gratia specialis Dei auxiliij, sed solum disputat, an haec posita sine gratia gratum faciente praecedente, uel saltem comitante. Et ita etiam exponi possent, quae idem dicit in primo. di. 17. q. 1. ad argumentum secundum pro opinione quae imponit magistro. Quamquam & pro illis, quae ibi dicuntur, satis est concedere uoluntatem in puris naturalibus posse habere aliquam dilectionem Dei, uel uisum, uel ostensum per fidem, quod nos negamus, de sola enim dilectione Dei super omnia loquimur, quae sufficeret ad obtinendum Dei gratiam. Et de ista apertus est locus in articulo primo quolibet. 17. ubi uidetur ille nostram sententiam tueri. Eius enim uerba ibi haec sunt. Plures actus dilectionis, ad quos naturaliter inclinamur, possumus potestate naturali, licet non omnes, quia ad perfectissimum circa ultimum finem est inclinatio naturalis, licet ad illum non possit natura attingere ex se. His ille claudit articulum primum. Ex quibus, cum perfectissimus actus uiae sit in omni opinione, & in illius maxime, dilectio Dei super omnia, relinquatur in istum actum non posse naturam nostram ex se, sed ad eum indigere auxilio Dei. Et licet quidam ipsius

Aug.

ioan. 12.

GG

expositor referat ista uerba ad dilectionem Dei super omnia, quae in patria habebitur, & beatifica est, tamen, cum ille hoc non expresserit, & in tota quaestione tantum de actibus uiae disputet, nos in eo quod diximus, persistemus. Vt cunq; tamē sit de autoribus scholasticis, nos probabimus nostram cōclusionē.

Rom. 5.

Et primo quidem pro nobis stare uidetur Paulus cum ait. Caritas Dei diffusa est in cordibus nostris per spiritū sanctū, qui datus est nobis. Pro uerbo enim caritas, graece habet ἀγάπη, quod dilectionem, siue actum dilectionis significat. Si uero dilectionem Dei ueram nostris habere possemus uiribus, nihil esset opus, ut huiusmodi dilectio nobis peculiariter per spiritum sanctum cōmunicaretur. Et confirmari hoc potest ex eo, quod Ioānes in sua prima epistola dicit. Caritas ex Deo est. Cum enim potissima & perfectissima caritas sit dilectio Dei super omnia, si caritas ex Deo est, erit & dilectio Dei super omnia. Et hoc etiā loco habetur graece idem uerbum ἀγάπη, quod dubium non est actum dilectionis significare.

I. Ioā. 4.

Secundo etiam pro nobis stare uidetur canon. 25. concilij Arausici secundū, qui sic habet. Prorsus donum Dei est diligere Deum. Ipse, ut diligeretur dedit, qui nō dilectos diligit. Displīcētes amati sumus, ut fieret in nobis, unde placeremus. Diffundit enim caritatem in cordibus nostris spiritus patris & filij, quem cum patre amamus & filio. Vide ut eodem modo exponat Paulum conciliū, ac nos statim exposuimus. Exposuit etiam similiter, & ad hoc applicuit Augustinus in quarto libro contra duas epistolas Pelagianorum, & in cap. 19. de gratia & libero arbitrio, & in libro de perfectione iustitiae. Sed & animaduerte quid post haec subiiciat concilium ne dubites de nostra cōclusionē. Secundum supra scriptas sanctarum scripturarum sententias, & antiquorum patrum diffinitiones hoc Deo pro pietate, & praedicare debemus & credere quod per peccatum primi hominis, ita inclinatum & attenuatum fuerit liberū arbitrium, ut nullus postea, aut diligere Deum, sicut oportuit, aut credere in Deum, aut operari propter Deum quod bonum est, possit, nisi gratia eum & misericordia diuina praeuenerit. Hac ibi.

Tertio pro hac sententia stant multa testimonia sanctorum, & praesertim Augustini. Is enim libro. 5. contra Iulianum cap. 5. ita ait. Amor, quo Deus gratis amatur, in nobis esse non potest, nisi ex ipso. Et in epistola ad Vitalem. Liberum arbitrium ad diligendum Deum peccati granditate perdidimus. Et. 21. de ciuitate Dei cap. 16. Tunc itaque uicta uicia deputanda sunt, cum Dei amore uincuntur, quem, nisi Deus ipse non donat. Et de gratia & lib. arb. c. 18. dilectionem Dei nobis esse ex Deo probat ex illis uerbis Ioa. 4. Ipse prior dilexit nos, & ex illis uerbis Christi, Non uos me elegistis, sed ego elegi uos. Si enim, ait Aug. nos prius dileximus, ut hoc merito nos ipse diligeret, prius illum nos elegimus, ut ab illo eligi mereremur. Et. c. 19. Pelagianicum esse dicit asserere dilectionem nobis esse ex nobis, & contra Pelagianos pro nobis argumentatur, quia Ioa. 3. dicit. Videte qualem dilectionem dedit nobis pater, ut filij Dei nominemur, & simus. Et subdit. Quid est ineptius, immo uero quid est amentius, & ab ipsa sanctitate caritatis alienius, quam confiteri ex Deo esse scientiam, quae sine caritate inflat, & ex nobis esse caritatem, quae facit, ut scientia inflare non possit. Bernardus etiam huic subscripsit sententiam in libro de diligendo Deum his uerbis. Difficile immo impossibile est suis quaequam liberiue arbitrij uiribus, semel accepta a Deo libertate, ad Deum ex toto conuertere uoluntatem, & non magis ad propositum retorquere, sicut scriptum est. Omnes quae sua sunt, quae-
runt. Sanctus Maximus etiam in sermone quodam communi, de uno martyre ita ait. Caritas hominis non est a seipso, sed salubriter donatur a Christo.

Quarto eandem conclusionem sic probo. Plus est diligere Deum super omnia, quam credere fidei nostrae. Ad dilectionem enim Dei super omnia requiritur credere, & aliquid amplius. Est enim dilectio Dei super omnia, uoluntas obediendi Deo in omnibus suis praecipis. Et nisi plus esset, non esset maior uirtus caritas, quam fides, quod est aperte contra apostolum. Cum igitur ad fidem requisitum sit Dei auxilium speciale, neque sufficiant uires nostrae, ut iam docuimus, requisitum erit etiam auxiliu speciale ad diligendum Deum super omnia.

Aug.

I. Ioa. 4.
Ioa. 15.

I. Ioa. 3.

S. Maximus.

I. CO. 13.

Quinto. Vt patet ex dictis ad implendum omnia Dei mada-
ta requiritur auxiliū ipsius speciale, neq̄ satis sumus nos sine
ipso. Ergo etiam necessarium erit hoc auxiliū ad diligendū
Deum super omnia. Probo consequentiam istam, quia dile-
lectio Dei super omnia si uera sit, & ea quam sacra litera dile-
ctionem Dei appellant, annexam habet obseruatiam omniū
mandatorū. Est enim eius & causa sufficiens & imperium ef-
ficax, & saltem scitum non admittit aliquod peccatum mor-
tale. Vnde & Christus aperte dicit. Qui habet mandata
mea & seruat ea, ille est qui diligit me. Qui autem diligit me,
diligetur à patre meo. Et post pusillum. Si quis diligit me,
sermonem meum seruabit.

ioan. 14.

Grego.
Arimi.

Ad argumenta facta in principio quaestionis, ita existimo
posse responderi. Ad primū. Gregorius Ariminensis, ut aper-
te potest colligi ex ipso in secundo, distinctione. 26. quaestione
prima, articulo primo, conclusione secunda, & distinctio. 29.
quaestione prima, articulo secundo, prima conclusione corrol-
laria negaret quidem posse intellectum nostrum, sine auxilio
Dei speciali habere tam perfectum iudicium. Sed mihi hoc ui-
detur cōtra Paulū in loco citato. Ideoq̄ mallem negare conse-
quentiam. Difficilius enim est diligere quàm iudicare.

Ad secundum. Licet per lumen naturale agnoscere possi-
mus oppetendam esse cuiq̄ mortem pro sua republica, nō in-
de tamen sequitur, ut hoc possimus ex naturalibus etiam perficere.
Difficilius est enim sic facere, quàm sic iudicare, sicut sta-
tim diximus dilectionem Dei super omnia difficiliorem esse
quàm iudicium, quo iudicamus Deum diligendū super om-
nia. Vnde & pauci fuerunt semper, qui ista facerent, etiam ex
illis, qui hac esse facienda non dubitabant. Et inter articulos
Parisienses & iste inuenitur. Si ratio recta & uoluntas recta.
Error. Et causa subditur, quia secundum hoc ad rectitudinem
uoluntatis nō esset necessaria gratia, sed scientia tantum, quod
fuit error Pelagij. Possumus etiam dicere difficilius esse mortē
pro Deo oppetere quàm pro republica, quia non potest natu-
raliter constare necessarium esse nos mortem oppetere, quan-
do mors est oppetenda pro bono diuino, sicut naturaliter po-

test constare, aliquando non posse rempublicam seruari sine nostra morte, & nos simul cum illa perituros, si nō fortiter moriamur pro illa. Atq; ideo etiam si daremus fortem politicum posse ex naturalibus morti se exponere pro republica, nō continuo esset necessarium, idem ipsum facere quēuis posse pro honore diuino. Et ipse doctor subtilis, cuius sunt in tertio, distinctio. 27. hęc duo argumēta, & quintum aperte fatetur in secundo, distinctio. 5. quæstione prima ad tertium dilectionem Dei, qua suam beatitudinem obtinuerunt angeli, fuisse quidem illis difficilem ex parte operis, quia obiectum ipsius eorum excedebat naturam, licet non fuerit difficilis eis ex parte operantium, quia non indicabantur ad oppositum.

Ad tertium. Etiā est inclinatio naturalis insita cuiq; homini ad beatitudinem, & animabus separatis ad sua corpora. Et tamen neutrum horum est possibile sine Dei speciali auxilio. Sed de his aliās latius.

Ad quartum. Primo dico hoc argumentum similiter posse probare ad fidem non requiri auxilium Dei, immo neq; ad poenitentiam, neq; ad impletionem mandatorum, neq; ad aliquid aliud. Possumus enim & homini leuiter credere ex naturalibus, quæ excedunt naturam, & de hominis offensa dolere, & hominum malorū implere mala præcepta. Sed quia adducere inconueniens non est soluere argumentum. Aliter secundo dico. Difficilius est diligere Deū super omnia, quàm creaturam, quia ad diligendum creaturam supra omnia, satis est ipsam adorare ut Deum, uel eam contra Dei præcepta amare, sed ad diligendum Deum supra omnia requiritur, ut uelimus omnia ipsius seruare mādata. Itaq; in dilectione Dei, de qua modo agimus, clauditur difficultas omnium mandatorum, non sic autē in dilectione cuiuscunq; creaturæ. Nō enim tanta requirit ad sui dilectionem creatura, quāta Deus exigit, ut uere possimus dici eum diligere super omnia.

Replicabit tamen aliquis fortassis cōtra hęc. Possemus ex naturalibus creaturam aliquā insensibilem diligere supra nos ipsos, & uelle mortem oppetere pro ipsa, immo & difficiliora pro ipsius amore, uel pro ipsa obtinenda, implere, quàm sint

præcepta diuina. Et potest ostēdi hoc in idolatris, qui possunt tantum insanire, & ut audiui, quandoq; tantum probantur apud Indos insanisse amore suorum idolorum, ut etiam mortem pro eorum honore, uel pro eis penes se habendis, libenter oppetant. Ergo etiam hoc ipsum poterimus pro Deo ex proprijs uiribus.

Ad hanc replicam, quæ uere urget, primo dico. Procliuiiores sumus propter infirmitatem contractam ex peccato Adæ in malum, quam in bonum. Atq; ideo non est mirandum, si non possit homo ex naturalibus tanta pro Deo facere, & perpeti, quanta homines plerunq; & faciunt & patiuntur pro rebus nihili, pro uoluptatibus uidelicet & diuitijs & honoribus huius sæculi consequendis, quæ momentanea bona sunt. Secundo dico. Cum Deum non uideamus, adhuc difficilius uideat Deū diligere supra omnia, & pro eo mortē oppetere, etiā si nobis eius perfectio & bonitas constet per demonstrationē. Et hanc difficultatem probare possumus ex illis uerbis Ioannis. Qui enim non diligit fratrem suum, quem uidet, Deum, quem non uidet, quomodo potest diligere?

i. Ioan. 4

Ad quintum. Aliud est nō posse nos diligere Deum super omnia sine gratia gratum faciente, quod hactenus nunquam diximus, neq; credemus unquam. Aliud est non posse nos diligere Deum supra omnia, sine gratia specialis auxiliij diuini, quod solum concessimus. Quod si quis replicet, saltem ubi confiterit nos diligere Deum super omnia, constare posse nos à Deo peculiariter adiuuari, respondeo. Nostra conclusio nō est euidens. At hoc necessarium erat, ut quod ex illa inferitur, cum alia euidenti, euidens esset.

239
DE NECESSITATE GRATIAE
AD POENITENTIAM.

QVAESTIO VNDECIMA.



N ad ueram poenitentiam nostrorum peccatorum sufficientes uires nostrae naturales cum cōi Dei influētia. Et quod sufficientes potest fieri apparens. Primo ex uerbis Deuteronomij 30. Cum enim polliceretur Moyses populo Israelitico, quod amandus esset à domino, si Deum ipse amaret, & obediret uoci illius, eiusq; mandata custodiret, & ad eum reuerteretur in toto corde, & in tota anima sua, subdidit statim. Mandatū, quod ego precipio tibi hodie, non supra te est, neq; procul positum, neq; in caelo situm, ut possis dicere, quis nostrum ualet ad caelum ascendere, ut deferat illud ad nos, & audiamus, atq; opere compleamus: neq; trans mare positum, ut causeris & dicas, quis è nobis poterit mare transfretare, & illud ad nos usq; deferre, ut possimus audire & facere, quod praecipit: sed iuxta te est sermo ualde in ore tuo, & in corde tuo, ut facias illum. Haec tibi. Quae uerba uidentur aperte ostendere non esse mandatum de poenitentia & reuersione ad dominum, neque mandatum de dilectione domini ex toto corde supra nostras uires. immo generaliter omnia mandata diuina facilima esse, & iuxta nos ualde in ore, & corde nostro, neque extrinseco aliquo auxilio esse opus, ut ea seruemus.

Et potest hic locus confirmari ex illis uerbis Ezechielis. EZEC. 18.
Proijcite à uobis omnes impietates uestras, quas impie egistis in me, & facite uobis cor nouum, & spiritum nouum, & facite omnia mandata mea. Et paulo post. Cōuertimini, & uiuētis. Nisi enim in potestate nostra esset proijcere à nobis impietates nostras, & facere nobis cor nouum, & spiritum nouum, non haec nobis Deus praeciperet, qui à nemine exigit, quod est ei impossibile.

Matt. 12,

Et confirmari potest secundo ex illis uerbis Christi. Aut facite arborem bonam, & fructum eius bonum, aut facite arborem malam, & fructum eius malum. Videtur enim hic ostēdisse, ut bene colligit Augustinus libro contra Adamantiū Manichei discipulum, in uniuscuiusq; esse potestate uoluntatem suam mutare. Perinde enim uidetur hic subiecisse potestati Phariseorum ad quos ista dicebat, potestatem faciendi se arbores bonas, ac fuerat in potestate eorum fecisse se malas arbores. Ad eos enim statim dicit. Progenies uiperarum, quomodo potestis bona loqui, cum sitis mali?

Secundo ad idem argumentor. Per facultatem nostram naturalem possumus dolere de offensa, quam in aliquem bene meritum de nobis admiserimus. Igitur & de offensa Dei, qui nusquam non est in nos benignissimus.

Tertio quicumq; fidelis habet in potestate sua dolere de suis peccatis propter Deum, etiam cum à Deo non mouetur, neq; excitatur ad poenitentiam. Potest enim ore & affectu dicere quodcumq; ei collibitum fuerit, poenitet me offendisse Deum, sicut potest dicere, placet me offendisse Deum. Et ita unum sicut & alterum uidemur in nobis esse positum experiari. Ergo ad utrumq; habet fidelis æqualē potestatem, neq; indiget magis ad unum quàm ad alterum auxilio Dei speciali.

Psal. 113,

In contrarium uero sunt illa uerba Psalmistæ. Erraui sicut ouis quæ periit. Ideo enim errasse se dicit Psalmista, sicut ouē, quia cognoscebat se ad uiam rectam redire suis uiribus non posse, sicut neq; ouis unquam nouit redire ad uiam, si semel ab ea errauerit, nisi reducatur à pastore. Vnde & uelut hoc professus humiliter recurrit ad pastorem magnum ouium, & clamat. Quære seruum tuum.

Ad hanc quæstionem breuiter sic respondeo.

CONCLUSIO.

Necessarium est Dei auxilium speciale, neq; uires nostræ naturales sufficient sine ipso, ad ueram poenitentiam de peccatis nostris, hoc est ad uerum de illis dolorem, ut fuerunt offensa Dei. Hæc conclusio est sancti Thomæ in prima secundæ. q. 109. art. 6. et. 7. & in tertia parte. q. 62. art. 2. ad tertium, & sancti Bonæ.

cū Bona. in secundo. d. 28. art. 2. q. 1. et di. 30. q. 1. & Marfi. q. 17.
 secūdi, et Gregorij Ariminēsis in secūdo, distinctione. 26. que
 stione prima, & multorum aliorum theologorum. Et notan-
 dum profecto, quōd. s. Bona. in fine. q. statim citatæ ex di. 28.
 expresse dicit in duobus errasse, & mentitum fuisse Pelagium,
 & quōd posuerit primam gratiam sub merito cadere, & quōd
 dixerit liberi arbitrij proprijs uiribus posse nos ad gratiam di-
 sponere. Est tamen hæc conclusio ex doctoribus catholicis cō-
 tra Durandum in. 2. d. 28. q. ultima, & contra Gabrielem ea-
 dem. d. q. unica, articulo. 2. Et uidetur esse contra nostrum do-
 ctorem subtilem. Et ita pleriq; Scotistæ, & alij non Scotistæ
 existimant. Et pro eorum sententiā tria potissimum uidentur
 stare. Primū est, quia in quarto, distinctione. 14. quæstione. 2.
 articulo. 2. litera. M. expressissime dicit. Sciendum quōd pec-
 cator in peccatis existens potest ex naturalibus cum com-
 muni influentia considerare peccatum commissum, ut offen-
 sium Dei, & ut contra legem diuinam, & ut auersiuum
 à Deo, & ut impeditiuum præmij, & inductiuum supplicij,
 & sub multis talibus rationibus, & potest uoluntas ipsum sub
 aliqua illorum rationum, uel sub multis illud peccatum sic cō-
 sideratum detestari. Ex quibus uerbis uidetur sensisse uolun-
 tatem posse detestari peccatum, ut offensiuum Dei ex natu-
 ralibus, & cum communi influentia, sicut dixit intellectum
 posse ex naturalibus, & cum communi influentiā considerare
 peccatum, ut Dei offensiuum. Ad utranq; enim potentiam ui-
 detur retulisse illud uerbum ex naturalibus, & cum cōmuni
 influentia. Secundum est, quia ibidem litera. N. ita scribit. Vel
 enim oportet dicere quōd iustificetur peccator, sine omni di-
 spositione sufficiente de congruo ex parte eius, & per conse-
 quens difficile est saluare quōd apud Deum non sit accepta-
 tio personarum, ut dictum est in secunda distinctione. 6. que-
 stione. 2. & distinctione. 2. quæstione unica, uel nulla potest es-
 se sufficientior dispositio ad istam iustificationem, quā ista
 attritio, uidelicet detestatio peccatorum, perfecte circumstan-
 tionata in genere moris. Hæc ille. Ex quibus uidetur sensisse
 ad uitandum acceptionem personarum in Deo necessarium

HH

esse ponere aliquam dispositionem in peccatore, quæ sit sufficiens causa suæ iustificationis, quæq; ipse ex ipsa sui potestate arbitrij apponat, ut ipse merito potius quàm alius iustificetur, & Deus probetur alienus ab omni acceptione personarum in hoc, quòd quosdam iustificat, & non omnes.

Tertium, quod fortius suadet doctorem subtilẽ huius fuisse sententiæ, est responsio ad ultimum eiusdem quæstionis. Cũ enim ibi sibi objiceret ex Augustino in de uera & falsa poenitentia sine caritate esse non posse ueram poenitentiam, & opus Dei esse fructiferam poenitentiam, expresse respondet poenitentiam posse innasci ex naturalibus, sed non esse ueram, quantum ad finem poenitentiaẽ attingẽdum, neq; fructiferam, hoc est, ferentem fructum, sine caritate. Hunc enim fructum fert, & hunc finem assequitur in ultimo instanti temporis, quo continuata impetrat gratiam.

Sed tanta est mihi pietas in doctorem subtilem, tãq; piam habeo opinionem de illius felicissimo ingenio, & catholica, & omnino singulari, & præcellenti doctrina, ut neque istis argumentis adduci possim, ut credam illum sensisse nos ex naturalibus uiribus in hoc statu habere posse dispositionem ad gratiam sufficientem. Et quidem in primo, distinctione. 44. quæstio. unica, litera. E. cum docet quẽlibet peccatorẽ, dum est in uia, posse de lege saluari, non liberum ipsius arbitrium, statuit huius esse causam, sed quia Deus, ait, potest eũ sua gratia præuenire. Ex quo clare uidetur posse colligi eum posuisse gratiã præuenientem ad poenitentiam, & ab ea proficisci, quòd quidam iustificentur. Neq; uerba quæ allegata sunt, conuincunt satis, eum contrariam defendisse sententiam. Nam ad primũ dicere possumus, illa uerba ex naturalibus & cum communi influentia non esse referenda ad utranq; potentiam rationalẽ, sed tantum ad intellectum, non ad uoluntatem, immo eo ipso quòd non ea adiunxit doctor, cum de uoluntate locutus fuit, uidetur indicasse aliquam quo ad hoc se credidisse differẽtiam subesse inter intellectum & uoluntatem, neq; sic posse uoluntatem, detestari peccatum ex naturalibus, & si intellectus possit iudicare peccatum esse detestandum. Quod quidem uide-

tur negare quaestione. 3. eiusdē distinctionis. 14. Aperte enim ibi dicit non posse intellectum ex naturalibus iudicare peccatum esse detestandum in quantum est offensiuum Dei, & auersiuum à Deo. Ad ea uero uerba quæ secundo loco inducta sunt, possumus dicere non iustificari hominem sine aliqua dispositione ex parte sua, etiam si ad ea requiratur speciale Dei auxilium. Neq; doctor subtilis ibi id agit, ut ostendat hominem iustificari absque aliquo Dei speciali auxilio, sed tantum nititur ostendere requisitum esse aliquid ex parte nostra, ut uere iustificemur, & satis quidem esse attritionem de peccatis perfecte circumstantionatam.

Ad tertium uero argumentum, quod magis pungit, dicendum est, cum dicitur poenitentiam posse innasci ex naturalibus, intelligitur, ut patet ex antecedentibus & consequentibus, posse innasci ex naturalibus hominis sine ullo habitu infuso, quod unum ibi agebatur, non autem ex naturalibus, sine auxilio Dei speciali. Et ita etiam possunt & debent exponi quæ S. Tho. in secundo. d. 28. art. 4. de his dicit, cum ait, ex solo libero arbitrio posse se hominem preparare ad habendum gratiā gratum facientem, quia faciendo quod in se est, gratiā à Deo consequitur. Et ita eum exponit optimus illius expositor, & defensor Caietanus in cōmenta. 15. primæ secūda. q. 109. ar. 6.

Sed potest quis quarto obijcere nobis, quæ dicuntur à doctore subtili in secūdo, distinctione. 7. questione unica, litera. I. Vbi de angelis lapsis concedit magis esse in eorum potestate, quàm sit in potestate hominum habere ex puris naturalibus attritionem sufficientem, neq; ideo non posse eos meritorie uelle, quia non possint se disponere ad gratiam, sed propter alias causas, quas ibi assignat. Ad hæc tamen primo dico. Ibi nihil diffinitur de hoc, an uel angelus, uel homo ista possint ex naturalibus. Secundo. Quauis aliquid statueretur de angelo, tamen cum doctor fateatur maiorem esse potestatem angeli, quàm hominis, nihil illa essent contra nos, qui solum de hominibus hic agimus. Sed quidquid sit de sententia doctoris subtilis, in cuius uerba nos nūquam iurauimus, tamen si eum quantum maxime possimus, cupiamus defendere, nos conclusio-

nem nostram apertis argumentis firmabimus.

Et primo quidem pro ista sententia argumentor. In multis locis scripturae Deo tribuitur conuersio, & poenitentia peccatorum, à Deo etiã illa postulatur, & de illa Deo gratia aguntur. Signum est ergo ad eam non sufficere uires nostras, sed donum Dei eam esse, necessariumq; esse ipsius fauorem specialẽ, ut eã habeamus. Consequentia satis probata est in præcedentibus quaestionibus. Antecedens uero probat. Audita ratione quam Petrus aliquibus apostolis, & discipulis dedit de ingressu suo ad gentes, tacuerunt, ait Lucas, in actis, & glorificauerunt Deum dicentes. Ergo & gentibus poenitentia dedit Deus ad uitam. Et Paulus ideo cum modestia dicit oportere corripere eos, qui resistunt ueritati, nequando det illis Deus poenitentiam ad cognoscendum ueritatem, & resipiscant à Diaboli laqueis, à quo captiui tenentur ad ipsius uoluntatem. Et Dauid domino tribuit suam conuersionẽ, tum aliàs sæpe, tum uero ibi, Expectans expectaui dominum, & intendit mihi. Et exaudiuit preces meas, & eduxit me de lacu miseriae, & de luto fecis. Et Hieremias apertius. Sana me domine, & sanabor, saluum me fac, & saluus ero, quoniam laus mea tu es. Et alibi. Postquam conuertisti me, egi poenitentiam. Et ibidem ³¹ humiliter precatur, Conuerte me, & conuertar, quia tu dominus Deus meus. Et alibi. Conuerte nos domine ad te, & conuertemur. Et Dauid agnoscens unius esse Dei hoc tantum beneficium confidenter clamabat. Deus uirtutum cõuerte nos. Et alibi. Conuerte nos Deus salutaris noster. Et alibi. Timorem meum dabo in cor eorum, ut à me non recedant, & uisita- bo eos, ut bonos eos faciam. Ecce aperte hic dicit Deus, se face- re, ut boni simus. Et Ioannes. Siquis uiderit fratrem suum pec- care peccatum non ad mortem, petat, et dabit ei uita. Et Pau- lus aperte declarat Deo uni nos debere, quod poenitentiam fa- cimus, cum ait. cum gaudio gratias agentes Deo, & patri, qui dignos nos fecit in parte sortis sanctorum in lumine. Qui eri- puit nos de potestate tenebrarum, & trãstulit in regnum filij dilectionis suae. Et cum per Ezechielem prædicit omnes se ali- quando conuersurum reliquias Israel. Vide ut totam Iudæo

ACTU. II.

2. Tim. 2.

psal.

Hiere. 17.

31

psal. 79.

Hiere. 32

I. Ioan. 5.

EZEC. 36.

rum conuersionem sibi attribuat dominus dicens. Dabo uobis cor nouum, & spiritum nouum ponam in medio uestri. Et auferam cor lapideum de carne uestra, & dabo uobis cor car-
neum, & spiritum meum ponam in medio uestri. Et faciam ut in præceptis meis ambuletis, & iudicia mea custodiatis, & operemini. Et paulopost. Et saluabo uos ex omnibus iniqui-
namentis uestris. Et recordabimini uiarum uestrarum pessima-
rum, studiorumque non bonorum, & displicebunt uobis ini-
quitates uestræ & scelera uestra. Et post pusillum. Hæc dicit dominus Deus. In die quæ mundauero uos ex omnibus ini-
quitatibus uestris, & inhabitare fecero urbes, & instaurauero ruinosas, & terra deserta fuerit exulta, quæ quondam erat de-
solata, in oculis omnis uiatoris dicent. Terra illa inculta facta est, ut hortus uoluptatis, & ciuitates desertæ, & destitutæ atque suffossæ, munitæ sederunt. Et scient gentes quæcunque relictae fuerint in circuitu uestro, quia ego dominus ædificaui dissipata, plantauique inculta, ego dominus & locutus sum, & fecerim. Hæc dicit dominus Deus. Et nequis dicat. Faciet quidem dominus Deus ista, et facit in conuersione cuiuscunque peccatoris infundendo ei gratiam suam & uirtutes, sed facit propter merita eorum, qui conuertuntur, bis ibidem dicit dominus. Non propter uos ego faciam notum sit uobis, sed propter nomen sanctum meum. Et per pulchre ponderat hunc locum Augustinus libro. 4. contra duas epistolas Pelagianorum cap. 6. his uerbis. Quid remansit pellicinæ morticinæ, unde possit inflari, & dedignetur quando gloriatur, in domino gloriari: Quid ei remansit quando quidquid dixerit se fecisse, ut eo præcedente hominis merito ab homine exorto, Deus subsequenter faciat, quod dignus est homo, respondetur, reclamatur, contradicitur. Ego facio, sed propter nomē meum sanctum, non propter uos ego facio, dicit dominus Deus. Nihil sic euertit Pelagianos dicentes gratiam Dei secundum merita nostra dari. Nihil sic euertit hominum præsumptionem dicentium, nos facimus, ut mereamur cum quibus faciat Deus. Respondet uobis non Pelagius, sed ipse dominus. Ego facio, & non propter uos, sed propter nomen meum sanctum. Quid enim potestis facere bo-

ni de corde non bono: Vt autem habeatis cor bonum, Dabo uobis, inquit, cor nouum & spiritum meum dabo uobis. Nunquid potestis dicere. Prius ambulauimus in iustificationibus eius, & iudicium eius obseruauimus, & fecimus, ut digni essemus quibus gratia sua daretur? Quid enim boni faceretis homines mali? Et quomodo ista faceretis, nisi boni essetis? Vt autem homines sint boni, quis facit nisi ille qui dixit. Visito eos, ut bonos eos faciam. Et qui dixit. Spiritum meum dabo uobis, & faciam, ut in iustificationibus meis ambuletis, & iudicia mea obseruetis & faciatis? Ita ne nondum euigilatis? Non auditis, faciam ut obseruetis, postremo faciam ut faciatis? Quid adhuc uos inflatis? Nos quidem ambulamus, uerum est, nos obseruamus, nos facimus, sed ille facit, ut ambulemus, ut obseruemus, ut faciamus. Hæc est gratia Dei bonos faciens nos. Hæc est misericordia eius præueniens nos. Quid merentur deserta, & exterminata & effossa, quæ tamen ædificabuntur, operabuntur, & munitur? Nunquid hæc pro meritis desertionis, exterminationis, effossionis suæ? Absit. Ista enim merita mala sunt, hæc munera bona. Redduntur itaque malis bona. Gratuita ergo non debita, & ideo gratia. Ego, inquit dominus, ego dominus. Non ne te ista uox comprimit o humana superbia, quæ dicis ego facio, ut merear à domino ædificari, atque plantari? Non ne audis, Non propter uos ego facio, Ego dominus ædificauit destructas, plantauit exterminatas? Ego dominus locutus sum & feci, non tamen propter uos, sed propter nomen meum sanctum. Hæc ibi. Et post hæc etiam ponderat ad hoc propositum quod sequitur statim in Ezechiele. Adhuc in hoc inueniet me domus Israel, ut faciam eis. Multiplicabo eos sicut gregem hominum, ut gregem sanctum, ut gregem Hierusalẽ in solennitatibus eius. Ex Psalmo enim. 94. colligit neminem esse ouem, nisi quem ipse fecerit. Ipse enim ita legit nos populus pascuæ eius, & oues manus eius, ubi nos legimus. Nos autem populus eius, & oues pascuæ eius. Et eodem testimonio Ezech utitur. c. 14. de gratia, & libero arb. ad probandum eandem ueritatem. Et merito profecto post illius citationem, ita subdit. Quis ita sit cæcus, ut non uideat? Quis ita lapideus, ut

non sentiat istam gratiam, non secundum merita bonæ uolū-
tatis dari domino dicente, atq; testante. Non propter uos ego
facio: Sed hæc satis superq; sint pro primo argumento.

Secundo pro ista sententia argumentor ex diffinitionibus
ecclesiæ. Innocentius enim huius nominis primus in rescripto
ad Carthaginense concilium inter cætera ita ait. Adiutorio
Dei quotidianos egere, negare non possumus. Hoc enim seu
bene uiuimus, prouocamus, ut melius sanctiusq; uiuamus, seu
præue sentientes à bonis auertimur, ut ad rectam redeamus
uiam, eius auxilio plus egemus. Hæc ibi.

Confirmat etiam istam ueritatem Cœlestinus huius nomi-
nis primus in suæ epistolæ primæ canone. II. ex sacerdotalium
obsecrationum sacramentis, quæ ab apostolis tradita in toto
mundo, atq; in omni ecclesia catholica uniformiter à Deo, ait,
celebrari, ut legem credendi lex statuat supplicandi. Sunt au-
tem eius ista uerba. Cum sanctarum plebium præfules man-
data sibi met legatione fungantur, apud diuinam clementiam
humani generis agunt causam, & tota secum congemiscente
ecclesia, postulant & precantur, ut infidelibus donetur fides,
ut idolatræ ab impietatis suæ liberentur erroribus, ut iudæis
ablato cordis uelamine, lux ueritatis appareat, ut hæretici ca-
tholicæ fidei perceptione resipiscant, ut schismatici spiritum
rediuiuæ caritatis accipiant, ut lapsis poenitentia remedium
conferatur, ut deniq; catecuminis ad regenerationis sacramē-
ta perductis, cœlestis aula misericordiæ referetur. Hæc autem
non perfunctorie, neq; inaniter à Deo peti, rerum ipsarū mō-
strat effectus, quandoquidem ex omni errorum genere, pluri-
mos Deus dignatur attrahere, quos eritos de potestate tene-
brarum transferat in regnum filij caritatis suæ, & ex ualis iræ
faciat uasa misericordiæ. Quod adeo totum diuini operis esse
sentitur, ut hæc efficiēti Deo gratiarum semper actio, laudisq;
confessio pro illuminatione talium, uel correctione referatur.
Hæc ibi. Ex quibus patet, præsertim si bene ponderentur po-
strema uerba, sanctum istum pontificem à Dei peculiari au-
xilio proficisci credidisse conuersionem ipsam peccatorum, il-
ludq; auxiliū propter preces ecclesiæ Deum plurimis impar-

tiri. Vnde & ipsa etiã in quadam oratione cõmuni ita orat. Voluntas nostras quæsumus domine aspirando præueni.

POUER.

In concilio etiam Arausicano secundo, canone quarto, ita legimus. Siquis, ut à peccato purgemur, uoluntatem nostram Deum expectare contendit, non autem, ut etiam purgari uelimus, per sancti spiritus infusionem, & operationē in nos fieri cõfitef, resistit ipsi spiritui sancto per Salomonē dicēti. Præparat uolūtas à domino, & apostolo salubriter prædicati. Deus est qui operat in nobis & uelle & perficere pro bona uolūate.

1. CO. 4. b
1. CO. 15. d

Et canone sexto. Siquis sine gratia Dei credentibus, uolentibus, desiderantibus, conantibus, laborantibus, uigilantibus, studentibus, petentibus, quærentibus, pulsantibus nobis dicit misericordiam conferri, nō autem diuinitus, ut credamus, uelimus, uel hæc omnia, sicut oportet, agere ualeamus, per infusionem & inspirationem sancti spiritus in nobis fieri confiteatur, aut humilitati & obedientiæ humanæ subiungit gratiæ adiutorium, neq; ut obediens & humilimus ipsius gratiæ donum esse consentit, resistit apostolo dicenti. Quid habes, quod non accepisti? Et gratia Dei sum id quod sum. Et canone. 13. Arbitrium uoluntatis in primo homine infirmatum, nisi per gratiam baptismi non potest reparari. Quod amissum nisi à quo potuit dari, non potest reddi. Vnde ipsa ueritas dicit. Si uos filius liberauerit, tunc uere liberi eritis. Hæc ibi. Et ponderanda sunt ista uerba. Ut enim supra admonuimus, capitula huius concilij, diffinitiones sunt sedis apostolicæ. Et hic apertissime diffinitur etiam ipsam uoluntatem surgendi à peccato ab spiritu sancto esse, & contra apostolum esse, si quis dicat sine gratia Dei fieri illa quibus obtinemus misericordiam diuinā, & contra Christum si quis asserat liberum arbitrium posse reparari, nisi ab ipso Christo. Et ibidē canone. 8. à recta fide discernitur alienus, qui alios misericordia, alios per liberum arbitrium ad gratiam baptismi uenire posse contendit. Quod si liberum arbitrium non est sufficiens, ut quis uelit baptizari, neq; sufficiet profecto ad poenitentiam, quæ longe difficilior est.

Tertio induci possunt pro his multa diui Augustini testimonia apertissima. In tertio Hypognoftico ita ait. Sola uoluntate

luntate sua si praesumat homo, mundari non potest, immo neque ex corde poenitere cooperitur, quia Petrum nisi dominus respexisset, nunquam poenitentia motus amare fleuisset. Et subdit. Poenitentia ergo res est optima atque perfecta, quae defectos reuocat ad perfectum. Sed omne datum optimum, & omne donum perfectum desursum est descendens a patre luminum. Iacobus inquit apostolus. Haec ibi. Quae manifeste ostendunt secundum diuum Augustinum, non solum esse a Deo, quod mundemur a peccato, & illius gratiam consequamur, sed ipsam dispositionem, per quam hoc assequimur a Deo esse. Et libro primo de gratia Christi contra Pelagium & Celestium cap. 45. citat, & approbat beatum Ambrosium libro decimo expositionis Euangelij secundum Lucam ita dicentem. Bonae lachrymae quae culpam lauant. Denique quos Iesus respicit, plorant delictum. Negauit primo Petrus, & non fleuit, quia non respexerat dominus. Negauit secundo, & non fleuit, quia adhuc non respexerat dominus. Negauit tertio, & respexit Iesus, & ille amarissime fleuit. Et addit statim Augustinus de suo. Legat isti Euangelium, & uideant dominum Iesum, tunc intus fuisse cum a sacerdotum principibus audiretur, apostolum uero Petrum foris, et deorsum in atrio cum seruis ad focum, nunc sedentem, nunc stantem, sicut uerissima & concordissima Euangelistarum narratione monstratur. Quod ergo scriptum est. Respexit eum dominus, intus actum est, in mente actum est in uoluntate. Misericordia dominus latenter subuenit, cor tetigit, memoriam reuocauit, interiore gratia sua uisitauit Petrum, interioris hominis usque ad exteriores lachrymas mouit, & duxit affectum. Haec ille. Quibus quid dici potest manifestius? Idem tradit in libro de gratia & libero arbitrio cap. 5. his uerbis. Nisi donum Dei ipsa conuersio esset, non ei diceretur. Deus uirtutum conuerte nos. Deus tu conuertens uiuificabis nos. Conuerte nos Deus sanitarum nostrarum. Et c. 6. eiusdem libri, propter hoc ait dealbatam dictam esse Ecclesiam in Canticis, quia per seipsam alba esse non posset. In libro etiam quinto contra Iulianum cap. 9. ita ait. Quanta libet praebet Deus patientiam expectando, & sustinendo peccatores, nisi Deus

Psal. 79.
Psal. 84.
canti. 8.

dederit, quis aget poenitentiam? Et probat ex citatis apostoli
 uerbis. Et libro primo retractationum, cap. 9. Sponte homo,
 idest libero arbitrio cadere potuit, non etiam surgere. Eandem
 sententiam citat ibi ex libro de libero arbitrio his uerbis. Non
 sicut sponte homo cecidit, ita etiam sponte surgere potest. Et
 in tertio Hypognosticon exponens de genere humano para-
 bolam Euangelicam hominis, qui descendebat ab Hierusa-
 le in Hiericho. Homo, inquit, uulneratus libero arbitrio per
 Adae peccatum sine gratia Dei, idest per se solum sanare se non
 potest, neque sponte ad paradysum reuerti sanctorum numero
 reficiendus, neque gratiam meritis ullis accipit, sed totum sua mi-
 sericordia Deus peragit. Et paulo post. Ideo semiuuus dicitur
 relictus, quia ad aeternam uitam, quam perdiderat, redire
 non sufficebat. Cur iacebat dicite, si per se surgere poterat uel
 sanari, nullius indigens adiutorio? Sed iacebat uulneratus,
 quia uires ei propriae ad surgendum, quo ad sanandum se me-
 dicum, idest Deum requireret, non sufficebant. Et infra. Ideo
 misericordia motus dicitur Samaritanus, qui figura fuit Chri-
 sti, dum uideret eum iacentem uidelicet, & non surgentem, neque
 currentem, quia in eo, ut curari dignus esset, meritum nullum
 inuenit. Et bene ponderat, quod non proprio gressu, sed iu-
 ramento super impositum in stabulum detulit, quia ille peccata
 nostra portauit, & pro nobis doluit. Et post aliquanta. Quid
 etiam, inquit, aliud ostenditur, & in oue illa perdita ex centum
 ouibus, nisi liberum arbitrium possibilitatis bono uitio primi
 hominis perduto a iustorum errasse consortio, neque per se ad
 cohortem, idest ad paradysum, de quo exiuit, fidelium nume-
 ro reficiendum posse reuerti, nisi in debita gratia sua, utique uo-
 luntate sua bonus pastor Christus, qui pro nobis animam sua
 posuit, de deserto errantem, hoc est de isto mundo, in quo ho-
 mo diuini praeccepti desertor exulans est, et errat libero arbitrio
 in operibus diaboli, humeris suis super impositum in adiuto-
 rium, scilicet fidei suae & caritatis reuocauerit. Haec ibi. Et con-
 tra Iulianum haeticum, qui bonam uoluntatem ex libero ar-
 bitrio tantum esse dicebat, atque hominem per liberum arbitrium
 posse bonum uelle & operari sine gratia assererat, tractans il-

Ya uerba apostoli. Non est uolentis & cetera. ita ait. Apertam de cōmendatione gratiæ apostolus sentētiā protulit, cū ait. Non est uolentis, neq; currentis, sed Dei miserentis. Hæc si attenderes Iuliane, non extenderes contra gratiam merita uoluntatis humanæ. Non enim ideo miseretur Deus alicuius, quia uoluit & cucurrit, sed ideo uoluit & cucurrit, quia miseratus est Deus. Paratur enim uoluntas hominis à Deo, & à domino gressus hominis diriguntur. Ideoq; cōgrue ait. Non est uolentis, neq; currentis, sed miserentis Dei, Non quia hoc sine uoluntate nostra agatur, sed quia uoluntas hominis nihil boni agit, nisi diuinitus adiuuetur: Vnde quod alibi apostolus ait. Non ego autem, sed gratia Dei mecum, nō ideo dicit, quia nihil boni agebat, sed quia nihil boni ageret, nisi gratia adiuuaretur. Hæc Augustinus. Et hoc, quod ille dicit, potest fieri aliquanto apertius ex textu Græco. Vbi enim nos habemus, Non ego autem, sed gratia Dei mecum, Græce sic lego: Non ego autem, sed gratia Dei quæ mecum supple, est, uel operatur. Vt enim doceret se à gratia habere, quod pro salute omnium tantopere laboraret, immo gratiæ esse id, potius quàm sibi imputādum, Non ego autem, dixit, sed gratia Dei. Ne autem, sicut plarīq; hæretici docuerunt, & nunc docent, soli gratiæ credatur iustificatio nostra, aut bona uita nostra esse adscribenda, & nullæ esse in his existimentur partes nostri liberi arbitrii, adiunxit. Quæ mecum, uidelicet operatur. Neque ualet, si quis dicat ideo diuum Augustinum in testimonijs citatis ex Retractionibus dixisse hominem non posse surgere à peccato, quia non surgit, donec habet gratiam Dei. Habere autem gratiam non potest ex se. Certe enim hominē ex se diceremus surgere posse, qui cum iaceret, ex se posset corpus erigere, licet non posset ex se habere qualitatem aliquam, quæ consequeretur ipsam erectionem corporis, Et cum in alijs locis, quæ iam citauimus, utrunq; sit negatum, utrunq; etiam his in locis uidetur posse colligi esse negatum, cum dicit hominem ex se surgere non posse. Et aliàs, ita sicut sponte cecidit, sponte surgere potuisset. Vt enim sponte cecidit, non quia ab ipso fuerit, ut Deus illud peccatum imputauerit ad poenam, sed quia per li-

I. Cor. 15.

berum arbitrium ei peccato consensit, quod Deus impūtauit ad pœnam, ita & surgere posset à peccato, si in potestate eius esset eum actum facere, quem Deus acceptat ad ipsius gratiã & gloriam obtinendam, licet non sit ab ipso, sed à Deo ipsa gratiæ collatio uel acceptio. Apertum etiam est eiusdem testimoniū in. c. 7. de bono perseueratiã, ubi expresse dicit post casum hominis non nisi ad Dei gratiam pertinere, ut homo ad eum accedat. Et hæc eadem diffinita sunt capit. 31. libri de fide ad Petrum, ubi ita dicitur. Firmissime tene, & nullatenus dubites neminem hic posse hominum pœnitentiam agere, nisi quem Deus illuminauerit, & gratuita sua miseratione conuerterit. Et probatur hoc ibi ex citatis uerbis apostoli. In libro etiam de ecclesiasticis dogmatibus, ita legimus. Initium salutis nostræ Deo miserante habemus.

Quarto ista omnia confirmare possumus hac ratione. Ad fidem & dilectionem Dei super omnia requiritur auxilium Dei speciale, ut iam patet ex dictis. Ergo etiam ad ueram pœnitentiam. Vera enim pœnitentia fidem & dilectionem Dei requirit, & ultra hæc quæ placuerunt, reprobatur, & eorum habet displicentiam. Quod non exiguæ difficultatis esse experientia nobis mōstrat. Hinc enim est rarissimos esse, quos uere pœniteat suorum delictorum. Ex quo & confirmare possumus ad pœnitentiam requiri Dei speciale auxilium. Nisi enim difficilimum esset uere pœnitere & diuino egeret auxilio, cum mille bona sequantur ex hoc & à Deo, qui fallere non potest, promissa sint uere pœnitentibus incōparabilia beneficia, innumeraq; & importabilia mala impendeant impœnitentibus & obstinatis corde, quomodo tam pauci ueram pœnitentiam haberent suorum peccatorum? quomodo etiã ex duobus per omnia æqualibus, & ex æquo ista intelligentibus, unum pœniteret suorum peccatorum, non alterum.

Quinto idem probo hoc argumento. Nemo potest mereri primam gratiam, aut remissionem peccatorum, ut superius quæstione sexta & septima latissime ostendimus. Et oppositum, ut tunc docuimus, est error Pelagij iam sæpe damnatus. Ergo nemo potest ex puris naturalibus cōuerti ad Deum, &

habere uerum dolorem de peccatis sufficientemq; ad uenien-
dum ad Dei gratiam. Probatu*r* ista consequētia. Ille enim qui
ex suis naturalibus facit totum, quod requiritur & sufficit ad
obtinendum gratiam, uere eam meretur. Quid enim amplius
requiritur? Et quidem diuus Augustinus, cum impugnat Pe-
lagium dicentem. Gratiam secundū merita nostra dari, non
tam hoc agit, ut ostēdat actus quibus disponimur ad gratiam,
non esse merita gratiæ, quā*m* ut ostendat ea opera non esse no-
bis ex nobis, sed ex Dei dono. Immo ideo contendit ea opera
non esse merita, quia non sunt à nobis. Et in hoc potissimum
contradicit Pelagio, quia ille dicebat à liberi arbitrij naturali
potestate ea proficisci, nequē opus esse nobis ad illa peculiari
Dei gratia. Et Mileuitanum concilium, & Carthaginense, &
Arausicanum secundum, & Innocentius, & Coelestinus pri-
mus hoc præcipue egerunt, ut patet ex iam citatis, ut monstra-
rent necesse esse, ut ad hæc adiuuaret spiritus infirmitatem no-
stram, & ea Dei nostri benignitas precibus assiduis implora-
retur. Vnde & diuus Augustinus in de gratia & libero arbi-
trio, quod apostolus dicit, non ex operibus saluari nos per fi-
dem, ita concordat cum eo, quod ab eodem dicitur creati in
Christo Iesu in operibus bonis. Non ex operibus, inquit, tan-
quam tuis ex te ipso tibi existentibus, sed tanquam his in qui-
bus Deus te finxit, formauit, & creauit. Et bene ad hoc propo-
situm aptat allegorice illa uerba. Ne dicas in corde tuo, fortitu-
do mea, & potentia manus meæ fecit hæc omnia. Et mirifice
consonant illa. Neq; enim in gladio suo possederunt terrā, et
brachium eorum non saluauit eos. Sed dextera tua, & brachi-
um tuum, & illuminatio uultus tui, quoniam complacuiisti in
eis. Et super illa uerba Psalmi. 29. Vita in uolūtate eius. Quid
est, ait, uita in uoluntate eius? Et respondet. Non in uiribus no-
stris, non in meritis nostris, sed quia uoluit, saluos nos fecit, nō
quia digni eramus. Quo enim est peccator dignus, nisi suppli-
cio? Hæc ibi. Et non dubito quin diuus Augustinus concessit,
set ex meritis hominem iustificari, si per opera propria liberi
arbitrij iustificaretur, immo uidetur ipse concessurus ex iusti-
tia iustificari. Pro eodem enim ipse accepit ex meritis & ex iu-

Psal. 43.

ROM. II.

stitia iustificari. Vnde & in libro primo cōtra duas epistolas Pelagianorū cap. 19. cum quæreretur quibus meritis Paulus fuerit repente conuersus, respondet. Quid ego dicam quibus meritis, cum ipse clamet, Non ex operibus iustitiæ quæ fecimus nos, sed secundum suam misericordiam saluos nos fecit. Et super illa uerba apostoli. Quis prior, &c. Si aliquid, ait, meritorium anteuenit gratiā, iam nō gratis datur, sed ex debito reddit.

Quod si quispiam dixerit in eo potissimum constituisse errorem Pelagij, ut crederet iustificari nos posse operibus nostris, & mereri uitam æternam, sine gratiā gratum faciēte, is aduertat primo haud quaquam esse uerisimile Pelagium in tantam infantiā uenisse, ut diximus in sexta quæstione, ut crederet non esse necessarium ad iustificationem nostram & merita beatitudinis, Deum nos acceptare ad suam amicitiam, uel beatitudinem, siue per solā suam benignissimam uoluntatem, siue etiā per gratiam creatam. Et quidem, ut aperte docet diuus Aug. c. 6. de gratiā, & libero arb. Pelagiani non negabant gratis nobis, & non secundum merita nostra, remitti peccata, sed in hoc errabant, quod hanc solam asserebant gratiā, non secundum merita nostra, cætera sc̄q; aiebant meritis præcedentibus reddi.

Secundo aduertat qui sic existimat non solū contendisse patres aduersus Pelagium, quod necessaria esset gratiā ad merendum uitam æternam, & consequendum remissionem peccatorum, sed etiā, ut ex dictis patet, ad implenda mandata Dei, & ut ea faciamus, quibus superamus tētationes, & in uia Dei proficimus, & à peccatis nostris recedimus, & auertimur, neq; minus ad hoc quàm ad alia statuerunt gratiā necessariam. Neq; minus Pelagianicum censuissent, si quispiam diceret posse nos per facultatē nostræ libertatis omnes eos actus elicere, quos Deus requirit ad nostram iustificationem, quàm si diceret, sine gratum faciente gratiā diuina posse nos iustificari. Et Aug. aperte in. c. 14. de gratiā, & lib. arb. dicit contra Pelagianos, neq; scientiam diuinæ legis, neq; naturam, neq; solam remissionem peccatorum esse gratiā illā, quæ per Iesum Christum dominum nostrum nobis datur, sed et eam, quæ facit, ut lex impleatur, & ut natura liberetur, ne peccatum dominetur.

Et ad errorem Pelagianorū putat pertinere, si quis dicat gratiam dari secundum merita bonæ uoluntatis, etiam si asserat non dari secundum merita bonorum operum.

Tertio, qui sibi persuadet in eo constituisse errorem Pelagij, uelim diligenter aduertat omnes Pelagij impugnatores hoc contendisse, quod per peccatum infirmatum fuerit, & attenuatum liberum nostrum arbitrium. Si autem concedimus per liberum arbitriū posse nos omnes actus efficere & habere, qui requiruntur ad obtinendum gratiam diuinam, licet concedamus non posse nos sine gratia diuina obtinere remissionem peccatorum, aut mereri beatitudinem, nihil est, cur infirmatū, aut debilitatum credatur nostrum liberum arbitriū. Si enim potest omnes actus efficere, quos potuisset in statu innocentie, etiam si non possit sine gratia diuina ulla habere merita, certe poterit, quidquid poterat in statu innocentie. Quia in eo statu neq; mereri potuit beatitudinem sine gratia diuina, neq; ad gratiam diuinam peruenire, nisi Deo illam ei liberaliter largiente. Itaq; nisi ad hæc concedamus necessariam esse gratiā, quæ communicatur nobis propter merita Christi, esto indiguerit genus humanum redemptore & reconciliatore ipsius cum Deo, tamen non indigisset reformatore & reparatore, et quantum ad hoc, non fuisset necessaria nobis passio Christi, ut bene contra Pelagium arguit Augustinus tertio libro Hypognosticon. Et licet doctor subtilis in primo. dist. 17. q. 1. art. 1. et. 2. dicat hoc appropinquare errori Pelagij, immo uideri ipsius errorem, si quis dicat creaturam aliquam ex solis naturalibus posse meritorie agere, aut, quod idem est, actum ex puris naturalibus esse meritoriū, inde non sequitur ipsum nō credidisse ad errorē Pelagij spectare, si quis dixerit ex solis uiribus naturalibus posse quēpiā se sufficiēter disponere ad gratiam.

Ad argumenta facta in principio quæstionis sic respōdeo. Ad primum. Omnia illa dixit Moyses, ut ostenderet dilectionem Dei & poenitentiam, et generaliter omnia opera mandatorum non esse ex natura operum adeo laboriosa, ut ascendere in cælum, & transfretare mare. Licet enim ea non possimus ex naturalibus perficere propter infirmitatem & imbecillita-

tem, quam contraximus ex peccato, tamen suauia sunt, & leuia, & non grauia, & ea explere facile possumus cum auxilio diuino, quod & nostrae quoque subest potestati, sicut & concursus generalis. Et aliud est opera aliqua esse laboriosa & difficilia, aliud nostras illa exuperare uires. Hoc conuenit mandatis diuinis, non illud. Ioanes enim dicit. Mandata eius grauia non sunt.

I. Ioan. 5.
Matt. II.

Et ipse Christus, Iugum, inquit, meum suauis est, & onus meum leue.

Ad confirmationem priorem respondet Aug. c. 15. de gratia & lib. arb. I. Ideo iubet quod ipse daturus est, quia dat quod iubet, & adiuuat, ut faciat, cui iubet, Hæc Aug. Voluit etiam Deus ostendere illa præcipiendo, quæ sine ipsius auxilio non possumus, liberis nos esse arbitrijs, & potestati nostræ subesse ipsius auxilium. Sed ut agnosceremus ab eo esse ut proijciamus à nobis iniquitates nostras, ipse alibi dicit se solum facere mundum de immundo. Et ut agnoscamus ab eo esse cor nouum, & spiritum nouum, qui præcepit ut faceremus nobis cor nouum alibi dicit. Dabo uobis cor nouum & spiritum nouum. Et qui dicit, Conuertimini & uiuetis, dicit. Si conuerteris, conuertam te.

Iob. 14.

Ezec. 36.
Hier. 15.

Ad confirmationem respondet Augustinus primo Retractionum cap. secundo. In potestate hominis est mutare in melius uoluntatem, sed illa potestas nulla est, nisi ab eo detur, de quo dictum est. Dedit eis potestatem filios Dei fieri.

Ad secundum. Poenitentia uera formaliter uel uirtualiter annexum habet propositum seruandi omnia mandata diuina. Atque ideo difficilior est poenitentia, quam dolor de offensa alicuius amici. Et alioqui sicut difficilior est, ut iam diximus, diligere Deum quem non uidemus, quam proximum, quem intuemur, cuiusque beneficia in nos, non credimus, sed experimur, & manibus contrectamus, ita & dolere uidetur difficilior de offensa Dei, quam de offensa proximi.

Ad tertium. Licet raro contingat peccatorem dolere de suis peccatis, quin prius excitetur à Deo aliquibus impulsibus & inspirationibus sanctis, tamen fatemur in potestate cuiuscunque, saltem fidelis, esse dolere de suis peccatis, quandoque habet usum rationis, quia Deus paratissimus est præstare totum quod ex parte ipsius requiritur, Et quemadmodum non se-

quitur

quitur, nos nō indigere auxilio ipsius generali, quia in nostra potestate esse experimur uelle quidquid libuerit, ita non sequitur nos non indigere auxilio ipsius speciali, quia in nostra potestate experiamur posse nos dolere, de peccatis nostris, quando cūq; hoc placuerit. Dicit tamen aliquis. Saltem, quando Deo non mouente, neq; instigante nos prius ad pœnitentiā, ex potestate nostri arbitrii cōuerteremur ad Deum, & doleremus de peccatis nostris, nos limitaremus & determinaremus concursum diuinum specialem ad eam conuersionem & dolorem, & præcederet natura efficiētiam uoluntatis, efficiētiam diuinam, & non ille faceret, ut nos faceremus, sed nos contra, ut ille faceret, & nobiscum concurreret. Et consequenter, cum nos non hoc faciamus, neq; prouocemus cōcursum diuinum aliquo alio actu, quam ipso dolore, ut supponimus, in hoc enim dūtaxat casu loquimur, uidetur quod prius natura nos dolebimus de peccatis nostris, quā Deus specialiter concurrat. Et ita non erit necessarium auxilium Dei speciale ad eum dolorem. Ad hanc replicam, quæ uere premit & urget, & totam difficultatem attingit, quæ est in istis concursibus Dei specialibus, sic respondeo. Quāuis in potestate nostra sit facere, ut Deus concurrat nobiscum ad pœnitentiā, possumus enim pœnitere, hoc autem sine suo concursu fieri non potest, tamen non possumus facere, ut Deus sic concurrat nobiscum ad pœnitentiā, ut concursus ipsius limitetur à nostro, & posterior sit nostro. Semper enim causa prima plus influit in effectum, & plus agit quā causa secunda, & facit eam causare nō e contrario. Et quēadmodū quando Deus concurrat nobiscū solū generaliter, licet in potestate nostra sit scribere cum uolumus, & facere consequenter, ut Deus nobiscum concurrat ad scribendum, tamen nūquam scribimus, quin Deus prius natura moueat manus nostras ad scribendum quā nos ipsi, ita & in cōcursu speciali intelligendum est, licet in potestate nostra sit dolere de peccatis nostris, & cōsequenter facere, ut Deus ad dolēdū nobiscū concurrat, tamen nunquam dolebimus, nisi præcedente gratia diuina nostra opera, & mouente uoluntate ad eum dolorem. Et possemus dare hoc exemplum, ut intelligere

KK

ista possint, quæ quidem difficilia sunt, etiam rudes. Si Petrus in puerili ætate haberet in potestate sua scribere propter præsentiam angeli sui, uel magistri, & pædagogii sui influentis in manus eius, & facientis eas potentes ad scribendum & mouētis eas, quandoquæ Petrus scribit & non aliàs, equidem licet Petrus possit scribere, quandoquæ ei colliberet, tam en nunquam scriberet, quin suus angelus prius ipso moueret manus suas, & faceret eas causare motum, & potentiam daret ad eum motum. ita intelligendum est de concursu diuino & uoluntate nostra, neq; maior est difficultas de concursu generali & speciali. Vtrouis enim modo concurrat Deus, semper præcedit natura efficientiã illius, efficientiam nostræ uoluntatis. Quod & hoc exemplo potest aliquanto apertius fieri. Sicut enim, dum ego demissis oculis sto contra speculum aliquod, imago mea, quæ relucere uidetur in speculo, attollere non potest oculos, nisi ego prius natura attollam, & me attollente, simul ipsa omnino attollit, & si libera esset, ut attollere posset oculos, cum uellet, si tamen non in totum inuenteretur ordo naturæ, non haberet hoc, nisi quia posset facere, ut ego attollam, neq; posset ipsa attollere oculos, nisi me prius attollente meos oculos, ac per hoc & ipsius oculos erigente. ita nos, qui ad imaginem Dei facti sumus, & imago ipsius sumus, si quando nos Deo propter peccata nostra deserente, proni spectemus in terram, & depressis simus oculis mētis nostræ in bona huius mundi, etiam si propter arbitrii nostri libertatem, in potestate nostra habeamus facere, ut Deus aspectum nostrum à terra erigat, & ad se conuertat, tamen hoc non possumus facere, quin Deus ipse prius se quodam modo erigat & tollat, ut nos leuet, & ipsum possimus erectis oculis recta aspicere, hoc est quin Deus ipse prius nostræ humilitatis & depressionis misertus admirabili quodam modo, & planè suauissimo, & nostræ libertati consono, ab his quæ male amamus, nos abstrahat, & rebelles nostras ad se conuertat uoluntates.

259

DE NECESSITATE GRATIAE
AD BENE OPERANDVM.

QVAESTIO DVODECIMA.



Necessaria sit gratia auxiliij specialis ad quodcunq; opus bonum, & ad uincendum quãuis tentationem, & implendum quodcunq; mandatum, & uitandũ quodcunq; peccatum. Et uidetur quidem ad hæc omnia gratiam Dei esse necessariã. Hieremias enim dicit. Non est in homine uia eius, neq; uiri est, ut ambulet & dirigat gressus suos. Et David uictoriam tentationum à Dei adiutorio sperat, & non à sui arbitrij uiribus. Ait enim. In te inimicos nostros uentilabimus cornu, & in nomine tuo spernemus insurgentes in nos. Neq; enim in arcu meo sperabo, & gladius meus non saluabit me. Et alibi. Hi in curribus, & hi in equis, nos autem in nomine Dei inuocabimus. Et iterum. Dominus protector uitæ meæ à quo trepidabo? Et quoniam nouerat diuini esse muneris recte agere, alibi precatur. Dirige domine Deus meus in conspectu tuo uiam meam. Et iterum. Perfice gressus meos in semitis tuis, ut non moueantur uestigia mea.

Hiere. 10.

Psal. 43.

Psal. 19.

Psal. 17.

Psal. 5.

Psal. 16.

Incontrarium autẽ uidetur illud stare, quod per Salomonẽ dominus dicit. Hominis est animam preparare, & domini gubernare linguam. Nisi enim homo posset aliquod bonũ facere per suas uires naturales, cur diceretur ipsius esse preparare animam, hoc est bene proponere, ne offendat & labatur uerbis suis, domini autem gubernare linguam? Et his fauet quod aliàs non semel scriptura admonet nos preparare corda nostra domino, quod nõ faceret, nisi hoc nostrẽ subesset potestati.

Prou. 16.

I. Reg. 8.

et Amos.

4.

Ad hanc quæstionem hac conclusione respondeo.

CONCLUSIO.

Non ad quodcunq; opus bonum moraliter necessariũ est auxilium Dei speciale, neq; ad quãcunq; tentationem uincen

KK ij

dum, neq; ad quodcunq; mandatum, uel consiliū imple-
 dum, neq; ad quodcunq; peccatum uitādum, sed mediā quæ-
 dam uia eligenda est, nempe ut dicamus ad opera fidei & reli-
 gionis, & generaliter ad opera præcellentia faciendum, ad im-
 plendum consilia & mandata grauiora, ad uincendum diffici-
 les tentationes, necessarium esse auxilium speciale, nō uero ad
 alia quæ nullius, aut certe exiguæ sunt difficultatis, & per eam
 uel certe nō eximiam laudem meremur. Exempli gratia. Ad
 fidem, dilectionem Dei super omnia, pœnitentiam, martyriū,
 uirginitatem, diuturnam continentiam, uoluntariam pauper-
 tatem, & magnam abstinentiam, professionem religionis, su-
 scepcionem puram & mundam sacramentorum, elemosynas
 grandes, & similia, necessarium est auxilium Dei speciale, nō
 uero ad comedendum, bibendum, dormiendum, arandum,
 & faciendum opera seruilia, neq; ad reddendum debitum uxo-
 ri, neq; ad induendum nos decenter & similia. Ad huiusmodi
 enim omnia sufficiunt nostræ naturales uires cum concursu
 Dei generali. Et ista mediā uia, nunc est communis in schola,
 & eam tuentur Magister in secundo, distinctione. 26. cap. 8.
 Sanctus Thomas prima secundæ, quæstione. 109. articulo. 7.
 Sanctus Bonaventura quæstione ultima distinctionis. 28. se-
 cundi. Doctor subtilis ibidem, & aliàs non semel Durandus
 in secundo, distinctione. 28. quæstione. 2. Gabriel eadem distin-
 ctione, quæstione unica, & alij.

Et pro ista mediā uia uidetur primo esse cōmunis existima-
 tio & confessio catholicorum. Omnes enim catholici adscri-
 bunt cōmuniter auxilio Dei speciali uictoriam magnarum
 tētationum, & exercitium magnorum & difficilium operum
 uirtutis, perseverantiam diutinam in gratia Dei, & continua-
 tionem lōgam aliquorum operum bonorum, & pro istis gra-
 tias Deo agunt, & ipsius opem ad hæc perficienda iugiter im-
 plorant; non eadem autem consueuere facere in alijs leuibus,
 & facilimis operibus, tametsi bonis.

Secundo pro hoc medio possumus argumentari, quia si ni-
 hil omnino possemus boni sine auxilio Dei speciali, non er-
 go per peccatum Adæ, infirmatum esset & uulneratum, siue

debilitatum & attenuatum nostrum liberum arbitrium, sed exinanitum & extinctum. Cuius contrarium supra ex doctoribus ecclesiae citauimus. Et cum Dionysius quarto, de diu. no. dicat naturalia mansisse integra in angelis malis, & idem tradat Damasc. & communiter receptum sit a doctoribus ecclesiasticis, æquum non est, neque uerisimile credere nos impotentes ad bonum factos esse per peccatum. Imbecillam esse humanam naturam ad bonum legi in Ambrosio super Esaiam. Non posse esse fortem nisi diuina ope, lego in Cypriano de oratione dominica, sed nullam esse ad bonum in nullo legi doctorum ecclesiae.

Tertio ad idem argumentor. Si nihil omnino boni possumus sine auxilio Dei speciali, nihil ergo possunt facere infideles, ut se disponant ad obtinendum gratiam diuinam, qua trahantur ad fidem & gratiam diuinam. Nam multa opera non ad hæc disponunt, sed potius à Deo alienant.

Quarto idem confirmo. Unus & idem actus successiue potest esse bonus & malus. Sed cum est malus, potest à nobis continuari cum auxilio Dei generali. Ergo etiam quando est bonus. Natura enim nostra deprecatur ad optima, neque difficilius uidetur esse hunc actum, uolo comedere carnes, continuare pro tempore, quo est bonus, quam pro tempore quo est malus.

Quinto. Si nihil omnino boni possumus ex uiribus nostris naturalibus, natura ergo nostra modo mala esset, ut dixerunt Manichæi, & non bona. Omnis enim arbor bona, ut Christus dicit, bonos fructus facit. Vnaquæque enim arbor de fructu suo cognoscitur, neque est arbor bona, quæ malos fructus facit. Et sicut in naturalibus non esset bona alicuius rei natura, si non posset producere aliquid boni, ita uidetur neque rationalis creatura esse dicenda bona, si non eadem potest facere aliquid bonum rationale, hoc est morale.

Sexto etiam & hoc firmare possumus ex Paulo expresse dicente. Qui statuit in corde suo firmus non habens necessitatem, potestatem autem suam uoluntatis, & hoc iudicauit in corde suo seruare uirginem suam, bene facit. In his enim uerbis clare uidetur Paulus uniuscuiusque subijcere uoluntati seruare uirginem, quæ suæ curæ incumbit, Quod & ipse bonum

Matt. 7.

Luc. 6.

I. Cor. 7.

ibi diffinit. Et ubi nihil aliud esset, uel hoc solum deberet sufficere ad eligendum hanc opinionem, quod mediat inter duo extrema Manichæorum & Pelagianorum, Manichæorum dicentium nihil nos posse boni, Pelagianorum dicentium posse nos quiduis bonum. Media enim ubique sunt tutissima, extrema uero periculosa, & in errorem præcipitant. Et hoc medio ostendimus nos, neque domino sanos esse, neque omnino mortuos, sed infirmos, sed laesos, sed ope diuina ubique indigentes, neque euacuumus gratiam Dei, neque naturæ nostræ iniuriã facimus.

Sed quantumcunque ista probabilia & apparentia sint, non desunt tamen nobiles auctores, qui usque adeo extollunt gratiã Dei, & nostri arbitrii uires extenuant, ut prorsus dicant post peccatum Adæ neque posse nos uincere etiam minimam tentationem, neque leuissimum aliquod mandatum explere, aut consilium, & breuiter neque posse nos facere aliquod bonum opus moraliter. Et inter eos, qui hoc defenderunt, notissimus est & præstantissimus Grægorius Ariminensis. In secundo enim, distinctio. 26. q. 1. arti. 1. et dist. 29. q. 1. art. secundo, latissime hanc sententiam tuetur ex testimonijs Augustini, Ambrosij, Hieronymi, Gregorij, Isidori, Bedæ, Bernardi, Lincolniensis, & sancti Thomæ in. 2. distinctione. 29. quaestione prima, art. 1. et. 2.

Quadruplicia autem sunt potissima argumenta, quæ pro illo contra nos fieri possunt, quæ nos, quoniam ualde apparentia sunt, oportet antequam ulterius progrediamur, dissolvere. Ac primo quidem contra nos possunt induci multa testimonia scripturæ. De fructibus enim mandatorum, ac generaliter de omni opere bono dixit Christus. Sine me nihil potestis facere. Et Paulus. Quis enim te discernit? Quid aut habes quod non accepisti? Quod si accepisti, quid gloriaris quasi non accepisti? Et iterum. Non sumus sufficientes cogitare aliquid ex nobis, quasi ex nobis, sed sufficientia nostra ex Deo est. Et alibi. Deus est qui operatur in nobis & uelle & perficere pro bona uoluntate. Et aliàs sæpe scriptura docet omnia bona esse à Deo, & de omni bono opere Deo esse gratias agendas, & ad omne bonum opus, Dei fauorem & gratiam esse implorandam. Quod non uidetur esse faciendum, siquidẽ nos hæc pos-

Matt. 15.

1. Cor. 4.

2. Cor. 3.

Philip. 2.

semus sine ipsius gratia. Ut enim pulchre ait Augustinus contra Vitalem hæreticum, Prorsus non oramus Deum, sed orare nos fingimus, si nos ipsos non illum credimus facere quod oramus. Habent & secundo isti autores pro se multas diffinitiones ecclesiæ in quibus videntur eadem diffiniri, quæ modo dicebamus tradita esse ab scriptura. Innocentius enim huius nominis primus in rescripto ad concilium Carthaginense, ita ait, Pares nos ad resistendum non liberum arbitrium, sed Dei solius facere potest auxilium. Et in epistola ad concilium Mileuitanum. In omnibus diuinis paginis uoluntati liberæ non nisi adiutorium Dei legimus esse neccendum, eamq; nihil posse coelestibus præsidijs destitutam. Et Cœlestinus huius nominis primus in epistolæ primæ cap. 8. 9. et. 12. uidetur hoc ipsum diffinire. In. 8. enim cap. ita inquit. Omnia studia, & omnia opera ac merita sanctorum ad Dei gloriam, laudemq; referenda sunt, quia nemo aliunde ei placet, nisi ex eo quod ipse dona uerit. Et confirmat hoc ex uerbis Zozimi Papæ in epistola ad totius orbis episcopos dicentis. Omnia bona ad autorē suū referenda sunt, unde nascunt. Quæ uerba honore mirifico ueneratos esse dicit Aphros episcopos, ut quæ illos, qui cōtra Dei adiutorium extollunt humani arbitrii libertatem, districto gladio ueritatis ferirent. Et infra. Præparatur uolūtas à domino, & ut boni aliquid agant, paternis inspirationibus suorum ipse tangit corda fidelium. Quotquot enim spiritu Dei aguntur, hi filij sunt Dei, ut neq; nostrum sentiamus deesse arbitrium, & in bonis quibusq; uolūtatibus humanæ singulis motibus, magis illius ualere non dubitemus auxilium. Et statim sequitur in cap. 9. Ita Deus in cordibus hominū, atq; in ipso libero operatur arbitrio, ut sancta cogitatio, pium cōsilium omniscq; motus bonæ uoluntatis ex Deo sit, quia per illum aliquid boni possumus, sine quo nihil possumus. Et confirmat hoc ex eodē Zozimo ubi supra sic scribente. Quod ergo tempus interuenit, quo Dei nõ egeamus auxilio? In omnibus igitur actibus, causis, cogitationibus, motibus, adiutor & protector orādus est. Superbum est enim, ut quicquam sibi humana natura præsumat clamante apostolo, Non est nobis colluctatio &c. Et

264 DE NECESSITA. GRA. AD BENE OPE.
cap. 12. Omnium bonorum affectuum atq; operū, & omnium
studiorum, omniumq; uirtutū, quibus ab initio fidei ad Deū
tenditur, Deum fateamur autorem, & non dubitemus ab ip-
sius gratia omnia hominis merita præueniri, per quem fit, ut
aliquid boni & uelle incipiamus & facere. Hæc ibi. Citat etiā
Ariminēsis Coelestinum in quadam epistola decretali appro-
basse hæc uerba Innocentiū primi, Nemo nisi per Christum li-
bero bene utitur arbitrio. Et si bene ponderentur quæ patres
in concilio Mileuitano ex autoritate Innocentiū primi cōgre-
gato cap. 34. & quinto diffinierunt, quæ & postea ibidem à
Coelestino primo cap. 10. eiusdem epistolæ expresse cōfirmata
sunt, & ut propria apostolicæ sedis recepta, equidē uideri po-
test, & hoc ipsum ibi diffinitum, ad quodcunq; peccatum ui-
tandum, quācunq; & tentationem uincendam, & quodcunq;
bonum operandum necessariā esse gratiam diuinā. Quauis
enim aliquis posset dicere ibi tantum esse statutū requiri gra-
tiam diuinam ad peccata uitanda, ad bona faciendum, & im-
plendum mandata diuina, non uero ad quodcunq; peccatum
uitandum, uel ad quodcunq; bonum faciendum, uel ad quod-
cunq; mandatum implendum. Verba enim superficie tenus
considerata, hoc solum sonant, tamen si bene omnia perpen-
damus, & hoc quoq; secundum uidētur uoluisse statuere. Di-
cunt enim per gratiam diuinam præstari nobis adiutorium,
ut non committamus peccata, & ut bonū quod cognouimus
facere, diligamus, atq; ualeamus, & de fructibus mādatorum
dictum diffiniūt à Christo. Sine me nihil potestis facere. Quæ
quidē non uidentur ab eis esse dicenda, si credidissent aliquod
mandatum impleri posse, uel aliquod peccatū uitari, sine gra-
tia diuina. Et in concilio Arausicano. 2. canone. 9. ita lego. Di-
uini est muneris, cum & recte cogitamus, & pedes nostros à
fallitate & iniustitia tenemus. Quoties enim bona agimus,
Deus in nobis, atq; nobiscum operat. Et canone. 20. Nihil bo-
ni hominē posse sine Deo. Multa in homine bona fiunt, quæ
non facit homo. Nulla uero facit bona, quæ nō Deus præstat,
ut faciat homo. Hæc ibi. Allegat etiā Ariminensis ex epistola
quadam Bernardi, inter errores Petri Abaylardi, quos multi
episcopi

episcopi ad Innocentium retulere, & hunc quoque fuisse connumeratum. Liberum arbitrium per se sufficit ad bonum.

Tertio habent pro se isti autores testimonia multa sanctorum, & in primis Augustini. Qui in libro primo, contra duas epistolas Pelagianorum cap. 3. ita ait. Neque potest homo boni aliquid uelle, nisi adiuuetur ab eo, qui malum non potest uelle, hoc est gratia Dei per Iesum Christum dominum nostrum. Et libro secundo cap. 5. Liberum arbitrium ad bene pieque uiuendum non ualet, nisi ipsa uoluntas hominis fuerit liberata, & ad omne bonum actionis, sermonis, cogitationis adiuta. Et cap. 7. Gratia utique datur, ut per illa fiat bona opera, ne si praecesserint bona opera, tanquam operibus reddatur gratia, ac sic gratia iam non sit gratia. Et cap. 8. Si sine Dei gratia per nos incipit cupiditas boni, ipsius coeptum erit meritum, cui tanquam ex debito gratiae ueniat adiutorium, ac sic gratia Dei non gratis donabitur, sed meritum nostrum dabitur. Et ad hoc probandum ponderat Christum non dixisse. Sine me nihil potestis perficere, sed sine me nihil potestis facere, ut initium & finem comprehenderet, & apostolum dixisse. Qui in uobis coepit, perficiet. Et iterum. Non sumus sufficientes cogitare, &c. Quod si non sufficiamus cogitare, quomodo, inquit, sufficemus cupere? Inducit etiam illa. Aperiam os tuum. Preparatur uoluntas a domino. Et dixi nunc coepi, A domino responsio lingua. Et cap. 9. ita dicit. Hominis bonum propositum adiuuat subsequens gratia, sed neque ipsum esset, nisi praecederet gratia. Et probat hoc ex illis uerbis Pauli. Gratias autem Deo, qui dedit idem studium in corde Titi. Ex hoc enim dare uidetur colligi posse non fuisse illud studium, nisi a Deo, & cum par sit ratio de alijs operibus bonis, etiam alia opera bona esse a Deo. Ad haec in libro de gratia Christi contra Pelagium & Celestium refert, & quidem non improbando, sed probando, Pelagium anathematizasse eum, qui dicit uel sentit gratiam Dei, qua Christus uenit in hunc mundum peccatores saluos facere, non solum per singulas horas, aut per singula momenta, sed etiam per singulos actus non esse necessariam. Et cap. 31. refert eum in epistola ad sanctae memoriae Innocentium papam di-

ioan. 15.

2. cor. 3.

EXO. 4.

Psal. 76.

Prou. 16.

2. cor. 8.

LL

xisse in omnibus bonis operibus liberum arbitrium diuino
 semper adiuuari auxilio. Et cap. i. de prædestinatione sancto-
 rum laudat quosdam, qui iam ad hoc peruenerunt, ut præue-
 niri uoluntatem hominum Dei gratia fateantur, atq; ad nul-
 lum opus bonum, uel incipiendum, uel perficiendū, sibi quāq;
 sufficere posse consentiant. Et monet uerbis apostoli, ut in eo
 ad quod peruenerunt, ambulent, ut orent Deum, qui dat intel-
 lectum. Et infra eodem libro. Nemo sibi sufficit ad incipiendū
 uel perficiendum quodcunq; opus bonum, sed in omni opere
 bono & incipiendo & perficiendo sufficientia nostra ex Deo
 est. Et in tertio Hypognosticon. Adam per uelle malum per-
 didit posse bonum. Et ibidem absq; gratiæ adiutorio, neque
 ualet homo incipere, quod Deo placeat, neque perficere
 sufficit. Et in sexto libro ita ait. Si quid te boni posse uides,
 age gratias præparanti, quod potes, non propriæ uoluntati.
 Quia omnino sine illo nihil potes, qui dixit, Sine me nihil po-
 testis facere. Et primo libro ad Simplicianum. Nihil boni fit à
 catechumenis sine adiutorio gratiæ Dei. Et sermone. 9. de uer-
 bis apostoli. Cōfiteri à Deo te habere, quidquid habes boni, à
 te quidquid mali. Et sermone. 12. Prorsus si adiutorium Dei
 defuerit, nihil boni agere poteris. Et subdit. Cum dico tibi. Si-
 ne adiutorio Dei nihil agis, nihil boni dico, nam ad male agē-
 dum habes sine adiutorio Dei liberam uolūtatem. Et de gra-
 tia & libero arbitrio cap. 40. Liberi arbitrii conatus ad bonū
 cassi sunt, si non gratia adiuuentur, nulli si non excitentur.
 Et in epistola ad Paulinum episcopum Nolanum, refert Pela-
 gium in Palæstino concilio coactum esse anathematizare hāc
 propositionem, ut catholicæ ueritati contrariam. Victoria tē-
 tationum non est nobis ex Dei adiutorio, sed ex libero arbi-
 trio. Idemq; refert Aurelius episcopus Carthaginēsis episco-
 pus. Et uterq; dicit compulsus ibi fateri gratiam Dei dari ad
 singulos actus, uidelicet bonos. Et. 4. cōtra Iulianum à cap. 7.
 usq; ad. 19. disputat neminem posse recte agere absq; gratia. Et
 in epistola eadem ad Paulinum. Sine gratia Dei nos dicimus
 ad non peccandum nihil ualere uoluntatis arbitrium. Et ibi-
 dem. Si quærere homo uoluerit ante gratiam quid meruerit,

ut accipiat eam, mala sua poterit homo inuenire, non bona. Et subdit. Ipsum hominis meritum donū est gratuitum, neq̄ à patre luminum à quo descendit omne datum optimum, boni aliquid accipere quisquam meretur, nisi accipiendo quod non meretur. Et in de prædestinatione diuina. Liberum arbitrium prono ad nequitiam lapsu fluit, & cum ad uirtutis indolem Dei auxilio deserente nihil possit, ad genus omne peccati idonea fultum uirtute subsistit. Et in epistola ad Vitalem. Scimus gratiam Dei neq̄ paruulis, neq̄ maioribus secundum merita dari. Scimus maioribus ad singulos actus dari, scilicet bonos. Et in de correctione & gratia. Sola gratia Dei homines liberantur à malo, & sine ipsa nullum prorsus, siue cogitādo, siue uolendo, & agendo faciunt bonum. Et lib. 2. de pec. me. et re. c. 18. dicit se nescire quid in uoluntate nostra boni inueniri possit quod sit nostrum. Et his prorsus concinere uidetur barbatus ille Hieronymus fortissimus ecclesiæ antesignanus. Nā in libro tertio dialogi contra Pelagium, ita ait. Hoc longa disputatione conclusum est, ut gratiam suam dominus, qua nobis liberum cōcessit arbitrium, in singulis operibus iuuet atq̄ sustentet. Et in epistola ad Ctesiphontem ita ait. Vnde audes lingua temeraria proferre unūquenque suo regi arbitrio? Si suo regitur arbitrio, ubi est auxilium Dei? Et si Christo rectore non indiget, quomodo scribit Hieremias. Non est in homine uia eius? Et subdit. Ipsum liberum arbitrium Dei nititur auxilio, illiusq̄ per gūnsila ope indiget.

Hic. 10.

Quarto principaliter possumus pro istis doctoribus argumentari scholastice. Ad aliquos bonos actus necessarium est auxilium speciale. Ergo ad omnes. De omnibus enim indifferenter & absq̄ ulla distinctione loquūtur scripturæ & sancti, neq̄ uidetur ulla satis certa regula posse explicari, ad quos sit requisitum, & ad quos non. Et confirmare hoc possumus. Si enim nō esset necessaria gratia auxiliij specialis, cum in dæmonibus manserint naturalia integra, possent illi habere aliquos bonos actus, quod communiter tamen negatur.

Sed neq̄ istis argumentis quantūcūq̄ apparentibus adduci possum, ut credam tantopere deprauatam esse naturam

LL ij

nostram, ut nihil prorsus possit boni. Ideoq; ad ea nitar respōdere, & pro solutione trium priorum argumētōrū, nam quartum nullam habet difficultatem, dico quatuor.

Primum est. Etiam si nos possimus aliquod bonum opus ex naturalibus facere, tamen consultissimum & sanctissimum est ad omne bonum opus, diuinum adiutorium implorare, & in sola spe gratiæ cœlestis inniti, & de omni bono opere gratias Deo agere, & ei illud, & nō nobis imputare. Primo enim sic cautius uiuemus, securioresq; erimus à superbia, uanagloria, philautia, & cœlestem opē ad illa bona, & similia alia certius promerebimur in omnibus, uidelicet ei gratias agētes, & ipsius gloriam quærētes. Secundo ea re profitebimur, id quod uerissimum est, etiam ea bona, quæ uel facimus, uel obtinemus cum solo Dei concursu generali, ad Deum esse referenda, & pro illis Deo esse gratias agendas, sicut totam ecclesiam uideamus Deo gratias agere de pluuia tempestiua, de felicibus terræ fructibus, de bona corporū nostrorum ualitudine, de placidīs, quietis, & cōmodis anni temporibus, quāuis ista à Deo per solum suum generale concursum prouenire sit certum. Et merito etiam ad illa bona quæ per generalem cursum naturæ nobis accedunt, Deus humiliter implorandus est, & cum illa nobis præstiterit, totis præcordijs est laudandus. Generalem enim suum concursum Deus certe nobis non debet, & subtrahere sine ulla iniustitia posset, & in illis, quæ per ipsius generalem influentiam facimus, plus ille multo facit quàm nos, & multa dona ipsius ad id prærequisita sæpe sunt. Et præterea, ut uerissime tradit pientissimus ecclesiæ doctōr Bernardus sermone. 7. de aduentu, triplici incommodo miserabiliter laboramus in hac uita. Nam faciles sumus ad seducendum, debiles ad operādum, fragiles ad resistendum. Si discernere uolumus inter bonum & malum, decipimur. Si tentamus facere bonū, deficimus. Si conamur resistere malo, deijcitur & superamur. Hæc Bernardus. Et cum natura nostra adeo simus imbecilles & fragiles, tamen colluctatio est nobis, ut ait Paulus, nō aduersus carnem & sanguinem, sed aduersus principes & potestates tenebrarum, ad quorū potētiam nostræ uires collatæ

penè nihil sunt, præsertim cum ipsi omni loco, & tempore no-
 bis immineant, & contra nos inuigilent, & attentissimi sint,
 aliundeque etiam innumerabilia impedimèta, pericula, laquei,
 doli, fraudes, insidiæ mundi & carnis nostræ passim occurrunt,
 quæ nos à bono auertant, & ad malum trahant. Tentat enim
 nos error, ut decipiat. Tentat labor, aut dolor, ut frangat. Ten-
 tat libido, ut accendat. Tentat mœror, ut sternat. Tentat ty-
 phus, ut extollat. Et hoc est iugum graue, quod super filios
 Adæ dicit esse Ecclesiasticus à die natiuitatis usque ad diem mor-
 tis. Corpore enim sumus mundo, & fragili, & infirmo, animo
 autem anxio ad molestias, humili ad timores, molli ad labo-
 res, prono ad libidines. Cum igitur tot, & tam rigidos habea-
 mus aduersarios, totque & tam grauibus periculis septi undique
 simus, nihil sanè possumus, neque utilius, neque salubrius nobis
 persuadere quàm ad diuinam clementiam semper & ubique cõ-
 fugere, quæ una facillime potest, omnia ista aduersantia, uel
 de medio tollere, uel certe in bonum nostrum conuertere, &
 contra ea omnia nos uelut muros æneos firmare. Accedit ad
 hæc, quod incerti sumus, an Deus auxilio speciali ista faciat,
 quotiescunque bonum aliquod operamur. Vix enim aut nun-
 quam destituit homo omni gratia gratis data, ut sanctus Bo-
 nauentura & Gabriel ubi supra asserunt. Et potest Deus pro-
 pter suam benignissimam bonitatem etiam si non sit necessa-
 rium, suum tamen nobis communicare liberaliter auxilium,
 ut facilius bonum possimus. Atque ideo ne deficiamus à gra-
 tijs debitjs Deo, & nobis plus iusto tribuamus, æquum est &
 prudētissimum omnia bona Deo adscribere, & sola mala no-
 bis tribuere. Verissime enim ille per quendam prophetam di-
 cit. Perditio tua Israel, tantummodo in me auxilium tuum. Et
 beatissimus Christi martyr Cyprianus, ut sæpe ex illo citat
 Augustinus, in nullo ait esse gloriandum, quia nostrum ni-
 hil est. Et sanctissimus papa Gregorius. 22. Moralium su-
 per illa uerba. Si osculatus sum manum meam ore meo, hunc
 fuisse dicit morem sanctorum, ut quidquid boni in se inspiciunt,
 immortalis gratiæ agnoscant donum. Et ad finem sextæ syno-
 di generalis inter documenta cuiusdam patris approbata à sy

Eccle 40.

Osee. 13.

colof. 3. nodo, & hoc quoque legimus, ut bonum aliquod, quicumque in se uiderit, Deo applicet non sibi. Et imitari conuenit illud Paulinum. Omne quodcumque facitis in uerbo aut in opere, omnia in nomine Domini nostri Iesu Christi facite gratias agentes Deo & patri per ipsum, & cum psalterio semper dicere. Tu es susceptor meus domine gloria mea, & exaltans caput meum.

Psal. 3. Diligam te domine fortitudo mea, dominus firmamentum meum, & refugium meum, & liberator meus. Deus meus adiutor meus, & sperabo in eum. Protector meus, & cornu salutis meae, & susceptor meus. Et iterum. In Deo faciemus uirtutem, & ipse ad nihilum deducet insurgentes in nos. Beatus enim uir, cuius est auxilium ab ipso, hic enim unus ascensionis in corde suo disponet, & proficiet de uirtute in uirtutem, donec uideatur Deus Deorum in Sion. Aliudque multo est dicere nos posse aliqua bona opera facere sine auxilio Dei speciali, aliud dicere nos ea facere. Multum enim interest inter posse & facere. Et nos posse quidem concessimus, non autem facere. Pluraque autem loca ex citatis adiuuari nos dicunt in singulis actibus bonis, non autem nos non posse eos efficere, sine peculiari Dei adiutorio.

Secundo dico. Illa quae difficilime possunt fieri, moraliter dicuntur impossibilia. Estque istud receptum, & in scripturis sanctis, & apud doctores ecclesiae, & in usu communi. Atque ideo omnia illa loca, quibus uidetur asseri nos nihil boni posse sine Dei speciali auxilio, ita possumus interpretari, ut dicamus id ideo dici, non quod uere nihil possimus, sed quod difficilime & uix aut nunquam sine Dei gratia bonum quodpiam possimus.

Tertio dico. Quauis aliquod bonum opus efficere possimus sine speciali Dei gratia, & aliquod peccatum uitare, aliquandoque tentationem uincere, tamen nullo modo sine illo omnia possumus peccata uitare, omnesque tentationes uincere, & ubique & semper bene operari, & diuina mandata implere. Ideoque aliqua sanctorum uerba, quibus affirmatur nos non posse bene uiuere, aut tentationes uincere, aut peccata uitare, aut mandata implere sine Dei peculiari gratia exponenda sunt, non quod ad horum singula simpliciter, & absolute necessarium sit diuini

num auxilium, sed quod ad omnia collectivè necessarium est, neque longo potest quis tempore perseverare in istis bonis operibus sine illo. Et tam exigua sunt, & tam levia illa bona opera, quæ quis potest per solum Dei generalem concursum, tam exiguumque est tempus, quo in illis quis potest sine lapsu perseverare, ut merito moraliter loquendo potuerint sancti dicere nihil nos posse boni sine Dei gratia. Quod enim parum distat à re, nihil distare videtur. Et hac ratione, c. 8. de gratia & lib. arb. dicit Aug. Vita bona nostra nihil aliud est, quam Dei gratia.

Quarto dico. Sacrae literæ, sacrique doctores illa sola bona appellant, quæ ad pietatem pertinent, quæ ad vitam æternam adipiscendam conducunt, quibusque, vel vitam æternam meremur, vel ad gratiam consequendam disponimur. Nam alia cum brevissime pereant, & sine merito fructu transeant, indigna censent, quæ bona appellentur. Unde Paulus nihil se esse asseruit, quantumcumque magna bona haberet, si non haberet caritatem, & nihil sibi absque ea, prodesse etiam præcellentia opera constanter docuit. Quia quavis ad aliqua bona temporalia ualere illa possent, tamen certus erat nihil ea ualere ad æterna. Itaque testimonia omnia, quæ affirmant nos nihil boni posse sine gratia diuina, de bono meritorio interpretanda sunt, uel de bono, quod ad pietatem pertineat & ad uitæ æternæ consecutionem conducatur. Et nequis ista fingere nos existimet, & quoniam Gregorius Ariminensis maxime uidetur fretus testimonijs diui Augustini, libet hanc ultimam solutionem, quæ uel sola potest pro omnibus locis inductis sufficere, aliquibus testimonijs ipsius Augustini confirmare, & ostendere obiter non eum pro illo, sed pro nobis potius stare. Libro itaque 4. contra Iulianum cap. 3. cum dixisset in infidelibus, nulla esse bona opera, ne quispiam deciperetur, subiunxit statim. Scito nos illud bonum hominum dicere, illam uoluntatem bonam, illud opus bonum sine Dei gratia, quæ datur per unum mediatorem Dei & hominum, nemini posse conferri, per que d solum potest homo ad æternum Dei donum, regnumque perducere. Omnia proinde cætera, quæ uidentur inter homines habere aliquid laudis, uideantur tibi uirtutes ueræ, uideantur opera

I. COR. 13.

ROM.

COR.

bona, quid ad me pertinet? Hæc ibi. Ex quibus manifestū est diuum Augustinum hæc sola bona appellasse, quæ ad æternā uitam conducunt, ac proinde nullum illius testimonium ex inductis probare, non posse nos efficere per solum generalem Dei concursum aliqua bona opera moraliter. Atq; hinc colligi potest, quo in sensu ibi late disputet, non posse reperiri fructus bonos in arbore non bona. Non enim negat Aug. in peccatoribus uel infidelibus reperiri posse opera bona, sed tantū negat reperiri posse opera uitæ æternæ meritoria. In tertio etiam Hypognosticon ita scriptum reliquit. Est igitur in nobis liberum arbitrium, quod quisquis esse negauerit, catholicus non est, & quisquis sic esse dixerit, quod sine Deo bonum opus, id est, quod ad eius sanctum propositum pertinet, neq; incipere, neq; perficere possit, catholicus est. Vides ut exponat bonum opus illud, quod pertinet ad sanctum Dei propositū, uidelicet de beatificandis nobis. Et in libro primo de gratia Christi contra Pelagium & Celestium cap. 26. ita dicit. Et si Dei mandatum uidetur aliquando non à diligentibus, sed à timentibus fieri, tamen ubi non est dilectio, nullum bonum opus imputatur, neque recte bonum opus uocatur. Quia omne quod non est ex fide peccatum est, & fides per dilectionem operatur. Ac per hoc gratiam Dei, qua caritas Dei diffunditur in cordibus nostris per spiritum sanctum, qui datus est nobis, sic confiteatur, qui uult ueraciter confiteri, ut omnino nihil boni sine ea, quod ad pietatem pertinet, ueramq; iustitiam fieri posse non dubitet. Patet ex his ea sola bona opera appellare, quæ ad pietatem pertinent, & in gratia fiunt. Et de correctione & gratia cap. 47. nō dicit liberum arbitrium nostrum per se nullum esse ad bonum, sed paruum. Ait enim sic. Liberum arbitrium ad malum sufficit, ad bonū autem parum est, nisi adiuuetur ab omnipotente bono, & idem dicit in de perfectione iustitiæ, responsione. 17. uel. 18. Et cap. 8. de prædestinatione sanctorum, cum tractaret illa uerba apostoli. Quid autē habes quod non accepisti, & dixisset nihil esse his uerbis tam contrariū, quàm de suis meritis sic quēpiam extolli, tanquam ipse ea fecerit, non gratia Dei, ut ostenderet de qua gratia loqueretur,

Rom. 5.

1. Cor. 4.

queretur, mox addidit. Sed gratia quæ discernit bonos à malis, non quæ cõis est bonis & malis, & de hac una esse apostolum intelligendum, probat ex illis uerbis. Quis enim te discernit? Non enim ait nisi de huiusmodi bonis quæstio erat. Expõnit itaq; Augustinus hoc loco illa uerba. Quid habes quod nõ accepisti: de bono meritorio. Atq; ita exposuisset similia apostoli, & euangelij loca. Et hac ratione saepe aliàs & peculiariter in enarratione in Psalmum. 32. & in. 3. Hypognosticon, & in cap. 10. de prædestinatione sanctorum, damnat omnia opera infidelium, & omnia, quæ præcedunt fidẽ, inania esse dicit, quantũcunq; uideantur laudabilia. Et in epistola ad Hilarium Siracusanum, liberum arbitrium dicit nõ habiturum iustitiæ soliditatem, quantacunq; scientia legis excellat, si desideratur diuino adiutorio. Quãquam & horum aliam possumus causam assignare ex ipsomet quinto de ciui. Dei. cap. 20. & libro. 21. cap. 16. & de spiritu & litera, cap. 27. & 4. contra Iulianum Pelag. c. 3. Nempe, quod quæ non fiunt ex amore Dei, fiunt ut plurimũ propter alios fines non bonos, atq; ideo si discutiantur quo fine fiant, uix inuenientur iustitiæ debitam laudẽ mereri. Et cum in epistola. 107. quæ est ad Vitalem, dixisset liberum arbitrium primi peccati magnitudine perdidimus, ne, si cut faciunt heretici, hinc sumeret quispiam occasionem negandi liberum arbitrium, aut saltem, sicut facit Ariminensis, negãdi potestatem ad bonum, adiecit statim nullis uerbis interpositis, ut in Deũ credamus, et pie uiuamus. Sed ne amplius hunc esse uerum sensum Augustini quisquam dubitet, audiat quid is tandem in tertio Hypognosticon paulo post principium dicat. Esse, ait, fatemur liberum arbitriũ in omnibus hominibus habens quidem iudicium rationis, nõ per quod sit idoneum, quæ ad Deum pertinent, sine Deo aut inchoare, aut certe peragere, sed tantum in operibus uitæ præsentis tam bonis quàm etiam malis, bonis dico, quæ de bono naturæ oriuntur, idest uelle laborare in agro, uelle manducare & bibere, uelle habere amicum, uel habere indumenta, uelle fabricare domũ, uelle uxorem ducere, pecora nutrire, artẽ discere diuersarũ rerum, uelle quidquid bonũ ad præsentem uitã pertinet. Hæc ibi. Ex quibus perspicuum est secũdum diuum Augustinũ aliqua bo

274 DE NECES. GRA. AD IMPL. DIVI. MAN.
 na posse nos sine Dei speciali auxilio. Et propter hec uerba col-
 legit, ut opinor, magister in. 2. dist. 28. cap. 8. Augustinum non
 negare aliqua bona posse nos facere per liberum arbitriū sine
 Dei gratia. Dicit tamen aliquis studiosus Gregorij, hæc cōnu-
 merata hic ab Augustino bona non esse moraliter, quia nō re-
 ferunt in Deum, neq; amore Dei fiunt. Video unde deceptus
 fuerit Gregorius, ut crederet nos nihil posse sine auxilio Dei.
 Nēpe quod amorē Dei sine speciali auxilio habere non possu-
 mus. Sine eo autē nullū est bonum opus. Sed certe hæc relatio-
 nem in Deū ponere requisitā esse ad opus bonū moraliter, cō-
 tra rationē est, & contra philosophū, & contra Augustinū hoc
 loco, & ut aliās Deo propitio ostēdemus, etiā contra sacrā scri-
 pturam. Ideoq; ista satis sunt pro ista quæstione.

DE NECESSITATE GRATIAE AD IMPLENDA DIVINA MANDATA.

QVAESTIO TERTIADECIMA.



Necessaria sit gratia gratūfaciens ad implē-
 dum præcepta diuina.

Videtur enim necessaria ex canone. 5. cōci-
 lij Mileuitani, qui sic habet. Itē placuit, ut qui-
 cunq; dixerit, ideo nobis gratiā iustificationis
 dari, ut quod facere per liberū iubemur arbi-
 trium, facilius possimus implere per gratiam,
 tãquam etsi gratia nō daretur, non quidē facile, sed tamē possi-
 mus etiam sine illa implere diuina mādata, anathema sit. Hæc
 cōciliū. Et approbatus est hic canō, & ut proprius apostolicæ
 sedis receptus est à Coelestino primo canone. 10. suæ primæ epi-
 stolæ decretalis. Ex his at uideē requisita eē gratia gratū faciēs
 ad implēdū mādata diuina. Hæc est enim gratia iustificatiōis,
 quādoquidē per eā iustificamur, & formaliter efficiamur iusti.

In contrarium autem est argumentum apparēs. Per gratiā
 auxiliij specialis, quæ est gratia gratis data, potest impleri præce-
 ptū quodcūq; diuinum; ut potest colligi ex dictis, & cōfirmari

quia habitus non est quo simpliciter possumus, ut ait philosophus, sed quo facilius possumus. Non ergo est necessaria gratia gratum faciens, quae habitus quidam est ad implendum mandata diuina.

Pro solutione huius questionis ponam aliquot conclusiones.

PRIMA CONCLUSIO.

Non stat aliquem seruare omnia diuina mandata quin habeat, uel consequatur gratiam gratum facientem. Probatur. Mandata diuina sufficiunt ad perducendum hominem ad uitam aeternam, ut patet ex uerbis Christi. Si uis ad uitam ingredi, serua mandata. Igitur cum nemo consequatur uitam aeternam sine gratia gratum faciente, nemo etiam seruabit omnia diuina mandata, quin habeat uel consequatur gratiam gratum facientem. Estque haec conclusio certa apud omnes doctores catholicos. Unde & sanctus Thomas in. 2. d. 29. ar. 3. inter errores Pelagii computat posse hominem implere omnia precepta sine gratia.

Matt. 19.

Ex ista conclusione potest inferri corrolarie necessarium esse concedere aliquod mandatum, quo teneatur peccator in Deum conuerti, & disponere se ad consequendum gratiam. Alioqui peccatori non satis erit seruare omnia mandata diuina, ut consequatur uitam aeternam. Et ita credunt ceteri doctores. Afferunt enim esse preceptum peculiare de dilectione Dei super omnia & poenitentia.

SECUNDA CONCLUSIO.

Non requiritur gratia gratum faciens ad impletionem cuiuscunque precepti, sed possunt peccatores etiam manentes in peccato mortali implere aliqua precepta. Haec conclusio tenetur ceteri a doctoribus scholasticis, & peculiariter a doctore subtili in. 2. di. 28. & a sancto Thoma in multis locis, & peculiariter in prima secunda. q. 109. ar. 8. & ab Almayno in trac. 2. Moralium. c. 8. & licet quidam existiment esse contra diuum Bonauenturam, tamen eos decipi, neque illius sententiam fuisse affecutos, facile potest colligi ex. 2. di. 28. ar. 1. q. 3. Est tamen haec conclusio contra Dionysium Cisterciensem in. 1. d. 17. q. 1. Vbi extraneam & absurdam hanc opinionem defendit, quod nemo potest preceptum aliquod implere extra caritatem. Sed quidquid ille senserit, nos istam secundam conclusionem certam putamus. Et ne quispiam hoc in dubium uertat, probatur aperte.

Primo, Nusquam habetur hoc preceptum, neque ulla lege diuina

MM ij

Psal. 18.

na, neq; humana talis requiritur conditio. Ergo fictitiū ac planē cōmentitiū est eam requirere circūstantiam, ad impletionē præcepti, lucida enim sunt & clara præcepta diuina, sicut Psal- mista dicit. Et si Deus tale aliquid requireret, aut legis latores humani certe hoc expressissent. Diuinare enim hoc nos non poteramus, cū lex naturalis nihil minus exigit. Et quidem de principibus & prælatis experientia constat eos nō uelle ad hoc obligare quotiescunq; aliquid præcipiunt, & eos qui uouēt se duros aliquā elemosynā uel facturos aliquod ieiuniū, aut peregrinationē, certū est nō se obligare ad obseruandū hoc cū adeo rigida cōditione. Atq; ideo & hi certe extra gratiam Dei implere poterūt sua uota. Et cōfirmat. Qui dant elemosynā, quam tenētur dare, et ieiunant, & audiūt missam, quibus tenētur diebus, faciūt totū qđ præcipit sibi p præcepta ieiunij, elemosynę, & audiēdi missam. Ergo implebūt certe hæc præcepta. Nihil enim amplius requiri uidet ad implēdū aliqđ præceptū, quàm facere totū, quod requiritur ex uerborū illius præcepti.

Secundo. Potest quis uenire ad gratiam implendo aliquod præceptū, ut martyrij, dilectionis Dei super omnia, poenitentię. Ergo nō requiritur gratia gratum faciens ad ea implēdum. Si enim esset requisita, nūquā aliquis p impletionē præcepti ueniret ad gratiā, sed illa deberet præcedere, ut impleret præceptū.

Tertio. Oporteret, si uera esset opinio ista Dionysij, discutere & examinare conscientias nostras, quotiescunq; occurreret tēpus quo obligaret aliqđ præceptū, perinde ac cū deberemus accedere ad susceptionē uel ministracionē sacramētorū. Quod quidē cōtra cōm sententiā omnium catholicorū est. Et quidē ad condēnandū hanc opinionē sufficere deberet cōis existimatio populi Christiani. Oēs enim pro certo & cōperto habēt se nō teneri ad cōfitēdū trāsgressionē præcepti elemosynę, aut ieiunij, cū fecerunt ieiunia & elemosynas ad quas erāt adstricti, etiā si ista impleuerint extra gratiā. Mores autē cōes & existimationes populi Christiani pro lege habendi sunt, sicut diuus Augustinus dicit in epistola ad Casulanum, & habetur dist. II. cap. In his rebus, etiā si hæc impleuerint extra gratiā. Et argumenta Dionysij tam sunt friuola & nullius momenti, ut me sanē pigeat illorum causa uel tantisper immorari.

TERTIA CONCLUSIO.

Aliqua sunt praecepta, quae impleri non possunt sine gratia gratum faciente comitante eorum impletionem. Patet haec propositio de praeceptis eorum actu, quibus positus semper uenitur ad gratiam, ut exempli gratia, de praecepto martyrii, de praecepto dilectionis Dei super omnia, & saltim de praecepto poenitentiae. Ut enim comitis habet opinio scholasticorum, praeceptum habemus de poenitentia tanta, quanta sufficit ad reponendum peccatores in gratia Dei. Et idem etiam uidetur probabilius de dilectione Dei super omnia, ut multi doctores defendunt cum doctore subtili in. 2. di. 28. & in. 4. di. 14. q. 2. & cum Gabriele in. 2. di. 24. q. unica. art. 3. Non enim diligit ex toto corde Deum, qui non sic diligit, ut per eam dilectionem assequatur gratiam diuinam, & uitet omne peccatum mortale. Praeceptum enim dilectionis Dei est praeceptum caritatis & amicitiae in Deum. Et sicut qui haberet in mandatis diligere Petrum ex toto corde, non implet hoc praeceptum, nisi eousque diligeret, ut quantum est ex parte ipsius, perueniret ad gratiam Petri, ita cum nos habeamus praeceptum diligendi Deum ex toto corde, habere etiam credendum est in mandatis, ut eousque diligamus, ut perueniamus ad amicitiam ipsius. Ex parte enim Dei certum est, nihil de futurum, si nos non deficiamus ex parte nostra. Diligit enim omnes diligentes se.

Sed contra istam propositionem possunt fieri duo argumenta. Primum est. Qui habet attritionem de suis peccatis, & cum ea recipit sacramentum poenitentiae, impleuit praeceptum de poenitentia. Venit enim ad gratiam, ut sentit comitis opinio, neque uideatur amplius teneri ad poenitentiam. Non enim requisita est poenitentia, nisi ut ueniamus ad Dei gratiam. Sed attritionem non comitatur gratia, neque impletur, nisi per eam praeceptum de poenitentia. Ergo hoc praeceptum potest etiam impleri sine gratia, ipsius impletio non comitate. Secundum argumentum est. Si in instanti terminatio temporis quo quis tenetur continuare dilectionem Dei super omnia, ut perueniat ad gratiam Dei, peccet quis, & admittat nouum peccatum mortale, is impleuerit praeceptum dilectionis Dei, & tamen sine gratia comitante. Ergo istud etiam praeceptum potest impleri ab existente in mortali, quin perueniat ad Dei gratiam. Verum haec argumenta non est admodum difficile diluere. Ad pri-

278 DE NECES. GRA. AD IMPL. DIVI. MAN.
mum ergo dicendum. Non impleuit præceptum de poeniten-
tia, qui solã habet attritionẽ, ut patet, quia si sibi cõstaret, & nõ
doleret propter Deũ, dolore, qui uere sit cõtritiõ, nõ digne ac-
cederet ad sacramẽtũ poenitentię. Et quõs propter ignoratiã in-
uincibilẽ excuset à nouo peccato, & cõsequatur gratiã in susce-
ptione sacramenti poenitentiis, tamen postea, si sibi cõstaret se nõ
habuisse dolorẽ de suis peccatis ppter Deũ, & ut illius sunt of-
fense, sed tm̃ timore poenarũ, teneret postea dolere pp Deum.
Ad secundũ liberi sumus ab omnibus illis angustijs qui nõ
credimus requisitã esse certã aliquãti tẽporis cõtinuationẽ ad
perueniendum ad gratiã per dilectionẽ Dei super omnia, uel
per poenitentiã. Sed qui eius sunt opinõnis, & falsõ eã impo-
nunt doctori subtili, ut aliàs ostẽdemus, possunt dicere neces-
sarium esse cõtinuare dilectionẽ Dei, uel poenitentiã certo ali-
quo tẽpore, etiã usq; ad instãs ipsius tẽporis terminatiuum in-
clusiue, ita ut illud instans sit primum instans esse gratiã, & di-
spõsitio ad eã sit simul cum ea. Aliàs enim necesse erit conce-
dere, posse aliquem extra uia iustificari, qui semper in uia fuit
in peccato, ut facile est deducere, si illud instans terminatiuum
sit etiã terminatiuum uitã. Et si quidem requisita credatur ta-
lis cõtinuatio, patet doctorem subtilem sensisse necessarium
esse cõtinuare etiam in instanti terminatiuo talis temporis.
Ait. n. in. 2. di. 28. q. unica ad finẽ corporis quãstiois. Quãdo
cunq; autem uoluntas actum præcepti diligendĩ Deum exe-
quitur, licet informis, disponit se de congruo ad gratiam grati-
ficantem, cui oblata uel resistet & peccabit mortaliter, uel con-
sentiet, & iustificabitur. Hęc ille. Cũ autẽ ponat requisitũ cõsen-
sum, ut iustificet, patet secundũ eũ eodẽ instãti deberi cõtinua-
re dilectionẽ Dei, & uitare oẽ peccatũ, quo infundit gratia.

QVARTA CONCLUSIO.

Aliqua sunt præcepta, ad quorum impletionem requiritur
gratiam gratum facientem, saltem natura eam præcedere. Pa-
tet hæc propositio de præceptis suscipiendĩ uel ministrandĩ sa-
cramenta ecclesiã. Vt enim hæc impleãtur, necessarium est ea
nos facere, per quã ueniamus ad Dei gratiam, ut de sanctissi-
mo eucharistiã sacramẽto Paulus explicuit. Et similis est, licet
non par ratio de alijs, Et est hæc propositio cõis in schola, &

I. COR. II.

nominatim eam defendit Durandus in. 2. di. 28. q. 3. et. 4. Et potest adhuc magis confirmari hoc pacto. Peccat mortaliter quicumque sacramenta uel recipit, uel ministrat, non ea prius adhibita diligentia, ut ad ea mundus accedat, & absque ulla noxa mortali. Ergo ad huiusmodi praecepta de sacramentis implenda praequisita est gratia gratum faciens.

Sed contra istam conclusionem argumentantur quidam existimantes Durandum contradixisse sibi. Potest quispiam suscipere eucharistiam in peccato mortali, & non peccare mortaliter, ut & ipse Durandus fatetur in. 4. di. 9. q. 4. & patet de eo qui habet ignorantiam inuincibilem sui mortalis, siue habeat attritionem, siue non. Ergo non praequiritur ad implentionem praecepti de Eucharistia, gratia gratum faciens.

Ad hoc argumentum respondeo. Consequentia nihil ualet. Stat enim quaequam non facere id, ad quod tenetur, & tamen non peccare mortaliter, quia excusatur ignorantia inuincibili. Aliud quod est aliquem ad aliquid obligari, aliud non posse id intermittere sine peccato. Et quia diximus teneri nos ad implendum praecepta de sacramentis in gratia, non bene inferretur semper nos peccare & transgredi praecepta, quotiescunque non implemus in gratia. Excusari enim potest ea transgressio, propter ignorantiam.

Secundo argumentatur alij. Satis est ad digne recipiendum aliquod sacramentum, ut baptismum, & poenitentiam attritio. Alias non satis esset ad consequendum gratiam per haec sacramenta. Ergo non requiritur gratia ad implendum praecepta de susceptione istorum sacramentorum. Non enim amplius ad hoc requiritur, quam satis sit ad digne ea recipiendum.

Ad hoc argumentum breuiter dico. Attritio sufficit ad digne sacramenta ista recipiendum, & consequendum per ea gratiam, siquidem inuincibiliter existimetur contritio, non alias.

Tertio tamen fortius potest aliquis instare contra eandem conclusionem. Potest impleri praeceptum de baptismo per peccatum mortale, ut patet, quia si scienter quis illum recipiat in mortali, susceptione ipsa peccatum est mortale, & tamen per illam fit, ut non teneatur amplius baptizari. Ergo non requiritur gratia ad implendum praeceptum de baptismo. Et simile uidetur de alijs sacramentis.

Ad hoc argumentum, qui tenent praecepta non posse imple-

280 DE NECES. GRA. AD IMPL. DEI MAN:
ri per actus malos facile dicerent non impleri præceptum de
baptismo à suscipiente ipsum, cum conscientia peccati morta-
lis, neq; absolui à recipiendo baptismum, quia impleuerit præ-
ceptum de illo recipiendo, sed quia illum non potest iterum sus-
cipere, quia initerabilis est. Sed quia uideat inconueniēs cōce-
dere non impleri præceptum per actum, per quē absolui mur
ab obligatione illius, & alioqui contra istā opinionē sunt gra-
uia argumenta probātia posse impleri præcepta per actus ma-
los, aliter respondeo. Conuincit hoc argumentum limitare cō-
clusionem de impletione præcepti fructifera, & quæ nō sit pec-
catum mortale. Neq; oportuit hoc addere in conclusione. Ma-
gis. n. conueniebat in ea generaliter explicare quid esset requi-
situm, ut quis sine noua culpa expleret præcepta de sacramen-
tis. Hoc. n. est uere implere hæc præcepta. Si quis tñ diceret nō
esse duo præcepta, præceptum de suscipiēdo uel ministrādo sa-
cramenta, & præceptum de non recipiendo uel ministrādo ea
in mortali, sed unicū duntaxat esse præceptū de suscipiēdo uel
conferēdo ea absq; mortali, is facile etiā posset in omni rigore
defendere nostrā cōclusionem. Neq; scio unde hoc satis queat
impugnari. Consequēter enim diceret non implere præceptū
de baptismo, qui illū recipet in mortali, non quia non possent
impleri aliqua præcepta per actum malum, sed quia præcepta
de sacramentis propter dignitatem ipsorum, sunt de digna &
munda eorum susceptione & collatione. Et duo requirūt. Al-
terum est susceptio uel collatio eorum. Alterum est munditia
in eorū cōtractatiōe. Nihil autē tale in alijs præceptis est neces-
sariū. Neq; uerisimile est à deo uel homine quidpiā tale requi-
ri. Cuius signū est neminē peccare mortaliter cōtra alia præ-
cepta, quia ea impleat in mortali etiā scito & noto. Sed si imple-
tio eorū sit mortalis, uel peccatū aliunde est ab aliqua uidelicet
extrinseca circūstātia, quæ uitiat taliū præceptorū executionē.

QVINTA CONCLUSIO.

Exceptis præceptis de sacramentis, & de illis quæ sunt ulti-
mata dispositiōes ad gratiā ut martirium, dilectio Dei super
omnia, pœnitentia, nullum est præceptū, quod non possit im-
pleri sine gratia gratum faciente, neq; præcedente, neq; comi-
tate. Itaq; qui est in mortali, manens in eo, potest implere om-
nia

nia alia præcepta, neq; unquam hac ratione, ut impleat ea præcepta, necessarium est, neq; tenetur conuertere se in Deum.

Hæc conclusio primo est contra Gregorium Ariminensem, qui tenet in. 2. di. 28. q. 1. et. 2. propter multa testimonia Augustini aliquando peccatores propter sua peccata priuari auxilio speciali requisito ad non peccandum, & nihilominus peccare non implendo præcepta, quia potuerunt antecedenter uita re istâ impossibilitatem. Secundo est etiâ contra alios doctos sanè uiros, quos uidi publice defendere, aliqñ ita graues occurrere peccatoribus tētatiōes, ut eas nō possint uincere, nisi se cōuertant ad Deum, uel orando humiliter ipsius auxilium uel certe disponendo se ad gratiā, sicut p ipsius assecutionem uincant, quod aliàs non possent. Videtur & hæc conclusio contra eos, qui defendunt ad ignoratiā uincibilem, quæ excuset à trāgressione alicuius præcepti, requisitiā esse conuersionē ad Deū sufficientem ad consequendum Dei gratiā. Cuius opinionis fuit pius ille Romanus pōtifex felici memoria dignus Adrianus sextus in quolibeto. 4. Tenetur uero hæc conclusio à doctore subtili in. 2. di. 28. & expressius à. s. Thoma. 1. 2. q. 109. arti. 8. ad primum. & s. Bona. d. 28. 2. ar. 1. q. 3. Et generaliter potest probari hæc conclusio ex experientia, qua uidemus multos perseverantes in mortali implere aliqua præcepta etiâ grauiā, & par uidetur ratio de alijs. Et cum quidquid Deus potest facere cum causa secunda, possit facere se solo, non uidetur dubitandum, quin per auxilium Dei speciale possimus implere sine gratia gratum faciente præcepta, quæ non requirunt ad sui impletionem, ut facientes ea sint Deo grati. Peculiariter autem contra Gregorium Ariminensem potest probari nostra cōclusio ualidissimis hisce argumētis. Primo Paulus dicit ad I. Cor. 10. Fidelis Deus qui non patietur uos tentari, ultra id quod potestis, sed faciet cum tentatione prouentum, ut possitis sustinere. Nulla est ergo tentatio ita grauis circa aliqđ præceptum, ut nō possit etiâ ab existēte in mortali uinci & cōsequenter impleri illud præceptū, nisi a s ipsa uictoria esset dispositio ultimata ad gratiā, ut de poenitētia & dilectiōe Dei sup omnia iā diximus.

Secundo. Vt supra ex Augustino, Hieronymo, & philoso

NN

pho, immo ex ipsis sacris literis ostēdimus, nemo peccat in eo, quod uitare nō potest. Omnia enim peccata sunt uoluntaria, & quæ non sunt uoluntaria, non sunt peccata. Et contra bonitatem & clementiã Dei ineffabilem est dicere imputari ab ipso, cuiquam ad nouã poenã, quod ab agente uitari non potest: Nō ergo peccat nouo peccato, qui est in aliquo mortali, si priuatus sit diuino auxilio necessario ad non peccandū, atq; ea ratione trāsgredit̃ aliquod præceptū. Et ut cunq; daremus posse quēpiã nouū admittere peccatum, per id, qđ uitare non pōt, ut. s. Thomas concedit contingere in ebrijs & dormientibus, certe tñ intolerabile & improbabile est peccare quēpiã nouū peccatum, sic ut nouæ poenæ fiat reus pp̃ illud, si illud uitare non potest. Quo in sensu uidetur defendere Greg. suã opiniōnē. Et loquimur de actuali peccato. Alia. n. est rō de originali. Tertio. Nemini, qđ diu hic uiuit, præclusa est uia salutis. Ut. n. secundum legem cōem, quilibet iustus potest, qđ diu hic uiuit, cadere à gratiã, ita & quilibet peccator potest ad eã resurgere, quã diu hic agit, neq; est desperādum de aliquo ante quã ueniat nox, quãdo nemo poterit operari. Ergo semper peccator potest implere præcepta Dei, neq; unq; propter delicta præcedentia, quātūcūq; sint grauiã, est ei impossibile ea seruare. Ad ostium. n. nostræ uoluntatis stat semper Deus, & pulsat, paratus adiuuare omnes ad suorum obseruantiam præceptorum.

Dicet aliquis ad hæc tria argumenta. Potest quicunq; peccator uincere quascunq; ei occurrentes tentationes contra præcepta Dei, sed nō potest, nisi oret humiliter auxilium diuinū, uel se cōuertat ad Deum, atq; ideo imputantur ei illa peccata, quia cum posset hac ratione ea omnia uitare, nullū uitat. Sed primum omnium hoc non dicit Gregorius contra quem ista argumenta intorsimus. Absolute. n. concedit posse peccatores propter sua peccata incidere in huiusmodi impossibilitatem uitãdi noua peccata. Secundo contra eos qui ista dicunt, & cōtra ipsum Gregoriū stat hoc argumēum. Nulla creatura pōt necessitare uoluntatem utentis ratione. Licet igitur non possit quis implere præceptum aliquod affirmatiuum sine auxilio Dei speciali, non inde tamen sequitur necessario aliquem peccare cōtra præcepta negatiua. Deus. n. neminem adigit in pec-

catum, & nulla creatura potest uim inferre uoluntati nostrae: Atq; ideo neq; erit necessarius recursus ad auxiliū diuinū, uel poenitentiā, saltē ut possimus uincere tentationes contra praecepta negatiua. Quod si propter hoc argumētum quis limitet opinionē Gregorij ad trāsgressiones praeceptorū affirmatiuorum, quorū impletio requirit secundū eū auxiliū speciale, q̄uis ipse non sic limitet, adhuc tamen possumus argumētari cōtra ipsum. Oportet. n. eum cōcedere tunc peccatores peccare omnibus illis peccatis quae postea cōmittūt cū suis peccatis merentur incidere in impossibilitatē uitandi illa. Sed intermisso Gregorio qui nullū, quod sciā, habet hac in opinione, qui eū sequatur, uel defendat, secundo cōtra autores secundae opinionis argumentor. Ex quibusdā peccatoribus patiētibus graues & pares tētationes, quidā uincūtur & succūbunt, alij erecto persāt animo, & eas uincūt, uel per auxiliū diuinū sibi cōicatū, ppter oratiōes suas, uel aliorū, aut ex benignitate diuina, uel etiā per solius sui arbitrij libertatē. Ergo nō requirit, ut peccatores se cōuertāt ad Deū ad uincēdū etiā graues tētatiōes cōtra praecepta, sed possint etiā in mortali eas uincere & implere praecepta.

Tertio. Nusquam probabitur hoc praeceptum, uel orandi Deum, uel conuertendi se ad Deum propter graues tentationes. Ergo q̄uis hoc sit consultissimum & tutissimum, non est tamen asserendum esse in praecepto. Oportet. n. non multiplicare praecepta sine causa. Et praecepta diuina manifestissima sunt & cōpertissima. Neq; Deus ad aliquid obligauit, qd non & ipsum manifestauerit, ut nulla possit esse causatio peccatoribus. Et confirmatur. Non est credendū esse aliquod praeceptū, de cuius trāsgressionē non possit homini constare. Esset. n. hoc contra diuinā bonitatem & prouidentia. Cum ergo sciri non possit quāta debeat esse grauitas tentationū, ut teneatur propter eā homo orare uel conuētere se ad Deū, unde. n. hoc sciamus: sequitur neminē ad hāc teneri propter occurrentes tētationes. Eodē modo etiā potest impugnari opinio Adriani. Potest. n. peccator in mortali perseverās facere oēm diligentiam necessariā ad sciendū aliquid, etiā si nō se cōuertat ad Deū. Nō ergo requisita est conuersio in Deū ad uitādū peccatū, contra praeceptum sic ignoratum, Sed de his latius agere non est hu-

284 DE NECES. GRA. AD IMPL. DIVI. MAN.
ius loci, ideoq; ista satis sunt pro ista conclusione.

SEXTA CONCLUSIO.

Licet quicumq; existēs in aliquo mortali pro aliquo paruo tempore cauere omnia alia mortalia possit, & in eo solo manere, tamen non poterit diu in eo manere, quin etiā aliud uel alia admittat peccata mortalia. Hęc cōclusio tenetur à s. Thoma 1. 2. q. 109. ar. 8. Et ibidē optime explicatur & defenditur à Cardinali Caietano. Defendit & eandē Henricus Gandēsis quolibeto. 5. q. 20. Vbi & dicit hanc fuisse hæresim Pelagianorum, q; homo in mortali absq; gratia existens posset proprijs uiribus perdurare, & non peccare mortaliter, & quod gratia non tam datur, ut peccato quis resistat, quàm ut in bono proficiat. Tenet & hanc opinionē Marli. in. 2. q. 18. art. 2. conclu. 4. Qui & ponit aptum ad hoc exemplum de nauī inter duos scopulos à ualidis uentis agitata, & nauclerum habēte fragilē, debilitatum, & impeditum alijs curis. Et uidetur ante hos oēs eandem sententiam tradidisse magister in. 2. di. 25. et. 6. et. 7. Dicit enim ibi anteq; reparetur hō per gratiā, non posse nō peccare mortaliter, aut dānabiliter. Et quīs doctor subtilis in. 2. di. 23. impugnet istam opinionem, tamē in solutione qōnis nihil dicit contra eam, unde profecto merito dubitari potest de eius sententia, neq; deberet existimari contraria fuisse sententia ipsius, sicut passim existimatur. Fuit tamē, quod negare nō possumus, in ea sentētia. s. Thomas in ea di. ar. 2. Sed reuocauit eā in loco statim citato. Sed utcunq; ista se habeant, prima certe pars huius propositionis satis efficaciter à doctore subtili probatur in. 2. d. 28. Potest. n. peccatori pro aliquo paruo tempore non occurrere nisi unica tentatio, & unum præceptum, cuius impletio non sufficiat ad gratiam. Cum ergo quācunq; tentationem possit uincere, & quodcunq; tale præceptum possit implere, quicumq; perseuerat in mortali, poterit etiā pro illo paruo tempore uitare omnia alia peccata mortalia. Et experiētia hoc notum est omnibus peccatoribus. Non est enim aliquis, ut opinor, ita corruptus & deprauatus, quin aliquo paruo tempore sciat se absq; nouo mortali perseuerasse in peccato. Quod uero hoc non contingat diu, quæ erat secunda pars huius conclusionis, probatur primo autoritate Gregorij dicentis super

Ezechielem: Peccatum quod per pœnitentiam non diluitur, mox sub pondere trahit ad aliud. Et Chrysoſtomus ſuper illa uerba Matthæi. Soluite & adducite, mihi idem uidetur innuere. Ait. n. Sicut nauis fracto gubernaculo non quò uult uadit, ſed quò tēpeſtas impellit, ita homo diuinæ gratiæ auxilio deſtitutus, non agit quod uult, hoc eſt quod uellet, ſed quod diabolus ei intēdit. Et accinere his doctōribus uidet̃ Hieremias in Threnis, cum ait. Peccatum peccauit Hieruſalē, propterea inſtabilis facta eſt. Ex peccato. n. ortam eſſe inſtabilitatē dicit, ut ab uno in aliud labatur, & inflectatur nolens uolens peccatum. Et ita Gloſſa ibi dicit. Nō poteſt diu peccator ſtare cōtra inſultus diaboli, niſi miſericordia domini adiuuetur. Experiētia etiā uidetur hanc partem ſuadere. Nullus enim inuenietur peccator, qui per unum annum perſeuerauerit ſic in uno mortali, ut non etiā admiferit ſaltem alterum. Et argumentum eſt pro iſtis ualde apparens. Cum enim frequentes occurrāt occaſiones peccati mortalis, frequētes tentationes, frequentia pericula, & peccator ſit ſuapte natura imbecillis & fragilis ad reſiſtendum, & pronus ad peccādum, & non unq̃ habeat habitus malos inclinantes eum ad malum, & iam ſemel perfregerit iugum, uerecundiamq̃ abiecerit, & timorem Dei, & ſubiectiōnem & obedientiā, per quæ facile uitare potuiſſet mortalia, & ad hæc finem malum habeat præconceptum, uidelicet, ut nullum aliū certe amorem ſui, in quē ſua omnia dirigat uſq̃ ad contemptum Dei, debilitatamq̃ habeat, & extenuatam rationis uim, ut omnia præmeditet̃, & animaduertat, quàm ſit malum dereliſiſſe dñm, & timorem eius non eſſe apud ſe, quid ſuper eſt, niſi ut indies ſingulos in uerecundior fiat, & obſtinator, & magis attritæ frontis, & peccata addat peccatis, & ſordes ſordibus: Neq̃ cum tot habeat delinquendi incentiua, tã eſt mirandū, ſi nouū aliquod penē diebus ſingulis adijciat peccatum, quàm mirandū eſt, ſi nō multa addat ſingulis horis, & corruptior, deprauator, inquinatiorq̃ fiat. Si. n. de extrinſecis focis uerum eſt illud. Cum ſancto ſanctus eris, & cum peruerſo peruerteris, quō non hoc magis contingit cū intrinſeco ſine malo, cui ſemel conſenſum ſuum, & libertatem tradidit peccator. Certe periculoſior eſt ſemper domesticus hoſtis, & maio-

Matt. 21.

Pſal. 17.

286. DE NECES. GRA. AD IMPL. DIVI. MAN.
rum & certiorum ruinarum causa. Intelligitur tamen hæc se-
cunda pars conclusionis, sicut doctrina moralis, nō de poten-
tia logica, physica, aut metaphysica, sed de potentia moralī.
Ideo. n. dicimus peccatorem non posse diu permanere in uno
peccato mortali, quin alia addat, quia difficilimum est opposi-
tum contingere, & uix aut nunq̄ ex mille peccatoribus unus
inuenietur, qui in solo uno mortali, uno integro anno, aut di-
midio ipsius perseverauerit. Hęc est. n. miseria peccatoris. Hoc
malum & pœna debita eius, qui abiecit timorē Dei. Et de hac
necessitate debēt intelligi testimonia Augustini, quæ Grego-
rius citat pro opinione sua iam impugnata. Et maxime est ue-
rū hoc de eo, qui scit se esse in exitiali peccato, & cōsciū sibi le-
talis adeo morbi, in eo libens, uidentēq; perseverat. Nam qui in
mortali est uincibiliter & culpabiliter, ignoto, posset fortassis
aliquādiu in eo perseverare, quin nouum admittat. Quia pōt
habere uoluntatē obediēdi Deo in omnibus, & in nullo displicēdi,
& per eā se præseruare ab alijs peccatis. Et ex his patere
potest solutio argumentorū quæ sunt in principio q̄onīs. Ad
primum. n. quatenus applicari potest contra secundā & tertiam
& quintam conclusionem, & priorē partē sextæ, dicere possu-
mus satis esse pro uerbis concilij non contingere, ut quispiam
sit diu in peccato, quin transgrediat aliquod mādatum, & ali-
qua esse præcepta quæ nō possint bene seruari sine gratia præ-
cedēte, & generaliter nullum esse, qui seruarit & seruet omnia
mādata diuina, quin sit in Dei gratia. Aliter etiā possumus di-
cere. Gratia iustificationis nō ibi appellat gratia gratū faciēs,
sed generaliter sumitur pro gratia quacūq; per quā Deus nos
iustificat, ut cōprehendat sub se gratiā gratis datā. Cum ergo,
ut supra probauimus. q. 6. non stet quēpiā seruare omnia diuī-
na mādata sine gratia auxiliij specialis, etiā si posset hoc fieri si-
ne gratia gratū faciēte, nihil facerēt cōtra nos uerba ista cōcilij.
Ad secundum uero, quod fuit in oppositum, quatenus con-
tra primam & quartam conclusionem & posteriorem partē
sextæ uidetur militare, dico ipsum conuincere bene posse om-
nia, & singula præcepta impleri sine gratia gratum faciēte de
potentia physica, uel logica uel metaphysica. Quidquid. n. &
quēcūq; actum quo ad substantiam operis possumus cum ha-

bitu, possumus per auxilium Dei sine eo, aliud uero est de potentia morali. Et non est in peccatore impossibilitas seruandi omnia praecepta Dei collectiue, saltem diu ex defectu alicuius habitus, sed ex lege Dei, & ex his quae inter probandum quartam & sextam conclusionem satis explicuimus.

DE NECESSITATE GRATIAE
IN IAM IUSTIFICATIS.

QVAESTIO QVARTADECIMA.



N iustificatis necessaria sit gratia auxiliij specialis ad implendum praecepta diuina, uincendum tentationes, perseverandum in iustitia, & generaliter ad uitandum peccatum & bonum operandum. Videtur. n. ad ista non esse necessariū iustificatis auxiliū speciale, quia al's gratia iustificatiōis esset ualde imperfecta, neq; potētiores efficeret iustificatos, q̄ erāt ante suā iustificationē.

In contrarium uero sunt haec uerba Innocentij primi in rescripto ad conciliū Carthaginense. Omnes sancti sine adiutorio Dei nihil se agere posse testantur. Et paulopost. Nisi quotidianis, quae Christus contulit remedijs freti, cōfisiq; nitamur, nullatenus uincere humanos poterimus errores. Necessse est enim, ut quo auxiliante uincimus, eo iterū non adiuuante uincamur. Et in rescripto ad Mileuitanū cōcilium de Pelagio & Celestio ita dicit. Dei gratiā conātur auferre, quam necesse est etiā restituta nobis pristini status libertate quæramus, quippe neq; aliās diaboli machinas, nisi eadē possumus iuuāte uitare. Hæc Innocētius. Eadēq; diffiniuit Coelestinus primus canone. 6. suæ epistolæ primæ his uerbis. Nemo etiam baptismatis gratia renouatus, idoneus est ad superādas diaboli insidias, et ad euincēdas carnis cōcupiscētias, nisi per quotidianū adiutorium Dei, p̄seueratiā bonæ cōuersationis acceperit. Et cōfirmat hoc ex citatis uerbis Innocētij ad Carthaginense concilium.

Pro solutione huius quæstionis notandum est ante omnia.

288 DE NECES. GRA. IN IAM IUSTIFI.
quæstionē istam cōtrouersam esse inter doctores scholasticos,
Quidā. n. dicunt necessarium esse etiā iustis auxiliū Dei spe-
ciale ad bene operādum. Et hoc tenet. s. Thomas. 1. 2. q. 109. ar.
9. Et sequitur illum Caietanus ibi, immo extendit hoc ad ho-
mines in statu innocentiae. Tuetur etiam opinionem sancti
Thomæ, Gregorius Ariminen. in. 2. dist. 26. q. 1. art. 3. ad. 12. &
di. 29. q. 1. ar. 1. Contrariam uero sententiā aliī defendunt. Et ui-
detur eā innuere Henricus Gandensis in quolibeto. 4. q. 10.
Vbi dicit uirtutes infusas hoc differre ab acquisitis, quòd ac-
quisitæ dant dūtaxat faciliter posse, infusæ uero dant simplici-
ter posse. Vt autem uideamus ultra istarum opinionum pro-
babilior sit, pono aliquot conclusiones.

PRIMA CONCLUSIO.

Aliqua bona possunt iusti sine auxiliō Dei speciali. Hæc cō-
clusio patet. Certū enim est apud omnes, neq; dubium esse po-
test, quin ea possint iusti, quæ possunt peccatores. Cum ergo
supra. q. 12. secuti cōem opinionem docuerimus, posse omnes
homines facere aliqua bona, & uitare aliqua peccata sine au-
xiliō Dei speciali, eadem & poterunt iusti.

Ex hac conclusione corrolarie sequitur, non esse necessariū
auxiliū speciale ad omnia opera meritoria. Probat hoc. Om-
nia opera bona facta ab habente gratiā sunt meritoria, ut pro-
babilius faciemus domino fauente in secundo. Si ergo nō est
necessariū auxiliū speciale ad omnia bona, quæ faciūt iusti,
neq; erit ad omnia meritoria. Et uehementer decipitur Grego-
rius Ariminēsis, cū in. 2. d. 29. q. 1. in responsione ad quoddam
secundū argumentū dicit cōtra oēs esse catholicos, si quis di-
cat nos posse in opera aliqua meritoria absq; auxiliō Dei spe-
ciali, si modo ista referat etiā ad eos qui iusti sunt. Esto. n. requi-
sita sit gratia diuina ad quodcunq; opus meritoriū, neq; suffi-
ciat libertas arbitriī, sicut neq; possumus nos à nostris pecca-
tis, uirtutibus proprijs absq; gratia absoluere, & oppositū fuit
error Pelagiī, ut. s. Thomas docet in. 2. di. 28. ar. 2. tamen obtē-
ta iā gratia iustificationis non oēs catholici senserunt requisi-
tum esse auxiliū speciale, immo oppositum est cōis opinio do-
ctorū scholasticorū, ut iā docuimus. Et expressissime hoc asse-
rit doctor subtilis in. 1. di. 17. q. 1. art. 1. ad primum.

Secunda

SECUNDA CONCLUSIO.

Aliqua sunt opera bona, quæ iusti possunt efficere absq; auxilio Dei speciali, quæ tamen nõ possent neq; peccatores, neq; homines in puris naturalibus constituti. Probat. Per gratiã iustificantem, & uirtutes simul cum ea infusas, augentur uires nostræ naturales, & potentiores efficiuntur. Alioqui frustra darentur & imperfectiores essent uirtutibus & habitibus acquisitis. Ergo aliqua bona poterimus facere iã iustificati sine auxilio Dei speciali, quæ antea sine illo nõ poteramus. Et cõfirmat. Per gratiã iustificantẽ, & uirtutes infusas sanãtur animæ nostræ, & asserunt in libertatẽ, quã perdidimus, & reficiunt, & reformãtur, & reparãtur uires naturales læsæ & uulneratæ p peccatũ, licet hæc nõ fiãt in uia omnino pfecte. Ergo aliquã potentiã ad bene agẽdũ, habẽt maiorẽ iusti quàm peccatores.

Secundo argumentor. Vnũquodq; ualde imperfectũ est, aut frustra est, si nõ confert id, cuius gratia confert. Sed gratia gratũ faciẽs, & uirtutes datur iustis, ut grati sint Deo, & faciãt bonum, & uitent peccatum. Ergo ualde erunt imperfectæ, uel frustra, si non per ista dona possemus aliqua bona operari, & aliqua peccata uitare, quæ aliàs non possemus.

Tertio argumentor pro hac conclusione ex canone. 3. concilij Mileuitani approbato à Cœlestino primo in canone. 10. suæ primæ epistolę decretalis. Qui sic habet. Itẽ placuit, ut quicumq; dixerit gratiã Dei, in qua iustificamur per Iesum Christum dominum nostrum, ad solam remissionem peccatorum ualere, quæ iam cõmissa sunt, non etiã ad adiutoriũ, ut non cõmittantur, anathema sit. Et ponderandum est bene, quòd de ea gratia, in qua iustificamur, & per quam remittuntur nobis peccata, loquuntur patres in his uerbis, quæ quidẽ non uidentur conuenire, nisi gratiæ gratum facienti. Ea enim iustificamur, & eius effectus est remissio peccatorum. Et cum aliter híc loquantur de gratia, quam in canone quinto citato in principio quæstionis. 13. uidẽtur ista uoluisse referre ad gratiam gratum facientem, alia ad gratis datam.

TERTIA CONCLUSIO.

Necessarium est tamen iustis auxilium speciale Dei ad aliqua eximia & præcellentia uirtutum opera, & ut impleant

OO

omnia mādāta Dei, & ne deficient in multis, quæ passim occurrūt, periculis & tentationibus. Prima pars huius cōclusionis probatur. Non enim est uerisimile tantam potestatem esse à gratia & uirtutibus, præsertim non adeo magnis, & iusti ad ista implorant auxilium diuinum, & ei imputant illa, nō suis uiribus, neq; antiquæ gratiæ. Secūda uero pars satis uidet̃ p̃bata ex testimonijs citatis in argumēto ad oppositū. Sed & præter illa eā confirmo ex Aug. lib. de na. & gra. c. 26. Ita. n. ibi ait. Sicut oculus corporis plenissime sanus, nisi candore lucis adiuutus, non potest cernere, sic & homo perfectissime etiam iustificatus, nisi æterna luce iustitiæ diuinitus adiuuetur, recte non potest uiuere. Et ponderandum est, non dixisse Augustinum recte non potest operari, in quam sententiā inuertit hoc testimonium Ariminensis, sed ait recte non potest uiuere, ut intelligamus ad hoc tantum, eum hic dixisse necessarium esse iustis auxilium diuinum, ut non deficient, ut non labantur, sed in omnibus bene sese habeant, & proficiant de uirtute in uirtutē. Et in hunc sensum interpretandus est Aug. cū. c. de correct. & gratia, dicit liberatum gratia diuina, indigere auxilio gratiæ, & cum in. c. 6. de gratia & lib. arb. dicit necessarium esse homini, ut gratia Dei non solum iustificetur impius, idest ex impio fiat iustus, cum redduntur ei bona pro malis, sed etiam, cū fuerit iam iustificatus ex fide, ambulet cum illo gratia, & incubat super ipsam, ne cadat. Et bene ponderat propter hoc scriptum esse in Cant. de ipsa Ecclesia. Quæ est ista, quæ ascendit dealbata, incumbens super fratrualem suam: quia alba facta bene ambulat, sed si super eum, à quo dealbata est, perseveranter incumbat. Potest etiam hoc ipsum amplius confirmari, quia sancti frequenter orant, & postulant humiliter auxilium diuinum ad uincendum tentationes, & implendum mādāta Dei, & ne circūueniantur à satana. Et quo sanctiores eo frequentius & feruentius dicunt, immo clamant cum Dauide. A diutor meus esto, ne derelinquas me, neq; despicias me Deus salutaris meus. Et gratias agunt pro uictoria tentationum dicentes. Visitatio tua custodiuit spiritum meum. Et iterum. Salus autem iustorum à domino, & protector eorum est in tempore tribulationis. Et domine Deus uirtus salutis meæ obūbrasti.

cant. 8.

psal. 26.

iob. 10.

psal. 26.

psal. 139.

caput meum in die belli. Et pro suorum custodia orauit Christus transiturus ad patrem, ut habetur apud Ioannem. Et tã iustos quã peccatores docuit orare fiat uolũtas tua, sicut in cœlo & in terra. Et sanctificetur nomen tuum, & ne nos inducas in tentationem, sed libera nos à malo. Quæ omnia haud quam fierent, aut præciperentur, nisi uerum esset etiam iustos indigere auxilio Dei, & ab ipso habere, quòd declinent à malo, & de suis hostibus triũphent. Si animaduertamus etiam in iustis non esse sanatam perfecte corruptionem & imbecillitatem naturæ, sed etiam post receptam gratiam, adhuc manere in eis carnẽ procliuem, & trahẽtem ad malum, & in intellectu obscuritatem ignorantiæ relinqui, ut non perfecte uideat, neq; cognoscat quid agendum sit, & quid uitandũ, & tanto in eos magis furere hostes, quãto eos uident clariore & sanctiores, nõ erit difficile credere iustis ad hæc, quæ diximus, necessariũ esse auxilium Dei. Vere. n. & ipsi etiã quid orent, sicut oportet nesciunt. Et cogitationes eorũ timidæ sunt, & incertæ prudentiæ suæ, & corpus, quod corrũpitur, etiam eorum aggrauat animam, & terrena inhabitatio deprimĩt sensum multa cogitantem, & cum Paulo, sæpe possunt & debent clamare. In Felix ego homo, quis me liberauit de corpore mortis huius?

Ex hac conclusione potest corrolarie inferri necessariũ esse iustis auxilium Dei speciale, ut perseuerent in amicitia Dei, & iustificationem suam tueantur. Et peculiariter potest probari hoc corrolarium, argumento Augustini in libro de bono perseuerantis, ex quo, & potest firmari conclusio ipsa. Sancti enim instanter, & seruẽter petunt à Deo perseuerantiam in bono. Quod & intelligitur in illa oratione, Sanctificetur nomẽ tuũ, ut Augustinus ibi confirmat ex uerbis Cypriani. Cur autẽ, ut ipsissimis uerbis Augustini utamur, perseuerantia poscitur à Deo, si nõ datur à Deo? An & ista irrisoria petitio est, cum id à Deo petitur, quod scitur non ipsum dare, sed ipso non dante esse in hominis potestate? Et. c. 6. de corre. & gra. ita ait. Perseuerantia, si ab homine homini esset, à Deo poscẽda non esset. Quod autem à Deo ea sit petenda, probat ibidẽ ex expositio-
ne Cyp. super illa uerba. Sanctificẽ nomẽ tuũ. Et cũ uideamus ex iustis quosdã p̄seuerare, alios nõ perseuerare, signũ est ali-

o o ij

Ioan. 17.

Matt. 6.

Rom. 8.

Sap. 9.

Rom. 7.

quid amplius à gratia, & uirtutibus requiri, ut iusti perseuerent.

Sed contra istam conclusionem, & hoc corrolarium potest fieri argumentum apparens huiusmodi. Adam in statu innocentiae potuit sine auxilio Dei speciali perseuerare in eo statu, & implere mandata Dei. Sed plus est nobis restitutum per donum Christi, quàm amiserimus per peccatum, ut Paulus luculenter edisserit ad Romanos. 5. Vbi. n. abundauit delictum, superabundauit & gratia. Ergo iusti per gratiam Christi habebunt, ut possint in ea perseuerare, sine aliquo alio auxilio Dei speciali. Hoc argumentum dissoluit Augustinus in lib. de natura & gratia per hoc, quòd multi modo accipiunt pro Christi merito donum gratiae, per quod perseuerare possunt, & cum Adà non acceperit, ut perseueraret, ipsi insuper hoc accipiunt, ut perseuerent.

Fortius tamen ex his quae diximus in hac propositione, & in probatione ipsius potest quis secundam conclusionem & primam impugnare hoc pacto. Iusti agunt gratias Deo de cuiuscumque tentationis uictoria, & de omni opere bono, quod operantur. Implorat etiam humiliter ad omnia auxiliū Dei, & sicut ex Innocentio citauimus, nihil se sine illo agere posse testantur. Et ideo in Apocalypsi, Ioānes uidet sanctos coronas suas ante thronum Dei mittere, quod exponens Grego. 22. Moraliū cap. 4. dicit coronas suas ante thronum mittere, est certaminum suorum uictoriam auctori suo tribuere. Ergo non solum ad haec, quae diximus in hac propositione, sed ad omnia prorsus bona, & ad quaecumque & qualiacumque peccata uitandū, indiget prater gratiam quam habent, & uirtutes, etiam ope coelestis auxiliij.

Ad hoc argumentum respondeo. Consequentia nihil ualet. Ut. n. iusti teneantur Deo gratias agere de omni bono, quod faciunt, & de omni malo quod uitant, satis est si haec habeant per gratiam, & uirtutes sibi infusas, & non per libertatem arbitrij. Ad coeleste enim auxilium reducitur, quidquid eis Deus per haec adminiculatur, & praestat. Et praterea licet peccatores in sensu, quem exposuimus. q. 13. possunt singula mortalia uitare sine gratia gratum faciente, sed non possunt omnia, & iusti possunt singula uenialia uitare, sed non omnia, ita non est inconueniens, si dicamus posse iustos sine auxilio nouo speciali facere quodcumque bonum exceptis supernaturalibus, & nimium

præcellentibus operibus, & implere quodcunq; præceptū, & uincere quācunq; tētationē nisi forte maximā aliquā, & uehementissimā, & rarissimā, & tū non posse sine tali auxiliō omnia bona facere, omnia peccata uitare, oēs tētatiōes uincere, omnia p̄cepta implere. Et p̄ hæc poterit respōderi facile ad omnia testimonia sanctorū, quæ Ariminēsis & qui sequuntur eū, cōtra nos allegāt. immo posset etiā fortassis nobiscū concordare sanctus Thomas. Neq; n. ideo est necessarium credere eum ad oē bonū opus requisisse in iustis speciale auxiliū, quod dixerit iustos indigere auxiliō speciali ad recte agendum. Satis. n. pro his est si eo indigeant ad supernaturalia opera, & ad implendum omnia sibi præscripta, & uincendū oēs tētationes. Neq; scio quo pacto aliter, & ipse cum seipso possit cōcordare, cum & ipse expresse dicat in tertia pte suæ summæ. q. 62. ar. 6. ad. 3. minimā gratiam posse resistere cuicunq; tētationi, & eā superare. Neq; placet quod quidam ipsius studiosus dicebat, hoc ideo esse, quia minime gratiæ adiūcta sunt specialia omnia auxilia ad hæc requisita. Hoc. n. & falsum est, & sine fundamento dicitur, neq; ad defendendū. s. Thomā sufficit, quādo ipse ipsi gratiæ hāc tātā præcellentia tribuit, nō annexis auxilijs.

DE PERSEVERANTIAE MERITIS.

QVAESTIO QUINTADECIMA.



An iusti mereri possint suā in bono perseverantiam. Partē affirmatiuā suadet hoc argumētū. Plus est mereri augmentū gratiæ & impeccabilitatē, q̄ mereri perseverantiā. Plus. n. est nō posse peccare, quā nō peccare. Sed iusti per sua bona opera merentur augmentū gratiæ, & ut supra disputauimus, ipsam beatitudinē æternam, de cuius ratione est impeccabilitas. Ergo multo magis poterunt mereri suam perseverantiā.

Sed contra est quod multos uidemus iustos deficere, neq; perseverare in gratia recepta, etiam si multa habuerint opera meritoria. Id autem quod quisq; meretur, sine dubio obtinet,

nisi impediatur per peccatum. Si uero quis meretur perseverare, neque hoc meritum impediretur per peccatum. Directe enim opponitur perseverantiae peccatum letale.

Ad hanc quaestionem Pelagiani, ut facile potest colligi ex disputatis quaestionibus, affirmatiue responderent. Longe tamen ab eis diuersa respondent. s. Thomas in. 1. 2. q. 114. art. 9. Concedit. n. ibi perseverantiam patriae cadere quidem sub merito, sed perseverantiam uiae, de qua una modo disputamus, dicit neminem posse mereri, neque ex condigno, neque ex congruo, sed gratis eam Deum elargiri cuicumque ei placet hoc tantum bonum tribuere. Quia perseverantia uiae, dicit, pendet à motione diuina, quae est principium omnis meriti. Sed mihi bona uenia tanti doctoris duae conclusiones uidentur probabiles in hac quaestione.

PRIMA CONCLUSIO.

Nemo potest mereri de condigno perseverantiam uiae.

SECUNDA CONCLUSIO.

Possunt tamen iusti eam mereri ex congruo, non tamen ex propriis uiribus, hoc. n. Pelagianicum est, sed ex gratia & benignitate Dei.

Prima conclusio probatur. Nulla. n. est lex facta de hoc. Meritum autem de condigno, ut supra diximus. q. 4. requirit legem. Et sicut nullus potest mereri de condigno obstinationem in malo in hac uia, nulli. n. in ea praclusa est uia salutis, alioqui non in uia esset, sed in termino, ita uidetur neminem mereri posse de congruo tantum & tam excellens bonum. Si etiam hoc mereri quispiam posset de condigno, cum meritum de condigno semper habeat suum effectum, posset ergo aliquis propter merita sua uenire ad hoc, ut non posset perdere gratiam Dei, quod quidem magis est patriae, quam uiae, neque cuiuspiam in uia contigit, nisi ex mera gratia Dei.

Secunda conclusio potest effici probabilis hoc pacto. Iusti aliquando obtinent perseverantiam in bono, & sibi & alijs propter humiles & feruentes orationes suas, & propter alia pia & precellentia opera, quae ad hoc faciunt, & in hunc finem dirigunt, ut hoc donum consequantur. Ergo merentur ex congruo hoc beneficium. Nihil. n. deesse uidetur, quominus dicatur illud mereri, cum & ipsi digni sint ea gratia, & Deus eam illis elargiatur propter suas orationes, & bona opera. Neque ualet instantia sancti Thomae ubi supra. Peccatores enim, ait, impetrant gratiam quam non

merentur. Vt enim demus peccatores nullo modo mereri gratiā, discriminē est magnū inter peccatores, qui digni nō sunt nisi supplicijs, & iustos qui ex hoc q̄ filij sunt Dei, & amici ipsius digni sunt omnibus, quæ Deus statuit ipsos posse obtinere p̄ oratiōes, & pia studia, & sanctos labores, & bona exercitia.

Secundo potest hæc conclusio cōfirmari. Iusti, ut supra docuimus, & s. Thomas aperte fatei ibidē arti. 6. possunt peccatoribus mereri primā gratiā ex cōgruo. Ergo multo magis iustis alijs, uel sibi poterūt mereri ex cōgruo p̄seueratiā in bono, quod quidē minus esse uidei q̄ primū. Maior. n. est gratia, peccatorū iustificatio, quā p̄seueratiā iustorū. Adnitatur igitur iusti, certā facere per bona opera uocationē suā, & pijs studijs, & orationibus intēti, & humiliter, & feruenter postulēt à Deo, ne unquā ab eo derelinquantur, & despiciātur, neq̄ auertat faciē suā ab eis. Exorari. n. se uult, & promereri Deus. Et qui dedit uelle, dabit pro sua uoluntate perficere.

Et hæc satis poterūt esse pro toto isto opusculo de iustificatione & meritis. Modū enim iam excessit opusculi, & ut ingenue uerum fatear, amphoram quidē instituere cceperā, & cur rēte rota, iā urceus exijt. Et alioqui quæcunq̄ aliæ quæstiones curioso lectori occurrere possunt, quæ ad hoc argumentū pertineant, nisi me fallit memoria, ex dictis solui utcunq̄ possunt. Exacte. n. & ad unguē nō est uisum cōmodum in hoc tractatu eas seorsum disputare. Illuminet dñs noster Iesus Christus, lux uera & salus unīca mundi, omnium, qui hæc legerint, mentes, molliatq̄ corda eorū, qui obstinati sunt, ut ueritatē intelligāt, & qua caritate & amore salutis eorū, ista scripserim agnoscat, & si quopiā adhuc tenent circa hæc errore, resipiscāt à diaboli laqueis, adiuuāte ipsius gratia domini & saluatoris nostri Iesu Christi, cui sit honor & gloria in sæcula sæculorū. Amen.

F I N I S.

Venetijs expensis hæredum Lucae Antonij Iuntæ.
Anno domini. 1546, die. 6. Maij.

Castigatio omnium, quæ sunt deprauata, diminuta
ta ue, aut redundantia in hoc libello.

- Pag. 8. línea. 14. lege accipimus pro accepimus
Pag. 11. línea. 2. lege dicit pro dicat,
Pag. 13. línea. 18. lege inuenere pro inuenire
Pag. 17. lin. 32. leg. crudelitatis pro credulitatis. & li. 34. lege
sed fidē pro per fidem, & li. ultima lege spiritu pro spiritus.
Pag. 19. li. 9. lege affectui pro effectui, & li. 15. abūdat ac inter
debilitemus & obruamus, et li. 18. lege diripiunt, p decipiūt.
Pag. 20. línea. 20. lege qua pro quia, & línea ultima lege re-
spicit pro respuit.
Pag. 22. línea. 29. lege eiusmodi pro huiusmodi.
Pag. 24. línea. 2. lege cui pro sui.
Pag. 25. línea 3. lege eum pro cum in 2. loco.
Pag. 26. línea 26. inter perpetuo, & constare lege secum.
Pag. 31. línea ultima lege credentis pro credenti.
Pag. 32. línea 14 lege quidam pro quidem.
Pag. 35. línea 32. lege tradendos pro tradentes
Pag. 37. línea penultima, lege subdit pro subditur.
Pag. 50. línea penult. lege eum pro cum.
Pag. 52. línea 29. inter et, & corde lege in.
Pag. 53. línea 3. lege Certe enim pro certe.
Pag. 54. lin. 4. lege superædificat pro superædificet,
Pag. 56. línea. 9. lege Tam pro iam.
Pa. 58. lin. 32. inter iustificationem & sufficientiam adde ex se.
Pag. 61. línea. 21. lege supercilium pro superalium.
Pag. 66. línea 9. lege uideff pro uideff.
Pag. 69. línea 20. lege confirmari pro consumari, & in princi-
pio línea 23. inter nos & iustificari deficit non
Pag. 73. línea 32. lege contra pro antea
Pag. 75. línea 13. lege hoc pro hæc
Pag. 76. línea 24. lege exoluentibus pro excludentibus, &
línea 30. lege ideo pro adeo
Pag. 77. línea 3. lege Dicet pro dicit, & pro esse exclusam
lege fuerit exclusa.

PP

Pag. 78. línea 14. possemus lege pro possimus.
 Pag. 80. línea 24. lege utrunq; pro utranq;, & línea. 32. lege
 liberabit pro liberauit
 Pag. 81. línea. 29. inter factores & iustificari abundat legis.
 Pag. 86. línea. xi. inter ex & cap. deest Augustino.
 Pa. 88. li. 5. lege opponeret, probaretq; pro exponeret, proba-
 ret quod, & línea. 15. lege Noli ei pro Non ei.
 Pa. 89. línea 12. lege praua pro pauca.
 Pag. 92. línea ultima lege Aut pro Ait
 Pag. 96. línea 6. lege prius tradita pro præmissa eis
 Pa. 99. línea 20. lege purificata pro purificasse
 Pag. 100. línea. 8. lege argumentor pro arguitur.
 Pa. 102. línea 27 lege potissimam non potentissimam
 Pa. 110. línea 27. lege fuerunt pro fuert.
 Pa. 118. línea 29. lege in margine Eckius pro Elzius
 pag. 120. línea 33. lege impugnarunt pro impugnarant
 pag. 121. línea 9. lege dicit pro dici, & línea 14. lege reliquijs
 pro reliquis.
 Pa. 134. li. 5. lege Eckius pro Elzius, & línea 7. sic pro sit
 Pa. 143. línea 21. Arausicani lege pro Arausiani
 Pa. 147. línea 28. lege ea de re. pro eadem re.
 Pa. 148. línea 3. Nemrod pro Nemroth.
 Pa. 150. línea 30. quadam pro quedam.
 Pa. 152. línea 13. lege sine pro siue.
 Pa. 156. línea 22. lege qua pro quæ.
 Pa. 168. línea 7. pro priore sic lege sit & lin. 13 lege ego dignus
 sum pro ego sum, & línea 22. quis pro quia
 pag. 170 línea 7. Sic lege pro Sit
 Pagina 176. línea 20. post uerbum potest addendū statim est,
 quid dicendum sit
 Pa. 181. línea 4. lege respondentis pro respondens
 Pa. 185. línea 17. lege communior pro communiter.
 Pa. 190. línea 31. lege quæ est gratia, pro quæ gratia
 Pa. 192. línea 13. lege nobis pro uobis, & li. 24. male pro mala
 Pa. 194. li. 16. lege quia pro quare & li. 33. decere pro dicere.
 Pa. 200. línea 33. lege respondet.

Pag. 213. línea penulti. lege inueniri pro reſperire
 DD. 3. pa. 2. línea 33. lege cum. pro eum.
 DD. 4. página 1. línea 20. lege eę pro eas.
 Página 222. línea 8. abundat in
 página 223. línea 33. deest in principio. Verum
 Página 227. línea 5. lege quod pro quid
 Página 228. línea 25. possunt lege pro possent
 pag. 230. li. 26 post uerbum assensus deest indigebant
 Pag. 231. línea 2. lege abdite. pro additæ & línea 21. procliuiſ:
 pro procliuius.
 Pag. 232. línea 4. lege beneficum pro beneficium:
 Página 233. línea 19. lege possit pro posita.
 Pa. 234. línea 31. lege propitiantē pro proprietate.
 Pa. 236. lin. pen. post uerbum constare addatur, ad euadendū
 mortem temporalem uel æternam.
 Pa. 237. línea 12. lege inclinabantur pro indicabantur.
 Pag. 247. línea 7. quotidianos. lege quotidie, nos.
 Página 258. línea 1. Rudes. lege Rudis.
 Página eadem. lin. 12. efficientiam lege efficientia:
 Pag. 267. circa finem. gunfila. lege lingula.

Regiſtrum.

A * A B C D E F G H I K L M N O
 P Q R S T V X Y Z A A B B C C D D
 E E F F G G H H I I K K L L M M N N
 O O P P Omnes sunt duerniones præter
 * ternionem, P P autem simplex est chartula.

pag. 217. linea penultima lege iunctura pro reserata
D. 3. pagina 2. linea 20. lege cum pro cum.
D. 4. pagina 1. linea 20. lege et pro et.
Pagina 22. linea 2. abundante in
Pagina 23. linea 3. dicit in principio. V. cum
Pagina 27. linea 2. lege quod pro quid
Pagina 28. linea 2. lege polluitur pro polluit
Pag. 30. li. 2. dicitur verbum aliter dicitur indigebant
Pag. 31. linea 2. lege abdit. pro abdit & linea 2. pro dicitur
pro dicitur.
Pag. 32. linea 4. lege dicitur pro dicitur.
Pagina 33. linea 19. lege pollit pro pollit.
Pa. 34. linea 3. lege propitane pro propitane.
Pa. 36. li. pen. dicitur verbum coniare ad datur. ad curandum
mortem dicitur pro mortem.
Pa. 37. linea 12. lege dicitur pro dicitur.
Pag. 44. linea 2. dicitur verbum lege dicitur.
Pagina 28. linea 1. Rudes lege Rudes.
Pagina eadem li. 12. dicitur verbum lege dicitur.
Pag. 57. circa finem. gaudia lege gaudia.

Registrum

A * A B C D E F G H I K L M N O
P Q R S T V X Y Z A A B C C D D
E F F G G H H I K L L M M N N
O O P P Omnes sunt dictiones prae
e tantum, P. autem duplex est dictionis.

005647187

